





北京大學《儒藏》編纂與研究中心

圖書在版編目(CIP)數據

儒藏. 精華編. 一六三/北京大學《儒藏》編纂與研究中心編. 一北京:北京大學出版社,2014. 3

ISBN 978-7-301-11881-8

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字(2014)第 028310 號

書 名: 儒藏(精華編一六三)

著作責任者:北京大學《儒藏》編纂與研究中心 編

責任編輯: 翁雯婧 王 應

標準書號: ISBN 978-7-301-11881-8/B • 0567

出版發行:北京大學出版社

地 址:北京市海淀區成府路 205 號 100871

網 址: http://www.pup.cn 新浪官方微博:@北京大學出版社

電子信箱: dianjiwenhua@163.com

電 話: 郵購部 62752015 發行部 62750672 編輯部 62756694

出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 31.75 印張 300 千字

2014年3月第1版 2014年3月第1次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup. pku. edu. cn

教育部哲學社會科學研究重大課題攻關項目

北京 大學,「九八五工程」,重點項目國家,社會,科學,基金,重大,項目「十一五」國家重點圖書出版規劃項目,重大工程出版規劃

《儒藏》精華編第一六三册

首席總編纂 季美林

項目首席專家 湯一介

湯一介 魔 樸 孫欽

總

編

纂

孫欽善 安平秋

秋 (按年齡排序)

册 主 編 張希清

本

精華編凡例

則 爲 的 儒 典籍的 家經典 、中國傳統文化以儒家思想爲中心。 和 叢 編。 反映儒家思想、體現儒家經世做人原 收書時限自先秦至清代結束。 《儒藏

一、《儒藏 精 華編爲《儒藏》的 部分,選收《儒

藏

学

的精要書籍

漢文寫作的儒學著作,編爲海外文獻部 寫者 互見。 已收入入選的個人叢書或全集者,僅存目録,並注明 分類法分類,大類、小類基本參照《中國叢書綜録》和 土文獻。 中國古籍善本書目》,於個別處略作調 三、《儒藏》精華編所收書籍,包括傳世文獻和 律收其釋文文本。 出土文獻單 傳世文獻按《四庫全書總目 列爲 韓國、日本、越南儒學者用 個部 類,原件以古文字書 》經史子集四部 類 整。 凡單 書 出

> 編,不改編,保持原書的完整性和 四、所收書籍的篇目卷次,一仍底本原貌,不選 獨 立 性

勘價值的版本爲校本。 確定内容完足、精確率高的版本爲底本,精選有校 五、對入選書籍進行簡要校勘。 出校堅持少而精 以對校爲 主

以

校

IE.

誤

爲主,酌校異同。 六、根據現行標點符號用 校記力求規範、精煉 法,結合古籍 標 點通

外,其他一律省略。

例,

進行規範化標點。

專名號除書名號用

角

號(《》)

落。 正文原已分段者,不作改動。 七、對較長的篇章,根據文字内容, 千字以 適當 内的 劃 短 分段 文

般不分段。

出 及其他有關 及整理時所確定的底本、校本(舉全稱後括注 介紹作者生平、該書成書背景、主要内容及影 現順序前詳後略 八、各書卷端由整理者撰 情況。 重複出現的作者,其生平事蹟按 寫《校點說 明》, 響,以 簡 簡 稱 要

九、本書用繁體漢字豎排,小注 律排爲單行。

凡 例

《儒藏》精華編第一六三册

史部 傳記類

總録之屬

國朝宋學淵源記[清]江	國朝漢學師承記[清]江	孟子事實録〔清〕崔 述	洙泗考信餘録[清]崔 述	洙泗考信録[清]崔 述
藩	藩	209	127	1

洙泗考信録

[清]崔 述 撰 東 校點

世	歸	洙	晶	F
考終	歸魯下	洙泗考信録卷之四	歸魯上	反衞
: 九 六		: 九 〇	: 八 二	: 七九

校點説明

乞休。 俗 上 卒,年七十有七。 船 任 餘 選 群 河 授福 羅 杭 爲 修繕文廟 數千金作爲緝 書,里人驚爲奇才。 北大名府魏縣人,著名辨 歸 源 崔 既歸, 賊,崔 知 税 建羅源縣知縣,當時 述(一七四〇一一八一六),字武承,號 縣 向 邑 有贏餘, 訓 往來河 述 人懸彩頌 屢次爲之平反。 盗 課講學,從未懈怠。 《清史稿》有傳。 公費,自己每天 北,以著述自娱。 人皆視爲利藪,崔 乾隆二十七年舉人。 德,夾道 僞 武弁多藉海 學者。 不久調 歡 迎。 食蔬飲 嘉慶六年,老病 幼 嘉慶二十一年 述却 承家 任 寇邀功, 崔 F 粥。 述 以 杭 嘉 學,博覽 革 關 慶初, 東壁 知 後復 税所 誣 除 縣。 弊 商

口 的 以 辨 僞 説 崔 崔 原 述畢生致力於考辨經史,他堅持「無徵不 則 述 凡 在 事 其 有 可疑者 生治學 ,必尋根 中 直 堅 究底 持 這 絶 種 不輕 可 貴 信 信。 的

> 子 求 録 事 》、《商考信 真 實 求 録》等,於《洙 實 精 神。 録》、《豐鎬考信録》、《洙泗考信 主 小泗考信. 要 著作 録》一 有《考古 書 用力尤勤。 提 要》、《夏 録 考 信

作

後由門人陳履和彙刻爲《東壁

遺

書》。

多 深 重 以 將 況 是 有精 有關 之目 參 其 要參考資料,價值很 入,自謂 證,不合者則 懷 洙泗考信 着使 闢之處。 孔子的記載按年代編排,凡傳、注與經合 的 而寫 「折衷於孔、孟、取 世人瞭解 就 録》凡四卷、爲 此書爲研究孔子生平事蹟及思想的 的。 加 以 真 此 考辨。 高。 書主要考訂孔子生平事 實 孔 子,改 信於《詩 崔 對《 述早年代表性 論 變「邪 語 的 説 辨 誣 析 著作。 者予 持 尤 蹟 爲

大膽 來,隨 道, 有 的 學説 歸 既與其 三皇 懷 由 着疑古風 於崔 疑 在 五 戰國、秦漢古書中 清 時 帝的 述之學在當時 代 儒學多不相 學 氣的盛行,崔述聲名大顯。 各 術 種 界 傳 没 説,而且 有 容,又 關 漢 産 於上 生很 學 通 無益於科 家 一古的 過 眼 大 考 裏只是 影 證 記 響。 三皇五 舉, 載,否定了 考信録》 旁門 近 所 世 以 帝 他 外 以

則 得出「其 主要是因爲「大抵 煩」及「世 其 取 捨 識 近愈近 益 愈下 慎 世世 而史追 則 愈晚則 古人多貴精 其稱引愈遠,其世愈後則 述益遠」 其 採 的 擇 後人多尚 愈雜」。 結 論。 崔 顧 博 述 頡 其 指 人傳聞 世 剛 出 愈古 繼 承 愈 這

發

展了

崔

述

的

這

此

觀

點

谁

而

提

出

其

考

辨

古

史

古

籍

的

著名理

論

層

累

説

上, 掀

起了

探索可

信

古史

體

系

的

壁之 彩。 録》,二人有很 古史辨」 」運 學 誠 動的 傳 如 錢 運 先驅,他 動,其 穆 不 先生在《崔 深 廣 的 治史方法、内容多承 的 學 存矣而 辨 術 僞 淵 東 思想在 源 不著, 辟 器 土遺書 係。 浮 近 沉 序》中所説: 代學術界大放 崔 淹没於書 繼崔 述 可 上述《考 謂 一古 海 之 東 光 史 信

考」的 處 偏 爲 認 處爲 頗。 衡量 爲「聖人之道,在『六經』而已矣」,所以 誤 古 第 是 區 聖 非 崔 腎 的標準, 述 第三 他 曲 還 的 護 以 學 他 理 進 術 這 經經 想 而否定諸子之書,這未免失之 思想也 使 常常 化 他 以 的 有 情 聖 有 時 理 其局 人 來考 又 標 陷 限性: 冰準」進 信 入「先信 以將「六 古史, 一行考 第 八經」作 每 而 辨 每 後 他

> 出 現以已度人,以今度古的 況

卷 在 九 述自乾隆 於南昌,稱南昌 數 初 _)° 也 刻 洙泗考信 由 本 嘉慶二年(一七九七)由其門 Ŧī 原 的 + 來 基 六 的 礎上又 録 初刻本,凡六卷。 年完成《洙 六卷 》初 稿 改 進 爲四 行了 完 成 泗 於 卷, 修 考信 乾 訂 稱 嘉 隆 録 南 重 慶 五 昌 刻 人陳 人十年 + 初稿之 修 於 六 履 刻 南 · 陳 年(一 和 本。 昌 H 刊 履 起 崔 和 七 而 刻

就開 本 該 都只 書的 始了 是崔述的 定 本。 修 改 和 故 初 而,上 删 稿。 訂 I 一述的 定本 作, 最 南 的最早 昌 終 於 初 刊 刻 嘉 刻是 本 慶 + 與 在 南 五 年 嘉 昌 慶二 修 完 成 刻

十三年,由 爲太谷刻定本。 陳履 和 道光四年(一 的 門 生 孔 廣 八二四)陳履和又在 沅 刊 刻 於 Ш 西 太 谷, 稱 東

底

者又百年,乃迄今始大顯。」

矣

而

陽 年(一八七九),王 重新校訂 刊 刻了定 源 翻 本,稱 刻 東 陽 東 重 陽 刻 重 定 刻 本, 定 本。 並收 光 入《畿 緒 五

輔 叢書》。

此 的 外, 熟 悉 陳 陳履和 履 程 度 和 和 前 的 後三 前 後 生爲其師 校 次 勘 刊 刻《 出 版 崔述的 洙 的 泗 經 考 驗 諸 信 明 多著 録 顯 高 作 他 於 的 對 他 刊 該 刻 書

參考價值,故而可以作爲校本。 它是崔述的初稿,雖然不能作爲底本,但仍有一定的 精校精刻的本子,可以作爲校本。至於南昌初刻本, 失爲最佳的校本。 昌初刻本。太谷本雖稍遜於東陽重刻定本,但仍不 陽重刻定本作爲底本。 細與熱心也是他人無法相比的。 出版付出了大量的 簡稱太谷本)、《畿輔叢書》本(簡稱《畿輔》本)和 《畿輔》本雖屬 心血 校本選 與財力,在校勘過程中 取三個: 所以本次校點以東 翻刻,但也是經 太谷刻定本 的 调 南 仔

點者 貫德永 樊 東

校

重 刻洙泗考信録序

世

尊之而: 粲 子莫 夫尚 何有 皆有 有 孔 知 事 伸己 然 識 其 子 則《史記· 不 曠 之 孔子爲: 所記 時 友者且當如是, 人,可乎? 於餘子? 知其 説 陰詆之,依托附 + 然 列國之君 述。 也 雖 二千年來,展 爲 萬世師,其道載於六經,而其行 或 世家》外、《家語》、《孔叢》諸 然《世家》之言已不能 聖。 隨 堯、舜、禹、湯、文、武、周公之 孟子曰:「誦其詩,讀其書,不 是以 事 雖 及乎戰國,異端 糾 不能 而 論 Œ 會,思欲凌駕其 況乎萬 其世也,是尚 轉相傳,真 而 顯 沿襲 其 身,而賢人 世之師? 既 (偽雜 久, 競起,陽 無謬妄, 友也。」 上,以 未 出 能 君 當 書

最

事 道 苟 備 滋 於孔 疑 道 子之身,一 因 而 晦,考信之功,曷 言 一動 莫 非道之見端 可 少

卒。 其《三代考信録》,而以 越十 未及付梓。孔生廣沅,介存之門人 之功、與諸録等。其門人陳介存刻於南 孔子之事别 夏、商、周之事 篤,受書於介存 紕 餘年,東壁覆 介存之官太谷,就東 謬之説 大名崔東壁 爲《洙泗考信録》四卷,正譌 因 皆録 疑 熟讀三代聖賢之書,盡袪後 加審定, 而 而 而 出 辨之,題曰「考信」。 徵 貲 憂去官,《 信、於上古、唐、虞、 刻 壁 欲 家求 之。 重 刻 洙 得 之,未 請 泗》 之, 序 也,行誼 於予, 就 甫 闢 録 刻 而 而

爲予嘗序其《三代考信録》也

學,此盛則彼衰。 其 亂,古學遂湮。 所學,遭秦歷漢,師承 自孔子設教洙、泗之間,七十子 唐、宋以來,詞章 其弊也,記 不絶。 誦 繁蕪 晉氏 義 理 而 之徒 永 寡 嘉 括之 喪 傳

亂經 不知其爲人,不能考其先後,辨其真僞,僞學 行 議 潦矣。 憾 論 而 也。」此其著録之大指 馳 不 騁 崔東壁曰:「學者日讀孔子之書,而 ·知,邪説誣聖而不覺,是亦聖道之 而 無 根, 洙、 泗一源,不啻流 也 爲潢 汙

得 哉 ! 也。 孔生復從予遊,爲予與介存少同學,長同 傳,庶幾古人師承不絶之義乎! 然 孔 注生師 則是書之傳,豈 介存,介存師 不 東壁,皆能 由 於 師 介存歸里, 友之相 不負 遊 所

嘉慶戊寅歲九月望日,浪穹王崧舊名藩

樂山

撰。

洙泗考信録卷之一

大 名崔述東壁謹考 石屏門人陳履和校刊

敢以 屏 陳履 自信。 初,余爲《洙泗考信録》 和,見而鈔之。既 壬子秋,偶 攜 而 至 履 京 既 和 成,尚 師, 隨 任 遇 石 未 江

授梓,寄至羅 西,余亦選得閩之羅源。履和遂於 源。 然是時余已多所增 南 昌

乃 易,與初本不同。 復益 加删 改,録爲定本。 既歸 河北,山 以貧,未及 居 無 事

梓也。 其首尾,弁於簡端。 恐閱者以兩 本互異致疑,故特誌 庚午二月,述自識

原

始

弗父何以 有宋 而 授厲公。 事在 春秋前, 文在

《左傳 》昭公七年。

牆 鼎銘 而 走,亦莫余敢 云:「一命而僂,再命 正考父佐戴、武、宣,三命兹益共,故其 侮。 饘於是,鬻於是,以 前 偃,三命 前 俯循 餬

余 П 「。」同上。

備覽○正考父校商之名頌十二

周大師,以《那》爲首。《魯語

此雖 無害於理,然難竟 按"《國語》皆後 人所撰, 信,故别之以備 往 往 失實。

覽。 後凡稱「備覽」者並 倣 此

宋穆公疾,召大司馬孔父而屬殤公焉。

左傳 》隱公三年。

春王正月戊申,宋督弑其君與夷及其大

一篇於

夫孔父。《春秋》桓公二年。

家。 堪命。 死 則 父而弑 之不堪命,先宣言 焉。 殤 殤公知孔父死,己必死,趨而救之,皆 公不可 存 《公羊傳》桓公二年 殤 孔父嘉 存疑〇 疑 公、召莊 ○宋殤公立 得 而 督將 爲 弑 司 티 : 公於鄭 也,故於是先攻孔父之 弑殤公,孔父生而 馬,督爲 司 + 而立之。 馬 年 則然。」已殺 <u>+</u> 大 (宰,故 戦, 《左傳》相 民 因 存 孔 民 不

也? 前。 牧、 公羊、左氏 秋》之策,宋大夫之不 華孫」、曰 不稱名遂 荀息同 穀梁 臣既 按: 氏 孔父之死,經但 司 死,君 因爲 足 而 \exists 以 馬 : 三傳皆 原夫孔父 二、「司 信 不忍 其 何 (爲先 以 以 城 稱 稱名者多矣, 知 二者比 爲 其名。」夫《 書「及」,與仇 所 死 其 在 以以 乎 先 弑 哉 比 殺 先死之 殤 也 公 孔 春 父 僅 之 mi

> 於左氏 足爲 録。 亦近人情。 故,正色立 仍 據 别 也。 目 爲辨於左: 朝,其論 逆」之説,荒謬已甚。 然竊意其皆出 故 附 次 甚美。 於經,以俟 於臆度,恐不 即督之宣言, 考焉。 故今不 至

左氏「目逆」之説,二傳無之。

哉 ? 之家出 不能 皆恐人之見之也。 爲婦人,蒙衣乘輦而入於閎, 良夫蒙 王 督安得見之而目逆之也哉? 鮒二婦人輦以如公; 見,明甚,督安得見之而 余按: 此 猶必 衣 誣 而 古 古者婦 擁 乘 人之大者,且 以 蔽 其 如孔 是古者婦人之出,人 人 面 車 氏,稱 , 況卿之内 衞 必 世 有 不 子蒯瞶 姻妾以 帷, 晉士匄、 近情理之 目 齊慶克 逆之也 士: 子 與 乎 庶 渾 樂 詐 人

備覽○防叔生伯夏,伯夏生叔梁紇。

尤者,余不

敢

信

《史記・孔子世家》。

於備覽。
不見他經傳,亦未敢決其必然。故附次然。然《史記》之誣者十七八,而此文又然。然《史記》之誣者十七八,而此文又

父周 伯 夷 孔父嘉,孔父生木金父,金父生睪夷,睪 生防叔, 夏,伯夏生叔梁紇。」 周 家語 、生世子勝、勝生正考父,考父生 避 • 本姓解》云: 「弗父何生宋 華氏 之禍 而 奔魯。 防 叔 生

皆不 記 父爲 防 盡 弗父何、正考父、孔父嘉三世,見於《史 信 叔 ,其曾孫 見於傳記 華督所殺,其 ,況《史記》之所不言者乎? 世家》者僅 余按:鄹叔以前見於《春秋傳》者僅 也,其世當 《史記》之言,余猶 防叔、伯夏二 子避 禍 在宋襄、成間 奔 魯, 世。 可 且. 不 此 也 孔 敢 外

> 得 於 時 避 華氏 華 氏 之禍 稍 衰, 而 初 奔 魯乎 無搆亂 之事 , 防 叔

安

以爲 必淺 文志》云:「《孔子家語》二十七卷。」 觀之,則其所增損改易者,文必冗弱、辭 所本者。 《説苑》、讖緯 《子貢》、《子夏》、《公西赤問》等篇采之 政》、《儒行》兩篇采之於《戴記 篇采之於《春秋傳 曰:「非今所有《家語》。」則是孔 於《戴記》、《春秋 魯》篇采之於《春 采之於他書而 孔氏遺書,亦已惑矣! 其爲 《家語》一 陋,遠不 然取所采之書與《家語》比 勦 襲,顯 如 之書無不采,未有 書 增 其 本 秋傳》、《史記》、《辨 損 傳》,以至《莊》、《 本書,甚或失其本來 **≫**, 後人所僞撰,其文皆 而 改易以飾之,如《相 可 或 按。 語 》,《哀 《漢書 而世不察, 氏 曲 篇 公問 列》、 先 師古 禮 物 藝 而 無

四

獃 之書 傳 學 者 亦 口 肅之據 七略 不敢 見。 「 僞 撰 識 未 而 旧 必 豆 亡, 亦 》, 以 見於《家語》者概 此書 果 之以駁己 且《 不 過 足 出 m 康 家 而 以爲 爲 於 誣 成 此 語 肅 定 也。 之博 書出於 己證 **>** 耶 論 就令果出 在 後並 ? 也。 漢 學,豈 此 其序文淺語夸, 已 後人 不 故 倣 必 顈 敢 此 今不 段鄭 容 八所撰 於 於 録 不 肅, 世 見 率 氏 見 於 肅 之學 列 過 顯 而 之 經 待 而 於 然

聚人紇抉之,以出門者。《左傳》襄公十年。 偪陽人啟門,諸侯之士門焉。 縣門發,

齊 于旅松。 師 送之而 高 厚 鄹叔紇、 韋 臧紇于防。 復。 《左傳 臧 疇、)襄公十 臧 師 賈 É Ł 帥 陽 年 甲 鍋 逆 白 臧 孫 犯 至

其字; 近古 按: 紇, 鄹 而文 其 叔紇、 (名。 義 亦 猶 (史記) 順 云 滴 衞 》作叔 鄹 叔封、申叔 魯 梁 紇。 邑 <u>《</u>左 時

> 稱鄹叔紇爲正。 也。《史記》之文未知所本,當從《左傳

女,云云,一 皮,病足。 魯之施氏,生女 制,將何問 家語 焉?』遂以妻之。」 一女莫對 乃 本姓. 求 九人, 婚 解》云: 微 於 顔氏。 在 無 進日 男。 叔 : 顏 其 梁 『從父所 父問 妾 紇 娶 生 孟 於

弓》、《世家》之謬詳見後各條 不 非 有 俗、不復成語。 可信乎? 孔子世 弓》篇,其稱爲顏氏女則本之於《史記 檀弓》、《 當 因長 録 H 余按:孔子之母,名見於《戴記 雖 之所 疑 家 名 婚 世: ×, 至於所 氏 官 家》之 然 與 亦 有 他 編覽《春秋· 女 缺 商 其 載 經 謬 之, 八爲 壻 傳 顔 不 者 臆 以 初 可 父之言, 撰 昭 ()傳》中 未 累 其 下。 無 慎 有 舉 事 疑 言 重 淺 其 此 亦 者 言 從 文 故 陃 也 其 檀 檀 今 未 鄙

冬十月,庚子,孔子生。《穀梁傳》襄公二十

有

年。

傳》者一年。 《公羊》、《穀梁》兩傳記孔子生皆在 襄公二十有一年,而《公羊傳》云:「冬十 有一月,庚子,孔子生。」與《穀梁》年同 而月異。《史記·孔子生。」與《穀梁》年同 等公二十二年而孔子生。」與《穀梁》年同

今夏正之秋八月也。子,故今從《穀梁》。周正之冬十月,則日。既無閏月,則十一月中不得復有庚朔,日有食之」,則庚子乃十月之二十一

十七日。」
冬十月庚子日,先聖生,即今之八月二冬十月庚子日,先聖生,即今之八月二

母, 在襄二十一年, 非二十二年也。二十一年十月庚子, 則今八月之二十一日也。以爲二十二年生者, 《史記·世家》文耳。《世家》未嘗言爲十月庚子, 則固文不必采矣。以穀梁氏爲不可信乎, 則「十月庚子」之之不必采矣。以穀梁氏爲不可信乎, 則「十月庚子」之一十二年?以《世家》之年冠《穀梁、以穀梁、氏爲可信乎, 則固二十二年。以《世家》之年冠《穀梁、以穀梁、氏爲可信乎, 則固之不必采矣。以穀梁、氏爲可信乎, 則固之十二年。以《世家》之年冠《穀梁》之月,方底圓蓋, 進退皆無所據。然而世十二年?以《世家》之年冠《穀梁》之,以為梁、世家》之年之。

六

咸信之,余未知其爲何説也。

云云。」
云云。」
云云。」
云云。」
云云。」
云云。」
云言龍自天而下,有五老列於庭,有麟二蒼龍自天而下,有五老列於庭,有麟二蒼龍自天而下,有五老列於庭,有麟二蒼龍自天而下,有五老列於庭,有麟二

稽,而世亦或信之,嘻,其真 精之子」云者、語亦謬戾。 於「蒼龍」、「五星」之降,事尤荒唐,「水 乃真祥也、《春秋》何以反不志乎? 哉 ? 也 所爲,非天地 能 春秋》志之矣。],麟 通 神而 余按: 中中 麟 雖 作怪 -安得 瑞物,亦胎生也。 麟所 所 有書也 也, 能生,麟亦不能自爲書 以 孔子生 爲瑞者,以 麟 П 哉? 中 一時 · 安 可異也已! 果 此 西 書者,人之 其至仁,非 得 説 有 狩 有 至 疄 獲 爲 書 至, 产 至 無 世

> 信 也。 肱而 虎掌, 龜 陶之喙。」《孔叢子》載 云:「孔子得堯之顙,舜之目,禹之頸,泉 禹三寸。」《韓詩外傳》載姑布子卿之言 堯,項似臯陶,肩類子産,自要以下不及 「孔子河 而樂道之。 而《孝經鉤 龜背,長九尺有六寸,成湯之容體 脊,海 目 而 隆 口。」後世言孔子者多深 命訣》又云:「孔子牛唇 顙,黄帝之形貌 萇弘之言云: 也。 脩 0

爲 亦無 也 由 有],彼以爲身,此以爲頸。 似黄帝,此以爲 歷 七 歷 八 有所謂影堂者。下至春秋之世,千 余按: 唐、虞之時,未有土木之像, 百 知之? 年,其 (頭目 且 似 市 項 堯、舜。 顙 喙之詳,後 與 司 目 一似皋陶 同 也, 一似 彼 何 禹 以

史記》載鄭人之言云:「孔子類似

^{●「}弘」,原避清高宗諱作「宏」,今回改,下同,不一一出校。

乎 ? 子曰: 言,而 也。 矣 ! 陋,至 尺。」孟子曰:「奚有於是? 亦爲之而 之所 是,亦 矣。」聖人之所以爲聖人者,固不在於形 耳。」曹交問 之以作像,甚矣! 聖人也孰甚焉? 其爲説尤不經,薦 語》、《春秋傳》者乎? 也 加之,猶不免於誣,況擬之於牛虎,其侮 明係秦、漢人之所爲,有一言之類《論 彼 執形以求聖人,淺矣,況其僞焉 難言,而後之人乃本之以爲影,據 故并削之,以存聖人之真。 夫擬聖人之形於堯、舜、禹、湯,妄 欲信 姑 必 「何以 以 有 布子卿與萇弘之語尤不雅 爲 其形之爲當日之形,嘻,亦愚 項 曰:「交聞文王十尺,湯 異於人哉? 堯、舜與 非 矣。 而 此 其樂受人欺也。 《世家》之文本多淺 又 其言尚非當日 以 爲 喙 藉 人 **\$** 馴 者 同 已 九 孟 紳 之 果

備覽○孔子生魯昌平鄉陬邑。《孔子

#

家》。

子,生而首上圩頂,故因名曰丘,❷字《孔子世家》云:「禱於尼丘,❶得孔

仲尼。」

不録。 之因於首,司馬氏已自無定見矣。今之因於首,司馬氏已自無定見矣。今之君,不足信。且既謂之因於禱,又謂之按於,此説似因孔子之名字而附會

《家語》云:「孔子三歲,而叔梁

紇 卒。 」

異詞,況父卒之年乎,且不見於經傳,無紇死」,不言何年。孔子之生,所傳聞猶按:《孔子世家》但云「丘生而叔梁

●「丘」、原避諱作「某」、今回改、下同、不一一出校。
●「丘」、原避諱作「邱」、今回改、下同、不一一出校。

可考。今闕之。

備覽○孔子爲兒嬉戲,常陳俎豆,設

禮容。《孔子世家》。

而 昭公以鯉賜 官 字伯 民 家 魚 歲 語》云: 而 孔 生伯 子,榮君之貺,故名曰 「孔子年十九 魚。 伯魚之生也 ,娶於宋 魯 鯉 莊

鯉? 之時 乎? 歲。 之氏、賜鯉之説,亦安知其不 之年不足信矣。 章,伯魚之卒乃在顏淵卒前,是《家 卒當在顏淵卒後,而 淵 卒 蓋 若孔子年二十而生伯 年三十有二,又稱 余按: 故 Н. 尚 今并缺之。 ŦL 未 子 《家 仕,安 Í. 語 其年既 「吾少 能 稱伯魚 伯魚卒年之誤詳 據《論 遂 一也賤 顏淵少孔子三十 不足信,則 動 語 卒年五 魚,則伯魚之 或 八。」則 》「 顔 淵 君 出 於附 年二 而 +; 汗官 賜 語 死 見 + 之 會 顔

後《考終篇》「顔淵」條下。

度也。 亂之時、 凡二 仕 臆度其已仕 撰《年譜》者因 爲何年、《年譜》何由知之而 《孔子世家》之所不載,《年譜》亦不 文但本之《孟子》也 知之也。 竟不言者、《論語》、《孟子》、《春 謂孔子二十五年皆隱不仕,直待陽虎作 子爲乘田 有所傳而 吏,二十一歲爲 「不得謂之「少賤」。 十五 闕 孔子曰: 方仕,尤無 里志 然則《年譜》之初 至二十六年之久,既 云然者。 年皆不言孔 方面 • 年 見《家語》「賜 一吾少 不知《家語》之亦 乘 此 別明矣。 譜

||
| 田 然自二十二歲 事 也賤。」若年二 吏。」觀其文,若確 子爲何官。 且天下之生而 也。 「二十歲爲委 無 孟 載之乎? 鯉」之事 然 子》既 所 耐 傳, 無 二年 出 秋 此理。 以後 謂孔 + 於 得 傳》、 不 侕 ,, 故 大 臆 而 此 而

豈容遽謂之賤乎? 今移置之於後。夫者有幾人哉? 官雖卑,禄足以自奉,

母顏氏夫人卒。」《闕里志・年譜》云:「二十四歲,聖

也。 事 以 謂之「顏氏」則不合。今并闕之。 之「顔氏夫人」,夫人之稱或仍當代封 足據,然謂 係。《世家》、《家語》皆稱爲 世家》載之十七歲前,而 丁, 可 爲二十四 顔 余按 知矣。 非 姓 爲 也, 孔子母卒之年不見於經 歲, 古者男子以 顔氏之女,非謂 何以 亦臆 稱焉? 斷 也。 氏 無 年月,《 顔氏女,雖 别 ~ 年 觀 · 婦 女爲 孟 譜 懿 人以 午譜 莠 顔 子 傳, 號 謂 氏 姓 之 不

不墳。今丘也,東西南北之人也,不可母,然後得合葬於防。曰:『古者,墓而知其墓,殯於五父之衢。問於鄹曼父之知其墓,殯於五父之衢。問於鄹曼父之

主,而 路者 聖人,人倫之至,豈有終母之世 以 其間不可據以爲實者多矣。」 Д. 父葬之地,至母 勝 駁 之 日 子流涕曰 反,門人後 弗識 日: 不得已之爲 死而殯於衢 忍爲之乎? 此 也。」於是封之,崇四尺。 : ,雨甚。 吾聞 「顔氏之死, 路,必 殯 耳。 之,古不修墓。』」陳 至,日 而 經雜出 猶不 無 聖人,禮 孔子成立久矣。 :『防墓崩。』孔 室 知父 廬 諸子所記 而 法 墓乎? 不尋求 孔 死 之宗 於 子 道 E 先

時。 乎 ? 耶,孔 亦 十七歲 一十四歲而尚不知其父之墓,然則十年 疑之,故 余按: 孔子曰 ;子何以預自命爲「東西南北 而 前,是 又 以 何 《世家》載 合葬之事載之二十四 以 「吾十有 以 有 孔 門人 子 此 爲 五,而志於學。」至 乎? 事 尚 無 幼 年 ~ 年 也 户, 譜》 之人 「歲之 果 而 蓋 幼 在

不録。 遇 明 何 皆封矣。文、武、周、召如皆不封,後人 《易》云"「上古不封不樹。」是三代以 也。 耳。 歲,恐亦不能 孔子僅二十四,則門人長者不過十 用、去而 之所學 矣 ili 由 然封 當二十四歲 知 而 孔 其 者 遽 適衞、宋、陳、 心崩,尚 子之孝, 葬 墓 何事乎 處? 之 爲 故 孔子修墓,陳氏之辨是 可 時 ? 謂 封 封之不自孔 與 `,何以預知其 墓必 之墓乎? 墓 蔡諸國 孔 子 崩 堅, 爲 之 示不 魯司 説 子始也, 故 日 . 得 至 亦 今皆 之間 寇 是? 已焉 謬。 來 餘 不

士, 士,非敢享子也。』孔子由是退。」 世 子 與 家 ※云: 往 陽 「孔子母死 虎絀 之日 要經,季 : 季 氏 氏 享 享

> 諂 禮大矣,以此答之,不亦 覺其 失禮,不非之足矣,曷 則 孔子,告以享士之事,而 士,即失禮,其小焉者耳。 衰 如 輕 酒 必不如是。 是,不 也。 其 經,亦欲 喪 肉 謬 謬,又改 尚 尚 不往而僞告以 不 更甚 不 幾貽笑於陽 與與 可 與 飲食,況敢受大夫之享 馬。 人樂之,況 故今皆不録。 往。」以 其文以 何 則 ? 曲 示 虎 欲 爲 不 耶? 孔子 解之,謂陽虎弔 往 傎 重 而 衰經 一是欺 非陽虎之意 乎 喪 更 虎 乎? 甚之? ! 弔 曰:「某雖 《家 而往,失 而 也。 且虎果 語》亦 言言享 孔 乎 聖 是 ? 子

初仕

嘗爲乘田矣,曰:「牛羊茁壯長而已矣。」《孟孔子嘗爲委吏矣,曰:「會計當而已矣。」

肉;

小功緦

麻,飲酒食肉,不與人樂之。

余按

禮,居

喪者三年不

飲

酒

食

《世家》云:「嘗爲季氏史,料量平。

嘗爲司職吏,而畜蕃息。」

職」,二字亦誤。

夷』,猶信。」《左傳》昭公十七年。
 既而告人曰:「吾聞之,『天子失官,學在四也,我知之。」仲尼聞之,見於郯子而學之。一少皞氏鳥名官,何故也?」郯子曰:「吾祖「少皞氏鳥名官,何故也?」郯子曰:「吾祖 郷子來朝,公與之宴。● 昭子問焉,曰:

「委吏乘田」之後。 知。孔子之受職,蓋前此矣。故次之於時也。且能自通於國君,則非庶人可時也。且能自通於國君,則非庶人可子之朝,孔子年二十八,爲貧而仕,亦其子之朝,孔子年二十八,爲貧而仕,亦其

> 「是禮也。」《論語·八佾》篇。 子知禮乎? 入太廟,每事問。」子聞之,曰:

子人太廟,每事問。或曰:「孰謂鄹人之

《世家》不載此事。

田矣。以「鄹人之子」呼聖人,則非年之今按:入廟助祭,其位尊於委吏、乘

高、位之崇可知也。 故次之於此

明睿知,守之以愚』云云。」
《韓詩外傳》作「周廟」。有欹器焉,顧謂弟子, 挹水而注之。中而正,滿而覆,虚而欹。 挹水而注之。中而正,滿而覆,虚而欹。

然玩其詞意正與周廟金人之銘相類,皆余按:此喻取意良新,警世亦切。

「宴」,原作「晏」,今據太谷本、《畿輔》本、南昌初刻本

改。

且其事不類春秋時事,其語亦不類《論似黄、老家言,以語於聖人之道則淺矣。

之,出 十年 將 不忘喪其元。」《孟子》。○子産卒,仲尼 飛殺之。 語》中語 附 第曰:「古之遺愛也。」《左傳》昭公二 録 孔子曰:「志士不忘在溝壑,勇士 三, 齊 後 景 人所託。 公田,招 虞人以旌,不 故今不 . 録 至 聞

與,抑在其後與? 姑附次於此。廟助祭之年未有明據,則此未知在其前按:此二事皆在昭公二十年。但入

略同 云: 子 與 盛 晏 獵 夕嬰 稱之,以 孔 適 郊, 子 魯,景 世 因 富家》記 人魯, 爲可 公問 與 以 昭 、晏嬰 秦穆公於 王,云云。 公二十年,齊景 俱 問 魯 禮。」《 孔子, 《齊世家》 年 表 孔 公

余按:齊君如魯,史未有不書者,而

子當述周公明王道以告之,豈得盛推秦《春秋》經傳皆無之。且使果有此事,孔

穆

乎?

魯境 於沛 之所僞託。 期 年 郭? 而 又 按 未幾,返於遄臺。 不 瘳。 : 且其 \sim 今不 左傳 至十 辭甚淺陋,必 . 録 》是 二月,始 年,齊 此 何 侯 小 戦國 暇 疥 愈 遠 遂痁 策 涉 而 於 士 H

人。』今其將 言曰: 『聖人有明德者若不當世,其 以下六十餘言已 有達者曰 之,苟能禮者從之。 何忌於夫子,使事之,而學禮焉,以定其位。」 曰:「禮,人之幹也。 公至自楚, [孔丘,聖人之後也,而滅於 在 見 孔丘 前 孟僖子病 《 原 始 乎,我若獲没,必 及其 》篇,今不複 無禮,無以 將 不 死 能 舉。 也,召 相 立。 禮 臧 後 宋。 吾 屬 孫 其 乃 必 講 説 大 紇 聞 有 白 達 夫 與 有 將 學 此

故 二十四 孟 懿 年以後,文在《左傳》昭 子 與南宫 敬 叔 師 公七年。 事 ,仲尼。 學 禮事 在 昭 公

貜卒。 蓋 魯亂 前此矣。 按:《春秋》昭公二十有四年,仲孫 而孔 其明 子 故次之於「入廟」之後。 年,昭公孫 適 齊」者也。 齊、世家 孔子之 助 所 祭 謂

往學禮焉。」即「僖」字,古通用。子卒,懿子及南宫敬叔即「僖」字,古通用。子卒,懿子及南宫敬叔《孔子世家》云:「孔子年十七,孟釐

耳。 懿子 孟 卒實在昭公二十四 年十七,是以《史記》云然。 由 僖子至自楚,病 襄公二十二年遞推之,則孔子至是當 ,敬叔生於昭公之十二年,杜註 《世家》不察,以爲本年之事,誤矣。 余按:"《春秋傳》此文在昭公七年。 七年時,非惟孔子之年未可 不能 年。 相 《傳 禮 然孟 而 \Rightarrow 但 終言其 僖子之 因 云:「似 七 爲 事 年

> 據 非 亦載 信 乎? 師 但採《史記》、諸子之文綴輯 聽塗説,不肯詳考,故遂以 **豈無所** 有所本,後人駁之非是。 ,抑何其不思之甚也! 有所傳也,明矣。 耳。 而 此 近 二子 尤可笑者、《闕里志·孔子年譜》 事於十七歲,●然則 本者,而 世 學 古 者 猶 何以 未 動 謂 生,安得 學者乃 誤也? 漢 儒 今《史記》此言 近 作《年 漢儒 有學 以《年譜》爲 古, 成 特學者道 書,而 其 爲皆可 禮之事 -譜》者 言 初 必

老子送之曰:"聰明深察 車、兩馬、 言於魯君,請 史記・孔子世家》云: 竪子,適 與 孔 子 適 周 周 問 而近於死者,好 禮 魯 南宫 君 見老子。 與之一 敬叔

● 「志」下,原有「云」字,太谷本作「中」,「云」字當衍,今據

几

天。 能 若 言 之惡 知 志 吾 子 議 1者,其 走 其 愚。 適 聞之,良賈深 ,若是而 人 八能飛; 老子 周 者 者 至於龍 也 也 去子之驕 人人與 將 , 其 己。』孔 問 魚,吾. 博辨 猶 禮 骨皆已朽矣,獨其言 老莊 吾 龍 於老子,老子 藏 廣 耶 不 知 子 氣 **然若虚** 申 ? 大 其能 能 謂 與 韓 知 多 弟 君子盛 危 列 游; 其 子 欲 傳》又云:「 其身者, 乘 曰 獸,吾. 曰:『子所 熊 風 : 雲 色 德 鳥 在 容貌 一 與 知 發 耳。 H 淫 其 吾 71. 人

其説 楊 諸 戰 亦 戴 氏 老 國 非 記記 聃 説 Ż 有 余按: 者 儒 時 詭 曾子問 以 易、楊、 者 因託 言異 詘 老聃 方 孔 崇 墨 諸 論 子。 2》篇孔 之學,經傳 孔 並 黄 如 子,爲 起 帝,以 儒 世 子 者方崇堯、舜, 皆 俗 論 楊 託 詘堯、舜。 所 禮 未 氏 古 傳 頻 有 説 人 云云 及之,然 言者 以 者 因 自 也 爲 以 託 尊 獨

與門

弟子共正之?

其

、肯反

稱

美之,以

孔

子

聞

之,當

如

何

Щ

闢

之?

當

如

何

而

子果嘗 是云云 爲者? 未 世 子 當 以 有 黄 絶 似 所 其 言? 俗 至 必 時 危 態 不 戰 載 迹 帝 當 如 卿 所 身 色 或 老 有 之 類 稱 一者,妄也。 大夫,《 傳 再 與淫 骨骨 以 乎? 聃 時 諸 近 也。 由 四言之,何 老 美 子, 之言,皆楊 ,禮樂未 似 朽 是言之, 德報 老 聃 志 乎 言 且. 與《 老 論 聃 之説 乎? 楊 孔 在」之語 聃 怨」,《 至於 語 論 孔子 氏 興, 子 告 》所 也 謂 以《論 語 者 深 驕 朱之説 孔 如 而老 老 論 稱 也 載 察 乎? 子 之尤 其 是 語》辨之矣,此 聃告孔 以 述古之賢 詳 以 春 語》反 說 聃 今《 度 矣。 耳。 近 此 秋 爲 雖 隱 多 其 死 過 不 傳》之 史記》 於下 不 藉 子 與 而 欲 其 經 然猶 載 門 令孔 人 以 欲 博 乎 文 也 位 及 其 弟 ? 文 亦 之 如 何 辩

也。 之非禮乎? 者 矣。 子 論 叔 而 相 明 而 至 中,不應適周。敬叔以昭公十二年 謂 爲 公二十四 而自張 禮 從 必待 年 往 者 ,彼爲國之大事,不獲已 是年僅十三,亦不能從孔子 孔 猶 之事 此蓋 孔 在 前 龍」,以 子 魯君之與之? 適 敬 侯之相朝會,容有在 孔子已不在魯,魯亦 稱 大其 丁,遂從 適 莊、列之徒因 周 老 年, 《道德》 叔 周 聃 且敬 以 孟僖 不 惑世之人乎? 説。 而 以 學 而 能 魯君 如 叔豈 增益 禮 五千言者,不知何 則 《世家》不察, 子始卒,敬叔 是云云者,妄也 也, 已,不 與之車馬者,亦 相傳 無 由是言之,謂 附 而 車 會之,以 必 也。 有孔 獨 無君之可 馬、竪子者 由是言之, 喪 不 使 適 及 在衰 而 子 念 人 抑 周 相 恃 誤 詘 與 適 幼 生 人 采 敬 Z 孔 聃 妄 周 有 請 至 經 昭 穉

朱, 者即 矣 ! 廓 楊氏,遂有 益 農 黄、老之説,而 但距 《靈樞》託之於黄帝、岐伯也。是以 而 聃在楊、墨前,孟 者,非黄、老,皆楊氏 之太公也。 所 云:「古者,楊、墨 言兵者之以《陰符》託之黄 如 盛 獨 而闢許行也。 作 而 爲 歸 也。」蓋皆 ,人但知 楊、墨,不距黄、老,爲黄、老 要必 故凡言老聃者,惟《 以 罪於楊 我」之説 老 以 楊朱之徒 聃 猶之乎言醫者之以《素問 爲黄、老, 楊、墨爲已衰者, 朱乎 爲 不 仍 知世 子何 如使其説 異 也。 塞 闢 ? 、端之 路、孟子辭 楊、 之所 也,猶之乎不闢 以反無一言闢之, 所傳爲 自 而 秦、漢以 墨者。 《戴記》 是儒 魁。 不 果出 僞 帝 復知 託 黄、老之言 者遂舍楊 》爲近是。 嗚乎, 降,其 老聃, 六韜》託 而 楊子雲 亦 其 猶 闢之, 之説 有 之乎 出 孟 尊 説 於 老 神 子

言 然其 以以 有 絶後 無 亦 人之疑 不 可 知,故 今概 不 録 其 事 與

禮 往 所 本 矣。」 載 樂之原, 之《世家 ŦĹ 家 子言云: 語 明 道 觀 而 德之歸 吾聞 周 頗 增 篇 益 老 亦 其 聃 載 則吾師 語 問 博 古 尤 禮 知 爲 事 也,今將 今, 紕 大 繆 通 略

德 韓 德 謂 節 篇 以 失 朋 子云: 子貢 其 不 爲 通 爲 道 道 德, 老聃 近古, 所 余按: 禮樂 德 ılli 德 下 後 所 之 非 言者,《 道 德, 之原 · 德 不 謂 言老 .)歸 然 其 苦 所 失德 識 所 者哉 之所 一者 失德。」 聃 稱 道 道, 其 者 哉 述 而 德 企 ? 謂 非 惟 ? 後仁。」 經 亦 德 ·吾之所 其 者是也,烏 孔 皆禮 戴 也 至於 Ĭ 論 子 記 道 又云: · 學 官 之 鳥 世 謂 其 德謬 曾 繁文 覩 俗 言 道 子問 於 覩 所 所 也 云 Ē 末 郯 謂 傳 所

勝。 嘗師 聞其 鳴 蕘。」 也 也 筆之於其書。」 聃 乎 ? 訂 有 事 日 然後樂正 子,人太廟 老者 一:『孔子,吾師 之功。 呼, 以 耳 以 以 (説,樂 之二云 0 無 太 H 爲 然則 以 \Box 吾 證 怪 己 謂 廟 世 : 異 魯禮 儒 平. 師 足 _0 孔 端 其 駿 詩》 家 孔 爾 Ĥ 異 供 孔子之學亦頗 每 īlii ②但 誕 奔 有 子 攻 攻 端 子,吾師之弟 事 此 往 聖 日 之 而 吾 不 即 吾 之弟子也。』爲孔子者 無 云「敬 之 : 問, 從 言 人之采 自 道 惟 道 流 果 人 \Box 之者哉? īE. 小 \exists 舉 先民 岢. 傳之誤,此 適 熾 勝 而 爲 也 : 叔言 之 周 必 擇, 其 不 而 於 亦 皆 有 吾 家 得 勝 聖學 勢 大 子 於魯君 其 言 \Box 則 自 語 嘗 遂 猶 問 諸 也。」佛 韓 可 衞 之 日 聞 必 未 禮 吾 亦 詢 几 子云 矣, 而 反 尋 無 <u>[[</u> 而 師 於 道 於 方 發 魯, 請 微 知 習 烏 常 考 不 V 亦 老 者 匒

.良 文 爲 崇老、莊,故其爲言 家》但 來,儒者多信之不疑,以致没聖人之實 孔子之事綴輯增益 三十有 子之進蓋三千焉。」夫孔子之道大矣,豈 於君,何必詳敘 此 言 與 家語 家語》 介亦淺 見老聃之所能尊? (孔子) 非小失。 孔 語僖子屬 全録《 子重 》則 云自 適 陋 五 書本 左 \overline{Z} 鄙 者 周 ,弟子安 故余不敢不爲之辨。 其 傳 其 其 周 弱,本不足 白 丽 大夫則 $\stackrel{\cdot}{\prec}$ 魏、 反 識 已,《家 孔子之祖 孟 魯, 周返魯, 又遠 晉間 得遂至於三千乎 ,以成書者。 僖子 如 弟子 可,敬 此。 而是時孔子年僅 出 人雜 語 較。 將 道彌 司 若借老聃 死 益 一德 則 叔 取 馬 然自 進 乎?《世 之 載 以 子、 遷 尊矣,弟 其時 適 語 敬 下, 间 宋以 史 周 叔 Ξ, ? 以 中 而 方 請 夫 之

觀周 》篇又云:「孔子入后稷之廟

> 之慎 有 金 言人也,戒之哉 人焉。 絾 其 П 而 勿 多言』云云。」 銘 其 背日 古古

無禮, 其文 之術者所託 容,浮沉以處 三緘 德恂恂 道德經》之旨若合符焉,其爲習黄、老 無易」, 之太 其 由 所言 其 乃 來 余按: 君子之道時 則 便便。 似 也 廟 П 恵。」推 曰「玷不可爲」,如 必遠 誰 「執雌守下」云云者,又皆 周 則過於慎矣。 甚 末 得 世者,不可 聖賢之戒言也曰「訥」,曰 明。 最 而 戰 斯 漫置之,而 或 近亦當 故不録 説也,必 . 時 人 然後言,聖人之 孔 以 在周 之語, 有 子 爲 漫 是焉 緘 日 訓 銘 初 默 何耶 時 之 也 IIII 耶 以 慎 與 ? 今 Ħ 取 而

其

周

而

道 焉,曰『甚矣,道之於今難 而 今委質以求當世之君,而 觀周》篇又云:「孔子見老聃 行 也 弗受也』 吾 比 而 執 問

云云。」

《 莊 以求當 信者固多也。 行 老 謂 乃異端之最 載之於《觀周 孔 宗老聃也,故多託爲老聃之言。 篇, 周,尚未 之尊孔子 書特欲張大其荒誕之説,以言清 言,皆非 聃 孔 子事 ,采其 耶 Æ 余按: ? 岢. 列 遺 世 中 以爲 意 及强仕之年,何得云「道 非 》之書,世亦有信之者, 一之君 尚 書 ",謬矣。 也,故又借孔子以尊老 而 孔 此文本之《莊子》之《天運 未 無忌 》篇 實然 改其文者。 乃信莊 《家語》采之,斯無不信之 子 歷 丽 中,疏 惲 之罪 經 弗 也。 孔 者。 列 受 周 子年三十 或, 《家 矣。 人乎? 耶 撰《家 以 不知《莊 何 ? 語》乃 卑孔 \wedge 得云「 莊 ^ 語 家 子 以 餘 要其 鳴 子 列 净者之 語 子 者自 之難 聃 儒 而 委 之於 呼 而 **>** 書 「質 之 尊 73 滴 者 1

> 《列》也。 矣。 之,以人之所重者,在《家語》也 辨,亦不 是誤 勝 故余於《莊》、《列》異端之書不 後人者,《家語》也, 其辨。 采於《家 語 非 然 莊 後 辨 \approx

聃 弘。 而 問禮 三十五歲,與 年譜》云: 焉 三十 (南宮 敬 四 一歲,訪 叔 適 周, 樂於萇 見老

其年 往 子尚 於後 寇以 少時 何 尚 諸老聃」、《樂記》篇言「聞 乎? 卑,望 不 即 貧 耶 後, 日 或嘗適 余按:《戴記 治治 問 ? 所 且《年譜》於訪樂則 尚 其 禮 追記,其有 行 魯之去周 輕,弟子 年 於老聃, 周 亦大不易,既 乃 亦 略 未 • 時 可 可 曾子問》篇四言 而 Ŧ 無 考。 亦 定。 必 有 尚 尚 待 諸萇弘」,孔 餘 無 自是以 訪 寡 要之,自爲 載《孔叢子 於 其 里,是時 可 樂 明 於萇弘 取 年之再 事多 、證,況 前 孔 H 位 戸 子 聞

所妄撰也 之,則《年譜》非 子者,尤君子所必闢也。 骨朽言在」之文,乃楊朱氏 河 目 隆 顙」之語 明矣。 孔 況於年月,安可 於 氏遺 問 書,而爲後 禮 然《年譜》皆載 則 所撰 采《 信 以 史 人之 耶 詆 記 ? 孔

氏 也 萬於季氏。《左傳》昭公二十五年。 |?:|《論語 附 八 録 佾 ○將禘於襄公,萬者二人,其 八佾 舞 於 庭, 是 可 忍 也 ○孔子謂 孰不 可 忍 季 衆

故今皆不采

爲之,則何事不可忍爲。」而僭用天子之禮樂,孔子言其此事尚忍無子《論語集註》云:「季氏以大夫

即《 人何獨於此一事 傳》所 但《論 余按:春秋之時,三桓之僭多矣, 稱 語 褅 文簡質,而 於襄公」之 疾之如此? 然則此 此事乃當 事 無 時 可 之 疑 事 聖

> 幸此章 此年。 此乃 稱 之,列之「在齊」 僭 則此 可 魯當即 其 所 意,已有「亂 則孔子已逆知季氏之將逐君,非 忍」云者,正 然《傳》所追記者四事,而 可可 以 而 年月,特 共 聖人 已也。 深思詳 事 知 ·仕則仕,可止則止」者,謂此 但謂 故 猶存,而其詳又備 在 疑 見 此 即 因 不 孔子之至齊,據《世家》 魯亂而後適齊,而玩此章 邦 考而自得之。 幾之哲,傳記 時,不待於昭 謂 在 必 季氏 不居」之心,則 逐 於此年。 更詳 之前,使人 君之事 之逐 也。 昭 亦 所謂 此 載於《左傳 余故 雖 公之已出 此 公 知 所 事 無 事 而 孟 孔子之去 忍 「孰不可 明文,然 獨 傳 追 表 徒惡 子之所 爲 類 記之。 在 素 而 正 也 後, 也 出 其 語 在 然

在

恋

世

一家 ※云:

「孔子適齊,

爲高昭子家

臣,以 以求之矣。 與 ? 卒爲 良、恭、儉、讓以 之家臣 昭公,稱爲主君,阿景公意,輔孺子荼, 曰:「夫子至於是邦也, 公,孟子猶辭 臣,欲以通乎景公。」 百里奚,賢人耳,或謂 觀遠臣,以 **陝** 医 余按:《春秋傳》高昭子,名張,唁魯 通手 抑與之與?」子貢 以干 所 ,時君 子貢之言一 逐,其不肖 其所主。」況於爲 時 而 君 闢之、況聖人而爲 得之。」若孔 則 乎? 是非 其食牛以要秦穆 如 必聞 何謬與 子 但求之,且 E 是。 禽問 :「夫子温 其 子果爲 之臣 孟子 政,求之 於子 小人 卑身 乎? 且 日 : 家 此 貢 圖

> 乎? 故今不録 景公、晏子矣,亦何待於爲高氏之家臣 篇前云: 云,景公説。」果如所言,孔子已早 其自 「景公與晏嬰來適魯,問 相刺謬也如此,此必無之事 孔 通 子云 平.

「爲樂之至於斯也。」《論語 子在齊聞《韶》,三月不知肉味,曰:「不 · 述 而 》篇

音。」蓋 而 誤。 不可 因《論語》「子語魯太師樂」之文 從。

世家 ※云:

「與齊太師

語

樂,聞

兒,其視精,其心正 ·趣驅之,趣驅之,《韶》樂將作。」」 説苑》云:「孔子至齊郭 其 、行端。 門外, 孔子 遇嬰 日

者,然孔子 而後得聞之也。 部 》,不必初來之日 余按:樂之感人誠 · 在 齊 《韶》之作也,不在於廟 數年矣, 適 會《 有如《説苑》所 何 韶 時不 》樂之作 可 聞 云

文、《左傳》所記釐王

亦無變法

奢侈之

余按:《春秋》所書並無

釐王

廟災之

理,而 朝 意度之詞 H 亦 則 何 無 在 由 於樂官之所 趣 雖 即 驅之」之有 人 無害於理,實未必然。 其 廟 朝 孔子初 官 哉? 府 而 至 此 觀 特想 人國 其 樂 像 之 故 Ż

臣 食諸?」《論語 君,臣不臣,父不父,子不子,雖有粟,吾得 臣,父父,子子。」公曰:「善哉! 齊景公問 · 顔淵 政 於孔 》篇 子,孔子對

 \exists

一. 「君.

君

信如君不

而

不録

王之制, 傳》作僖王、「僖」古通作「釐」。 入報日 \Box 聖人之智不亦大乎?』」 一。『何 説 : 廟 輿 苑 || 云: 也?』孔子對 是 馬 釐 奢 Ŧ. 18,故 周 一之廟 廟焚,齊景公問 天 廟也。 也。』景公驚 \Box 殃其 『必釐 廟。」 釐王變文 王。左 左右 孔 \Box 子

> 真僞 凡不 若其所由以誤之書既亡,復誰得而 乎? 以 此 事 災 事 人者皆此 輿 蓋 也 而 事 見於經傳者 兼 也者? 馬 且. 即 前 況 之 載之,則 此 $\stackrel{\cdot}{\wedge}$ 曲 類事,而 侈 左傳》哀公三 幸而 傳 魯 附 烏知其 之者誤耳。 而之周,由陳 會之, 益誤矣。 猶 概不 不知聖人之初無借 有《左傳》之文在耳, 録 不皆類此 傳 年 聞 世俗 家語 料 之詞 而之齊, 魯 所 也? 桓、 尚 以 重 足較 辨 於 僖 爲 其 又 聖 故 於 廟 兩

禮 不可 軌 禮樂缺有間。 哀,破産厚葬, 孔子。晏嬰進曰:『夫儒者,滑稽 法; ,趨詳之節,累世不能 以 ^ 世家》云: 倨傲自 爲 國。 不 今孔子盛容飾,繁登降之 自 順 「景公將以尼谿之田 ,不可以 可 大賢之息,周室既衰, 以 爲俗 殫其學,當年不 爲 下; 游 説乞貸, 崇喪遂 而 不 口 封

能 不 · 知 仲 細 究其禮。 民 苨, 也]。』] 張子厚云**:**[是非 君欲用之以 命 耶? 移齊俗,非 晏嬰智矣, 所 以 而

哉?」林放問禮之本,曰:「禮,與 從 也; 子哉 嬰 子將 悉不 邱 爲 用 不用 人國 先 即 據 孔 孔子不 奪 孔 進。」 言 輩貪諛 子而晏子乃 聖人,晏子未必 不 ,則晏子必 余按: 進 · 肖 己之權 子,晏子猶當 孔子曰 丽 於禮樂,君子 -足賢 日 亦 反 晏嬰,齊之賢 譎 斷不至是,嬰何爲 靳之於 詐 耶, 耶 無有 禮 :「先進於禮樂, 反沮 而 則嬰 則齊大夫 \overline{Z} 竊禄者何限,嬰何 能 不知者。 孔 薦之,況 也。 之乎? 禮 知 (之在 子 大夫 云, 耶 如 若其 齊 如 用之, ? 玉 藉使景 景公自 且晏子 也。 黎鉏、 古 帛 而 以 有 無 其 野 云 則 沮 爲 益 孔 權 奢 平 吾 孔 ŦL U 梁 以 欲 公 於 子

> 者乎? 者, 矣。 哉 ? 事 會之,以 必生平類 也,寧儉; 云、尤與儒 盛 先王之濟 禮之可 事皆與孔子 雖 容 至於「滑 非 伯 飾, 《 春 取信 魚、顔 以 其 然。 喪, 繁登降之禮,趨 者不類,況孔子耶? 凡譖 爲 Ŧī. 實,要必 秋傳》中記晏子言多矣, 味,和 或 稽、倨 於世主。 相 淵之葬 與 破 也久矣, (其易 反,天下有如是之譖 産 取 Ŧi. 傲、游 厚 也,寧戚。」孔 雖皆後日之事 聲 其 今晏子之所言 葬之譏 也,以 與天地 近似之迹而 説、乞貸」云 詳之節」者 3、爲不 平其 並, 子 倫 岢. \Box X 附 人 要

成其 爲 能 當世之失。《孟子》所記 所言皆與孔子平生之事相反,即 爲 詬 病,是 是言乎? (政也」,大抵皆述禮樂稱 今而 今此《世家》之文獨 非 古, 蔑 禮 亦然,非儒 而 先王 棄樂,不 與晏子 以 者 以 旧 儒 規 而

道學,而亦信之,何耶 採之耳。 之儉,故託之。 子》,其文微異。」然則 也,亦 古 墨氏之徒之所 者。《索隱》曰 國、秦漢,絕不類《左傳》、《孟 行之後始有之。 儒之者。 著者,其 起,然後 于、慎到、莊 不 平生之言見於《左傳》、《孟子》者亦無一 人之口 無 相 反,而 有 無 明甚。 所 人雖非 有 有 彼司馬 謂 而破産 豈不 以 以 周、顔觸、張儀、蘇秦之徒 滑 是譏 僞 撰 以 :「此説出《晏子》及《 滑 而撰《晏子》者又從 稽 而 儒 怪 遷固 然則此 厚葬之譏 稽、倨 ,然以其 、倨傲、游説、乞貸」者 其 人者。 也哉? 文之淺 攻吾 不足怪,子厚號 此文乃戰 傲、游 言 自 儒者,以 處 且 出 亦 陋 士也 戰 春 於 自 説、乞貸」 子》 國時, 秋之世 戰 墨 或 亦 或或 氏 所 而 晏 以 似 或 墨 妄 子 後 爲 述 戰 時 教 有 並 淳

> 卒,不 子或 必爲本年之事。 孔子之去齊,接淅 者何事,要之必不因於平仲也 於經,其文又附於十二月之後,尚不敢 於《傳》,自是 孫齊之時,四十年矣。 猶 又按:晏子之立,至昭公二十五 待言 存。 也。 若 以 去齊之日, 後無聞 然則孔子至齊之時,晏 接 而 淅 行。 而 次年 焉。 行 則 子。 不不 以 而 晏子 彗 論 知 星 彗 必 所 不 星 大 已 書 見 年

而行。」
《説苑》云:「齊景公致廩丘於孔子,

辭 養廉 何 之可 譏 余按: 而 亦人君之正 何 也,然在景公固 行焉? 敬 事 後 孔子於季 景公與 食 固 未 君 有 孔 子之心, 桓子曰「 失 子 也,孔子 Ē, 孔子 制 見

二四

不得 不 殊 子皆 行 淺 録 一可之仕」,言僅有行之機也。 稱 陋。 受其禄,於景公何辭 「際可之仕」,則全未嘗行矣。 其溢 孔 子既 其爲後人所託 非 説客,景公未卒, 焉? 明甚。 於衞 且 然孔 其 故 亦 語 靈

矣,不能用也。」孔子行。《論語·微子》篇。 吾不能。以季、孟之間待之。」●曰:「吾老吾不能。以季、孟之間待之。」●曰:「吾老,則

卑,望 符者。 復 即 能 齊景公之言云云,然考其 未嘗言其 (在位二十餘年,歲會諸侯,賞戰士,與 思以 也也 按:《孟子》但言「去齊,接淅 尚 孔子 上 輕,景公非能 景公是時年僅 卿 何 待之, ,在昭公世未爲大夫,班 故 獨《 而 論 云以 深 語 四 知聖人者, 時 • 五. 季 勢,若 微 + Ė 子 歲 則 而 其 吾 有 何 篇 行, 後 故 尚 不 不 載

> 考焉。 語多不 子》一篇本非 晉争伯,亦不當云「老不能用」也。 接 淅 倫吾 而 行 之 未敢決 孔氏遺書,其 後, 以 其必然。 俟 夫 中篇殘簡 好 姑存之於 古 .. 之 士 《微

國之道也。」《孟子》。 附論〇孟子曰:「去齊,接淅而行,去

他

微服 其年 後,去魯, 貞子,爲陳侯周臣。」是孔子自爲 悦於魯、衞,遭 世,在爲魯司 ·無可考者。 而 孔子之至齊,《 過宋。 適 御 寇之前 是時,孔子當厄,主司城 定宋桓 過宋,以至乎陳 然按 司馬, 世 而《 孟 家 子云:「孔子不 春 將 載 秋 要 之昭公之 傳》無之, 一而 無 司 殺之, 寇以 由 北

本

[●] 上「之」、原作「子」、今據太谷本、《畿輔》本、南昌初刻

歲 前 周 之時 權 之時 定公既 前 行 自 未 旋 將 臣 可 以 Ŧi. 以 有 年, 擅 司 至 知 禘」條下已詳 度 則孔子至齊之必 明 也。 寇 齊 命, 世 孔 孔子 之後 據。 去魯之後 也 家》之説是 子 正 0 且. 此 伯 方 以 自 時 春 或 在 理 玉 昭 亦 秋》 至 陳、 出 度之,孔子歸 言之。 公孫 不 必不肯 彼 近 也。 齊景 復 蔡 在 時 鍋 齊,國 能 於爲 之 去 惟 其至齊之歲 間 公卒 須 有 在 齊,或先 其 無 見 魯 魯司 中 去齊之 與季 魯當 棄 齊 是 在 無 + 寇之 景 孔 魯 去 在 氏 乘 公 子 哀

《世家》孔子止一至齊,在魯昭公二

悟

也

不

可

知

者

則

在

乎

好

學

深

思

者

之

善

敠

事

難

臆

斷

姑

存

其

可

知

者

如

此

其

均

未

可

知

大抵

自爲司寇以

前,傳記

多

齊

而

復

暫

棲

他

國,迨定公立

然後

歸

及三 明 公遣 + 年 Ŧi. 復 + 使 年。 Á 六歲, 來 《年譜》 齊歸 聘, 又 孔 於魯。 在 子 則三至齊: 三十一 適 齊 齊、居、 聞 説 與《 韶 齊者凡 世 而 家》大異。 反 乎 歲景 魯

年,魯 孔子 應 之哉? 子,本 者,將 年,孟: 禮名也,景公安能先僖 僖子「苟能禮者從之」,景公則 子 者 襄公二十二年 將 謂 此 既在齊三年矣,而 時 亂 余按:《年 無 . 或 在 僖 昭公之二十一 名 而 子始. 事 <u>-</u> + 孔丘。」將之爲言 之大 猶 忽 也 未 歸 知 Ŧi. 夫,景 孔 甚 譜 生 年 孔子,其言 著, 子 以 》從《世 則 不 時 昭 公則 望 年 應 其 考之, 公 不聞《 子 也。 猶 無故 孫 所云三 而 家》,以 未 有待 異 \exists 齊。 知 甚 昭公二 或 古 韶 而 孔 未嘗有 一之君 隆 將 也,是 不符矣。 去,又不 <u>一</u> 十 子而 + 孔 也。 + 有 子 也。 聘 好 僖 孔 歲 爲 達 刀口

孔子 往,而 之,亦不 年之後乃以聞《韶》之故特往,以 何 又遽 求 似 於 來, 也。 齊 而僕僕若是乎? 逾 且去齊已三年 年 而 又 遽 往, -矣,而 又遽 然則孔 理 來 V 度

自齊反魯

子

至

一齊,《世家》之説近是。

今從之。

是亦爲政,奚其爲爲政?」《論語·爲政》篇。 「《書》云: 『孝乎惟孝,友于兄弟,施於有政。』 或謂孔子曰: 「子奚不爲政?」子曰:

公初年,是時季氏專政、《集註》近是。公初年,是時季氏專政、《集註》以爲在定

之,歷級而救焉,曰:『送死而以寶玉,是璵歛,贈以珠玉。孔子初爲中都宰,聞《家語》云:「季平子卒,將以君之璠

猶曝尸於中原也,安用之?」乃止。

爲焉? 譽。 有其 美以 之。 欲爲 亦徒爲不 絶,其何傷於日 叔 喜之事,以 之土累之。 也。」余謂: 事,而《家語》移之於孔子,鳴 孫武 ,增其德,亦何至取季氏 人即欲爲岱增其 家 人雖 日 余按:"《左傳》此乃季氏家臣 增 叔毁孔子,子貢 臣 知量 欲 其 在 聖 加於我 人即欲媚聖人,而 八明,亦 自 人非 孔子 而 媚,其 月乎? 已矣。 生民 但 何 非其 (高,亦 不 至 何 可毁, 未有之孔子乎。 曰:「人雖欲自 且 以 加 多見 家 平子之飲 於 如 家臣 臣 何 呼 其 螢之火 日 至以 亦 掠他人之 汲 不 月 并 小 仲 汲 知量 乎 不 梁 小 一撮 何 自 ? 附 可 可 即 懷

不仕,故或謂孔子曰:「子奚不爲政。」孔又按:昭、定之間,季氏擅政,孔子

美,而 撰 子 者之尤爲 (家語))之見類如 文曰 不 語 : 者 「不義 知 不可 無 徒 道 及也。 知 而 則 此,其 富且貴,於我如浮雲。」 止 隱 季 不 氏 蓋 稱 與鄙 璠 凡《孔 聖人也小, 璵 夫 之 叢子 共 歛 之爲 事 君 而

水之怪 羊也 井 缶 世家》采之,以爲在定公五年。 而 ,其中有羊焉。 獲狗, 或 丘 語》云: 聞之: 龍、罔 何也?』對曰:『以丘之所聞 象; 木石之怪 「季桓子穿井, 使問之仲尼曰: 『吾穿 土之怪日 日 夔、 墳 獲 蝄 羊。」 如 蜽 土 ;

獲 亂、神。」果 之,是孔子好語怪也,不與《論語》之言 刺謬乎? — 土 余按:《論語》曰:「子不 一怪,而 有 桓子,魯之上卿,獲羊 此 并木、石、水之怪 事 ·,答以 不 知 語 可 而 也。 怪、 ·而詭 詳 力、 告 乃

> 條下。 其在 吴使 是可 得羊 又何 有此 當不 而 非 語 吴墮會稽,據《左傳》乃在哀 桓 狗,以試聖人,何異 笑也。 論 者, 以此後二千餘年更不復 事 止 此 子之所宜爲 ,則古人何由 年, 骨」事、《世家》亦載之於此 一見,如水之有 豊 亦 怪 故 非 至 今不 是。 春 也 取。 秋 識 説 之時 Н. 小兒之戲? 龍然。 之? \sim 見 土果 或 後 愐 語》又 既數有之, 有 主 有 遂 苟 元 羊 穿井而 絶 以 司 年,謂 有 怪 乎 前 此 一與 城 年。 ? 則 亦

誣聖人也大。

故皆不

録

業焉。《孔子世家》。 《禮》、《樂》,弟子彌衆,至自遠方,莫不受《禮》、《樂》,弟子彌衆,至自遠方,莫不受

云「桓子嬖臣仲梁懷」者,按《左傳》懷乃之後。其作亂年月與《左傳》合。惟所《世家》此文在定公五年陽虎作亂

亂 平子 云 非 X 是。 舊臣 在 朝, 一, 秉正 獨 乃 此 君 數 以 子 語 拒 獨 爲 陽虎者、世家 善 得 之 聖人之實 時。 故 附 次 蓋 所

與。 孔 口 可 \Box 謂 謂 子 孔 知 時 仁乎?」 陽 於此 來,予與爾 子 乎 其 貨欲 存 ,?...日:「不可。」「日 疑 Ė : 見 也 曰:「不可。」「好 「諾,吾將仕矣。」《 陽 孔子,孔 言。 而 貨欲見孔子, 往 日 拜 之,遇 子不 懷 月逝 從 其 見 , 諸 而 論 事 寶 塗。 惡 歸 語 矣,歲不我 而 而 無 孔 陽 亟 迷 謂 禮 貨 子 失 其 孔 時 邦 豚 大

門 FL 夫 有 子 陽 亦 賜 闢 貨 於 其 矙 仕 亡也, 孔子之亡也,而 ·得受於其 而 往 拜 之。 家, 饋 孟 孔 子 則 子 往 蒸 拜 豚 其

貨 臣 即 ,名虎, 朱子《 陽 虎 嘗 也 論 囚 語 季 夫 集 虎 桓 註 | | | | | | | | | 子 乃 季 而 丁氏 專 陽 或 家 貨,季 政。 臣 雖 是 氏 專 陽 家

> 是乎。 之誤, 贵 弓。 深 不記 嘗 寶玉大弓」; 夫」哉? 政,未嘗爲大夫, 書 得 黜 僭 遂以 之也 '虎之身反不若弓玉之重者, 蓋 稱 先儒言之矣,安知此文之不 而皆不 亦 魯 大 <u></u> 成 侯 春 夫 縱 於其門 其 也。 書 秋 之禮 使 奔 其名 虎 正如季氏雖 於虎之叛 齊也 孟 尊 妄 人 子 「, 其 自 虎 之手,淮、 書 贵. 也 居 叛與 得 哉 於 日 稱 書 ? 大 得 專魯,亦 奔 虎 夫 \Box 泗 亦 寶 孟子 孔 日 亦 人江 所 略 盜 玉 大大 類 以 子 大 而 竊 未

數 氏 百 數 + 傳 事, 》有陽 又按: + 克 , 獨 無 虎 皆 《論 饋 而 稱 語 豚 無 爲 陽 有 陽 事。 貨 陽 虎 貨 未嘗 而 傳》 傳 無 記 稱 陽 稱 陽 陽 虎 爲 虎 虎 , , 左 陽 凡 凡

0

饋 無 虎也 也。 也。 則 書 自貨 類 貨。 子之言了然分明 子 稱 會又 左傳》 春秋傳》鮑文子之言合,亦不稱爲 孟子》之言於《論語》後 靈; 豚 明證、未敢驟變舊 稱 稱 隨武子、范武子; 哉? 後之人何以 陽貨者 其於「爲 爲 ,非虎,「虎」自虎,非貨 稱 獨陽虎 則 亦不言 胥臣 陽 ± 稱 似 貨, 會、范會,又 乎 今若以 又稱 未嘗 好錯 貨 一,陽虎者一 其爲 富不仁」,則稱爲 與 自 無 知 白 論 舉 貨 季,又 虎 稱陽貨, 一人,虎 大 巫 其名字 語》合,不 説 可 與 之即 夫 臣 稱 疑者。 以以 虎爲 又稱 與 而《論 隨 稱 ,其於 貨, 否。 益 俟考焉。 季、士季,又 則 也。《孟 司 自 二人,則 號, 屈 而 稱 但經 空季子之 似乎「貨 陽虎 語 巫,又 故 爲 歸 貨 如 人 今 但 傳 之 陽 陽 子 豚 也。 列 皆 孟 即 貨 與 稱 云 虎 隨

> 宰 ; 定公九 則云:「四 四十八歲,遷司空。」 世 年 家》有 後。 爲 《家 十七歲,定公以 中 語 都 宰 **>** 有 及 事 司 無 空 年。 事 爲 中 皆 年 在

譜

輕 於陽虎 矣,然終不肯去魯。 改其德,可謂「立乎人之本 三卿多行 隱」之日 魯之亂莫甚於陽 能自用孔子,孔子安能自 亦何時不可 在平子。六月以後,權 爲定公之五 不爲 重 顛 余按:《年 政」之問 倒 之惡多矣,乃不 也,孔子於此 矣乎? 不 年也。 義 以 了; 孔 仕, 譜》 何 虎時,是「天 蓋 耶 子 所云 而 是年自六月 撰《家 ? 身 及桓子受女樂,小 ^ 時猶 論 在 税 爲 陽 四 陽虎。 行 冕而 語》 卿 朝 虎 爲 語 十七歲」者, 其意乎 貳,不 威 而 地 乃有 宰 》者爲《 道 行,不幾 制 與 閉 以前,權 定公安 不行 魯君 · 賢 司 能 或人 哉 世 小 X

洙泗考信録卷之一終珠泗考信録卷之一終

道光四年東陽署中刻

洙泗考信録卷之一

大名崔述東壁謹考 石屏門人陳履和校刊

爲魯司寇上

可也,何但魯國而已哉!』於是二年,定之棺,五寸之槨。」《世家》云:「定公以孔之館,五寸之槨,因丘陵爲云:「孔子初仕爲中都宰,制爲養生送死之節,爲四寸之棺,五寸之槨,因丘陵爲之節,爲四寸之棺,五寸之槨,因丘陵爲之節,爲四寸之棺,五寸之槨,因丘陵爲之節,爲四寸之棺,五寸之槨,因丘陵爲之節,爲四寸之棺,五寸之槨,因正陵爲之節,爲四寸之棺,五寸之槨,因正陵爲之節,爲四寸之棺,五寸之槨,因正陵爲之節,爲四寸之棺,五寸之槨,因正。以孔之棺,五寸之槨,因一。

寇」云云。 南,孔子溝而合諸墓焉。由司空爲司其所生之宜。先時季氏葬昭公於墓道公以爲司空。乃别五土之性,而物各得

爲墳,不封不樹」之語,又似本厚而教之 禮盡在魯矣。」魯之制非不善,患其不能 間爲時無幾,安得爲宰二年始爲司 制何居焉? 行耳。孔子爲宰,奉周公之法足矣,自 由司空乃爲司寇乎?《春秋傳》云:「周 年,始奔。 孔子不仕。定八年冬,陽虎始敗。 宰,則是再仕,非「初仕」也。 寸」云者,謂民本薄而教之以厚,故曰: 「以斯知不欲速朽也。」今增以「因丘陵 田」,考其時皆在昭公世,若至此又爲 余按:孟子稱孔子嘗爲「委吏」、「乘 十年,孔子已相君於會。 且《檀弓》所謂「四寸」、「五 陽虎作亂, 九 中

者,語 之語 語 時,非爲司空時事 至於「合墓」之事,據《左傳》在 以 》所載皆出 薄 尤夸大,非聖人之言,皆 亦 亦 與《 膚 廓, ~檀 於後 弓》之文不 無 人之所附 實 而 事 别 可 類。 指 五 會 土之性」云 不足信 無 而 然 疑 上爲司 治 則《 也 天下 也 家 寇

昭 能 故 之常,不當僅 人固 政」之問,陽 名益崇,望益 未嘗失職。 委吏」、「乘田」之流。 爲 不 公之世,不得如《世 仕 欲得孔 司空,即 又 耳。 (按:《左傳》魯之孟孫 貨 陽 子 而都邑之宰,其 以 有 重, 有 虎 爲大夫,但孔 爲 爲 既 「懷寶 是以 宰 中都 去, 也。 家》之説 或 召 孔 宰之事,亦當 米 然則孔 人 子 而 邦」之譏 子 有「奚不 用 在 世爲 職 也 ,以魯 之, 定公世 甚卑,乃 子 司空, 固 乃 亂 爲 在 事 不

> 之有 見於 語尤 謬殊多,而 宜 泯 示 他 不近於理,必後 無 泯 言 傳 蓋 無 有 記。 不 所 聞 此 可 謂 如 章所 故今皆不録 知 此。 中 河面 載曾子「速貧 都 Н. 爲宰爲司 人所妄撰。 者。 | 檀 弓 既 》篇 謂 空又俱 速朽」之 之都,不 然則 所記 不 事 舛

合諸墓。事在定公八年後,文在《左傳》定公元年。葬昭公於墓道南。孔子之爲司寇也,溝

间

虎 以 敗之後,夾谷之前。 十年相定公,會於夾谷。 按: 孔 子爲魯司 《春秋》陽虎 寇 不 以 知 故次之於此 何 八 年戦 年 爲司寇 敗、孔 當在 子

羊**;** 價。 慎 羊,飽之,以欺 潰 公慎氏出其妻; 孔 氏奢侈 劉 向《新 子 爲 驕佚;魯市 魯 序》云: 市人;公慎 可 寇, 慎潰氏 「魯沈 沈 猶 鬻牛馬 氏 氏 猶氏 踰 有 不 境 妻 者善 敢 日 而 而 飲其 飲 走 惡 豫 其

又按:《春秋》經傳,魯有「中城」,而

灩 牛馬者不豫價」云云。 《家語》亦采 此

事 ·, 而 詞 小 異

不録 爲。 當 事 盛 不 不 德感人,「綏之斯 止 見於經傳,其有 縱有之,亦不足以 余按:此數事皆理之所有。 此。 此皆狐 來,動之斯和 偃、子産輩之所 無不 爲聖人重 可 知。 然聖人 _,其化 故 且 今 能 其

『上失其道而殺其下,非理也。』」云云。 父請正,孔子赦之,季孫不悦。 子訟者,孔 《家語》云:「孔子爲魯大司寇,有父 子 同 狴 執之,三月不别。 孔子曰 其 :

是 喜。」故失其道,哀矜之斯可矣。 道,民散久矣。 孝,不孝,胡 遂 余按: 五刑之屬 廢 刑 可赦 則大亂之道也 如得 也? 其 三千而 曾子曰:「上 (情, 則 罪莫大於不 哀 況於元 若 矜 欲 失 而 惡 大 其 勿

> 異端 之以 聞異 之問 也。 大憝 可 子爲司 之」云云。 所載又與此異,云「季 文本之《荀子》, 以 不慎乎哉 德化民耳。 詞者也。 ,而傳之者過當。 乃, 而 詳玩其 寇, 不 欲 自 且以季 則是 待 語 知 教 ,蓋即《論 0 原其意皆不過 而《韓 其 而 然言之不 嗚 孫爲康子,而 後 事 乎,說 刑 古 孫欲殺,而 若《荀子》則 詩 乎? 語 在 外 經 審,遂流 自 傳 引 如 一欲明 《家 衞 古, 亦 殺 反 不言 孔子止 有 語 無 魯 又烏 聖人 又所 人 业 道 孔 於 後

訟、皆進衆 家語》云:「孔子爲 議者 而問之,曰:『子 魯司 寇, 以 斷 獄

陋 即 奚若?』 ,顯爲後人所撰。 有之,不足爲聖 余按: 此乃常人少有識者之所 人 故今不 重。 且. 取 其

語

殊鄙

能

孔 不 子亦 以 四方之食供簿正。同上。 附 獵 録 較。《孟子》。 孔 子之仕於魯也,魯 〇孔子先簿 人 Œ 祭 獵 器 較

子 語 Ė 雍 附 也 一毋 》篇 録 原 思爲之宰,與之粟 以 與 爾 鄰 里 鄉 黨 九 平 百 辭

於此 魯司寇,以 此 事 無 原 年 憲 可 爲 考。 宰。」説近是。 包氏云: 故附 孔 子 次 爲

·孔丘相。《左傳》定公十年。 春,及齊平。夏,公會齊侯於祝其,實夾

於魯者。 魯,爲好 \vdash 一世 魯 用 會,會於夾谷。」若孔子已 家》云:「齊大夫黎 孔 丘,其勢危 齊。』 鉏 乃 言於景 使 得 使 政 告 公

而已可也,三年有成。」是孔子見用未嘗余按:孔子曰:「苟有用我者,期月

者,但 相。 乎? 尤不 魯 能 推 相 終其身 得 矣,何不聞其「有成」者何 爲 師 行 子於此年已聽國政, 至 季 或 乎 於 也。若人盡 之則然。 白 司寇耳 而 墮費。」是定公至十二年始用孔子,未 足知 季孫 孫 期 昭公如楚,孟僖子相。 里之地 遂 也。 襄 且《傳》所 而 去 世: 月之久也。 聖人、安有遽 ·, 非 也。 不 相國 秉 ,三月不違,於是帥 時之禮 其門人或有 · 見 或 而 有 當會夾谷之時 知孔子之能 政, 用? 君之,可 者,治一 謂 事 權,安能 與與 「相」者,謂 丽 《公羊傳》 況犂 襄公 至十二年,踰 或 以 或 知之者,他 以 政 鉏 如 危 有 興 在 危齊? 之政。 晉韓 無 · 手 ? 其 天 狙詐之人, 相禮 齊」爲憂者 ; 孔 師 \Box 涉 下, 國,何至 墮 孟 子不 宣子爲 也 也,非 孔 郈 相 獻 後世 孔 三年 人 若 子 禮 故 不 子 過 帥 FL. 子

魯自

大

叛晉而

與齊會,豈齊懼魯之用孔

子

Щ

與

魯

會哉?

故

今不

載《史記

鄭

平。

故《左傳》云:「始叛晉

也。」然

則

而

魯始

與

齊

平,會

于夾谷。

明

年,

又與

伐

而

魯

1亦兩

侵

齊。直至陽虎

奔

後

盟 耳。 召陵 政,而 會,而又爲晉討鄭、討 會 不 七年、「齊侯、 事,而遂誤以 之相,又因《傳》有犂彌欲以兵刼魯侯 公孫段相。 子皮當國,子産爲 也? 于 知其謬也 會後 沙」,獨 蓋自昭公以前、諸侯莫不事晉,自 晉侯之享齊侯,中 티 : 而 晉 經傳之文甚明,學者自不 此蓋《史記》誤以 魯 鄭 會時之策爲在國之謀,而 日: 漸以失諸侯。故定公之 事 伯 晉 盟 政,而 然則齊何故 于 如 衞,故齊使國夏再 ,鹹_,「 故,不與諸侯之 鄭伯之朝晉 ·行穆子 齊侯、衞 相 而與魯爲 相。 爲 相 察 之 侯 或 鄭

之文。

司馬。」 武備』云云。 往,孔子攝相 《世家》又云: 事, 定公曰:『諾。』具左右 魯定 臣 聞 公且 有 文 事 以 者 乘 必 車 有 好

不取 其 有 者論孔子之言爲孔子之所自言。 司馬之官。 齊、魯新和,猜嫌未釋,定公必無以 左右司馬之事,而不知其非也。 往之理。 合諸侯,不以兵車。」蓋難之也。 齊桓公有衣裳之會,故孔子曰:「桓公九 雖有文事,必有武備」之語,而誤以 「命司馬止之」之文,遂附會 余按:春秋諸侯之會皆以 以《傳》考之,魯亦未嘗 蓋《史記》因見《穀梁傳》中 兵 況此 而 有 故今亦 車 又因 增 左 乘 具 傳 車 時 唯

犂彌言於齊侯曰:「孔丘知禮而無勇,若

謀夏 爲不祥,於德爲 孔丘 使 萊 齊侯聞之,遽辟之。 人以 以 ,夷不亂華,俘不干盟,兵不 以公退,日 兵亂 「兵刼魯侯,必得志焉。」齊侯從之。 之, 非 : 愆義,於人爲 「士兵之,兩君合 齊君所以 同上 命諸 失禮 逼 侯 好而 好。 也 君 必不 於神 裔 裔 不 夷

君 撥 之過 與景公。 有 有 命 歷 揖 爲 ジ,鼓 司 司 階 弯, 請 好 也 馬 而上,不盡 兩君合好, 噪 人 穀梁 有 」。』』《世家》云: 會 止 奏四方之樂, 旍旄 前 鼓 景公心作,麾而 之。 司 至 夷 譟 傳》云: 卻 狄之樂 而 之,不去,則 齊侯逡 孔子 起, 夷狄之民 一等,而 欲 趨 兩 何 **>>>**i 以 而 君 爲 獻酬 गिंग 去之。」 執 進,日 視 於此? 羽祓,矛 就 何 謝 左右 魯 歸 壇, 之禮 爲 日 君 乎齊 : 來 視 兩 『寡 爲?』 畢 晏子 戟 請 吾 孔 相 侯, 子 齊 命 M 劒 相

> 奚容 年不 右 謂 乎齊侯」者,乃孔子言時 遠。 執,孔子尚 矛戟劒撥亦不 非樂鼓之鼓。 則 異,頗不雅馴 會之,以致失其本來之意者也。 《傳》所 世 視耶? 萊人視也。 得 家 見經傳,安得復存? 之傳 不 余按 世家》則 諫 謂「鼓 乎. 聞 得命之爲樂乎? 且晏子 《穀梁傳》文與《左傳》 ? 而 ,疑左氏采之魯史,穀梁氏 譟 萊人受命 可 諸 又采《穀梁傳》之文 撰 故今從《左傳》,而不從 以 而起」者,乃戰鼓之鼓 侯 Á 爲 云樂, 相 昭 文者,要 會 末 刼 自 原 年至此 況 如其果存,又 魯 視 無 魯君將爲所 所 齊 奏樂之事 其 此 謂 侯耳 已十 意 何 何者? 一視歸 暇 而 不 詞 附 左 相 非 小

之故,吾子何不聞焉? 事既成矣,而又享齊侯將享公,孔丘謂梁丘據曰:「齊、魯

夫 也。 合, 亭 是勤 饗 ', 所 用 而 秕 既 執 以 稗, 具,是棄禮 事 昭 也。 德 君 辱。 也 且 棄 犧象不出門, 嘉樂 不 也。 禮 昭,不如 若其不 名惡, 其 子盍 具,用 已也。」 啚 秕 不 之。 乃 野 稗

不果

享。

可

E

樂,優 司 死 於魯君之幕 \Box 世 。』使 。』有司 : 家》云: 兀 倡侏 穀梁傳》云: 司 夫而 加 馬 儒 法焉 有 下。 熒惑諸 行 爲 1頃,齊 法 手足異 戲 孔 焉, 罷 而 子 侯 者罪 前 首 \Box 有 會,齊人 『笑 處 司 足 當誅 孔 異 請 子 門 奏 使優 君 宫 趨 請 者 而 中 而 罪 施 命 出 之 有 當 舞 進

詞,穀 也。 孔 穀 子之言 梁傳》之文,不達其 何者 余按:此 梁氏 ? 而不果享之事 誤采之。 萊人之刼,意將以懼魯 即《左傳》齊侯將享公, 而《 意 世 而 蓋 家 滋 傳 \forall 誤 則 聞 焉 又 者 也 采 者 異 大

> 不 人 如 茹 刑罸 之小 語於盟 采《世家》之文於 司安得加法於齊 家》所云,奏樂於 魯之館 以 於魯之幕下, 會畢之享,言欲以合歡也。 既 是。 亦遠於人情矣乎? 刼 剛 輕重 斬 者 魯 亦不吐。」茹柔 後,遂 故 於魯有司,而 且穀梁 君 耳, 之顛 魯司 乃 何 致 欲 反 至 倒 氏之意 何 馬 麾 使 耶 盟 人乎? 會 事 爲 之手 得 ? 所 而 前 者? 而 復 而 去 以 則 故今皆不取 以 兩 而 欲 詩》日 吐 之 足 齊 行 爲 至《家語 述之。 復 剛, 以樂 法。 幕 而 異 君 載《 會 若使優 遂 下之 在 處 : 聖人 畢 左傳》 若 $\bar{\exists}$ 事 前 不 ? 齊之樂 而 魯 如 舞 必 鼓 則 舞 亦 何 施 之 V 世 有 於 不 其. 譟 罪 舞

定公+年。 附録○齊人來歸鄆、讙、龜陰田。《春

秋

《左傳》云:「將盟,齊人加於載書

 \vdash

 云云。 大夫曰: 『夫人率其君與之行古人之道 之。』』《穀梁傳》云:「齊侯退 三而 輔 也 有如 不 1。』《世家》云: 其君』云云。 齊人來 返我 齊師 而 罷會。」此 此 大恐,告其羣臣曰『魯以 出竟而 汶 盟。」孔丘 歸 陽 鄆、讙 之田 乃歸 下復有優施 不 「景公懼 一使兹無還 一,吾以 以 、龜陰之田 甲車三百 所侵魯之鄆、 共 而 而 命 動 揖 屬其 舞事,乃 l者,蓋 者, 對 君子之 知 乘 一, 曰 義 亦 從我 汶 爲 不 t_{Π}

又按: 哀十

拞

齊。

其

退 傳 所 遂 頗 會之時,非 屈 至 增 於大恐,遽 益 余 載 景 ☆按:《 其 景 公之賢 詞 公責 殊 世家》之文本之《穀梁》, 謂 其 歸 亦 不 其 田 近 羣 不 歸 以謝 臣 能 理 或 之言, 至 而悔 過 是。 刼不 過 乃 即云爲 且. 也 在 -成,何 穀 夾 然 谷 梁 義 गां

陽、

龜

陰之田

以

謝

過。

道

若

此

其所 會 亦 行法故 者,爲會故乎? 穀梁》之文本不分明, 近於理。 ,未敢必其然也 指 耶? 乎? 然盟 於 惟 ^ 文意皆 爲鼓噪 不書於經,恐亦 左傳》之文甚 可 故 所 通 乎? 謂 何 爲 蓋 出於 由 爲 爲 分明 司 決 此 附 馬 知

之田 及汶 在汶水 鄆、蘿、 則復歸之,本不足異,亦不 田」亦誤。 自取,乃叛人以 及齊平,齊 世家》云「所 陰」爲二邑,則尤謬矣。 、陽之 [。]後云: 之陽。 歸陰乃九 田 人歸 家 。」分以 語》云: 侵魯之鄆、 「來歸鄆、讙、龜陰之田。」 故《傳 之適 成。 年陽虎 年,成叛 爲二,又 影前 齊者。 蓋此 歸 以 云 至《正義》所云 皆 所 汶 ·必爲之説 之奔齊者 適 齊、魯既 非齊 陽、 侵 「反 分 魯 之四 龜 我 人之所 龜 陰 汶陽 也 和 之 與 皆 邑

「魯築城於此以旌孔子之功,因名謝城」

者,説尤淺陋,不足辨。

一歲,以司寇攝朝政。五十三歲,爲大《年譜》云:「五十歲,遷司寇。五十

司

寇。

誅》篇,首有「爲司寇攝行相事」之語,其余按:《年譜》此文蓋見《家語•始

司寇,若少司寇必加少以别之。《家語》官,且并屬之於兩時耳。不知司寇即大後又有「爲大司寇」之文,遂誤分爲二

官、誤矣。且少司寇、下大夫耳、安能攝但襲古人成語用之、非殊之也。以爲二

朝政哉? 今不取。

爲魯司寇下❶

孔子行乎季孫,三月不違,曰:「家不藏

| 費。《公羊傳》定公十二年。 | 丁,邑無百雉之城。」於是帥師墮郈,帥

師

隋

諸姑 二年。 之臺。 申句須、樂碩下伐之,費人北。 墮郈。季氏將墮費,公山不狃、叔孫 人以襲魯。公與三子入於季氏之宫,登武 仲由 蔑。 費人攻之,弗克。 爲季氏宰,將墮三都,於是 二子奔齊,遂墮費。《左傳》定公十 入及公側,仲尼命 國人追之,敗 輒 叔 孫 帥 子 費 氏

《世家》此事在定公十三年。

今按:《春秋》經傳皆定十二年事

《世家》文誤。

世,非上卿亦有爲政者,宋樂喜以司城,按"司寇,下卿耳。然至襄、昭之

^{● 「}二」,原作「一」,今據太谷本、《畿輔》本● 此標題原脱,今據太谷本、南昌初刻本補。

改。「二」、原作「一」、今據太谷本、《畿輔》本、南昌初刻本

明 不 使 鄭 皆 ·違。 。 以 子 司 産 桓子之任之也 寇 日 以 爲政。 次 「於季桓子 卿, 是 故 曰 : 也。 ,見行可之仕 「行乎季孫,三月 桓 字 知 孔 子, 也。 故

哉? 如有用我者,吾其爲東周乎?』」山氏之之也?』子曰:『夫召我者而豈徒欲往。子路不説,曰:『末之也已,何必公欲往。子路不説,曰:『末之也已,何必公

爠 子肯 孟 初 北。 公側 公山 無 子 於晉陽以叛」,於荀 然則 仲 弗 不狃、 輔 余按: 所 \Box 擾 之乎 爲 尼 既 是 召 孔子 命 《春秋傳》云: 叔孫 弗 以 ? 孔 申 擾 費 子 句 輒 成《 叛 叛 春 及 須 帥 而 春 秋 孔 是 費 樂 孔 秋》 子 亂 人以襲 寅 於 子 頎 季氏 · 欲往 臣 伐 ± 晉 下 而 賊 ·伐 吉 而 趙 麗. 之事 子 之, 敗 魯,人及 將 射 鞅 臣 **喧**費 (之耳 也 書 賊 書 費 也 H 孔 子 H

其

心

甚

狡

而

其謀

甚

拙

能

爲

東

周邪

夫費,彈

丸

地

耳,其民素服屬

於季氏,必

虎爲 之戮 賊子 殺 人? 乎 乎? 子 可得 小人也。 也。」孔子欲爲東周,必 居 子豚,孔 寶玉大弓」,孔子之惡 人 ? 季 不 衞 於朝歌 慶封 孫 亂 彌 也 肯 也。」子路以告,孔子曰:「有命。」 縦 陽 孟子 不欲 不得 見 使 貨 子 子 勞仲梁懷 乎? 弗 陽 肯 Ė 謂子路曰 欲 時 以叛」,於魯陽虎 擾 : 討 貨、主 墮 志 其 見 既 費 於 目. 孔 Ì. 人 枉 身爲 也 季 夫 子, 亦不 也 而 己者: 彌 : 氏 弗 叛臣 削 不 「孔子主我 孔 子, 將 而 亂 擾, 也, 見 服 帥 未 往 子 討 賊 費 敬 不 況 如 有 則 庸 不 天下 拜 矣, 也 此 書 人 肯 能 龃 鄙 見 之。 見。 以 , 肯 日 安肯 輔 之亂 陽 直 狡 楚 則 攻公。 孔 虎 詐 靈 人 弗 勸 衞 歸 輔 盜 謀 陽 討 臣 者 擾 孔 卿 子 孔 之 竊

或 耶 降 唐 謙 也,三年 不 師 久 乎 也 ? 攻 於 時 之, 從 如 口 子 費 弗擾 是。 有 百 日 不 成 數 之 叛也。 且. ~。」日 而 不 月 苟 方 謂 能 破 有 是 孔 「可」,曰「成」,聖 矣,欲 自 用 時 觀 子 V. 我 郈 也 公 周 者 爲 與 明 然 禮 東周 成之 期 甚 未 欲 月 改, 自 叛 而 胡 魯 爲 非 皆 人 E 以 可 Ż 東 戰 得 大 口

子行 夏,是 邑 近 佐 子方輔定公以 擾,季氏 反 不 於 叛 無 乎 可 人 夫,舍方興之業 白 又 時 按: 雉 季 以 情 之家 孔 孫 之城。」於是帥師墮郈 爲 耶 子 《左傳》 東 臣 方 周 行 月不 費可 耳 乎? 爲 周 魯 費之叛在定公十二 公之道,乃棄 何 違,曰: 以 而 司 敢 《公羊傳》曰 爲 圖 寇, 來 東 未成 召 聽 周,魯之大, 家 孔 或 之事, 帥 不藏 子 或 政 ? 師 君 甲 孔 嶞 孔 弗 年 而

未 盾 九 都。 之叛 費。」 不當先謀墮都 之新 而 邑,季氏安能墮之? 月 費之叛於定公九 擾 二年, 叛,魯何 子 適 矣 不 年,又採 而 何 也 不 乎? 衞, 使費 何以 遇之詞 舛 兩 政 深 肯 然則是主墮費 介,而 傳 圍 矣, 耶 墮 適 得 ž 之,成 果 獨 費, ! 宋, 適 不 Н. 必 此 孔 也。 以 歷 以 夫「末之」云 子 不 文於十三年,不 至 也。 九 史記 四 风之叛 兵 反 乃 帥 今孔子 年 仲 陳、蔡也,子 年。 年 討 召 欲 費 《史記》 之議 叛 由 也,伐 之? 之。 亦知 子路 輔 則 而 人 爲 然 但 弗 以 者,孔 季 無 使費 費 弗 者, 嘗 其 當先謀 擾 襲 氏 事 不 郈 既 已非 擾 不合, 魯, 至 宰, 以 耶 踰 之 路何得 移 果以 歷 亦 子 方 齊耳 ? 叛 爲 時 聘諸 費 先 季 將 其 沮 也 討 焉, 東 也 後 叛 氏 定 墮 九 故 讎 孔 尚 侯 矛 於 之 + 費 移 數 弗 年 孔

合。 召孔子在十二年亦不合,謂在 云「末之」 總之,此 也 耶? 乃必 無之事 由是言之, 巾 謂 ід. 年 弗 亦 擾 之 不

道 》; 果孔 及夏 異 子 有 皆傳《魯 頗 文 亦非 有。 論 (齊論 後 也 多 壁中 志影芸: 語》, 於《 くく 人之所增入明 門之原 :漢初《魯論》之舊本 今之《論 論 魯》二十篇。」何晏《集解序》云: ; 《語》二十二篇,其二十篇中章 以勝、 王 》者 篇第 漢 魯 《齊》二十二篇,多《問 然 「《論語》,《古》二十一 書 論 || || || || 本, 是 語 或 一陽、蕭 》。」是《齊論》 論 異。」 張 業 何 魯 禹 語 以 甚。 礼 論 惟王陽 望之、韋元 傳》云: 彼 門《論 亦 中 蓋 此 也。 有 諸 耳 亦 傳《 》與《 誤 語》之原 ~ 齊 《漢書 異 自 本所同者, 乎? 始 論》, 《魯 篇, 耳 王》、《知 成 然則 魯 異 論 餘 皆 扶 出 \Box 本 巾 四 蓺 說 其 旬 卿 百 孔 人

之,定爲一書,當時學者以其官尊宦 使諸 成時 之有 必當 庸 不 倫 其 氏 云:「『欲爲「論」,念張文。』由 遂靡然而從之,以 然,非後 者然,又如 而 續得之於他 漢 "者,正 幸 每篇 中 生,二人皆 書 以下 遇 事 17外 本 或 日之本,其 并 之末 稱 張禹 人人有 劉向 篇 如《春秋》之有「續經」,《孟子 . 諸 張 存, 孔 近 篇, 書而 傳《齊論 亦 禹,彙合齊、魯諸 之《列 子, 傳 崇云: 後 世杜 所 司馬遷之《史記》之有 間 文 續 人 此 增 或 有 體 致諸本陸 有彼 猶 人 》者。 詩、韓文之有 女傳》之有 稱 人之者 一二章 「禹 與 可 而 仲 考其 前 無者, 何 采 先 尼,名 +以 也。 事 獲 與篇中語 續皆亡。 五 是 如 王 所 東漢 是學者 本 乃傳 篇 陽、後 稱 非 是? 是 安。」 外 愐 以《季 得 亦 不 集 去 時 經 元 别 類 故 多 又 從 取 然 者 者 不

貴耳 以 其 道 事 蓋 更定, 禹 遂合 而合之,其不當 人之言,烏 也,嗟夫! 從 云 魯論 張侯 知道 私 自 誣 又誤采之者也 或悖於經傳,而 亦不少矣。是以其義或戾於聖人,其 張 而 聖 ! 解 而考之,删 氏 張 》二篇,從《魯論》二十 非 論》。」然則今之《論 恐人之譏己,故 人 ,傳經者不 禹 漢宗社之存亡不 而 龔 餘 之大 本授《魯論》, 能 其 家寖 張 奮 測 禹 實 者。 韋 删 其 何 兼 其 微 賢之舊 此 而 知其 萬 0 采《 知 由是言之、《孟子》之 煩惑,除 蓋 章 删,不 知 戰 與「 誣 齊 隋 晚 僞 ? 或 聖人嘗 媚王氏 論 本 講 書 而 問 語 佛 當采而 之士 乃竟公然 **>** 去《問 誤 也 刿 篇爲定, 肸」章尤 齊 之章 篇 增之, 一, 況 經 論 欲 有 以 目 張 采者 籍 其 自 於 保 句 禹 \pm 雖 志 輯 脯 事 便 害 聖 富 者 所 號 × 用 後

去。 待天 書不遇 無不 爲法。己則比於叛人,而作《春秋》以 使聖 子嘗立於其朝矣,於費奚擇焉? 者,千慮之一失,亦可 純 故人得 人之叛,叛人其心服 尋常去就之義律之也。 曰:聖人道大德宏,無 人者,義之歸也。 續 外 黜 雜 篇」, 經 下之清 可」者,猶之乎「無適 人受 而 可不可必 不均,無 不去,而孔子去魯。 如 知其 幸而 幸 趙 誣 而 非聖人之筆。 岐 於 從 比 而 有 公羊》、《穀 者,而 百 考其 於義 孔 趙 世 聖人所爲,天下將 子爲 岐 乎? 同 反遇 而無成見,是之謂 謂 可 而 删 異。 之兆 衞 無 輕 之。 篋斤 梁》兩 夫所 無 輒之不道, 不可 重 夷居 不 惟《 乃後之人 莫 張 之失倫 不 敢 春 非 禹 論 謂 家 行 議 北 世 日 秋 語 俱 采 而 以 海 無 可 学之 後 治 聖 輯 以 惠 以 孔 以 寧 致 口

劉

歌以

亡

一漢矣。

盛

於

東

漢、

魏、

晉

之

華歆、殷仲文之屬

争

附

叛

臣

,七賢、

達

交,名士風

流,皆云「禮豈

爲

我

輩設

而

之君 蘇 以 不 亦 法,聖人之所尤 員 周 爲 以 輒 悖 禮 Ħ. 無 代 叛。 代 之事 不 必 之至也。 叛 禮 貴 衞 退 口 成 有 (,於我 以 凝 臣 也 義 君 那,不 U 無 戰),《春 滅 滯 所 尤 Ŧ 比 義,得之不 不 而 子 與 燕 之 或 践 不 如 可 自 · 爲。 聖人,人倫之至也。」大經 爲 貢 弗擾 矣。 説 之 阼, 孔 秋 浮雲。」孟 言 以 図 耶 耳 初 子 以 孔 重 爲 故 再 ? 之 不 居 白 異 子 者 盛於 舜 無 矣。 類 -得 孔 衞 便 孟 端 必 也 害 必 子 衞侯」之矣,不 \exists 子 子), 是 乃公養之仕, 而 並 不從 若欲 者哉 西 不 輒 \Box Ě Ė 起,始 子 有 臣 漢 雖 : U : 之 臣 命」。」 弗 之 ? 堯 無 以 孔 雖 不 擾、 季 周 規 道 費 好 甚 至 子 義 ', 説 矩, 故 爲 烏 爲 佛 公 盛 然 於 進 侕 主 經 聖 心 不 肸 德 大 方 東 得 衞 衞 有 富 以

子 義? 之流 非 所 見 縱 蓋 往 藉 \Box 笑, 横 ? 路 關 其 : 卒 П 爲學?」子曰:「是故惡夫佞 孔子 之 於 使子羔爲費宰。 爲 日 : 不往 遂 而 非 苟 日 徒 僞 從 爲之辨 往 : 小 無 「有民人焉,有 雖 託 者 相 而 小 苟 有 可 欲 矣。 傳 亂 者 可 害 經 無 往 有 天 以 比 傳 於 不 · 卒 此 下矣。 是 故 爲 義 可」之言 無 乃 説 東 不 其 子 余 聖人 則 也。 周 往 Ħ 不 事 社 若 又 也 稷 揣 也。 行 則 即 之 何 而 焉 古 事 夫 此 何 何 爲 不 欲 哂 者。」《論 大 亦 爲 後 夫 何 何 悟 欲 不 往 節 人之 卒 足 必 害 往 也 人 者 之 示 讀 以 ? 猶 顧 於

語 書 子。」子路 先進 然後 篇

者

合

附

會

以

誣

聖

一人,而

 \pm

莽

践

帝

位

將 市 曰 : 廢 朝。」子曰 「夫子固有惑志於公伯寮,吾力猶能 也 公伯寮愬子路於季孫。 子服景伯以告, 與? :「道之將行也與? 命也。 公伯寮其如命何!」《論 命也; 道之 肆 諸

爲「季氏宰」之時。此二事雖無年可考,然必皆在子路

語

憲問

》篇

魯之前也。 不用 爲 僅爲子路發者,蓋孔子爲魯司寇,子路 景伯之告,孔子以道 然則子羔之舉當 見於《傳》,至十二年 季氏 之由 按: 魯定公五年,公山不狃以費宰 宰,實相 ,然則伯寮之愬當 故並次之於此 表裏,子路 在 季 . 奔 之行廢言之,似不 氏 齊 初 Mi 墮費之後也 見 在孔子將去 費 疑 始 即 無 孔 宰, 子

十六,由大司寇行攝相事,有喜色。門《世家》云:「定公十四年,孔子年五

人」乎?』」子曰:『有是言也。不曰「樂以其貴下人曰:『聞君子禍至不懼,福至不喜。』孔

爲 之有天下也,而不與焉。]正考父之鼎銘 故或謂之「攝相」。 也,越次而使之,如狐偃之讓趙衰者然, 之相某君,非官之名,不可 曰:「一命而僂,再命而傴,三命而俯,循 非聖人之度。 夾谷之會當使上 子,見行可之仕也。」然則是季孫 乎季孫,三月不違。」《孟子》云:「於季 春秋之時,無以相名官者。 而能行孔子之言耳,非 司寇,未嘗爲相。《公羊傳》云:「孔子行 相國之相耳。 余按:《孟子》及《春秋傳》孔子但爲 孔子曰:「巍巍 卿 至於 傳聞 相禮,以孔子之知禮 攝 孔子爲 相 者不知,遂誤 而 云届 秉政之卿謂 有喜色,亦 乎,舜、禹 魯相 爲魯相 也。 以

貴下人者乎?牆而走。」豈舜、禹、正考父皆不樂以其

不録。説並見後「季桓」條下。「十四年行攝相事」者亦非是。故今皆又按"定十二年,孔子已去魯,所云

博,五 五,而 談 īE. Ŧi. 行 或者爲失乎?』孔子曰: 『天下有大惡者 下,户 卯,魯之聞人也,今夫子爲政而始誅之, 夫亂政者少正卯。」《家語》云·「朝 H 説 者 卯 僻 而 有一 足以 兼 而 誅 竊盜 於 E 世家》云:「孔子行攝相事,誅 有 堅,三 圖. 順 朝 飾褒熒衆,其彊禦足以反是獨 之。 政 於人,則不免君子之誅, 非 不與焉:一日 三日。 大大夫 而 Н 其居 飭。 言 少正卯,戮之於兩 子貢 僞 處 或作「澤」,又作「飾」。 而 足 辨,四 進曰:『夫 U 心逆而險,二日 掫 徒 H 成 記 觀 少 Mi 醜 政 魯大 "; 其 此 正 少 而 Z t

平 之有 載其 卯。 横 碌 於微生高,猶不遺焉,而未嘗一言及於 我, 傳》言之詳矣。賤至於陽虎、不狃 政 往不咎。」聖人之不貴殺也如是,烏有 栗。」孔子曰:「成事不説,遂事不諫,既 \exists 曰:「如殺無道,以就有道,何如?」孔子 立,此乃人之奸雄者也,不可 碌 七日,而遂殺一大夫者哉 :「子爲 ,

臧文仲之不仁不知,《 宰我 無蓋 事而已,亦並 使卯果嘗亂 無 余按:《論語》季 史官 春秋之時,誅一大夫非易事也,況 聞 對 不可知 者 何得 政 日 耳 一,焉 一周 不 豈. 政, 用 未有其名。 載 足 縱使果 殺 聖人何得 人 其 ·康子 以 ?」哀公問 以 當 栗, 論語 事 ? 問問 有其人,亦必 聖 ? 以 然則 政 日 無一言及 不除。』 於孔子, 使民民 \equiv 之斧鉞 非 社 細細 春 一桓之 於 其 但 不 秋 戰 室 至 秉

華 諧,文王誅潘 耶 産 以 士,管仲誅 ? 遠 大 夫 甚,子産 《家語》又載孔子言云:「殷湯 而 誅 大 傅乙,子産誅史 IE. 猶 夫 ,周公誅管、蔡,太公誅 不能 乎 ? 誅 孔子 公孫黑, 得君 何。 況 不 誅 孔 及 # 子. 子

訾儒 故 疑,而世人皆信之,是助異端以自攻 也。 行堅, 熒衆成 自 不足信。 余不得 飾 此蓋申、韓之徒言刑名者誣聖人以 按: 者之語 必 非 尹諧 不辨 管、蔡欲 孔 酷 黨」云者, 子 等五人之誅 相類,其 之事。 危王室,亦 H. Œ 爲 其 與 不見 異 、莊、韓 所 端 非 謂「言 經傳,皆 所 卯之比 託 書 也 無 中 辨

子路

常篇

以 之何?」孔子對曰:「 П 以 忠。」《論語 興 附 (邦,有 録 ○定公問 · 八 諸 佾 ?」孔子對曰:「言不可 篇。 :「君使臣,臣 君使臣以禮,臣 〇定 公問 事 君, 事 以 而 君 如

> 其 善 莫之違也,不幾乎一言而喪邦 子 若 曰:「言不 乎?」曰 是 無樂乎爲君,唯 如 而 其 知 幾 莫之違也,不亦善乎? 爲 也。人之言曰 一言 可以若是 君之難 而 也,不 其言 喪邦,有諸?」 其幾 : 而莫予違 『爲 幾乎 也。 人之言 君 乎?」《論語 言 難 如 爲 也。 孔 不 Mi 善 子 興 臣 \exists 而 如 對 邦 不

寇之時。故附次於此。 此二條無年可考,然皆當在爲魯司

樊遲御,子告之曰: 論語 生,事之以禮,死,葬之以 無違」。」樊遲曰 · 爲政 附 録 》篇 ○孟懿子 「孟孫 問 : 之孝。 一何 謂 問孝於我,我 禮,祭之以 子曰 也?」子 「無 禮。」 違。」 H 對

卒未幾而孔子去。哀公之世,孔子歸未此亦無年可考。然昭公之世,僖子

久 而 懿子卒,惟 爲 司 寇之 時 同 朝 相 見,

爲 日 最多。 故 附 次 於 此

至,不税冕而 孔子 , 爲魯 行。 司 《孟子 寇, 不用 (*),從 而祭, 燔肉 不

H 不朝,孔子行。 存 疑 ○ 齊 人歸女樂,季 《論語 微子》篇 桓子受之,三

姑 篇 《傳》,惟《論 及「遲 與 古之士考焉。 税 ൬ 秋》於歸 論 冕 存 殘 女樂之歸 孟子所稱「欲 語》所云「三日 之於 簡 而行」,未嘗言「歸女樂」一 按:《孟子》但言「不用,從 遲 斷 俘、 吾 語 「不税冕 行」之語 歸 語 獨 多 別別、歸 以 不 不書於經,亦 微子》篇 而 微罪行,不欲爲苟去」 不 倫,吾未 朝 行」之後,以俟夫好 若 襚 相 而孔子行」者,亦 之 悖者。 敢 事 有之,而 無 決其必 并 不不 而祭,不 不 事。 且《春 是篇 見於 書 然 而

之,乃爲

會於

夾谷?

是年

齊

歸

汶

陽之

齊」之語

既

有沮之之方

彼

時

何

不

用

公十年,

犂

鉏

己

有「

魯

用

孔

子

', 其

勢危

門外。 詐僞 言之,不足信 《論語》之言而 紀,春秋時 穆公間 駟,遺魯君。 焉,我之爲先并矣。 人,皆衣文衣,而 庸遲乎。」於是選齊 曰:『請先嘗沮之。 而 道 懼 游、往觀 人之所 世 曰:『孔子爲 季桓子 由余之智 家影芸: 絶 爲不 陳 無 也 終日, 怠於 附會 微服 此 女樂、文馬於魯城 「與 略同,皆 舞《康樂》。 類 H. 等 政 沮之 爲 聞 往 或 考《世家》所載,定 事 春 盍致 必 之者。 觀,乃 中 或 秋 霸,霸 而 政 獨《史記 政 女子好 時 似 地焉?」 不 三月 事。」此蓋 事。 語 其謀 可, 文馬 則 魯 漢 = 者 吾 則 齊 君 三十 數 傳 以 南 犂 與 八 致 地 人 + 數 所 後 秦 大 爲 高 鉏 聞 地 近

周

蓋皆 不以 地 説并見前「夾谷」條下。 文,先後矛盾,首尾 日 田 一, 已 何以又聽犂鉏之謀乎? ? 戰國策士之所僞撰。 君子之道教己,以獲罪於魯君,今 是年會畢之時,景公方責犂 致 地 矣, 僅 \equiv 背馳,乃必 几 年, 故今皆不取 詳《世家》之 何 以 無 又謀 之事 鉏 謂 致

也,去父母國之道也。』」并《孟子》。 仕也。」〇孟子曰:「去魯,曰:『遲遲吾行仕也。」〇孟子曰:「於季桓子,見行可之

十二年。

夏墮 費。」是孟子所 孫,三月不違,於是帥 郈」、「墮費」、《公羊傳》云:「孔子行乎 十二年,《孔子世家》在 郈 余按:《春秋》定公十二年夏 《史記·魯世家》孔子去魯在定公 、墮費之時 謂「見行可之仕」者,即 既云「三月不違」, + 師 四 墮 年 郈 帥 師 墮 此 隋

> 也。 成,齊人必至於北門。且成,孟氏之保障 不墮。」冬十二月,公圍成,弗克。《左傳》定公 家》誤也。又《十二諸侯年表》去魯 祭,祭而 定十二年,與《魯世家》合,當從之。 去魯當在定十二年秋冬之間、《孔 則三月以後,魯固 無成,是無孟氏也。子僞不知, 附録○將墮成,公歛處父謂孟孫:「墮 行, 月餘 日 不 事 用 耳。 孔 子矣。 然則 孔 不 子世 我將 亦 子之 用 在 而

皆非 之弗 韋 魯前 後無疑 魯既在定十二年秋冬之間,而《春秋》書 [成乃在是年之十二月,則其在去魯之 聖人所爲,不待辨而 克 《史記 ,緣其以 也。且不知其弗克而 而 遂 置 去魯爲 孔子世家》圍成之事 之, 輕舉 十四 ·妄動 明者 年 有 故 輒圍之, 圍 也。 始無終, 故 附 在 今去 去

於去魯之後。

是謂孔子攝政已歷五年矣。 魯國大治,齊人致女樂,云云,遂適衞。」 未合,要其時不甚久也。 定公之十四年,孔子年五十六。 「五十一歲,以司寇攝朝政,五十五歲, 《年譜》則 其 年 云 雖

者相悖。 更踈於《世家》,且與孟子所 久矣,孔子何 至於一年也。 行乎季孫,三月不違。」明孔子見用未嘗 者,期月而已可也。」《公羊傳》曰:「孔子 余按:《論語》孔子曰:「苟有用我 故不取 以言無 若果攝 用己者乎? 政五年,不可 稱「見行可」 其説 謂 不

適

、史記・孔子世家》攝相去魯皆在

衞

表》皆言自魯適 去魯後即適衞也。《史記》《世家》、《年 適衞」於「去魯」之後。 按:孟子謂「孔子不悦於魯、衞」,是 衞,與《孟子》合。 故次

於衛、主顏讎由。《孟子》。

世家》云:「主於子路妻兄顏 濁

鄒家。」

誤。其謂「子路妻兄」云者,蓋因 按:《孟子》作「顔讎由」、《世家》疑 彌子爲

哉。」冉有曰: 「富之。」曰: 子路僚壻而誤也。今不從。 附 録 0子 「既富矣,又何 「既庶矣,又何 適衞,冉有僕。 加 加 子曰 焉?」曰: 焉?」曰

:「庶矣

「教之。」《論語

・子路

常篇

五〇

此 似 初 至 衞 時之言。 故 附 次 於 此

子路 日 彌 子之妻 「孔子主我, 與 子 ,路 之妻,兄 衞 卿 可 得 弟 也。」子路 也 彌 子 以 謂

孔子曰:「有命。」《孟子》。

致 得 粟 禄 六 幾何?」對 世家》云:「衞 萬 曰:『奉粟六萬。』衞 靈公問 孔 子: 『 人 居 亦 魯

戰 班 或 爵 各 養 按:《春秋傳》秦鍼、楚比之屬皆 受應得 士之風,殊欠雅 之禄。 一世 馴。 家》所云 今不 取 頗 似 以

天,無 媚 於竈 附 所禱 録 何謂 也。」《論語・八 王孫賈問曰: 也?」子曰:「不然,獲罪於 佾 》篇 「與其媚於奥, 寧

者皆在靈公之世 按: Ξ 孫 賈 見於《 ,故附次於此 論 語 ***** 春 秋 傳

靈公使公孫假 世家》云: 一出一人。孔子恐獲罪 「或 譖孔子於衞 靈 公。

> 焉,居· 月餘,反乎衞 見南子之事 十月,去 主 衞 蘧 將 伯 適 玉 陳 家 心此 過 王 後 過 蒲

有

孔子 將作 禮貌 已爲其 至魯定公之末,六十有五年,伯玉至是 時魯襄公十四 陳 其次 可 公之疑,烏有恐 靈公,際可之仕也。] 所謂 則就之。 \vdash 月 也, `欲適 亂 盛衰之義,孔子 辟地,其次 余按:《論語》孔子曰:「賢者辟 蒲 餘 先謁 卿 未行其言也,迎之致 而 禮貌衰,則去之。」又曰:「於衞 所重 在 陳 反 衞 則 之蘧伯 乎 西,過 年也。 如 適 衞 辟 獲 此,當不下四十歲。下 陳 7、又何 罪 色,其次辟言。」孟子 耳, 浦 玉,伯 伯 去 而 衞 何爲? 王 玉 後 爲 居 在 , 必不待於 「際可」,蓋 乎? 去 玉 敬以 下位,而 從 衞 者 南, 哉 ? 近 卒不 孫 歸 有禮 過 林 世, 適 名 父 靈 王 Ħ. 即

説 於伯 得有 又因其與《孟子》不合,故爲去衞復返之 子」之語,故《史記》妄意孔子嘗主伯 邪,孔子 玉即 果有 十,而 返,忽易所主,何 而 滴 事 十言之。 當 十化。」莊子之言固 至是。 以 主 衞 可述,而 百餘 兩全之,而不知其誤也。 讎 主伯玉事乎 期 玉 之時,伯玉之亡 不復見於《傳》,又不容晚 知四十 一歲矣。 者 頤 由 必不如是,孔 蓋《 而自魯襄公二十九年以後,伯 ? 之壽,莊子必不僅以五十、 果存 可述者俱 《論 既 莊子 九年之非, 主 耶, 也? 語》有 ? 讎 Ė 示 孔子何 且衞之大夫莫有 少年事。 由 固已久矣,孔子 |:「蘧 足 子所主之人亦 將 矣, 伯 取 行年 謂 信,然使伯 玉 在 與 以 伯 使 余謂 外 不 然則 儲 節 六 玉 人 一行年 十而 月 主 由 竟 於 伯 孔 有 餘 無 玉, 伯 孔 必 腎 安 隙 子 而 玉 六 玉 六 Ŧi.

> 不必 其 平 後「畏匡」條下。 玉. 使 强 H 人 或 必 爲 嘗 之説。 在昭公之初,孔子年少之時 見,或 故今皆不取。 兩 相慕,俱 未可 説 並 知 見

《論語·雍也》篇。 之曰:「予所否者,天厭之! 天厭之!」 存疑〇子見南子,子路不説。夫子矢

言不 全采 指天爲誓亦與《論 别,本不應見, 不說,與之咒誓,義 夫子誓之。 公,使行治道。 靈公惑之。 曰:「舊以南子者,衞靈公夫人,淫 -倫,孔 此説,不復 此章,漢孔安國固已疑之。 氏 行道既非婦人之事,而弟 孔 疑之,是也。 加 子見之者,欲 矢, 誓也。 别陳所 以 語 淫 미 所記 亂 疑焉。」蓋男女之 見,則晏亦疑之 益 子路 何晏《集解 聖 非 因 人 不説 所宜,而 以 平日之 亂, 孔 説 故 字 氏 靈 而

矣。 否」爲「屈」,蔡謨 自晉 以 來,乃 訓「矢」 或 曲 爲 爲 之説 陳 樂肇 謂 孔 訓

南子 子爲 者,時 子 路陳 不 天命, 獲 己 也 否 屈 其 乃 説 天 命 巧 矣 所 厭 然 見 文

義則牽强難通,事理則無所發明,且孔

子在衞乃際可之仕,禮貌衰,則去之,亦

於其 不至 國 一於時 有 不獲已而 見其 小 君 自 之禮」,且 屈 也。 朱子謂「仕 據《世 家

已而見之」,其説 之文,以爲「南 春秋 以傳》中 亦 殊 子 不 似矣。然古禮不可考, 請 見,則 見,孔子 朱子 辭 亦僅 謝,不得 出 於

蒯 臆 常,南 度, 蒯 恐 古 不 不 足 優 據 於南子,而 也。 或 又 其 以 時 南 亦不合, 子 爲 南

陃 所 謂 篇 按: 知 中 其 辨矣。 所 此章 不可 記 雖 在 而 多 雍 强 醇 也 爲 粹 之辭者,其說益 篇 然諸 末 篇 其 之末 後 僅 往 兩

> 後 不必曲 末,而 其所 皆稱「子」, 倫,而 有「周 則此下三章蓋後人采他書之文,附之篇 續 往 氏》篇末有「景公邦君」章、《微 武城」三章稱「夫子」,亦其可 色舉」章、《先進》篇末 入,蓋當其初,篇皆别 有 「佛肸」、《論語》條下。 續得於篇 一二章 未暇 語 公八士」章,意旨文體皆 爲 亦 之 別其 或 惟 解 不 殘 此章及「 末。 也 相 缺 醇 類 ,皆似斷 疵者,其事固 説 且《論 者。 並 有「侍坐」章、《 侍 行 見 坐、、「 語》記 鄉 , 傳之者各 簡 前 黨 後 疑者 與 **墮**費 子》篇 未必 篇 羿 孔 人之 篇 奡 子 末 中 及 然 事 附 所 末 季 有

好德 爲 與夫人同 次 如 乘 世家》見南子後:「居衞 , 招 好 車 色者 摇 , 宦者雍渠 市 也。』于 過 之。 是醜 孔 參 子 乘 日 之,去衞 一, 出 月餘,靈 『吾未見 使 孔 過 子 公

遂至 曹 適 陳, 宋。 È. 于司 桓 魋 城 欲 負子 殺 孔 · 家。 子, 孔 居 陳 子 適 \equiv 歲 鄭

去

陳

過

蒲

遂

滴

衞

於情 孔子 故 豈 子之主, 前 Ħ. 則 人之次乘辱之。 靈 際 此 孔 去 一公雖 mi 可」條 ,當何 理 去之爲 之 子 之, 復 如 余按: 既 此 辱 無 滴 爲夫人 悉載之「 下 然後 以 **、道,尚** 故今皆 邪 衞 去 孔子之聖,必不爲夫人次乘 處之? ? 愈邪? 衞 何 而 去乎? 次乘 與 邪 示 君子 知致敬 適 問 其 ? 録 陳矣,居 陳 推 使 復 不 見 岢 其 靈 來 僅 幾 孔 之 而 此 困 行則 前後,尤不 公又辱孔子, ,子,必 衰 桓 事 而 後。 於 之必 陳三歲, 魋 作 而 何 陳 之難 己 ''**,** 禮 詳 不 如 而 無者 見 以 前 遂 孔 貌 . 沂 後 貞 忘 無 子 衰 夫 H

《世家》云:「孔子過蒲,會公叔氏以

爲

邪

蒲

衞

之屬

邑耳,靈公好戰,

屢

疾,蒲 伐 衞 \Box 子。」與 蒲 : 【乎?』對曰:『可,其男子』云云。 靈公聞 畔, 『善。』然不伐蒲 人懼,謂 蒲 之盟 人 孔 止 子來, 出 孔 孔 子 子。 孔 曰:『苟 郊 子 弟 迎。 東 門。 子公良 毋 問 適 孔 衞 子 儒 吾 遂 鬭 靈 蒲 滴 出 甚 口

紆道 既 孔 蒲 之事 叔 陽奔宋,戍 公卒之歲,又 奔。」傳云:「衞侯逐公叔 氏 許 子 在 過 之亡也 余按: 衞 避之,乃 蒲 定十四 西 甫 何 來 陳 《春秋》經傳無 出 久矣。 爲 奔。」 居陳 輕人 在 而 焉 年, 衞 即 ? 而《 背 南 險 經 \equiv 蒲 要 之, 地 歲 云 世 既 自 盟 以 而 畔 家》以去衞 陳 成與其黨,故 亦豈聖人之所 公叔 後 神 自 衞 來 衞 過 古 取 孔 不 公叔 氏 蒲 不 由 禍 子 以 聽 ? 蒲 則 戍 何 爲 蒲 也 然 況 難 定 捎 來 畔

伐,不 之問 伐 之所僞撰,必非孔子之事。 陳 亦先 而 獨 而 後 不 於 敢 矛盾 靈 伐一 公之不 矣乎? 蒲 伐 孔 蒲 今不取。 此 子 乃 獨 不 戰 力 對 或 勸 靈 人 其 公

之自 哉 ? 磷。 曰: 肸 往。 親 以 於其身爲 『然,有是言 《論語 蒲適衞之後 不曰 子路曰 中牟畔,子之往 馬能 白 繋 • 乎, :『昔者由 陽貨》篇云:「佛肸 而 不善者,君子不入也。」 涅 不食?』此 也。 耐 不緇。 不日 也,如之何?」子 忧 聞 堅乎 事《世 吾豈 諸 夫 ·, 磨 召,子 匏瓜 子 一家》載 而 \Box 也 不 佛 欲

乎 也。 孔 助 ? 子, 之乎? 孔子方將 余按 抑臣於二人乎? 魯 大夫 肸 佛 與公山 肸 作《春 也。 以 中 孔 秋》 不 牟 子 畔 以 狃 臣二人則 往,將 治之,肯 ,皆家臣 是 亂 臣二人 臣 其 往 賊 也。 勢 而 子

> 墮 洞 蓄玉 赴不 故 環、劍水 物,皆愛之,謂之三寶。 肯主其家,孟子乃以爲「無 疽 白 非 然 其 不 而 居 驪 不 堅 庭,投之,奴 亦 非 小 未 焉 故 能 環、古劍各一,有崑崙 龍 狃 磷 岩. 人之 ? 佛 人 有 而 臣 、佛肸、 項下,不可 獨 不緇之説 肸 於 恃 故 中, 使奴 夫 於二 能 之所 磨之者也。 所 小 其 、堅者 磨涅孔子者? 能 H 人 之召 一人則 没 能 之 脯 污,然未有恃其不能污, 誠 爲 取之,以 而 中者 磨 故 解 取矣。」固 不 其 見陽 涅,則 出 涅之者也。 則 患 義 白者 也。 每涉 泣 斷 於 不 貨 爲 不 彌 日 磨 可 解 義 誠 而 若孔 奴 笑 環、 口 子、瘠環、 强之,遂 江湖 無 則 不 樂。 能 然 孔 孔 命 患於涅 口 聖 子之 没 昔 子乃 未 子 一人誠 劍 嘗 必 水 乎 有 將 爲 有 不 堅 并 已 调 投 取 往 癰 恃 何

Ŧī.

六

磷 於 往 奴 冷將 往 ⟨溺焉。• Ħ. 緇 一,往 何 有 矣, 爲 不 亦 尚得 - 爲驪 耶? 將 故 不 凡 自謂 龍之所攫者 相 恃 不助之耶? 容。 其 堅白乎哉? 所 助之耶 能 而 世 欲 古 ? 嘗 Ħ. 無 所 試 則 FL. H 用 子 之

年,孔 納 射 遂滅 奔 事 亦 序》云:「趙之中 畔 韓 乎? 荷 邯 奔 以 朝 射 寅 鄲 知 爲 又 外傳》云: 子 葬五 奔 於 歌 襄子。 按 氏,并代,爲天下 《左傳》定十三年 卒已 齊。 栢 四 年, 佛 哀 日 Ŧi. 夏,趙 襄子 三年,趙 肸 崖 襄子 年,佛肸 牟畔,趙襄子 Ŧi. 趙簡子薨,未葬 之 邯 年 立 畔 鞅圍 鄲 興 春 於 邯 乃趙 鞅 師 . 彊 魯 · 晉 安 中 韋 韋 而 鄲 得 哀公之二十 一。」《列女 牟。 栢 襄 降 朝 荷 率 次 有 人, 荀 歌, 之。」《 子 寅、 師伐之 然則此 齊 召 而 時 或 荀 士吉 孔 中 傳》 寅 事。 子 寅 夏 新 牟

> 是。 先師 充《 細 世之 尤 又附 知其 嘗 横 有 肸 漸 在 几 遺 摘 不 畔 議 又 衞 韋 邑 論 然知 儒 之士 安得 孔 章 符 年之不符 之時 行 會之以 魯 者,皆荀 而 衡 子 句 也 肩 取之。 則 則 其 獨 欲 辨其 ·, 竟 相 據 , 中 附 其 非 爲 以 望 彼 誣 之 無 寅、 謬 會之以 牟方爲范中行 誣 横 當 也。 而 往 孔 聖 以 踵 一人降 議 子 趙 更 不 應 者 人 畔 魯定公十四 相 但聞 其 辨 佛 者 欲 以 趙 稷等之邑,故 接,而 良可 爲 其 肸、 固 往 便 氏 焉 心究考,肯 孔子 誣 · 而 佛 其 不 乎 公山 嘆 反 肸 足 私 但 且 也。 不 欲 怪 嘗 氏之地 高 使 五. 議 之 知 此 但 獨 畔 往 談性 二人之 召 聖 惟 其 年 聞 蓋 趙 人之 怪 爲 爲 世 而 孔 漢 戰 鞅 不 「, 則 命 非 我 後 之 \pm 佛 狃 子 以 不 或

⁰ 遂」,原作「并」,今據太谷本、南昌初刻本改

矣,猶 矣,猶 僞 前 蓋 也。 稱甲 兩 將奚先」,不曰「夫子」也。 \Box 子」,顏淵、子貢自稱孔子亦曰「夫子」, 有 者,稱甲於乙之詞也、《春秋傳》皆然,未 者之於聖人抑何薄耶。 何 召,子果欲 章 而 稱 「子如不言」, 曰「願 亦與他人言之也。 以自免於 及 亦曰「夫子」者,惟「侍 故 於 甲 委曲 不敢公然代 非 此 於 子 甲 門 甲 章 而 禽、子貢 往,何以皆卒不往? 而 以 弟 ௱ 而 亦 人言 子所 誣之曰 皆不之察也? Ë, 曰夫子者。 Ы 夫子。 耶 白 記 蓋 相 ? 其 欲 稱於 聞子之志」,曰「子 與 皆 往 無 吾 戦 又凡「夫子」云 既 稱 孔子時 一、聖賢 至孟子時,始 欲往 孔子之前,則 稱於孔子之 不 明 或 坐」、「武城」 孔 知 知 故今與不 時 . 子 曰 之心, 其 後 人之所 無 處 既 世 是 不 111 不 夫 讀 儒 稱 往 將 往

召之後。

「墮費」條下。

矣。」《論語 深則厲, 之門者,曰: 鄙哉, 硜硜乎 附録 淺則揭。」子曰 ○子擊磬於 憲問 「有心哉,擊 ! 》篇 莫己知 衞 有 :「果哉,末之難 · 磬 乎 也,斯己 荷 賷 既 而 而已矣。 過 III 孔氏

《世家》載此事於靈公之世,佛肸既

之於此 心,似於靈公之世爲宜,姑從《世 非用孔子之人,孔子亦未必有 靈公之世與? 今按: 經 無 孝公之世 明 文可考,則未知 與? 佐 家 但 孝公之 》, 附 孝 其 爲

《世家》於擊磬之後載學琴於師襄

事。

今按:《論語》「大師摯」章有「擊磬

琴恐 敢載 王四 聖人 孔子之言大不類,蓋皆後 蓋 齊聞《韶》,聖人之於樂已深矣,及是又 爲 師 - 衞 襄」,先 關 反魯 方 魯人者 樂,曰:「樂其 [雎》之亂,洋洋乎盈耳哉。」子語魯大 午,而 國」之語皆不 可 不 在 固 1,然後 知。 足爲孔 官,則 無 儒 近是。 皆 常 襄乃摯之屬,孔子反魯之後 且其 以 師 樂 襄 子 爲 正 於孔子 然學琴當 (可知也。」則以摯等八人 孔子 所云「眼 魯 師 一、又 雅 人。 也。 馴,與《論語 不當學之於衞 日 : 似爲後起,襄之 孔子 此其 人所託。 如 在 望羊,心 少年時,在 師 Ħ 事之有 摯之始 : 今不 所記 吾自 也 如 無

而 不得用 聞 一寶鳴犢、舜華之死也,臨河 世家》於學琴之後又云:「孔子既 於 衞 將 西 見趙 簡 子。 而 至於 嘆曰: 河

> 夫。』子 孔子曰『實鳴 陳之事 也』云云。 美 哉 水, ·責 趨 洋 乃還而 而 洋 犢、舜 進, 乎。 反乎衞。」此後乃有問 曰 華 某 晉國 之不 敢 問 濟 何 之 此 謂 賢大夫 也? 命 也

尹 矣,微但大夫也,即趙氏之家臣董安于、 河 惡,亦不在 至實 侮諸 晉陽以叛,哀三年,殺周萇弘,弱王 絶書,不知孔 大於鞅者也。 涉佗盟衞侯,捘其手及腕,十三年,入於 傳》。 鐸、 而 遽返邪 侯,而 余按: 鳴 郵 兩人果賢大夫,傳記何爲 犢、舜 無 叛 於此二人之死 《春秋》經傳,定八年,趙 ? 恤 其君,春秋之大夫,罪 子 華之死,抑 其 之倫 晉大夫之見於《傳》者多 何 他 取 黨奸 皆 於鞅 得 釀 末 生也 以 而 亂 矣, 鞅之善 其 之事 欲 一,何 才 見之? 悉遺之 見于 爲 鞅使 非 衞 忽 仇 邪 ? 亦有 之義 乎 ? 暮楚者 知 職 其 其 孔子之事。故今亦 或 何 而 于 衞, 也。 以 未安者。 衞 焉,無故 佛 仇 且. 乎 對 與叛 肸, 趙氏 然 鞅 忽而中牟,忽而晉, 或 ? 靈公? 召 衞 皆 此 際 去之而往見其譬,于 往 之仇 而欲往,或不召 必 不 之叛臣 ៣ 可 靈公亦安能待之如 戰 計 之仕 售 不遂,復返乎衞,不 焉,亦 或 不録 也。 時 也。 人之所僞 何 則 孔 忽而: 趙氏,衛之 異 子 亦 而 於 復反 有 雖 自 朝 義 賓 未 託 往 乎 舊 受 似 主

之事 則嘗 衞 靈 《論 公問 聞 之矣; 語 陳於孔子。 衞 靈 一》篇 軍旅之事,未之學也。」 孔子對曰:「 俎 明 豆

日 遂

行

辭 類 或 而 此 以 彼 事 爲 尤 與《春秋 靈 詳 公,或以 備 傳》答孔文子 蓋 本 爲 一事 文子 耳。 丽 語 傳 大 但 聞 此 異 相

> 此,故兩存之。 無 乃《論語》 他 書 可 以證 之文,而 説 其 並 孰 彼 見後「孔文」條 誤 僅 見于《 未 敢 據 左 彼 傳 下。 而 廢 又

之,色不在孔子。 備覽○明日,與 孔子遂行。 孔子語,見蜚鴈,仰 《孔子世 視

微 專因於「問 衞 有人不能 附 罪 靈 論 禮 行 此文與《孟 不 〇孟子曰: 貌 盡 漸 欲 陳」也。 知者。 衰,故 為荷 子》「際可」之義 「於衞靈公,際可之仕 去。」聖人去衞之故 故附, 孔子見幾 孟子曰:「孔子欲 次于此 ൬ 作,亦不 合。 以 疑 古

也。」《孟子》。

子 宋 也 再 门、以定 ·,蓋本之於《孟子》。 ·, 遭 適陳,其 ^ 世家》孔子於靈 桓 公卒之歲,乃定公十 司 二皆未出 馬 之難,至 境 公時,凡 陳,主 而 其 反 再 適 於 Ŧi. 其 四 陳 司 年 初 去 也, 城 適 衞 貞 以 適 陳 而

語》。 三年,因靈公問陳而遂行,蓋本之於《論靈公卒之春,乃魯哀公二年,而誤以爲

簡,進 其謬 事, 然成章,不知所 公之卒固已久矣,尚安得 河之日計之,當不下四五 陳三歲,并曹、宋、鄭、蒲之滯 公卒之歲距靈公之卒僅二年,而 其 反乎衞 孔 「歸與! 世家》誤分爲二,遂謂孔子至陳三 道 子 論 余 按: 路 取 在 也。 由 語 所 陳 不忘其初。』此 歸 影記 日 : 「 經 衞 《論 與! 論 而 與 其 語 再適 以裁之。』《孟 語》云: 在 去 盍 》、《孟子》所 吾黨之小子狂 陳 衞之故 歸 陳 所 乎來,吾黨 以 主,非 兩章 子 车,如 質之。 一問 而《孟 在 .陳」事 及在 亦 記 再 子 此 陳 一時 之士 孔 不思定 乃一 簡 尝云 去 子 衞 子 歲 乎 則 \Box シ紋 也。 之 斐 ? 狂 靈 居 時 : 臨 而

敬以 於是年至 且. 僕 則 果是也,則 就之,言弗行也,則去之。 孟 境 故 過 簡 至陳 反,孔子之去 謂 語 之再至陳。 一世 於道 《毋寧始之不去之爲愈乎,而何爲乎僕 (),何其 |子曰:「古之君子言,將行其言也 也 而 匡之役, 孔 而 有 反。 所傳異 子 一家》以 聞 奚爲 禮, 途 凡 寶鳴犢、舜華之死 行 臨河之役,無故 陳。 而 兩 則 不當不召而 以恐獲罪而去,未出 者? 止 定 夫既 詞。 不 發 就之,禮貌衰,則去之。」去 就若是之荷 + 之 · 惲) 嘆, 世家》 四 無 至 思狂簡 其 世 年 常 陳 煩 家》亦分 屬 適 议定 乎? 也 而 自反,如 之 衞 而 ? V 其次迎之,致 而 八不得 初 然 反 + 而《年 思 其 其謬三 去,亦未 至 衛矣,而 以 五年 脯 歸 謬 可反 境也, 陳 爲 已乎 己 以 ·表》已 遭宋 而 裁 也 也 也 ? 出 則 復 屬 無 狂 又 遂

事耳。 近是。 《孟子》合。 取而 十年。 爲 初。《世家》所謂魯定公卒之歲去 年夏卒,則 至其去衞之年 由 而三至陳,甚 改之,而學者反皆遵之,謂孔子三至衞 事、《年表》皆無之,即 桓 過宋」之文、《論 世家》以哀六年再反 衞 一,在陳之嘆、論語 魋 合之,則事 而再適陳,由陳 之難 年譜》誤以 餘已詳 《世家》自陳 由 此 一,而 孔子之去非定之末 但 過 不可解也。今取《孟 前 雖 無 《年表》乃 宋 數條。 理曉然 孔子自衞適陳之後,復 無 自 語》「問陳」之事、合而 至 可 反 陳 陳 IIII 其 考,然衞 衞 衞,而《年表》乃在 反衞 》、《孟 丽 再返 明白,孔子并無 所自爲 ,自衞復至陳之 在 主貞子,正 而再適 哀之三年。 衞之事矣。 子》所記 靈以哀二 説, 即 衞 陳 哀 已自 子》 之 與 者 之 亦

> 其文尤 不足信。 迹,使若别有所據者然。 作實本於《世家》而故稍竄易之,以 本,考之時勢,亦俱不合。蓋《年譜》之 觀其所以改易之故,殊不 家》一年者,有後 有 去衞之年亦與《世 反衞 煩 而 碎。 再至陳之事,與《世家 曹、宋皆再至 於《世家》二三年者。 家》迥異: 較之《世家》尤 可曉。 焉,其至 有先於《世 》同, 既無所 泯 其 衞 而

珠四考信録卷之二終

年東陽署中刻

道光四

<u>.</u>

洙泗考信録卷之三

大名崔述東壁謹考 石屏門人陳履和校刊

過宋

此,今從之。 記過宋於去衞之後、如陳之前,蓋本之 去衞之後,過宋而後至陳也。《世家》亦 按:《孟子》「於衞」章,是孔子去魯

殺之,微服而過宋。《孟子》。孔子不悦於魯、衞,遭宋桓司馬,將要而

魯、衞」,其下文云「主司城貞子」,則是當立於宋之朝也。 其上文云「不悦於按:《孟子》云「過宋」,則是孔子未

不載。 免 ? 子尚 矣!』孔子曰:『天生德』」云云。若果孔 集,猶曰「其如予何」,不亦迂乎? 故今 拔其樹。孔子去。弟子曰: 『可以速 子,故獲免也。 云:「與弟子習禮大樹 此時,事理甚 要之於路。微服 而過宋」,則是魋知孔子將過宋境,使人 宋之國也。 孔子由衞至陳,經宋之境,亦未必至於 在樹下,魋拔其樹,孔子何 至此乃去,不亦晚乎? 兵 日 明,無 「將要而殺之」、曰「微 「其如予何」之言,當在 而行,則人不知其爲孔 可 疑者。《世家》乃 下, 魋欲殺孔子, 刃 以 能 交 服

予何!」《論語·述而》篇。 存疑○子曰:「天生德於予,桓魋

其

如

章之詞誇。蓋聖人言之,聖人原未嘗自按:《子罕》篇「畏匡」章其詞婉,此

存疑。 者,學者 氣之間 弟 不 不可 能 子 以 不 以 小 П 詞 有 相 害志 增 傳 ·, 其 減 也。 移易以 意 不 故 失, 列之於 失 其 而 真 詞

問答之事,稱宋公爲「主君」。 《家語·賢君》篇有孔子見宋君相

何耶

以 也 君 罪 其 魏、趙分晉之後始有之,①以其故大夫 則是孔子未嘗立於宋之朝 名法之論,孔子 春 丽 大矣! 誣 之稱宋公也。 ,故主之。 相 秋 不 時未 問 知 而反改其文以惑世,撰《家 余按:此文本出《説苑》,以爲梁君。 其 答也哉?「主君」之稱 有梁也,故《家語》改之爲 所言皆戰國策 孟子云:「孔子微服而 孔 固無此等言也。 子時 且 其文本韻語、《家 尚 無 士之餘,申、商 是 也,烏 稱 語》者其 不能 "; 自 亦不 得 過 與 宋。」 語 宋 得 其 辨

> 録《説 彰 獨 少 彰 淺 竄易之, 陋 明 苑 與與 矣。 》, 而 前 中 然 後 遂 非《説苑》之録《 文不 有 而 不 世 類 叶 儒 者 猶信《家 然 ; 則 所 家 是 增 《家 語 數 *也, 語 語 又

在,回 淵後 如予 不在 得與於斯文也,天之未喪斯文也,匡人其 子 兹 何 附録○子畏於匡,曰:「文王既没,文 何 !! | 《論 乎? 敢死 **三 :** !」《論語・先進》篇 天之將喪斯 語 吾以 子罕》篇。 女爲 死矣!」曰 文也,後死者 〇子畏於匡 顔 不

聞 策指之曰:『昔吾 子去衞,將 之,以爲 \wedge 世家》云:「或譖孔子於衞靈公,孔 陽虎。 適 陳。 入此,由 過 陽虎嘗 王 一,顔 彼 暴匡人, 匡人 刻 缺 爲 也。」匡 僕,以 其

^{■「}韓魏趙」、太谷本、南昌初刻本皆作「韓趙魏」

遂過 去 日 遂 衛 ,使從者爲甯武 止 過宋 蒲 孔 子。 月 而 餘 孔 至於陳。 而 子 反 子臣於 狀 平 類 衞 陽 衞 虎,拘 又 月 然後 餘、然後 焉。 得 去。 Ŧi.

異矣! 之事,而 斯殺之矣;如不 其 於其 欲 Ŧī. Ŧī. 不 爲 非 百 日 得 H -陽虎 1,亦當 君。 餘年, 因 誰 ,欲奚爲者? 余 按: 臣乎? 刻 世 其 去 ,豈人情 咸信之,雖朱子亦采之,其 甯氏 出 言 孔子在魯爲司寇,居衞 也,道路之人當悉知之, 而 言以 之亡 此 · 欲殺,斯釋之矣。拘之 遂 耶 其爲説 而 誤 亦 相 甯武子之卒,至是 以爲 詰, 數 匡人欲殺孔子, 至 十年,從 乃至 虎 一陋,皆 況 竟 者將 拘之 不 必 見禮 亦 . 知 無

甲士圍之。子路奮戟將與戰,孔子止之,《家語》云:「孔子之宋,匡人簡子以

和之。曲三終,匡人解甲而罷。」曰:『歌! 予和汝。』子路彈琴而歌,孔云

之也。 矣,而 言,不 畏 如《家 河 是 陽虎也,故圍之。 子 崇云: 語 自 匡,宋人圍之數 失《莊子》之意。 子》本不足信,而《家語》之采之也, 歌, 王 歌 讀《孝經》以 》之言,則是 一事 Á 余按: 過 豊. 韋 語》之言 外篇 歌 「無幾何,將甲者進 有 欲 自 而 是 解 韋 明 此言本之《莊子》外篇。 不 也,歌 附 É 安 理 知 退 孔 哉 解 匝, 而 會 《莊子》云:「孔子 命 敵者、未 今非 子欲 何 則 也 之,以 無 是 人 不 爲 以 所 王 解 大 絃歌 後 也 之意 撰, 歌 又 於 人 世 必 清請 自 真 不因 退 韋 詞 之 不輟。」是歌 要 非 伸 爵辛 敵 也 日 姑 臣 以 其 此 其 矣。 於 而 :『以爲 歌 借 言 有 H 説 退。二 如《 歌 孔 皆 之誤 欲 退 遊 又 \sim 也 子 莊 寓 臨 師 家 并 莊 於

故 其 子 餘 陳 如《世 淵 淵 矣; 然則此事當與微服過宋之事相類,不 己 倉 子五 \Box 匡」、「崖 而 家 過 疑 爲 後」乎? 當 無 而 則 卒避難,故 有 其 匡人果圍孔子,曲 後 王 將 故 適 所 戒 同 H 家 如 始 拘 去 陳 韋 以 加 心,或 而 **∀**′ 當 於匡」, 子 適 爲 其 而 耳 所 免之, 而 在 家語 何」,聖人之言不近 焉。 陳 實然,誤 復 韋 此 口口 與顏淵相 後 必不 改 也。 矣,生 返,不但爲 必 解 日 而 則 道 》之説也。 然 矣, 孔 中道 去衞 日 靈公既 顔 則 而行,或易 子 矣。 「畏於 何 死係於其手 淵 三終而 孔 聞 生,故 過宋之時,不 而 以《論語 子 當 王 且 其 返,又 不召孔 果 同 孔 匡。 人之將殺 王 所輕 不日 解去, 以 子 拘 人 服 居 適 既 迁 而 果 吾 ·, 而 子 拘 而 不然 陳 衞 欲 乎 口 則 拘 去 於 得 · 得 之 恐 孔 月 滴 ? 猶 己 顔 顔 免 孔

> 之 云 後, 自 王 而 返 凡 衞 ^ 而 世 後 家 去 》、《家 也 語》 故 附 之文 次 於 概 過 不 宋

載

焉

匡,故 之滅 也。 鄭東、衞 還,陽虎使 王, 與「過宋」之事 方事晉, 之於晉、《莊子》、《荀子》皆以 三, 匡 者。 又宋 也 往不假道於衞 ? 偪 魯雖取 又按:定公六年《 人其如予 使匡人要之, 吾惡 地,則 陽也,以予宋公。 南, 匡歸於宋,理或 季 則 知 匡 罕》篇 孟 似 非 勢不能 去宋爲近,去晉爲遠。 相 Á 一世 何 魋 類 ____ 南 云 聞 ~,又與 而 医厂 是 門人。」是 : 孔子適陳,將 後人誤 王 有 傳 述 天之未 然也。 在 取匡之時,宋 過 其 丽 鄭 杜 宋 **>** 時 王 分之爲 東 氏 篇 匡 爲宋 相 實 此 喪 也; 疑 亦 在 伐 同 事 斯 本 爲 出 云 衞 鄭 邑。 文 歸 於 若 既 及 南 取

也

事

事

匡

之。 意正 爲 也 與 記 每 天生德 遇 所 過 然於 0 説并見前「不悦」條下。 司 患 聞 定宋」絶 姑 難 於子, 亦 是 經 兩 即 似 以 傳皆 爲 似 存之,以 其 是言 桓 時 一事,恐 詞 無 魋 一事之言。 小異,未必 明 其 也。 俟 文,故今不 如予何!二二 不得 夫 然 博 則 分以 古之士 畏 孔 而 子生 敢 記 匡 爲 章 澽 者 īF. 之 合 平. 各 語

其 貢 與 肩 弟 『東門有 類子 子相失,獨 (世家))於孔子過宋之後云: 产,自 人,其 立 要以 郭 顙 東 似 下 門。 朩 堯,其項 及禹 鄭人或謂 三寸,纍 似 適 泉 陶 鄭 子

纍若

喪家之狗。」」云云。

百 鄭 陳 餘 X 必 戓 年 不 余 -矣,鄭 猶 由 按 有 鄭 鄭 及 人何由 在 見 且. 宋 者。 子 西 産 知其形 堯、禹、 陳 鄭 在 相 宋 體之詳,而 泉. 其 南 陶,千七 卒不久, 自 宋適

厄於陳蔡之間 而并爲之辨。

也。

此

乃

齊東

野

人之語

故

今皆削之,

狗

、造此言者、

信此説者,

皆聖門

之罪

分

行力乃

歷

歷

不

爽矣

乎?

至

比

聖

人

於

主司城貞子,爲陳侯周臣。《孟子》。

誤,當從《孟子》名「周」爲是。越,而《孟子》作「陳侯周」。《史記》多越,而《孟子》孔子至陳之時,陳侯爲湣公

尼,仲 焉, 聞 問 尼 之,昔 E \Box 節 : : 或 尼 專 _ 無 敢 車。 爵 語》云:「吴伐越,墮 禹 以 致羣 問 之。 吾 骨 吴子使來 何 命 神 既 。』賓 爲大?』 徹 於會稽之山,防 俎 發 好 丽 幣 晏,客 聘, 一仲尼 於 會稽,獲骨 Ħ. 大 曰 **:** 間 出 夫 之仲 風 骨 及 氏 某 仲 Mi

矣。』」云云。 後至,禹殺而戮之,其骨節專車,此爲大

此 相 耶 ? 戮 不 共工 語 孔 孔 衞。 三危,殛鯀 之, 豈聖人之所 但泛言及骨, 子曰「不知也」。 蒙 之, 過 子 事 神 子 於幽 流 文安 載 時 怪、《論語》言之矣。或問 而吴棲 余按: 定公十二年,孔子已去魯適 神耶 禹 放。 之定公五年,而 神 方 亦 能 也,又安得 在 州,放驩 ? 於 今防 殘 爵 陳 越於會稽,乃在哀之元年 羽 而 人也,則 忍 吴使於魯廷哉? 孔子不 ,吴使安能 爲乎? ட் 風 ŦL 況吴使原未 矣 兜於崇 氏 子 哉 有 四 但 遽 與致羣 ! 哀 骨 凶之罪大矣, 後 遠 堯 發幣於孔子? 元 乎 山、竄三苗 П. 至 徵 典》曰 年,孔子在 ? 明問 防 耳,遽殺 神 神之言 禘之説 《世家》 風 怪 此 氏 以 事 流 不 人 然 於 誇 而

> 深辨。 載之? 陳。 稽之役既 又云「 説並見前 然此本無之事,其 在 吴敗 哀元 越 「或謂」條下。 年 王 則 勾 定 踐 Ŧi. 會 年月 年 稽 又 亦 何 不 得 夫 足 預 會

有咫。 之,仲尼曰:『隼之來也遠矣,此肅 之矢也。』」云云。 陳侯之庭而 國語》又云:「仲尼在 陳惠公使人以隼 死, 楛 矢貫 之,石砮,其 如 陳,有 仲尼 之館 隼 慎 Ę 集 氏 問 尺 於

馬,一 未有 未 特其 後死哉? 石砮所貫,安能 或 載 語》 其 餘 余按: 肅慎氏之去陳 似孔 者。 事之似 所 事 ? 載 且怪者,孔子之所不語 子 則 孔子之 生平專 何 此 \sim 飛數 以《論 左 者 傳》之艷 事 T 以 此 凡 語 語 里,至於陳 蓋 四,而 》二十篇 怪 也遠 稱 爲 而 聖人 誣, 事, 矣, 者欲 亦 語 廷 中 隼 而 從 從 他 怪 爲 而 而

也。 故

見

其

博,

而

不知其

適

以

誣聖人、小聖人

公宫、桓、僖災。

孔子

在陳,

聞

火,

日

其

而 ŦL 子 云 至 惠公,亦謬。 又按"《春秋》定公四 陳之時,據《史記 影當 年 -葬陳 爲 陳 惠公。 湣

臺,未有 焉,曰: 陽之臺,未終,而坐法死者數十人, 三監吏。 侯默 孔叢子》云:「陳惠公大城,因 而退,遽赦 『美哉斯臺! 不戮一人而能 夫子 見 陳侯,與 吏。」 致功若此者 自古聖王之爲 俱 登 臺 也。」 而 又執 起 城 觀 凌

也。 滑 誤,說已 们 孔 稽 蓋滑 子不 之雄 余按 見 稽 屑爲此,春秋時 淳于髡、東 前 談言微 者 條 所託 F 故故 中 方 ', 固 不 朔 録。 尚 足 輩之所 未有此等語 解 紛。 陳惠公之 爲,不 然 特

陳

所

執

存疑 ○夏五 一月,辛卯,司鐸火。 火踰

桓、僖乎!」《左傳》哀公三年。

知者 據。 疑其 大夫 盡信,姑存之於此 每 日 事 用 一、未必 、皆出 多億 而 問 夫聖人固有先見之明,然觀 按: 謙 無 《論語》孔子之言,皆平實 於事 中, 如是之輕 億 慎 中 能 小 後附會之言, ·之事。 心、蓋 預 決 而 人之成敗 《左傳 知 易 而常 也 》所 耐 自 故余不敢 生死, 處 不足爲 載 於 廟 切於 列 不 而 竊 或

以 貢 用之也。』是日,孔子曰『歸 行,孔子曰:『魯人召求,非 沮之云云。 「必召 知孔子思 孔 子 世家》云:「季桓子 仲尼!』康子立,將 爲 招。」云。 歸 曰:『必 送 冉求,因 召 此 冉求!』 病,謂 後 誡 召之,公之魚 乎』云云。 小用之,將大 乃 三。 康子 有 一冉求 適 Ħ 蔡 子 將

信。 者。 誡 冉 際,不當在未適蔡之前。故今皆不取。 意 口 在 觀 荆,蓋先之以子夏,又申之以冉 凡十人,而 蔡者皆不及門也。」記者因記弟子姓名 無自 敢 貢 爲 深言者。 問答之詞,皆似 而 有果用,必請歸孔子,不必待子貢之 桓子甫卒之時 所云,皆似 子貢之穎 後 然則冉有 而 之大用。❶ 陳歸魯之事矣。子曰:「從我於陳、 余按:《論語》「爲衞君」章,冉有、子 孔 知 子 也。 冉有 思 若冉有果從孔子反衛,則 冉有始終相從於陳、蔡間 悟,亦不必待孔子示之以 歸 歸 此皆後 與馬。 冉有、子貢,均弟子也。 也 魯當在 之嘆,亦當在將反衞之 在衞之時 人猜度之辭,不足 冉有爲 《記》云**:**「 反衞之後,不當 有所諱 季氏 有。」 臣,不 將之 而 歷 必 不

公問政」云云。

説並見後 「歸與」條下。

葉公問政,子曰:「近者説,遠者來。」《論

語 子路》篇

「女奚不曰『其爲人也,發憤忘食,樂以 不知老之將至云爾』?」《論語 葉公問 孔子於子路,子路不對,子曰 述而 篇

自陳 遷於蔡。 世家》云:「冉 明 年, 求 孔子自 既 去, 蔡 明 如 年 ', 孔 葉, 子

來。 公在蔡不在葉也。 寧,乃老於葉。 年,楚白公作亂,葉公自 公,白公死。 四年,葉公諸梁致蔡 余按:"《左傳》哀公二年,蔡遷 葉公兼 則 是孔子在 蔡既遷於州來,去 攝 令尹 於負 蔡人 陳之時,葉 函。 楚,攻 司 馬, 於州 十六 陳 É 或

0 「爲」、太谷本、《畿輔》本、南昌初刻本皆作「謂」。

遂别 葉。 列 間 其誤分一事爲 葉公有「 子在蔡之文,遂誤以 蔡 者 之 俱 地 本楚卿貳 益 遠,來 「葉公之問」於在蔡之時,而無孔子如 無孔 來及葉之事 地 事。 巧 大 出 而《 史記》但 故 得 負 「白蔡 子 則 論 問政」、「問 往 使 相 與聞國 與 函 是 鎮之。 語》、《孟子》、《 當 與 一之蔡, 蔡之君大夫 如 ŦL 見《論 由楚境,孔 周 兩 葉」之文以合之,而 子 旋,及 事 政,不 非 所 而 也。 孔子 爲州來之蔡。 語》、《孟子》中 州 孔 謂 其 來之蔡也。 子 ·當居外;以 故今考而 於子路」之事 相 春 子未必遠 從 請 適 與 秋 我 老, 在 周 傳 於 陳、 乃 中, 旋 陳、 正之, 又因 葉公 不知 有 歸 蔡 新 問 涉 之 得 ŦL 於 蔡 答 亦 其

兮 ! 存疑 鳳兮! 楚狂 何 德 接 之衰 輿 歌 而 ? 调 往 ŦL 者不可 子 Ė 諫, 「鳳

州

得與之言。《論語 殆 來者猶 तां !」孔子下,欲與之言 可追。 已 微子 而 已而 ,)) 篇 ! 0 趨 今之從政 而 者

然日 哉 ? 딩 : 桀溺 而 H. 與?」曰:「是 曰:「滔滔者,天下皆是也,而誰 誰?」子路曰:「爲孔丘。」曰:「是魯 之,使子路 誰 而 與? :「鳥獸不可 與其從辟人之士 存疑 桀溺 耰 是 魯孔 丽 天下有道,丘不與易 티 : 問 不 長 津 輟。 丘之徒 也。」曰:「是知 「子爲誰 .焉。 沮 與同 子路行, 桀 長沮 也,豈若從辟 溺 羣,吾非 與?」對 ? 耦 \Box 딩 : : 而 以 「夫執 耕。 告。 津 也。」同 斯人之徒 日 「爲 矣。」 以易之? : 夫子 孔 世 仲 輿 上。 之士 然。 問 孔 子 者 由 憮 丘 於 龃 调

蓧。 四 體不勤,五 子 存 路 疑 問 曰: 「子 子 路 穀不分,孰爲夫子?」植其 從 ·見夫子乎?」丈人 而 後 遇 丈 以 杖 H 荷

潔其 告。 不可 則行 杖 也 黍 而 而 子 曰 : 芸。 道之不行,已知之矣。」同上。 身 廢也, 君臣之義, 如之何其 矣。子路曰:「不仕無義 食之,見其二子焉。 而 子路拱 亂 「隱者也。」使子路反 大 倫。 而立。 君子之仕 止子路宿 明日,子路行, 也 八廢之? 長 見之。 行 殺 幼之節 其 雞 至 欲 義 以 爲

蔡之時,而載接輿事於在楚。《世家》載沮溺、丈人之事於自葉反

《論 得 世之深 章 道」爲二、於理亦似未安。 蕢」兩章較之可見。 行,亦不似出 概謂 末 語》他篇之言不倫,以「晨 雖 余按"此三章其文皆似《莊子》, 之亂 心無所 載 孔 子、 倫 於 發 平 子路 孔氏門人之手者。 明,而分「行義」與 1 而此 之言,然於聖 恐係 篇雜記古人言 莘野、南 後人之所 門、「 陽 人 後 一行行 僞 岢 憂 兩 荷 與

託,姑存之,以俟有識者決之。

然其 先後爲序,則此三章之次,亦恐不 家》所列。 事之 又按:「微子」以下四 有 故今仍以《論 無 蓋不可知, 語》之文次之。 [章,皆 亦 無 以 如《世 庸 時 深

人窮斯濫矣。」《論語·衞靈》篇。曰:「君子亦有窮乎?」子曰:「君子固窮,小曰:「君子固窮,亦

考也。

在

陳絕糧,從者病,莫能

興。

子

路

愠,

見

之後。 如陳之時 此 朱子 事 無 據《論》 年 可 考。 語 文, \wedge 世 以爲 家 當在 置 之 去 遷 衞

陳始達; H 來於陳、蔡問,原 言「君子 之事 按:孔子言「從我於陳、 也 厄 則是孔子至蔡之後,蓋常 於 蔡在 、陳、蔡 陳 無 南,自 定居,而 之間 蔡反 則 其 蔡」,孟 是 衞 厄 孔 亦 亦 子亦 復 必 非 子 歸 由 往

於陳 言之,未必 貞子,不得謂之無交。 無 Т 上下之交」,而 後 反 其 衞 事 也。 適 在於問 且. 過宋之役,主 然則《論語 孟 子 陳之後 以孔 子 也。 | 或 之 司 故 統 城 口

次之於葉公問答之後

夫危矣 之間 陳。 後 不 是使子貢至楚。 侯之疾。 蔡大夫謀 得 · 得 免。 行 ',使人聘 楚救陳,軍於城父,聞孔子在陳、蔡 (世家》云:「孔子遷於蔡之歲,吴伐 , 絶糧 ?! 乃相 曰:『孔子賢者,所 孔子用於楚,則 孔 與 子。 孔 楚昭 八發徒 子 講 孔子 \pm 誦 役 興 弦 量 , 陳、蔡 師 刺 往 迎 歌 孔子於野 謎 拜 孔 不 用 皆 禮 子,然 衰,於 事 中 陳、 大 諸

子》 \vdash $\check{\exists}$ 此説 在 陳 "君子之厄於陳、蔡之間 111 絶 一多信之,余 糧,從 者病 竊 疑 莫 焉。 能 興 無 《論 上下 語 孟

生兵

端

由

是言之,謂

陳、蔡之大夫

韋

孔子者,妄也。

蔡方事吴,陳方事楚,楚

其

畏

楚

也

如

此,幸其不伐足矣,安

敢自

蔡於 13 韋 哀之元 在 或 糧 之難兩見於《論語》,宋桓 兵圍之,其事大於桓魋、匡人之難多矣, 陳、蔡之圍 於《論語 貧乏耳, 之交也。」但言其君 而《論語》、《孟子》反皆不言,但謂之「絶 也。 韋 布 陳 」,但謂之「無交」,豈理 是 其 衣 城 乎 年, 楚子 所 之士? 陳、蔡之畏楚 下,陳旦夕不 初未嘗云有兵以 聘之人以 請遷於吴。 而 若 詳 陳 圍蔡。 如 載 於《孟 方引領 攖 世 大夫不 久矣。 自 二年,遷於州 楚怒,欲 家》所記, 蔡人男 保,何暇 子》,而 司 也 韋 以 見禮 之也。 況 哉? 馬之難 待 是 何爲 女以 楚救 兩 皆 出 時 以 楚,大 吴師 或 者 師 不 王 至 合 以 於 而

七二

見

其

無

至

大

其爲 使楚竟 縶之以 圍之七日,至於絶 蔡之大夫 矣。 圍之耳,不必遠 與蔡,仇 亦 人情 夫 合兵 不過 而 ,則孔子 蔡 異 謀 孔子 後 相 可之仕也; 而 歸 亦 數 陳從之, 免 與 不 侕 之所 讐 也。 謀 拙 或, 救 時 者 來,當 相 十人, 已至楚矣。 將 矣 ! 韋 既 與 , 妄也。 孟 斷 老 . 孔 謀圍孔子者,妄也。 在 不然 子 坐 師 謀 陳 且蔡 不下 韋 於衞 子,使之絕糧,待楚 蔡, 之陳。 \exists 俟 費 由 韋 糧 而 者, 是言之,謂 其 財,意欲 蔡而吴伐之。 萬 蔡 遷 而 此 殺 由 靈公,際可之仕 餓 孔 餘 於 不肯殺,又不 人 皆 而 之, 是言之,謂陳 死 比 子 人,孔子之從 欲 州 世 時 陳 而 如 於 韋 來,去陳 何爲? 儒 勢之所 知 後去乎 反掌耳 季 孔 多信之, 陳、蔡之 孔子之 桓子, 子, 陳之 陳、 必 救 ? 設 肯 斯 遠

者

蔡

往

韋

之,以 其 往 度亦 能尊 朝。 養之仕」,言其僅能免於昔日之絶糧也。 單子知其必亡。 蔡也 大夫皆不 語》亦言陳之道 以圍孔子於野」者哉! 衞,乞食於五鹿者然,烏有 國者,其 也,於衞孝公,公養之仕也。」獨其於陳、 陳 來 非 日之事矣。 不 兩 暫與相依而 賢 , 則 而 救火,君子是 此 時 地、未有定居、其 養 蔡 君 日 致 ", 非 乃楚境,楚人亦 士之國,雖有 恤賓旅,孔子 「無上下之交」。 大夫必饋之餼,而 厄, 故曰「厄於 路 地 如 蓋 未必遂久 也。 晋 不修,實旅 陳之 以 重 其反 耳 貞子、葉公之輩, 窘餓 知 國 《 春 亦 陳、 務 與 之不 其 事 所 不 富 蓋古之適 衞 蔡之間 窮乏蓋 相 先 秋 H 謂 樂 無 陳、蔡皆無 或 也, 處。 亡。 禮 非, 傳》云 强 所 「發徒役 Ì. 於鄭 日 依 兵,非 於 是以 其 亦 公公 非 其 或 他 君 故

而不知其舛也。故今皆不載。蔡乃楚境疑二國大夫之相厄者,因附會而爲之説,後之人但聞有絕糧之事而不知其故,遂

之説,詳見前「葉公」條下。

禮義 猶見 耳。 其 蓋 獨《 不之覺者,蓋不乏人矣, 爲 遂 《莊》、《 、在《世家》、《家語》也, 會 附 本於 莊子》書數數言之。後人相傳之言, 有一二人以爲異端 其言既皆寓言,則其 事 會 以 又按"陳、蔡之圍,經傳未有言者, 嗚 列》者半,當其 也 之, 自困 此 乎 以 ! 其 不 ^ 自 世: 身,因有 知 陽 宣家 暢 莊子 闢 ~》、《家 其毀禮 其 特譏 在 名 厄於陳 而 豈 則 事亦安得遂以 而 莊 語》之文采之 不信者;●及 滅義之宗旨 獨 雖 孔子之好言 陰 名 姚 襲 蔡 《列》也 儒 江 其 事 亦信 之 説 徒 īfīi

者,余概不敢妄録。

之,遂相沿至今,以 同。 出 Ħ. 古 聘孔子,陳、蔡大夫安 説》云: 而 用《世家》説。 ·吴伐陳,陳亂,故乏食。」説與《世家》不 亦嘗 之,以見其非先儒 爲 漢人固不以爲 科場場 趙氏 又按:孔氏註《論 闢之矣。 「是時陳、蔡臣 逢世之計,乃 註《孟子》「厄 是司 自明 然也。 馬遷 爲 之説 敢 季講家 服於楚,若昭王 固 語 於 不辨 雖 圍之?」是朱子 然。 》「絶糧」章云: 朱子《論語 陳 載 蔡」章亦 矜言博覽 之《史記 黑 余故表 白 而 采 來 序 而

貢色作。 識之者與?』曰: 世家》: 孔子曰 孔 『賜,爾 『然。 子 以 古 非 窮 以 與?』曰: 告子 子 路。 多學而 非 子

● 「見」,太谷本、南昌初刻本皆作「間」

乃爲

陽儒

而

陰釋哉!

故

凡

不

見於

經傳

七四

爲 子 故 虎 П 耶?』告子貢,子貢曰: 『夫子之道 此?』子路曰:『意者吾未仁耶,未 也 率彼 爾宰! !』孔子欣然而笑曰:『使爾多財,吾 曰:『不容,何病! 不容,然後見君 天下莫能容,盍少貶焉?』告顔 召 子 子 路 曠 以 丽 野。」吾道 貫之。』孔子知弟子 問 \exists : 非 詩 $\frac{}{Z}$ 耶, : 吾 有 何 匪 回,顔 至大 愠 爲 兕 心, 知 於 匪

乎。 衣狐 有 與?」子路聞之喜,其自信果決如是,烏 曰:「道不行 有信道不篤之心。 夫子之得邦家者,所謂立之斯立,道之 以未仁未 貉者立 雖不能無怨天尤人之意, 余按:子路 知疑孔子 而 乘 不恥者 愠 桴浮於海,從我者其 子曰 見 而曰「君子 者 「, 其 哉 :「衣敝 由 也 子貢曰)與? 緼 而 亦有 未 袍 由 又 嘗 : 窮 與

爾耶 觀《論 宫适問 章。今朱子《集註》分之,是也;《世家 《世家》之言,則是諸 不得其 子温 糧」、「固窮」之義毫不相蒙,自當 於《論語》「多識」、「一貫」之文,與「絶 其過之不在己也 足以知孔子,而 者,而孔子常有謙 笑,欲爲之宰,毋乃近於好諛矣乎 斯行 夫子不答。顏淵之言固當,然遽欣然 道,識趣之卑陋甚矣,何以爲子貢 「子貢智足以 、良、恭、 語》所載 綏之斯 (死然)。 此必 於孔子 儉、讓 無之事,不待詳 知聖人。」若欲孔子自 來, Ď: 諸 禹、稷躬稼, 孔 可其 動之斯 弟子未 子不得 遜 「羿善射, 奡盪 以 弟 不 、與《 得 子 敢 和 有 之。 不 自 自 論 不尊信 瑣 顔 是之心。 丽 語 又曰 辨 孟. 瑣 淵 有 然自 别 者 天下。」 外皆不 相 子 舟,俱 聖 爲 反 貶 日 至 乃 明 人 如 南 其 夫 面

國、殘 之語 之以 之而 始賜 足縷 貢。 外 詞,遂致失真。 會稽」之語。未來之事,孔子何 述孔子之言 哀公六 旧 連 論 《説苑》述孔子之言復有 年越始 傳》及《說苑 而 有 語 俗語, 辨 伍 然其文尤繁碎,決係秦、漢文字,不 與子 預 及之, 唐、 孔子 員屬 二愠 年 告之乎? 東 其謬 ,路問 滅吴,已後越始 Ė 加之以 見 亦 西 以 鏤 並 陳 非 》,而 魯哀公十六年卒,至二十 以 最 漢、 Œ. 答 有「子胥抉目於吴東門 反 是。 死。 顯 語,而 事, 衞 如 晉 枝葉,以 蓋 文 而 今世 演 復 至十三年,吴夫差 易見者: 孔子以 此 此 而《外傳》、《說苑 而 與《世 義 二句 不及於顏淵、子 事 \equiv 好 間 通 又 事 書 悦 取 巷 踐 於諸 見 之文 家 者 世 史 所 霸 於《 **菱** 敷 人 事 傳 由 心 夏, 之耳 皆 之三 衍 預 生於 而 韓 里. 其 易 本 知 Щ 惫 詩

> 딩 : 宰予者乎?』曰:『無有。』『且 者乎?』曰: 乎?』曰:『無 \Box 以 撰,不待辨 經 之而 目, 不之覺而信爲 文亂雜無章; 厄》篇則又兼 三子者不察 : 以以 書社地七百 彼 『王之使使諸侯,有 不 『無有。』『王之輔 世 古 隋 删 「家》云:「楚 不 人 严, 正 問 而 而 而 八實也。 與 明者,不知 且. 採三書而合之者,是 其 有。』『王之將 避 誤 里 無 阮 義 一於句踐、子胥二語 采 唐 封 有。』『王之官 逸 **心之耳。** 理 昭 廟 孔 故今一概 所 時 王 諱 子。 作爲《文 相 勢 如 興 後之儒 者 之合 至《家 有 子貢者乎?』 師 楚令尹子 同 率 迎孔子, 如 楚 有 不載 與 顔 者 之 尹 其 中 如 語 否 祖 有 子路 П 何 爲 子 以 亦 也 封 如 者 西 將 元 在 僞 存 其

於周 之法,明周、召之業,王若用之,則 ,號爲子男五 十里。 今孔丘 述 楚安 三王

孔 得 孔子自楚反乎衞 也。』昭王乃止。 丘 世世堂堂 得 \pm 據 在 土壤,賢弟子爲佐,非楚之 鎬 方 白 數千里乎? 其秋,昭王卒於城父。 里之君卒王 夫 天 文王 下 福 在 今

賢妬 若 子路 不敢 肖 未 也 以 知之? 知之者,外人不能也,彼子西者烏足 出 也 知之而忌之,雖子西亦不至如是之不 與?」當是時,三子已有 有天下, 使於諸侯,顏淵、宰予皆無所表見 信 能之事,白公之復言,子西用之矣。 亦未嘗爲將 余按 子西之人本不 如此。 而是時昭王方在城父以拒吴師 季康子問:「由、求、賜 孟子推之則然,其門人或 孔 子得 況於陳、蔡之時,子貢 帥,彼子西者烏 百 足稱,然未嘗 里之地 所 建 而君 可 白 足以 使從 之, 矣, 有 尚 嫉 知 猶 以 有 政 口

故疑 乎? 知其 不用 《戴記》有「之荆」之文,何也? 誤。 皆無 竟卒 荆者非之蔡乎? 楚境也,之蔡即之楚也。吾惡知其謂之 名,因加里於七百之文下 也。 亦皆 七百爲孔子禄邑、《史記》 蓋古之禄邑多以社計,故《 自莒疆以 與之書社三百。」舊説蓋 -於軍 非 ,故又疑以爲子西之沮 以爲昭王之聘之也; 楚 無 至 見 故今皆不載 因 即 楚昭 所稱「書社 之,則 ,亦非議封孔子 欲 臆 西,請致千社。」《荀子》云: 封 王之事 度之故,遂附會而爲之説 此 孔子,安能 必 既 地 後人之所 《楚世 相 七百 ... 傳 誤以 既聘矣而卒於 言楚欲以書社 耳。 時 有至楚之事, 家》及《年 春秋傳》云: 里」者,語 如 之也。 也。 附 是之大? 書社 日 曰 : 會 且 吾惡 無 然則 爲 書 地 亦 疑 傳

七八

治長》篇。 子狂簡,斐然成章,不知所以裁之。」《論語·公子在簡,斐然成章,不知所以裁之。」《論語·公子在陳,曰:「歸與! 歸與! 吾黨之小

衞。 則 之於「絕糧」之後。 適楚,又四五 孔子如蔡; 三歲;如楚。 此 嘆當在 夫孔子既 世家》載 又明年 反衞之前一二年 楚昭 年而 思 此 歸 語 始反 王卒,然後孔子 矣,乃反南 如葉,反乎蔡,居 於哀公三年。 衞 ,何爲耶? 中。 轅 而 故次 反 明 滴 然 平 年 蔡

路; 及門 文學:子游、子夏。」《論語・先進 言語 也。 附 録 德 行: 〇子曰:「從我 宰我、子貢; 顔淵、閔 於陳、 子騫、冉伯 政事: 冉有、季 蔡者 一》篇 上午、仲 ·; 皆 不

間,無上下之交也。」《孟子》。 附論○孟子曰:「君子之厄於陳、蔡之

史記・孔子世家》以定十五年過

衞後先歸

魯也。

若孔子於十年始反衞

家》以昭二十六年至蔡,當魯哀之二年 則《年表》所 家》略與《年表》同,而多闕漏,惟《蔡世 合,而亦 年自陳 表》則以定十四年至陳,哀三年過宋, 蔡之前 宋至陳,哀四年遷於蔡,六年 反 復 無 衞。 有 再 無 反 往來之文。 也。 其年皆與《孔 衞 而 再 至陳之事。《年 陳、衞、宋《世 子世 反 衛 1家 ※不 而 遷

從 召 而 不 子貢曰:『諾,吾將問之。』」是二子皆嘗 陳者近是。 公以哀二年卒,則以爲定十五年去衞 季 孔子反 》篇云:「冉有曰:『夫子爲衞君乎?』 應復於哀之三年過宋。 康 余按:孔子以定十二年去魯,衞 子,康子 衛也。 既於是年或十四年至陳, 使子貢辭。」是子貢於反 哀七年《傳》云:「吴人 《論 語 沭 則 至 靈

縷 往 能 則子 見 再 養之仕」,亦不言陳、蔡。 間 蔡者」,孟子 年反 有「見行可之仕」,有「際可 年 前 至 分 來 尊賢禮士,不可依以久處,是以 」,皆連舉之 表》 者 陳者似 其 衞 貢 「適衞」篇 也 間 者 不 不足據 得於七年 近 初 無 唯 是 日 無 中 其 $\stackrel{\cdot}{\wedge}$ 而 也 _ 定居 孔 事 此 君 無 子 ,當從《年表》。 皆當從《 已在 孔 所 子之厄 其 世家》所 子 分。 魯, 年 日 大抵陳、蔡不 之仕」,有「公 月 一從 孟子 孔 故 於陳、蔡之 謂 古 以 子 我 謂 反 有 世 爲 於陳、 説 孔 孔 衞 不 哀六 家 己 能 子 子 而

異 自 至 有 者 陳 如 蔡 陳 如 去陳之年, 年譜 六十三 葉 而 再 影誤 既 反 一歲「自 而 以 衞之事,與《世 亦 反 孔 與《世家》頗異。 蔡。 子 衞 自 如 楚 陳 陳 昭 反 自 家》同 衞之後, 王 陳 使 如 最 人來 蔡 口 其 復

> 年之事 聘,陳、 得 國,行萬 免。 孔 悉置之一年之中,是 蔡 有餘里,往 子 韋 之, 自 楚 昭 反 乎 王 來 衞 興 如 師 傳 迎孔 舍然。 取《 年凡七至 世 子 家》 較之 然後 Ŧi.

反 衞

世家》,尤爲疎

脱

也?」曰:「古之賢人也。」 「求仁 諾, 冉 吾 而得仁,又何怨?」出曰:「夫子不爲 有 將 曰 : 「 問之。」人 夫 子 日 爲 : 衞 曰 : 君 伯 乎? 夷、 「怨乎?」 叔 子 齊 貢 何 日 \vdash I 人

也 !」《論語・述 輒。 玩 此 章 一而》篇 詞意,良 所 稱

衞

君」,先儒

皆以

爲

出

公

其

鄫, 太宰 按: 《春秋傳》哀公七年,公會吳於 嚭召季 康子,康子 使子貢

耶? 也 則 初,哀公六七年間。 + 是 年,冉 ŦL 或者二子知夫子之不 子至 則 此 求 衞 章 八爲 之後,二子自 季氏宰,及 問 答,當 故次之於此 在 齊 ŦL 爲 師 衞 子 戰 而 反 先 於 歸 衞 遂 郊 之 夫 魯

成; 罰 曰 : 於其言,無所苟 君子名之必可言也,言之必 如 \Box 將奚先?」子曰:「必 也。 :「有是哉? 不 事不成,則禮樂 中 附録○子路曰:「衞君待子而 野 名不正,則言不順,言 式哉由 刑 罰 也! 不 而 子之迂也。 中 己矣。」《論語・ 君子於其 不興; 則 也,正名乎!」子路 民 無 禮 可 所 所不 奚其 |不順 樂 措 行 子路 不 也。 手. 知,蓋 興, 則 爲 正? 足。 》篇 政,子 則 君子 事 故 木 刑 闕

《世家》以此章及「魯衞之政」章皆

爲

衞

君輒之時

余按: 衞自靈公失道,政衰已久,兄

聖人之用財,恐不如是之苟

也。

戴

又似 附次於此 是,先儒 章正名之論 弟之歎不可,必其爲 初 從魯 亦多從之。 來焉者,其説 似爲 輒 然 發,《 輒。 無 明文可考。 世 未 而 魯、衞 「家》之説 可 據。 連 唯 及, 故 近 此

則是 於一 之不 皆因 然行之者也。 原思之爲宰,顏路之請 於 脱 舊館人之喪,人而哭之哀。 驂 哀而出涕,予惡夫涕之無從也!!」 可 哀,惡涕之無從」之故 乎人與己之本量所 可移易者,未有 而賻之,曰:『予鄉者入而哭之,遇 余按: 孔子之用財,如子華之使齊 |戴記·檀弓》篇云:「孔子之衞, 以 偶 然與之,亦可 若本不應如 但 車 徇 當 以 或與 而 一時 然,天理人情 是,但 出,使子貢 偶 脱 之意,偶 然 或不 贂 大 膊 不 與。 之, 遇 與 遇

失其真,或本無此事,均未可知。故今之文,本多附會,此或别有其故,而傳者

不録

之,乃歸。《左傳》哀公十一年。

孔文子之將攻太叔也,訪於仲尼。仲尼之,乃歸。《左傳》哀公十一年。

八方歸。《左傳》哀公十一年。

八方歸。《左傳》哀公十一年。

八方歸。《左傳》哀公十一年。

但 禮,如以「臨 問陳之失小,問攻太叔之失大。 蓋 行,而此則當去,彼可因所問而導之以 未必兩事 陳」章「俎豆」數語相 本 當以不對拒之。 按:此文「胡簋」四句,與《論語》「問 事 適相符如此,而又皆適 而 事好謀」戒子路者然,此則 傳聞 者異 竊疑此文爲得其實 類,其 也。 事 以 亦 理 彼可勿 度之, 相 在 衞 類。

> 並見前「衞靈公」條下。 故兩存之,以俟夫有識者删其一焉。説

也。」《孟子》。 附論〇孟子曰:「於衞孝公,公養之仕

公輒之時,故朱子以孝公爲輒。《史記》衞無孝公,而孔子反衞在出

子之説 奔。 卒,衞人立輒。十六年正月,衞 爲是,則謚之爲孝亦無足怪者。 衛人既以蒯瞶得罪於靈公而輒之拒之 公。出,非 養之爲輒無 《傳》在十五年冬。 余按:《春秋》經傳哀二年,衞靈公 益 可疑者。 也, 輒之謚蓋史逸之矣。 至四月,孔子卒。 輒亡 在外,故稱 故從朱 侯 輒 出 公 來

子夢康叔謂己:『立元、余使覊之孫圉與余按:《春秋》昭七年《傳》:「孔成孔子之於衞孝公、其詳不可考。

歸

連而 去也。 之喻。 爲 夫,孔子不答所問足矣,不必因此 孔子之在衞,文子實留之,故有 公。」則是靈、孝之世,孔氏實執國 史苟相之。』」哀十五年《傳》:「大子 人介, 迫孔悝於 人 八必 不遽去,非苟然而 文子敏而好學,不恥下問, 好賢禮 若文子非執衛 士者。 (厠,强 已也 是以孔子爲之留 柄,不過衞 盟之,孔悝 ·′ 擇 諸 立 則其 而 與 木 政 遂 大 Ŧī.

孔子 子耳。 立其 子 問答之語,則是孝公年少,尚未 之苟利其養而 相 之欲 周 朝 又按: 傳記所 是以孟子謂之「公養之仕」, 旋,但文子言於君而 而 (輔孝公以行道,不 食其 不肯去,故推其前後 八禄也。 載從 余恐世之儒 無孔 然則 致 子與衞孝公 公 饔 餼 疑 知 者疑 孔 明非 與 而 於 爲 子 FL 孔

蹄 魯 上

幣迎孔子。 對 戰 於孔子。』季康子曰:『孔子何如人哉?』 旅,學之乎? 性之乎?』冉有曰:『學之 日云云。 於郎,克之。 《世家》云: 孔子歸魯。」 康子逐公華、公賓、公林,以 季康子曰 「冉有爲 季氏 子 將 師 之於 與 軍 齊

取。 稱聖人,必後 世家》云「郎」,亦誤 余按: 而《春秋傳》言 所載 人所 冉有之言淺陋,不足以 爲托 「師 及 無 齊師 疑。 戦 於郊 故 今不

河 方將厲之。 里,魚鼈 ?梁而觀焉。 家語》云:「孔子自衞反魯,息駕於 不能道, 黿 孔子使人並涯 有懸水三 鼉 不 能 + 一仞,圜 止之,丈夫不 居 , 有 流 丈夫 九 +

以措意,遂度而出。孔子問焉」云云。

乎? 實事 爲 文云: 流平地,安得三十 梁之水,縣三十仞,可 書中、蚿蛇、河海、光景、無有、皆有 意但欲明夫自然之道、無爲之旨,故設 焉,此吾之所以蹈之也。』 然則外篇之 故,長乎性,成乎命,從水之道 游 沫 一丈夫游之,數百步而出,被髮行歌 丈夫、孔子問答之言以暢 於塘下。 四十里, 黿鼉魚鼈之所不能游 梁,可也; 也。 亦 亦 余按: 且. 孔 其 將 《家語》以爲實然,愚矣。 子觀 所改 此言本之《莊子》外篇,其 謂 孔子 光 自衞 外篇之文尤無 於吕梁,縣水三十仞,流 從 景、無 仞而縣之? 而 反魯,去河絶遠,安 問 也; 馬, 有皆能 自衞 曰:『吾始 其説 倫 而 孔子 以下,河 爲人言 理 也。 不 耳,非 問 莊 爲 觀 吕 答 周 見 私 平. 而 原

此

何爲

耶

孔子問 《家語》皆以爲誠有也,《莊子》之言之容 語乎? 得 或有之者、《家語》則又改之使之必無, 子各在河之一涯,又安能隔 河 梁 馬,可 而 嗚乎! 息駕焉? 也, 若丈夫既度河,則與孔 《莊子》之言之必無者, 丈夫游之而 大河 而 復 畄,

之《家語》尤不可信 故柳子厚謂 語》文同。 亦載此事,一與《莊子》文同,一與《家 會粹而成之者,是以 又按: 蓋《列 《列子》《黄帝》、《説符》 其書多增竄,高氏 子》亦後人之所僞 一事而 兩 亦謂後 采之,較 兩 撰, L

子而 曰 : 私於冉有曰:「君子之行也,度於禮:施取 「某不識也。」三發,卒日 行,若之何子之不言也?」仲尼不對,而 季孫欲以 田 賦,使冉 有 訪 :「子爲國 于仲尼。 老,待 仲 其 尼

典 矣。 厚, 年 將又不足。 春 在;若欲苟而 事舉 若不度於禮 Ē 正 其 **芦**,用 中 且子季孫若欲行而 -, 歛 H 行,又何訪 從 而 賦。 其 貪 薄。 《左傳》哀公十二年 冒 無 焉! 如 厭 是, 則 法 弗 則 雖 則周 聽 以 以 丘 \mathbb{H} 公之 亦 賦 足

子曰 季 不 是 蓋《國語》皆後 氏 以以 如 :「非吾徒 富 内 其 於周 文常繁於 傳 爲 公, 近其實,故棄彼 人所 也! 而 内 求 傳 推 也爲之聚飲 小子鳴鼓而攻之, 而 衍 多 "; 非 與 而 當日之言 諸 存 此 經不合 而 附 益

或

語》

亦

載

此

事,而

文

頗

與

此

異

倍 IIII 他 攻之,可也!』《孟子》。 日 冉. 求 孔子 爲 季 曰:「求非 氏宰,無 能 我 改 徒 於其 也 ! 德, 小子 而 賦 鳴 鼓 粟

口

也

論

語

先進

》篇

其文小異者。 按: 論 語 既云「 《孟 賦 子 粟 所 倍 稱 他 乃 H 則 事 所 而

> 子曰 知 謂 也。 聚 · 一吾自 歛 以其 者即《 公互有 衞 反魯,然後 左 詳 略故 傳》 用 並 田 樂正 次之於此 賦」之 雅 事 可

《頌》各得其所。」《論語·子罕》篇。

孔子 之後 歲暮 之出 其 間 之歸 始歸 在十一月葬 當 IE 樂 無 在 魯 與 幾 孔 也 用 時。 文子 \mathbb{H} 滕 田 賦 故 隱公之後,則是孔 賦 訪 未 次 之用 攻太叔之後,太 知 此 孰 文 在 爲 明 於 先 年正 用 後。 田 子 叔 뒓 然

以 作, 成。」《論 翕如 子語魯 也; 語 太師樂, 八佾 從之,純 曰 : 如 也 樂 皦 其 如 可 也 知 辉 也 如 : 始

盈耳哉。」《論語·泰伯》篇。 子曰:「師摯之始、《關雎》之亂,洋洋巫

即「得所」之驗,故並次之於此。按:「語樂」即「正樂」之事,「盈耳

附録○子所雅言、《詩》、《書》,執禮,

皆

雅

Ì

也

《論

語

述

面

於此 然。 以 此 其 孔 子 與 平. Œ. 日 樂之 事, 事 不 僅 司 歸 類 魯 故 以 附 後 次 爲

譜》推 千?」 邵氏 餘 達云 孔 六。」則又皆以 未可信也。」 者少,則孔 百 后稷,中述殷、周之盛,至 風》 Ŧi. 子 篇。」 ,去其重,取 取十五 而 之,有 世 取 書傳所引之詩 「家》云:「古者詩三千餘篇,及至 康 子所録 雍 更十君 篇者。 而宋歐 成之徒多 西 亦云 遷言爲 周 可 + 不容十分去九,遷言 : 而 陽氏修云:「以《 施 由 「諸 有二 然 取 於禮 非 是言之,何 見 一篇者,有二十 山幽、厲 其 侯千 丢 在 説。 義, 者 雅 有 多,亡 上采 之缺,三 孔 1.》取其 餘 啻 氏 或 契、 詩 逸 穎

詩 《春秋傳》云:「吴公子札來聘,請觀於周 未嘗删也。「絲麻菅蒯」之句不遜 樂。」所歌之風 乎 ? 逸之,非孔子删之也。 十五國之外本 爲!]子曰:「《詩》三百,一言以蔽之, 達,使於四方,不能專對,雖多,亦奚 風 武 止此數,非自孔子删之而後爲三百也。 詩,孔子不應盡 世,夷王以 多衰世之音、《 思無邪 也 雅 丁以前 哉? 贵 余按: 子 曰 : 無 』。」玩其詞意,乃當孔子之時 之頌豈 二可 鄭、 前寥寥無 「誦《詩》三百,授之以政,不 或 無 衞之風 無 小 删其 風 取孔 風 遽 在今十 雅 可采, Ĥ 不 大 盛 幾。 如 且孔 淫靡 子何爲 而獨 半作 周 Ŧi. 不 南 如果每 則 或 子 而 存 之作,孔 於 ^ 所删者 有 外 而 六百 其 宣 豩 之而 者。 盡 衰 君 於「 年 皆 删 出出 以 縞 子 何 魯 是 已 以 之 且. 之 有 之 \vdash 外

《孟》、《左 之,彼何 衣 於 東 門不 . 為 傳 八《戴 而 即」之意? 删 記 之 》諸書考之,所 哉? 況以 此 何 爲 論 引 而 之 存

詩

逸者

示

及十

· , 則

是穎達之言左券甚

明; 廣,是以存者 質,作者 之,孔子 而 宋 本不多,而 原無 儒 顧 少而逸者多。 删 非之,甚可 詩之事。 又以 竹 怪 古者 寫之,其 \sim 也。 國 語》云: 風 由 尚 傳 此 不 簡 論

以《那》爲首。」鄭司農云:「自考父至孔 子又亡其七篇。」是正 「正考父校商之名頌十二篇於周大師, 考父 以 前《頌 学之

逸者已多,至孔子又二百 故世 愈近則詩 愈多,世 餘 愈 年 遠 亩 則 又 詩 逸 愈 其

門人,非删之也。 少。 缺 略 孔子 不全,則)所得 遂 止 取 有 是而 《尚 此數,或 書》百篇,伏生僅 釐 Œ 次第 此 外 之 雖 以 有 教 Щ

> 逸者 勢可 多。 多十 傳二 也。 自漢 故今於删詩之説悉不敢載 餘 十八篇,逸者 ,事勢之常,不必孔 以 篇 不 逸、然其 以 ,逸者尚 來易竹以紙,傳布 數十篇 七十 所爲 ·餘篇; 書 子删之而 亦 禮之逸者 代 孔 有逸 最易,其 安 後 或 逸 尤 得

虞而 昊、顓 其説 + 帝魁之書,迄於秦穆公,凡三千二 覽者之不一,討論《墳》、《典》,斷自 典》,言常道 世法者百二十篇,爲《簡 黄帝之書,謂 ·篇,爲《尚書》。 爲然。 下。一 僞《孔傳·書序》云:「伏羲、神 頊、 高辛、 書緯》云: 也。 之《三墳》,言大 孔子覩 唐、虞之書,謂 斷 遠 「孔子得 取近,定其 書》。」後世 史籍之煩文,懼 黄帝 道 也。 之《 多以 玄孫 可 百 唐 爲 Ŧi. 四 少

余按:《傳》云:「郯子來朝,昭 子 問

若《書序》果出於安國,杜氏豈容不 何 墳 《孟子》言必稱堯、舜,其道 於傳聞,必非當時之書之所載也。 以 詳,而皆無一言及於黄、炎者,則高辛氏 不註耶?《虞 上 無 如 羲、農、黄帝之書傳於後世,孔子得之當 焉,曰:『少皥 而 郯子而學之。」聖人之好古也如是,果有 \Box 天敘有典」、「自我五 人所作,故杜氏 》、《五典》之名雖 詭 古 前 故 何 : 『吾祖 之無 ,與《堯典》、《禹貢》大不 時 而 而 事,然其文多平而 删 愛護之,當 書 之乎? 也,我 也明矣。 氏 書》 鳥名官, 知 《論語》 日 註但云 如 見 之。」 何而 唯《春 於《傳》,然不 慎徽 典」。 仲 何 「皆古書 弱 唐、虞之事尤 屢 表章之,其肯 尼 故 五. 其 1秋傳》 是知堯、 類,蓋皆出 聞之,見於 稱堯、舜 也 典」,又 ? 事 名 見 言爲 多 頗 郯 舜 而 奇 子 0

> 歟 ? 删之 遂取 之世 十餘篇,然皆後人之所僞撰。 傳之也亦不易。孔子所得者 以 删《書》」之文。《漢志》雖 教 也。 是而 民 已有《五典》, 古者以竹木爲書,其作之也 者。 《世家》但 考訂整齊之以 安知《傳 蓋 云「序《書》」,●亦 》之所 即 Ŧi. 傳 倫 於門人耳,非 有《周書》七 云非 之義 止於是,則 此 書之策 〕難,其 Ŧi. 無 典.

矣!! |《論語 五十二字古本作「卒」。以學《易》,可以無大過 所删也。 「孔子所論百篇之餘」,亦未嘗言孔子之 附録 子曰 故今於删《書》之説悉 「加古本作「假 不 我數年, 敢 載

魯以 後。 此 語 故 無 附 年 次於「正樂」之後 口 考。 觀 其 詞意 蓋 在

述

而

世家」,原作「家世」,今據《畿輔》本、南昌初 刻 本改

劉向

但云

爲孔子所作。至於唐宋咸承其説。是班固以來諸儒之説《易》者皆謂《傳》是班固以來諸儒之説《易》者皆謂《傳》,由《世家》云:「孔子晚而喜《易》,序

章孔子也不遺餘力,不應不知,亦不應 秋》也, 嘗屢言之, 而無一言及於孔子傳 不應或 應自冠以「子曰」字; 以「子曰」;若《易傳》果皆孔子所作,不 《易傳》果孔子所作,則當 謹 詞》、《文言》之文或冠以「子曰」,或不冠 語》之間,而今反繁 易》之事。 戴記》,出《論語》下遠甚,何耶? 論語》,後人所記,則其文稍降矣。 嚴 簡質,與《堯典》、《禹貢》相上下; 余按:《春秋》,孔子之所自作,其文 加加 或不加也。《孟子》之於《春 孔、孟 相 而 去 即云後 文大 甚近,孟子之表 [在《春秋》、《論 類《左 人 八所加 一傳》、 ~; 亦 若 繋

> 子之後通於《易》者爲之,故其言繁 孔子所作,而亦未必一人所 子之説而不必皆當日之言 文,其冠以「子曰」字者,蓋相 知之而 子曰」字者,則其所自爲説 不言也。 由此 觀之,《易傳 也 ; 爲;蓋皆 其 傳 不 以 冠以 爲 必 FL 而 ŦL 非

尼造之於魯,尚未播之於遠國也。」無《彖》、《象》、《文言》、《繫詞》。疑于時仲無《易》上下篇與今正同,别有《陰陽説》,而杜氏《春秋傳・後序》云:「汲縣冢中,

之儒 子夏教授於魏久矣,孔子弟子能傳其書 者莫如子夏。 冢中書,魏 易傳》不出於孔 者無 余按: 汲冢《紀年》篇乃魏國之史。 疑 人所藏也。 也 子夏不傳,魏人不知 子而出於七十子以後 魏 文侯 師 子夏, 川則

又按:《春秋》襄九年《傳》,穆姜答

前與? 然則 言甚多,曾子亦未 不得遂 位。』」今《象傳》亦載此文。果《傳》文在 之魯史而 義,而幹事,是以雖 會二字亦不可解。 下文義 二句而冠「君子」字於四語之上,則與上 遂以爲「善之長」。 以文勢論,則於彼處爲宜, 史之言與今《文言》篇首略同 「元」即「首」也,故謂爲「體之長」,不 云 嘉會足以 「嘉之會也」,後云「嘉德足以合禮」; 若 論語》云:「曾子曰:『君子思不出其 (是作《傳》者往往旁采古人之言以 以爲曾子所自言。 了不相蒙。 記者固當見之,曾子雖嘗述之, 失其義 合禮」,則於文爲複,而嘉 。 會者, 合也, 故前 必獨 耳,非 「足以 然則是作《傳》者采 隨無咎」,今删其 節此語 孔 長人,合禮,和 以 而《傳》之名 子所爲 文義 而詞小異。 而述之。 論 也。 下 得 云 則 洙

> 《書》傳之文例之,又似序述之義,初 既采 孔子作《傳》之文。 後人之誤,故今皆不載 分明,或以「序」爲《序卦》,而以 爲,非孔子所作 足成之,但取有合卦義,不必皆自己出 曾子之語,必 也。 蓋其説之晦有 曾子以 且《世家》之文本不 後之人之所 前 以 啟 無 序

尼,仲尼曰:「某聞之,火伏而後蟄者畢。附録○冬十二月,螽。季孫問諸仲與弔。《左傳》哀公十二年。 附録○夏五月,昭夫人孟子卒。孔子

你四考信録卷之三終

今火猶西流,司

曆過

也。」同上。

道光四年東陽署中刻

《孟子》。

洙泗考信録卷之四

大名崔述東壁謹考 石屏門人陳履和校刊

歸 魯 下

也!」然後取之。《左傳》哀公十四年。 麟,以爲不祥,以賜虞人。仲尼觀之曰:「麟麟,以爲不祥,以賜虞人。仲尼觀之曰:「麟

袍,曰:「吾道窮矣!」《公羊傳》哀公十四年。 ||「孰爲來哉! 孰爲來哉!」反袂拭面,涕沾有以告者曰:「有麏而角者。」孔子曰:

有之,子弑其父者有之。孔子懼,作《春秋》。| 世衰道微,邪説暴行又作,●臣弑其君者 |

是。 故今亦闕之。 文止於所起,似矣。 之後可知,故次之於此。 致麟,然麟 杜氏 按: 《春秋》終於獲麟, 以爲感麟 至見獲,非 而作,作 然二傳皆未嘗言, 瑞 先儒 乃災,其 則成於獲麟 起獲麟,則 或謂 説 文 非 成

殊失聖人之意,今不取。 《世家》載孔子之言云:「弗乎! 君子疾没世而名不稱焉。吾道不乎! 君子疾没世而名不稱焉。吾道不乎! 君子疾没世而名不稱焉。吾道不

荻

附論○孟子曰:「王者之迹熄而《詩》

■「又」,太谷本、南昌初刻本皆作「有」。

之《檮 者,上伐下也;敵國不相征也。」並《孟子》。 乎 ? 事 竊取之矣!」〇孟子曰:「《春秋》,天子之 桓、晉文,其文則史。」孔子曰: 也。 《詩》亡,然後《春秋》作。 春秋無義戰,彼善於此則有之矣。 罪我 机》,魯之《春秋》,一 是故,孔子曰:『知我者其惟《春秋 者其惟《春秋》乎?』」○孟 也; 晉之《乘》, 「其 其 義 事 則 則 征 子 某 楚 齊

子之事 欲 百 深 欲於横流, \pm 而 几 遠 法,惇典庸禮,命德討罪,其大要皆 + __ 也。 不得肆 胡氏安國云:「仲尼作《春秋》以 也 年 罪孔子者 則 存天理於既滅 南 知孔 面 戚矣。」 子者,謂此書之作遏 之權,使亂臣 ·', 以 謂 無 ,爲後世 其 位 賊子禁其 而 慮 託 至 天 寓

諸侯出,故修《春秋》以尊王室。故曰:余按:孔子以東周之世禮樂征伐自

書列 者天下之名分。 《春秋》作。」天子之事云者,猶所謂 其專黜陟之大權哉 目之,故曰天子之事耳。 之史而非天子之事也。孔子據周 之事也。 之迹也。 之權,彼亂臣賊子復 乃翰反,非 山,或勸之還兵以誅 而 失矣。」蓋 Ŧī. 書》同 「王者之迹熄 自諸侯出,十世 專黜陟之大權 世 希 國之事,所關者天下之治亂, 而 不 《乘》、《檮杌》、《春秋》,則諸 《書》,天子之事也;《詩》,天子 位 失 非《乘》、《檮杌》之比也, 禄 矣 愈卑則 Ш 而《詩》亡;《詩》亡,然後 也。」若孔子先 則 乎 陪 希 愈不 ! 臣 不可 不失矣; 自大夫出 何懼焉? 楊國忠,日 執 若僭其黜陟 唐哥舒翰討安禄 或 更以 可 言其 僭,況以 命 ·, 三 世 諸侯 一: 如 已僭天子 與《 孟子曰 詩》、 贵 之史 禮 即 所 王者 布 以

九二

不辨。 謂 以 人,亦教天下以悖上作亂也 爲天子之事乎? 爲天子之事,則吴、楚之僭王皆 爲是説 者 故 非 余不 ΪĖ. 可 誣 得 聖 以

又

見

論

語

・憲問

》篇

是以 事。 自 几 外之防,尊卑有經,公私 於諸 之,則其 苦於無 之事,皆成 孔子 《易象》與魯《春秋》,曰:「周 崩 + 孔 侯,政 `」然則魯之《春秋》本據 车 但自東 成《春 中 子 《按:《春秋傳》晉韓起聘于魯, 大 例 書 · 善 義 取 口 周 法不 事 一秋》而 不 遷 凜 而修之,正君臣之分,嚴 循 盛 專於大夫, 待 然, 以 合於周 時所未嘗有者。 тí 褒 後,時異 功罪 亂 而 其 臣 自 識 山賊子 禮者 莫 有 見,惡不待 亦 一切 能 勢殊,盟 别,然後 未 周 當亦 懼」耳。 逃 必 禮盡 戰 禮 者, 足 争弑 秉筆 以 不 二百 以 故 野 會 書 在 少。 非 内 及 者 奪 擅 . 魯 \Box īfii 時

> 也。 孔子曰: 三子。」孔子曰 公曰 : 陳 過 以 君曰『告夫三子』者。」之三子告,不可 其 成子弑簡 於求深,而 陳 「以吾從大夫之後,不敢不告也。」 專 恒 黜 弑 "「以吾從大夫之後,不敢不告 其 陟爲足懼也。 公。 君,請討之!」公日 往 往反失其本來之意也 孔子 沐浴 惜乎後之儒者 而 朝,告於哀 :「告夫

티 : 四 與 以從大夫之後也,故不敢不言。」《左傳》哀公十 之,將若之何?」對曰 而請 年 八者半。 「子告季 伐齊三。 齊 陳 恒 以 紅 魯 孫。」孔子 公曰:「魯爲齊弱 其君壬于舒州。孔丘三日齊, 之 衆 加 「陳恒 辭,退 齊 之半, 而 弑 告 久矣,子之伐 可 其君,民之不 人日 克 也。」公

恒弑其君,民之不與者半。 程 子云: 「左氏記 孔子 之言 以魯之衆加 陳

之餘 率與 必 此 齊之半, 將 言,是以 國 事也,豈計魯人之衆寡哉 Œ 以討之。 名其 可 克 力 罪,上告天子,下告方伯, 也。」此 不 至其所以勝齊 以義 非 也。 孔子之言。 若孔子之志 者,孔 誠若 而

聖人 彼 謀 無 伐 不亦冤乎 文,但節其 哀公之肯討 者,不克。 其疑,非以 而 悔 公以「魯爲 之明,謀 而 齊三。」則已告哀公以義之當討 舉 成 者 余按:《傳》文前云:「三日 1,吾不 事固 者也。」「子之所慎 後 若 定而 力不 主於義,❶然亦 耶 ? 與 數語 孔 齊弱」致疑,故復言此 不 後戰, 也 子 告 以 ! | 遽調 日 以 程 義 _; __ 미 子 必 也。哀公之所 烏 克之故,尚 也 暴 未 之以 有 虎 臨 嘗 舉 必 齊、戰、疾。」 力不 馮 詳 事 數 有 齊,而 河 而 繹《 萬 知 以義 懼 人 己 死 以 何 傳 ··, 好 矣。 之 知 而 懼 釋 望 請 0

> 事 爲 失伯 若以 非 民 衛皆 有能 定,甲 諸葛 正 主,故孔子以「民之不與」言之,非論力, 矣。孟子曰:「率其子弟,攻其父母,未 而 命 ·, 抑 以 《左傳》之謬。 而 論義也。況當是時,天子已微,自 征之,夫誰 冒然一 力 求 不 以來,天下亦無方 程子論之,是武侯 勝者也。」又曰:「彼陷 武 兵已足,當獎 亦 而 足 助 侯 疎 率 於 與 之表 擲 於論 與 不 有 而 與王敵 國 爲 口 懷 不 義 门乃欲 則 倚 但《傳》文不若《論語 慮 帝 矣。 帥 爲 仗之鄰 其 也 以義 三軍,北 含不 伯 事 此 亦 日 蓋 之 乃宋儒之失, ;非獨迂於 或, : 溺 以 義 共 所 與 力不 其民,王 今 以 謂 戴 或 定 終 民 中 南 大 天 如 乎 以 之 齊 心 原 宋 方 哉 論 民 齊 晉 爲 往 如 義 已

[「]主」,原作「生」,今據太谷本、南昌初刻本改。

存之。 亦 醇 古, 與《 一有詳 疑記言者才有 論 語 略、足相 不 同, 發 高下之故; 未 明。 知 孰 Щ 是。 孔 然 子 | 與《論 故 ż 並 辭

則亡,未聞好學者也。」《論語 不遷 子孰 首 子 對曰:「舉直錯諸 則 怒,不貳 爲 附 民 好學, 録 不服。」《論 ○哀公問 孔子 過。 對 語 不 曰:「何爲 柱, · 幸 日 爲政 則民 短 》篇 命 有 • 雍也 服 死 顔 則 矣! ○哀公問 П 民服?」孔 》篇 舉枉錯 者好學 今也 弟 諸

康子問 舉善 有 從 之何?」子曰 нi ? 三 政 也 而 附 也 果 教 録 與 小,於從 :「求也 ? 不能 〇季 仲 : 由 H 政 康子問 則 口 臨 可使從政 : 平 一勸。」《 之以 使 何 賜 從 有 論語 也 莊則敬,孝 政 使 達, 也與?」曰:「求 也 · 爲 民 日 與? 敬 於 : 政》篇。 忠 從 賜 慈 以 政 子 也 則 勸 平 口 H 忠 季 何 使 : 如

> 治軍 善而 問 嘗。」《論 티 : 道 也。 季康 草上之風,必偃。」同上。 如?」孔子對 子之不欲,雖賞之不竊!」同上。 也 政 [也,康子曰:「夫如是,奚而不喪?」孔)季康 康 藝,於從政乎何有?」《論 一仲 子 子帥 旅。 於孔子,曰:「如殺無 子問 民 饋 善矣。 語 子 叔 藥,拜 夫 以 患 政於孔子,孔子 圉 鄉 如 盜 正 黨 治 日 是, 一,孰敢 問問 溢 君 而受之,曰:「 賓 : 子之德風,小 客、祝 「子爲政 奚其 於 不正 孔 喪?」《論 子 〇子言衞靈公之無 鮀 ', 孔 對 馬 治宗 道 語 日 以 某未達,不 用 子 論 廟,王 人之德草 語 雍 殺 就有道, 語 對 也》 政者,正 日 憲 季 顔 篇。 : 問》篇 淵 子欲 孫 康 》篇 賈 敢 苟 何

路 疾 八之憂。 [仁乎?]子曰:「不知 附 録 論 孟 語 武 爲 伯 **| 政》篇** 問 孝 , 子 也。」又問,子 孟 Ė 武 「父母 伯 問 惟 其

朝,可使與賓客言也,不知其仁也。」《論語 也。」「赤也何如?」子曰:「赤也,束帶立於 邑,百乘之家,可使爲之宰也,不知其仁 也。」「求也何如?」子 由 也,千乘之國 可 使治 曰:「求 其 賦 也 也,千 不不 知 室之 其仁

公冶長》篇

答樊遲之語相類而誤易之,則益舛矣。答樊遲之語相類而誤易之,則益舛矣。文而誤以哀公爲康子也。又因此文與直錯諸枉,則枉者直。」」蓋采《爲政》篇直錯諸枉,則枉者直。」」蓋采《爲政》篇

等三句。孫覺曰:「夫子之對季康子與語,而以哀公爲季康子,且遺「不遷怒」《論語・先進》篇亦載答顔淵好學

者也。」 哀公同,而有略有詳,於臣略,於君

聞異辭,所傳聞 今止載《雍 語,必盡以 人之所記,故 必曲爲之解 誤以「舉直錯諸枉」爲答康 事而所記有詳略 余按:此二章其文極相類,疑亦本 也》篇文。 爲二事,則泥古之過也。 也。 其 異辭。」《論語 中往往 《傳》曰:「所見異辭,所 異同 有重 子 正 記》諸篇: 出 語 如 異同 耳, 0不 《史記》 非 之 故

簡 桃 之事,孔子并食之而辨之云云。 質 必 無此 《家語》載有「哀公賜桃,以黍雪之」 而 余按:春秋之時風尚近古,以 氣 事。 渾 厚 Н. 況侍 此 亦 食於君前, 小事耳,聖人之詞 何 黍 至 喋 雪

❶ 「諸」,原無,今據太谷本補。

九五

此 所 喋 説 辨 引 嗚呼,蓋亦無有不采者矣! 尤 事 此 初 陃 不 無 一、不足深辨。 休 實 邪? 録,姑妄言以 此 文本之《韓 然《家 爲 説 語》 非 **※**, 資 亦采 者 非

學士喪禮。《士喪禮》於是乎書。《雜記》。 備覽○恤由之喪,哀公使孺悲之孔子,

陽貨»篇。 將命者出户,取瑟而歌,使之聞之。《論語·將命者出户,取瑟而歌,使之聞之。《論語·

於冉 之而 聖人 陽 若 壤之夷俟,故人也,亦責之而已, 未有故 ПП 悔 絶 有大過 竟 0 有之聚歛,弟子也,責之而已; 之 不 按: 不 如 īfii 則 孺 知 ៣ 責 是 陰告之,有如 八悔,即 悲果 不 之 之輕 可教,绝之可也; 而 易也。 有過,孔子責之可 亦 聞歌 必 悔 奚益 兒戲然者? 使 口 悲 知 焉? 果能 也 胡 於原 孔 使 聞 爲 也; 子 青 恐 歌 平.

> 也。 絶之而 篇 者增益之以失其真,故列之於存疑 有 或當 之,《 故告之如 日曾有 陽貨》篇之文固 辭 此 孺悲見之事,而 事 者。 未 可 獨 以 陽 盡 傳 貨 之 信

終

考

乎? 寢疾七日而殁。」 夢 手 貢聞之,趨 坐奠於兩楹之間,予殆將 曳 杖,消摇 梁 戴記·檀弓》篇云:「孔子蚤作,負 木其 而 人。 壞 於門、歌 乎 子 ? 曰 : 哲 日 人 子 『泰 其 死 疇昔之夜 萎乎?』子 也 Ш]!]蓋 其 頹

大抵皆謙遜之辭而無自聖之意,皆明民余按:《論語》所記孔子之言多矣,

其 夏 恐 以 義 死 四 出 所 泰 於後 於夢 月 當 Ш 爲 人傳聞 **H**. 兆 而 殊與 梁木」、「哲 不 孔 言 丘 附 禍 卒。 孔子平日 會之言。 福 《左氏 之 人」自 將 至 春 故不敢 之言 謂 秋》哀公十 獨 而 不 此 載 預 類 決 歌 有

H. 杜 **H**. 氏 <u>ź</u>. 註 云: 月 + -四 月 日 +八 日 日 月 Z 必 H. 有 誤 無 己

六年。

史。 文皆 互. 也 里 四 + 故 異。 也 月 月 五 年《傳 魯於 不 差 何 余 魯 以 當 按 何 昭 實 以 六 明 月 有 文 無 杜 月 之? 明之? 十二年王室之亂,經、 己 蓋 此 氏 置 丑. 中 經 閨 琞 所 耳。 有 春 本之魯史,傳采 月,己丑 以 閏 景 周 秋之時 如 不 月, E 於 是 知《 之葬 + = 遞 註 正 傳 推 者 經、經、 月始 列 當 而 或 在 雖 蓋 下 傳 之 傳 置 几 有 因 置 皆 閨 唐 Ż 琞 月 哀 此 則

之 ? 月以 明 然而 經何 也 月。 考之,十二月 正 書於冬十 書 而 也 二月 在 一月,螽。」孔子曰 證 月壬寅朔,則 月 於 傳 六 ·, 是 後,閏 置 也 是哀公之世,魯 無 而 以 秋 在 傳 月 疑 周 然 於 秋 閨 而 書「十有二月 魯 是 矣。 十二 哀十六年, 則 、魯諸閏 傳 七 也 月 於 月以 六 是傳 月 在 而 有 六 哀十二年《 月 月 戊 \pm 冬十月 傳 十二月當 庚 月 前 後 以 之 寅 猛 之不 在 :「火猶 戌 己 ,經之紀 之 始 閨 前 + 續經書云: 曆 置 閏 其 居 書 T 周 癸 月 同 後 閏 人 皇 月有 里 巳 月 與 即 傳》云 西 爲 天 也 西 衆 也 於 ; 月 事 魯 經之十 而 癸卯 Z 朔 7,是 其卒 流 證 辛丑 經書 \pm 皆 酉。 無 失 且. 明 城 日 ΙĒ 不 司 朔。 不 以 周 白 也, 也 冬十 有 有 明 閏 先 月 自 曆 傳 於 於 置 過 食 曉 傳 而 年 文 六 經 經 夏 里

也。 據。 舉。 也。 Η. 慮 從告,於魯事 不 所 哀 傳 失 奔 卯 一誤矣。 ,必有一失」,學者 推 + 採之衞 ,蓋夏正之春二月十 衞 故 杜氏 閏 經 .之三月,❶此月正當有己丑 疽 ПП 由是言之,續經所書之四 世 今仍從續 有 年十二月以 故故 傳 子 《春秋》中 與《 偶 史,而續經所書則 乃 衞 蒯 未深 在 《傳》異 則 里 瞶 + 以 月之事 大考,但 自 Ŧi. 經 爲誤。 公者,於 後、魯 戚 如 年之閏 周 不 此 人 以 在魯 於於 者 Œ. 口 H 他 《傳》之 不 所 甚多 衞 一之夏 據 世 國 · 置 月 魯 謂 明年正 註 事 月 閏 衞 史 不不 月 四 智者 而 則 日 即 也。 之明 蓋 侯 月 疑 月 可 緣 以 H 杜 輒 万 月 經 己 T 枚 皆 是 爲 爲 譜 E 惫 來

「三」、《畿輔》本作「五」。

觀 也,昭 出 據 不 今見於《闕 反 愐 而 其意以爲言之不確,則 經文,以己爲乙,斷 未嘗決以爲乙丑也。 故 己二字相 然 其 在 知 不深 杜 采之,其亦可 曰「日月必有 家 m (中亦 四 四 氏 語》之下。 昭 但 之意 月 月之固 信,是以居之不 然 掇 似嘗有 也。 似 里志》,云出《素 矣。 拾 但 而 註 然則 無 以 歎 H 誤」,猶 所 疏 Z 所 然 年 矣夫 或 丑也 删 諸 · 譜 》 作 以 推 誤, 而 節 爲二月十八日 ~ 年 子 汽年 長 近 疑 人疑己之無 不 之 而 者 有 不 曆 世 以 譜 譜》公然僭改 1,其所 %王 》事 知 闕 則 唾 未 之士莫不 不 欺 何 疑之意 月 符 餘 者 知 後 或 以 去取 紀。 本 故 己 111 所 誤 成 無 <u>H</u>. 所 疑 撰 者 耳 信 然 又 書 所 之 傳 而 Z

有四。 二年生,則七十二。」殊不可解。 襄公二十一年生,則孔子至是當年七 襄公二十二年生也。 註 当皆 年生,至 調孔 史記 而《索隱》乃云:「若孔子以二十 哀十六年爲七十三; 子年七十三,蓋皆 • 孔 子 世 今既從二傳,以 家 及 杜 以孔 氏 若二十 春 子 $\bar{+}$ 爲 爲 秋

戰

嗚呼哀哉,尼父! 《論 老,俾屏余一人以在 語 孔丘卒,公誄之曰:「旻天不弔,不慭遺 附録(述 而 〇子温而厲,威而不猛,恭 篇。 無自律!」《左傳》哀公十六年。 子之燕居,申申 位 ! 煢煢余在疚。 如也,天 而 安。

對 孔 ,冠章甫之冠。 曰:『丘 子曰: 『夫子之服,其儒服與?』孔 戴記 少 • 居 儒行》篇云:「魯哀公問 魯,衣逢掖之衣; 丘聞之也,君子之學 長居 子 於

夭

如

也

同

上。

也 博, 其 服 也 鄉。 丘 不知儒 服

外篇亦有與哀 禮耳,非謂一時兼用之也。後人合以爲 儒衣冠,自命儒者,故爲是言以詆之耳 辨之矣。孔子見君,自有大夫朝服, 玩其語意,乃謂 ,反以爲 口。 爲 得 ,孔子隨 定之制,哀公亦不得 國之風 實 以 余按:此篇 然 蓋皆放蕩之士 其 也 托 氣,非春秋之語言,李氏固 所 孔子之禮服,誤矣。 哉? 諸 在 公論 孔 或 宋 語 子,載諸《戴記》,而遂 今不 俗 人 夸而 儒 冠 而 疾 服 録 疑 複,文淺而放,乃 服之,不斤斤 章 世儒之拘 之事,與 甫 而問之也。 魯 《莊子 此 人衣 謹 如 服 H 於 逢 Ħ. 己

掖

罕》篇。 愐 篇 附 ○子不語怪、力、亂、神。 録 0 子罕言 利與命與仁。 《論 論 語 語 •

述

子

以

贵

鳥 公朝 之言信而有徵矣!』」 商羊鼓舞。 怪之,使使聘魯,問 頃之,大霖 名商羊,水祥也。 下止 家 語 雨,水泛溢。 於 今齊有 殿 前 齊 之,將 孔子。 童 舒 有 謡 翃 景公曰:『聖人 ⊟ : 有 而 足之鳥 孔子曰:『此 跳 大水爲災。』 天將大雨 齊 飛 侯 集 大 於

學 傳道 才藝言之,達巷黨 之所以聖,以 千 何 商羊之舞、《 爲 前 以 計 宋志之。 無所 於萬世,不以 不 余按: 何 · 載? 以 成名 《左氏 未 五石之隕、六 春秋》何 自春 其 有 祖 7.傳》中 子 Y 小 述 人 秋 \Box 才小 堯舜,憲章文武, 以來,大 見 以 : 商 不書? 神怪之事 鷁 「大哉 吾 藝故也。 羊 之退,《 雨 · 乎 何 水者 執 孔 《 左 子, 春 尤 即 執 孔 無 傳 多 秋 博 御 U 子 慮 而

> 録。 博, 皆能 何不聖 子言之,孔子 直以誦童謡之故聖之,嘻,亦陋矣! 《淮南子》之所 博學多能,遂誤 樂、射、御、書、計之屬,非 「博學」、「多能」云者,亦謂 國語》猶頗徵引往昔以附會之,而此 夫子聖者 乎? 而 「吾少也賤,故多能 説 誦 不 童謡 童子 並 此乃 知 見 . 與 ? 其 後 以推未來之事,將皆得 而 誦之,童子之智勝 無識之士妄撰以 條 適 爲 聖孔子 以 下。 以 何其 也。 爲 小 搜神志怪之流 聖 也? 後之人但 多 鄙 人 能 若《山 事 也。 也 。」然則 1 兵、農、禮 見聖人之 孔子矣; 偃、 故 子 聞 海 今不 爲 師 孔 經 所 聞 聖 \exists 童 則 然 子 謂 之

《家語》云"「楚王渡江,江中有物大

平

執

射乎?」太

宰問

於子

貢

日

:

0

^{■「}子貢」,原作「孔子」,今據太谷本、《畿輔》本改。

如 聞 也,唯霸者 於魯,問 大 如 日 童謡 怪 斗 之, ·, 圓 剖 遍 而 於孔子。 而 食之甜如蜜。」」云云。 問 爲能獲焉。吾昔之鄭、過 赤 楚王渡江,得萍實,大如 ,直觸 羣臣 子曰: 『此 ,莫之能 Ŧ. 舟。 舟 識 所 人 謂 、取之。 王 一使使 萍實者 沿、赤 陳 聘 \pm

草、 之時 時 别 也。 附 ſ 謡之占,自《春秋 亦 言 **如** 事 有 會 並 鄙 耳,非 漢、 弧 所 「桃李子」、「 無 陋可笑,春秋之世不但 余按: 萍實之事荒誕不經, 童謡之 天下 指 即 此 服應以褒姁之獄,●人固莫之測 唐 間 皆烟」之類。 ,而好事者假借離合以 等語。 實 以 有 事 降 一二斥言者,亦終不 也。 傳》、《國語》始 雨帝」之屬,其文 而 此 謡者亦莫知 世信之, 類 然鸜 尤 多 鵒 謡於文、武 無 何 然「千 有之, 此等事 耶 推 其 ? 爲 甚 之於 似 皆 何 里 7 皆 童

録。

説

並

見前條下。

耳,聞 謡,不 貴 子適 語 假 識 子爲知之而故言乎,已見之物羣臣 應 而妄言乎,何以 商 》復 也。 使孔 也 也 羊」、「萍 ,未來之事童子 陳,偶耳 幾無 之復 增益之,是以 此 子偶 從 與 未 誰 以答楚王乎? 不過 商 實」之謡 有 ; 不能解者, 羊 適陳 明 歷 -之事 陳, Ħ 歷 其言 或 而 者。 切 何由 分明 皆 聞 過 直 本《説 亦 益 此 陳 以 知之? 如是? 委 陋。 不必爲 他 謡 童 而 ",亦偶 曲 人 偶 子 苑 今並 適 詳 爲 不 **≫**, 莫之 孔 聞 不 且孔 以 盡 無 耳。 家 聞 子 此 童 知 如

我。 疾。 附 論 論 語 語 録 述 子罕》篇 子 而 絶四 篇 : 毋意, 子之所慎 毋 必, 毋固, 齊, 戰

❶ 「姁」,太谷本作「姒」。

附録○子以四教:文,行,忠,信。《論

語·述而》篇。

云云。 入者半。 使子路執弓矢出 相之圃, 戴 蓋 記 蓋 僅 又使公罔之裘序點揚 觀 有存者。 射 者 義》篇 如 延射云云。 堵 牆 云: 射至 「孔子射 蓋 於司 去者半, 解 而 於矍 馬, 語

其退 是 人至 我,空空如 子 七十子之所 曰:「仲尼不爲已甚者。」鳥 人之教人之不輕絶 見 也 了

其可以受教於聖人者有幾人乎? 倦,好禮不變, 於如是者哉。 也,唯何甚 ,門人惑。子曰: 余按 ∑:《論 也 難 〕,我 而 語》云: !」」又曰:「有鄙 吅 乃 耄 且. 其 之 以 『與 如 也 期 兩 責 「互鄉 序 之衆 稱 端 如 其 點之言,「好 道 有 是。 而 進也,不 難 竭 不 人。 與言, 射 . 亂 [夫問 故 焉 信 孟 而 如 此 子 聖 與 拒 於 童

> 此。 其語 既闕 《家語》但 此 有 口 家語》亦采此 馬 如 必 故今並 乃如 是 何 傳 子路 之之輕 如 而 増一 今世演 ?孔子 失其真者,非 不録 進,曰:『由與二三子者之爲 躁 語 文,而又增以數語云:「射 而 即 劇者之打 Ħ 自 未 : 『能用命矣。』」觀 矜之子 有不陋者 孔子之事 諢 好然,鄙 路 ,大率如 乎 哉? 哉! 也。

東帛十匹以贈先生。』」云云。 於郯,傾蓋而語,終日。 顧子路曰:『由, 《韓詩外傳》云:「孔子遭齊程本子

者。 食,先 之如 父兄 稱之,何耶? 也; 此,而 且其所載子路、孔 余按 生 饌, 春 程 論 秋 曾 子 本子不見於經傳, 時 語 是 夏問孝,子曰 》、《戴記》中 亦 以 未 爲 聞 孝 子問答之言皆 乎 有 .!. 先 以 先 顧 生 無 孔 「有 生, 稱 子 言 淺 謂 X 酒 重

陋不足道,亦必後人所撰。故今不録。

《春秋》,行在《孝經》。』」 《公羊春秋序》云:「孔子曰:『吾志在世多以《孝經》爲孔子所作。何休

也。 《書》與《易》可矣,不應自名其言以 也。 自名其言乎哉,其陋二也。 於我老彭。」聖人之謙也如是,而謂 之時即有此語,亦止以經名《詩》,以經名 經名,孔子之不題以經,明矣。 藉令孔子 子、孟子之時無此語也。 爲,豈得稱其門人曰「曾子」乎? 其陋 書耳,非孔子所自爲書也。果孔子所自 子問答之語,然則是曾子之門人筆之於 君子之道四,丘未能一焉,所求乎子,以 經也者,後世尊古聖人之書之稱,孔 孔子曰:「述而不作,信而好古,竊比 余按:《孝經》十八篇中多 自漢以後,始有 。《中庸》 孔子 以 爲 與 日 經 經 曾 0 家》。

明甚。故今不取。經》,●其陋三也。然則其非孔子之言經》,●其陋三也。然則其非孔子之言之心必不自以爲孝,而乃曰「吾行在《孝事父,未能也。」孝雖莫大於聖人,然聖人

補孔子生鯉,字伯魚,先孔子死。《孔子世

先君 而 魚之年,傳信也。説見後「顔淵」條下。 家》所稱「年五 相抵捂。 進》篇,與《史記・世家》文合。 不喪。 子喪 《戴記・檀弓》篇云:「子上之母死 按:伯魚先孔子卒,見於《論語•先 門人問諸子思,曰:『昔者子之 故今采《世家》文列之,而删 出 母乎?』曰:『然。』『子之不 十」者,與 顏淵之卒年互 惟《世 伯

「行在」,原作「在行」,今據太谷本、《畿輔》本改。

使白也喪之,何也?』子思曰:『昔者吾

0

四

無所 污。 失道。 伋 則 安能 道隆 ? 則從 爲 伋 而 隆,道 也妻者 污 人,而

先

君子

是 則 爲 從 Á īfii 也 母 不爲 仮也妻者 是不爲 白

也。」又云:「伯魚之母死,期而 也 母 J°, 故 孔 氏之不 喪 出 母, 自 猶哭。 子思 夫 始

下

子聞之日 : 『誰與 、哭者?』門人曰: **三**鯉

遂除之。」解《 檀弓》者皆以 !』伯魚聞 先君 子 爲 伯

也。」夫子

曰:『嘻,其甚也

乃 魚 出 由是遂 妻之子, 謂 孔 爲 子嘗有 母當期 茁 而 妻之事; 除, 故 孔子 伯 魚

期

甚之。

能 家邦。」古之聖人未有 舜、文王 詩》云:「刑 治 國 余按: 與 何 天 獨 下 於寡 書》云: 不 者 能 也。 妻,至於兄弟,以 刑 其 不能 觀厥 孔 妻, 子 先化 之 使 刑 聖 於二 有 不 其 大 過 女。 異 妻 御 以 於 而 Ŧ

> 之誣 然。 於夫婦 就之以蘄合乎喪出母之説,然則 不足信 才也 之道亦然。若無大過 其妻不能率孔子之教以 十子之服 ! 而 有 如 • 孔 父在 是 除之,亦 養不才,故 服 Н. 至於 獨不能 子 理 必不若是 猶 mi 而 爲 世 乎 後 孔子也,皆 無 「道污 期 家》 ? 母: 可 之, 教一 有 而 期 謂 何 除 孟子 人樂 亦 後 則 薄 其 異。 妻,●使陷於大過。 喪 無 孔 儒 從 日: 也。 有賢 ⊟ : 亦 中心 出 子既 而 何 而 之非 侕 不 妻之事 輒出之,孔子之 自 得 污」之語,尤大 - 必其 解 父兄也。」夫婦 在 檀弓》之文本 悦 中 妄以 陷 者 出 也 於 而 伯 耶 必 母 養 大 誠 加 伯 委 魚 之 史記 不 過 服 聖人 出 曲 爲 魚 天天 中 史 必 遷 始 13: 獨

至於出

· 乎

孔

子能

教

七十子皆爲

賢

平

記

何

⁰ 獨 原無,今據太谷本、南昌初 刻 本

婦 ? 者,亦 而 出 其 者必皆不賢,而 思之母嫁,子上之母又出 古,又從 悖於聖賢之旨;「出母」之稱,古亦無之。 爲聖賢者必使之出 妻、三世無 非子思之言明甚。 抑爲聖賢妻者本不至於 未 而 明 附會之,遂致孔氏 言其 母之事。伯魚之母出,子 爲聖賢者必皆不能教 爲 何 且嫁 人。 且其 ; 豈爲聖賢 而後美也? 後 所 儒 稱 頓 出且 過 先君子 有 再 於 嫁 其 妻 世 泥

以 必 無 子必無出妻之事,即子思之出 子思」篇· 然也。 誣 幾 ,而賢人之妻無聞焉。 聖賢,故 又按:《左傳》士大夫之妻出者 余寧 中。 今一 過 而 概不録。 不信,不敢過 然則 説 妻亦 並 而 不 信之 恐未 見 但孔 寥寥 後

椁。子曰:「才、不才,亦各言其子也。鯉附録○顔淵死,顔路請子之車以爲之

以吾從大夫之後不可徒行也。」《論語·先也死,有棺而無椁。吾不徒行以爲之椁,

進

》篇

之年 十而 而 家》。 云: 明。 人情考之,不應如此。」其説是矣。 魚 子始年六十有二也。 十歲,三十二而死。 已年六十有 伯 伯魚年五十,先孔子卒」之文本出《世 卒至於抵捂也 而 魚 本不 「有以『鯉死』之言爲夫子之設言,以 生伯魚」之語以合之。 卒,而豈不謬也 年五 《家語》乃稱孔 《家語》見 按此文,則伯魚之卒在 足信,强 + 九矣。 而 卒。 其 然,故撰爲「孔子年二 取 則 子年二十而 又稱 哉! 以附會之,是以勞 則是顔子卒時,孔 然則 是 伯 顏 魚 朱 П 不知《史記 顏子反先伯 卒 子《或 顏子前 少孔子三 時 生伯 孔子 問

生鮒、《世紀》: 子慎、《世紀》作 箕,字子京。 字子上。 備 覽 「字子魚,一字甲。」爲陳 伯 子京 子上 「謙,字子順」。 魚 、生 仮, 生求,字子 生穿,字子 字子 嘗爲 高。 家。 . 思。 魏 王涉 相。 子 子 子 博士, 家 子 高 思 慎 生 生 生

白

乎 如 詳 次於後。 111 ? 前 密 日家》所 如是。 按: 所 今并删之。 辨 至於 載 自子 矣。 孔子、 世 (所記 次 Ŀ 則 名字 以 自 伯魚之年已悉不合, 年 後, 子思 或 幾 下 何云者,必不能 無 以下, 去 大 誤 漢 故故 世 其可信 益 今附 近, 死

於陳下。

《孔子世家

遺 型

揖 於子貢,相 孔 子 没。 嚮而哭,皆失聲 三年之外,門人治 然後歸。 任 將 歸, 子 貢

> 反,築室於場,獨居 三年,然後 歸。 《孟子》。

世家》。 頃,故 魯世 人往 琴、車、書。 講 禮 世 從冢 備 所居 鄉飲、大射 覽 相 傳 而 0 堂内,後 至於漢,二百 家者 以 孔子葬魯城 歲 時 於 百 奉 世 孔 有 祠 子 餘 因 孔子 北 冢。 室, 廟藏 l 餘 年 泗上 因 冢 孔 木 孔 命曰孔 ,弟子及魯 子 子衣、冠 而 絶。《孔子 冢 諸 大一 儒 里。 亦

我 示 始皇至魯, 床, 知 顛 論衡》云:「孔子將死,遺秘 何男子, 倒 觀孔子宅,至沙丘 我 衣 自 裳 稱 ; 秦 行 始皇,上 至 沙 丘 而 而 Ļ 我 亡。 書日 堂, 後 踞

欲 覆 倚 以 何 鳥 伏 爲 占之 聖人 余按: 爲 之 乎? 理 術 也。 , 治 前 然 漢人好信 亂 然所 知之術聖 也 循 謂 環 況 之 爲 前 讖 人能 運 知 秘 ~**,** 非 緯,故其爲言 書 者 之,而 ¬, 不 以 若 遺後 後 渦 世 非 剥 世, 射 復 所

如此,其褻聖人殊甚,良可笑也。

喪子路亦然。請喪夫子,若喪父而無服。」曰:「昔者夫子之喪顔淵,若喪子而無服,曰:「昔者夫子之喪顔淵,若喪子而無服,

絰而出。羣居則絰,出則否。」 此篇後文又云:「孔子之喪,二三子皆

之存參、志慎也。
一号》之文紕繆者多、間有當采録者、亦僅列意不相貫、疑有缺誤。故不録。大抵《檀意不相貫、疑有缺誤。故不録。大抵《檀殊難解。註以爲「朋友相爲服」、然與上文按:既云「絰而出」、又云「出則否」,語

誠服也,若七十子之服孔子也。」《孟子》。 附論○孟子曰:「以德服人者,中心悦而

者七十有二人。」《禮》、《樂》教,弟子蓋三千焉,身通六藝《世家》云:「孔子以《詩》、《書》、

輕以示人,其言未足信。今不取。 一、大學」,即今六經,非《周官》「禮、 一之多。 必後人之奢言之也。且漢人 一之多。 必後人之奢言之也。且漢人 一之多。 必後人之奢言之也。且漢人 一之多。 必後人之奢言之也。且漢人 一之,,即今六經,非《周官》「禮、 一之,,即今六經,非《周官》「禮、 一之,,則是孔子,則是孔子

言,則是孔子既没數十年後,七十子之曾子、有子皆以子稱,且記曾子疾革之哀公、康子、敬子、景伯之屬皆以謚舉, 余按:魯《論語》中所記之君大夫如

備考○《論語》。《古》二十一篇。《齊》

〇八

以 識 組 較之《戴 馬 成 師 人 言,而 八追記 書者 者 也 記 ,非孔子之門人弟子之所記 其 一不敢大有所增益於其間 》獨爲 、師所述以成篇,而 然其義 得真,蓋 理 精純,文 皆篤實之儒 後 /體簡 儒 也 輯之 質 謹 而

純駁 而 篇章首皆稱「孔子」,《微子》篇 旧 子 語 軼 篇 孔子」,尤其 章至 稱 意 文 」、「三疾」等章文體略 事 「武城」、「佛肸」二章於孔子前 互見,文 乃類 多 有 唯 「子」,此《論 對 俳 與 與 其 君 經傳 莊 聖門絶 .: 偶 後之五 大 周 1、全與 顯 亦 夫之稱 抵 ,皆不似孔氏 然 錯 無 捂 語 篇多可 而 他 出 涉 可見者。 體 《微子》篇雜記 篇不 不 2者,而 自 例 均 與 疑者。 言 也 倫, 《季氏》 與 **没**遺書。 「楚狂」三章 問 《陽貨》篇 門 而 亦往往 而《季 仁、 《季氏 人言 「顓 篇 稱 且孔 古 同 芸夫 六六 Ė 曳 稱 則 **今**

體

一少異,語意亦類莊周,而皆稱夫子,不

考也。 子 之。 之,今不能 之有外篇者然, 之, 謬矣。 堯、舜、禹、湯、武王之事, 附之於書末者 稱 二章,其文尤不 弟子之言,較 成之者,非一人之筆也。 子」,乃戰國之言,非春秋 》篇,古《論 孔 章 如《春 而 子爲 事 其 前 其 不學者遂附會之,以 理 中 秋》之有 仲尼,亦 竊意此五篇者皆後人 可 以 義 + 疑; 語》本 前 编舉,學者所 Ŧi. 理 如 類。 後篇 篇 事 魯《 以《考工 續 先 與 中 實之可 兩 進》篇 經者 蓋 論 文 他 篇篇 唯 皆 語 篇 體 《子張 時 然, 斷 **>** 記 獨 小 雍 當 疑 而 以 侍 爲 語 簡 或 異 爲 者 精 以 如《孟 終篇 也 其 補 少粹 ())篇記 坐」章文 無 孔 擇 蓋 之所續 少 蓋 篇「 周 章 • 所屬 至《 故 子 而 亦 歷 雜 官 子 南 有 詳 繼 敘 或 堯 惟 門 輯

混 輩 其本 稱子, 如 然以後四篇爲後 而 惜乎後 久,尊益 決然删 劉歆已合之矣。 之於篇 其初篇皆别 之末二章相似,似後人所續入者。 倫,皆與《季氏》篇之末三章、《微子》篇 色舉」章 釐 之解説 固 混無所分別,何也? 及至於宋,傳益 一,趙氏 · 異 Œ 不足以及此。 亦 之也! 世 而去之。 ,而其識 末, 至,則 與《 而 未有好學深思之士爲之分别 力也。 則 不敢議。 以故醇 行,傳其書者續有所得輒 陽 殘 貨 雖以朱子之賢亦且 嗚呼,《孟子》之十一篇 又足以辨其真偽,遂斷 幸而趙氏 缺 世之所依倣 以故《孟子》一書純 》篇 彼張 以康成之名儒,乃 疵不等,文體 無 同 然則如趙氏者, 首 馬、馬 尾 至《 去古未遠,知 而 融、何 而托之者, 鄉 語 黨》篇 意 互異。 蓋當 ,晏之 委 亦 曲 亦 潔 可 附 不 之 0

條下。

説並 《莊》、《列》異端小説之言而欲躋諸經 不謂 之列,嗚呼,人之識見相 若 復 猶 有《孔子集語 孟子之功 見前「墮費」、「南子」、「楚狂 以《論 語》爲未足 臣 \approx 也 明 與 復 ! 有 越 而 尤可 미 益 論 勝 之者。 語 異 歎哉 外篇 (者,宋 ! 諸 傳 取

篇「不重」章、《子罕》篇止有「主忠信 皆有之是也。有複而有詳 皆有之,「在位」章、《泰伯》、《憲問》兩 皆有之; 下十四字,「父在」章,《里仁》篇止有「三 相複者:「巧言」章、《學而》、《陽貨》兩 初不相謀,而後儒彙合之。 《論語》之始,篇皆别行,各記 ,「博學」章、《雍也》、《 略者:《 故其文有 顔 淵》兩 學而 所聞, 篇 篇 自 篇

^{) 「}歎」,太谷本、南昌初刻本皆作「數」。

0

罕》篇「畏匡」章、《述 孔子之事,其文之有詳 六字,《子罕》篇 哀公」章、《先進》篇 雖狎必變,雖褻必以貌」,此則後 纂輯之時未及 《憲問》篇「不患」章、《衞 子言之而 下十二字是也。 《鄉黨 焉」云云是也。 相 所傳 各述其 似 而 删 「齊衰」章、《鄉 止 聞 人 耳。 有「入太 不 一而》篇 地 作 所 ·同,皆未 異 略 至《八佾》篇「太 季 聞 有複 此 (者:《 康 異 以 作 廟 或 靈》篇作 (同,不 子 韶門 爲 孔子 而 · , 問; 可 黨》篇作 雍 有 相 知,後 ,人,或 也 事 魋 足 人記 異 》篇 問 發 子 里 君 兩 口 官者。 王者。 尚 正 吾止也」,孔 告文公者。 如賓,承事 己復禮 牆 書》 面 作 二出 而 立

儒

廟

章,《

但

一言之而

與

光弟

子

病

無

能

者:

年

以

祭」,答仲弓問 復禮爲仁」,告顏淵 王者。「人而不爲《周南》、《召 爲山九仞,功虧 論語》之文有 ,仁也」,乃引古志之言以 「不學牆 如祭,仁之則 門 也與?」謂 子自言 譬 仁 如 如 也;《 見 也; 爲 面 簣」,乃召 與 大 也 二, 乃 Ш 他 春 伯 賓, 使 僞《古文尚書》作 《春秋傳》作「 書 魚 秋傳 也, 未 ·複者: 成 也 成 \pm 民 乃晉 康公訓 南 》作「出 爲《古文 訓 簣, >,其 如 論 一克 迪 胥 承 楚 武 百 猶 臣 大 克 靈 己

琢 詞 不 如《 裁整、酷類晉、宋間 疑《論 余按: 《論語 》之條 春秋 爲 得 暢 傳》之文於義 實。 自 人手筆矣。 然。 書》之二 蓋 傳 皆 語 聞 通 夫 者 則 此 雕 異 但

異。

後

儒

尊

之不

敢

復

議

相

沿

既

乃

品

别

、恐未必然

也

復

强

爲

之説

以

其

詞

之小

異

爲

聖人之

是也

此

未

必

果

爲

兩

事

, 或

所

傳

聞

小

也。

又有語

言之出於《旅獒》、本於《周官》,是所謂 信《鶡冠子》而 宋之儒者不覺劉書之僞,而反謂孔子之 之,劉焯之書其爲僞作無 謂。至「爲山」章乃孔子所自言,《書》既 有之,又何必 之可也。若「周南」章,伯魚 屬 而孔子衍《周官》之言以告之,已爲 立」之文豈復成文義耶? 且「克己」、 一出門」二章皆答門人之問,述古語以告 難 簣」; 解。 而「牆面」之上下無「猶 九仞」豈 雷 反訾賈誼之《鵬鳥賦》爲 同 而 足言 勦 説 疑。 Ш 乎? , 所 初未嘗問 余甚怪夫 正,「而 由是言 虧 寧 無 僅

語

本之《論語》則可,若在《論

語》

前

則

深

有 古,敏以求之者也。」〇子曰:「十室之邑必 忠信. 附 如丘者焉,不如丘之好學也。」〇子 通論〇子曰:「我非生而知之者,好

録

人之舊也。

彭。」以上並《論 哉 ! 善賈 子貢 曰:「述而不作,信而好古,竊比於我老 飯 者,期月而 之則行、舍之則藏、惟我與爾 而從 而 日 吾 不 疏食,飲 不義 惑,五 心所欲不踰矩。」〇子謂 曰:「有美玉於斯, 韞匵 加 我待賈者也。」〇子曰:「苟有用 沽諸?」 + 而 十而 有 已可也,三年有成。]〇子 水,曲 富 Ŧī. 且貴,於我 而 知 子曰:「沽之哉! 天 志於學,三十 肱 命,六十 而枕之,樂 如 有 而 顔 而 浮 而 藏 是夫!」〇 淵 耳 雲。」 亦 諸? 立 曰 : 順 在 其 沽之 Е 四 子 用 中 我

其詞 即 子之自言於後人論贊之前 是而求之,則聖人之真可 雖 按:人之知聖人,不如聖人之自 謙 而 其 實自有不容掩者。 見。 故 學者 列 知。

語

附通論 顏淵喟然歎曰:「仰之彌

師之有 也。」 之,末 見宗廟之美、百官之富。」〇陳子禽謂 之好。夫子之牆 貢賢於仲尼。」子服 有文、武之道 焉學?」子貢曰:「文、武之道未墜於地,在 多 何 得 不能 循 鑚 人:賢者識其大者,不賢者識其 [:「子爲恭也,仲尼豈賢於子乎?」子貢 能 ,其多能 然善 之彌堅。 而 聞 也。」○衞公孫朝 ○太宰問於子貢曰:「夫子聖者與? 「譬之宫牆,賜之牆 由也已。」〇子貢曰:「夫子之文章 !」〇叔孫武叔語大夫於朝日 既竭吾才,如有 也, 夫子之言性與天道不 .誘人,博我以文,約我以禮 也。」子貢曰:「 瞻之在 焉。 數仞,不得 夫子焉不學,而 前,忽焉 景伯 問 所立 也及肩,窺見室家 於子 固天縱之將聖,又 以告子貢,子貢 在後。 卓 其 貢 曰 爾 門 小者,莫不 ·可得 而 :「仲尼 夫子 亦 雖 入,不 子 何 欲 欲 而 子 音 常 聞 從 罷 循 口

> 和。 立之斯 矣,天將以夫子爲木鐸。」以上並 二三子何患 也、吾未嘗不得見也。」從者見之。 也。」〇儀封人請見,曰:「君子之至於斯 之不可階而 言,不可不 其生也榮,其死也哀。 君子一言以 立,道之斯行,綏之斯 · 慎 升也。 於喪 也。 乎? 夫子之不可及 爲知,一言以 夫子之得邦 天下之無 如之何 ~ 論 來, 家 爲不 語 水者, 所 也,猶天 出,曰 道 動 其 可及 也 之 知 久 斯 謂

小者。 於地,在人: 以 間,亦奇矣。 儀 貢。 封 求之者也。」子貢 人未 聖道之尊於世,子貢之功 孔子曰:「我非生而知之者,好古,敏 按: 聖門中知聖人者莫如 夫子焉不學?」是孔子非生知,乃 列 賢 門牆,能 故附其言於二子之後。 者 識 曰:「文、武之道未 其大者,不賢者識 知 聖人於一見之 爲 顔淵、 多。 其 子

以後,遂皆以孔子爲生知矣。言亦由學而至,所以勉進後人也。」自此學知也。而程子云:「孔子,生而知者也。

孔 年 有 未 於堯、舜遠矣!」子貢曰:「自生民以 後 也,不遺餘力矣,而未有 由 至於「不踰矩」, 十,其進德之序自「志」、「立」、「不惑」以 人之語。至「志學」章,其年自十五 不言 子 盛 有夫子也!]有若曰 人 學而至,安能 何 孔子或存謙遜之意,門弟子必 郭? 謙遜 於孔 余按:《論語 由 孔 ൬ 也。 子 子也!」門弟子之推 宰我 知 爲 孔子之爲生知乎? 孔子自言非生知, 生 憑空撰此次第功程 曰:「以予觀於夫子,賢 歷 知 》他章或可 歷可指。 後 :「自生民 人去孔子二千 若孔子果 語及 指 爲 尊. 其 門 以 謙 念記 , 弟子 不 生 孔 來 以 至 己 代 知 子 未 來 欺 不 誨

與焉。 知之。 湯、文王並 生知安行也;反之,學知利行 儒 己爲生知,而汲汲焉 知,於至聖無所加。況孔子惟恐人之以 然則孔子雖學知,於至聖無 謂 爲天子者也,舜、禹、湯、武王是也,不得 也,學知者,由布衣,由大夫、諸侯,升 聖人,天子也; 學知勞逸殊,高下不殊也。 \exists 堯、舜,性者也,湯、武,反之也。」性之, 言及於孔子者。 :「或生 生而 即姑從孔子而 何故必以 及其知之,一也。」是故,生 然則 爲 天子者尊於升而爲天子者也。 處 而知之,或學而 孟子之意蓋亦以 於「聞 孔子爲 生知 信其爲 知」之數 其末章 生知乎? 自明其爲學知。 者,生而 學知 知之,或 乃 而 所 譬之於 以 孔子爲 也。 爲天子者 亦似 孟子曰 損 堯、舜 孔 子 雖生 無所 而 知 木 無 後 與 而 與 而

四

知 之爲功大也。 者,且恐人之皆以聖人爲 矣。 余篤信聖人之言 故附辨於門人論贊之後 而 生 知 不 敢 而 小 不 知 有 學 型

於堯、 # 走 子 政 以 尹 以 至 日 君 口 民 也 之王 獣 開聞 一:「宰我、子貢、有若智足以 於孔 RHI 來 一, 何 不使, 谏 以 鳳 仕 其 未有孔子 則 附 其 使非 舜 一,莫之 所 子,若是班 則 谏 通 八樂 凰 有 遠 治 好。」宰我 仕 論 之於飛鳥,泰山 若 孔 而 則 矣。」子 民,治 能 E 子 口 進 知 ,也。」曰:「敢問 孟 : 違 也 以 亂 甘. 子曰 乎?」曰:「否,自有 亦 也。 」。 公 11-德。 貢 岢 E E 則 則 進 日 惟 退 : 自 亂 孫 止,可 以 非 由 : 民 生民 伯夷 H. 百 子觀 之於丘垤 哉 亦進, 其 見 世之後,等 以 其所以異?」 知聖人, 汙不 君 其. 以 也 久則 於夫子,賢 不 禮 麒 來 伊 伯 事 雕器 未 而 何 久, 尹 夷、 知 河 之 有 生 事 非 也。 於 夫 伊 海 百 其 民 可 非 其

知之。 其甚 則巧 條理 之於行 聖人之世若 公望、散宜 也,其至,爾力也;其中, 者,智之事也; 大成 孔子 伊 孔子 於其 曰:「由文王至於孔子,五百有餘歲。 並 尹 孟子》。 也,然而 也 也; 也者,金聲而玉 , 聖之時 ,聖之任 也 類 由 潦,類 ; 拔拔 ! | ○孟 聖, 玉振之也者,終條 孔 生 乎 此 子 無 ,則見而知之; 譬 也; 者 者 其 其 終條 而 有 則 子曰 萃, 也 也 未 來 平 聖 力 理者, 爾 遠 至 自 人之於民,亦 振之也。 也。 孔 柳 也,近 一於今, 生民 「伯夷 則 子 下 非爾 聖之事 之謂 由 亦 惠 若孔子, 以 無 聖 百 射 理 ,聖之清者 力 聖之和 金聲 來 有 人 有 於 也 也。一〇 集 也 之居 百 未 乎爾!」以 餘 大 類 也者,始 始條 成。 有 步之外 則 歲 也 智, 者 若此 盛 若 孟 聞 也 也 去 太 子 礕 理 集 於 出 而

按:七十子以後,知聖人者莫如孟

子,故以孟子之言終焉。

知 知 聖言之詳。 見且 遠 耶 ? 有韓子見聖學之大,至於宋而 相 是孔子無見知者也 孟 德之相去也不遠,非若七十子之去孔子 知湯也,太公望、散宜生之知文王也,其 夫禹、**皋陶之知堯、舜** \Box 文王皆有見知、聞知之人,獨至孔 子曰 所總 授受,聖人之道藉以 也 「無有乎爾」,然則孔子之道將無 知 子亦如孔子之知文王,則二千餘 孟 曰 : 而 往,不迷人於異端而 顏淵死,孔子曰:「噫,天喪予!」 子歷敘道統之傳,自 「予未得爲孔子徒也 不能 有之,然非孟子之所 然賴其言而世之學者得 傳,孟子能知 兩漢 也,伊尹、萊朱之 不墜。 以 르 堯、舜至湯 而 !」顏子能 來,諸儒 有 至於 不能見, 謂 求 朱 知 子則 其 子 唐 也 年 能 究 以 搋 傳 而

孟子謂爲 旨,至於今竟未有明之者。 之文之大焉者也。 編。 子曰 間 夏皆未有所發明; 亡然後《春秋》作。」是《春秋》者,尤孔子 書,故曰:「王者之迹熄而《詩》亡,《詩》 王救世之事,至於孔子,獨 來,殘缺失次,儒者穿鑿附會,其義 則文播之禮樂;聖人在下,則文托諸 者,道之所寄以傳焉者 三子者爲之作傳,而 而不明者,蓋亦不可勝道矣。 孔子曰 「知我者其惟《春秋》乎?」孟子歷述帝 古 未 孔子之文,六經備之矣。 "「文王既没,文不 有 「無有」,誠然,非虚 也。 且夫 雖有公羊、穀梁、左氏 道 然自絕筆以後,游 亦不盡合於聖人之 非 也。 在 可 兹 以 舉《春秋》一 聖人在上, 語 由是言之, 乎?」文也 徒 自秦 也。 傳 也,孔 之晦 火 以 簡

子貢曰:「文、武之道未墜於地,在

云爾。

聞 廢 知 難不 賢者識其大者,不賢者識 余每 怪 易得,然識大識小之人皆 先儒 高 談性 命,竟未 其小 有 者。」 考辨 示 可

孔子

一之事

. 蹟

者,

以

致

沿

訛

踵

謬,

而

人不

復知有聖人之真。

孟子

日: 「

頌

其

八詩,讀

其真

僞, 僞學亂

經

而

不

知,邪

説

誣

聖

而

不覺,是亦聖道之一

憾

也

孟

子

H

!

「孔子,聖之時者也。」又曰

:

一可以

仕

則

後

世

有

知

孔

子者

出

二,庶

幾

有

所

采

擇

之,附之以

辨,以

自附於不

腎識

小之義

之道之所在,胡可

以不考也。

余故

本

孟

子之意,歷考孔

子終身之事

前

次

第

釐

īE.

事見之。

然則孔子之事蹟未嘗

非

孔

子

速,孔子也。」夫仕、止、

久、速,皆

於

其

行

仕,可以止則止,可

以

久則久,

可

以

速

則

之書

而

不知其爲

人,不能考其先後、

辨

其書,不知其人,可乎?」學者日讀孔子

洙泗考信録卷之四終

道光四年東陽署中刻

一六

洙泗考信餘録

[清]

郎崔

震 述

校 撰點

有子	子路 二六	信餘録卷之二		閔、冉皆德行名賢,推尊孔子,子貢爲最,	子貢 二〇	仲弓 一九	冉伯牛 一九	閔子騫一七	7幾於聖人,曾子有傳道之功,故先之。	曾子 八		洙泗考信餘録卷之一	校點説明			目録		
者左子,故特録其事實於門人後。	自及門諸賢後傳道者子思,有功於《春秋》	子思 五四	左子 五二	洙泗考信餘録卷之三 五二	南容 四八	公冶長 四八	漆雕開 四八	司馬牛 四七	樊遲 四六	子羔 四五	冉有 四三	宰我 四〇	子張 三九	子夏 三七	子游三六	子賤 三四	公西華三四	原思 三三

論語源流附考 七二	孔門弟子通考	穀梁氏 六四	公羊氏 六四	泄柳 申詳 六三	段干木 田子方六二	申棖 六二	秦丕兹 六二	商瞿 季次 六一	琴張 牧皮	附録十有二人 六〇	
$\overline{}$	五.	四	四	\equiv	\equiv	\equiv	\equiv	_	0	0	

校點説明

崔述生平見前《洙泗考信録》校點説明。

壁 八三 版 這 真 大,顧 信 遺 適、錢 於六 的 部 偽 年 《崔 書》,均 顧 問 頡 史記 藝。」 題, 頡 玄同 東壁 剛《我是怎樣編寫〈古史辨〉的?》說: 海 剛 那 收 標 崔 古 等 遺書》。」一九三六年上 伯 時 **點、校** 有《洙泗 籍 述 我 經常 夷列 考 出 們 版 而 對、 就 討 傳》説: 後 社 考信餘録》。 靠了 論 信 整 出 如 理 的 版 書 何 「夫學者載籍極博, 的《崔 學 的 店主 審理古史和 風 顧 對 頡 人的 東 海亞東 近 剛 壁 代學 幫助 編 遺 訂 古書 書》, 啚 者 的 書 找 影 《崔 館 中 我 猶 _ 到 響 九 出 了 考 東 和 的 頗

卻 的 的 在 真 記 後 相 載 崔 世 和 和 述 産 古 舊 讀 生 説 學 書 重要 的 予 治 真 以 學 的 諦, 始 認 影 真 終 雖 響。 堅 細 未 持 在當 緻 他 獨立 的 的 考 時 辨, 引 思考, 些 起 具 以 廣泛 期 對 體 求 看 古 的 得 書 法 弱 古 傳 和 注 史 結 注

> 得 論 的 或 成 有 績 待 商 學 榷 習 和 他 辯 的 證 治學 但 ,之方。 並 不 妨 礙 今人 汲 取 他 所

> > 取

載入。 志」章、《 有對 論說,又有對孔子後學 及其弟子後 孔 弟 内容豐富。 子、弘揚《春 子 事 孔子弟子特 洙泗考 蹟 子路 特 亦偶 學 信餘 》篇 録子 秋》的 的 有失載 一子 别 事 思 録》爲《考信 是 蹟 和《春 傳道之功。 路 和 重 的 問 ,如《論語 要 思想很 總體考 政 秋》三 人物 章, 録》之一 事 有參考價 慮 傳 此 按 蹟 分析 作 書 公冶長》篇 本 者,以 言 對 書 種 與 於了 論 義 辨 歸 值 的 表 例, 納 考 書 解 證 彰 評 均 察 中 孔 推 孔 判 當 言 既 子 與 尊 子

《洙 叢 的 道 八),寫定時 書 最早刻本。 光四年(一 德,改爲三卷,此 泗考信餘 洙 收 泗 入《 考 爲 録》三卷,此本爲《洙 八二四)陳 洙 信 光緒 四 泗 餘 卷, 考 録》 Ŧī. 本爲 嘉 信 年(一八七九)王 慶 撰 餘 履 崔 + 成 録 述 和 四四 於 任 生 年 嘉 據 前 東 以 慶 陳 泗 陽 定 聚 十三年(一八 履 考 縣 本,今已失 珍版印 源 信 和 知 刻 彙 餘 縣 本 録 編 於河 時 》現 翻 畿 重 刻 傳。 輔 存 刻 南

考」,今據正文補。

考」,今據正文補。

卷三目録原闕「論語源流附之、後輔叢書》本的翻印本或整理本,此次校點以清知《畿輔叢書》本的翻印本或整理本,此次校點以清知《畿輔叢書》本的翻印本或整理本,此次校點以清

校點者 郎 震

132

補顔回者魯人也,字子淵。

同上。

洙泗考信餘録卷之

大名崔述東壁謹考 石屏門人陳履和校刊

顔 子

各異 補 顔無繇,字路。 路者,顔回父,父子嘗

前。 路則無明文。然即使果孔子弟子,亦不 考之《論語》,曾皙有「侍坐」章可據,顔 可列於其子之後,又未便列於七十子之 故今倣正録之體,冠於《顏子》篇 《史記》以顔路、曾皙皆孔子弟子,

時事孔子。《史記·仲尼弟子列傳》。 首,以誌毓德之由。曾晳倣此

> 飲,人不堪其憂,顏子不改其樂。《孟子》。 《世家》所載伯魚之年不合,必有一誤。 皆不載其年,説詳後《弟子通考》中。 顏子當亂世,居於陋巷,一簞食,一 大概《史記》之年皆不足據,故今諸弟子 魯人,近是。 按 : 顔氏著於魯者多、史記 至言少孔子三十歲, 二》以爲 則與

瓢

瓢飲,在陋巷,人不堪其憂,回也不改其 賢哉回 附論○子曰:「賢哉回也。一簞食,一 也!」《論語· 雍也》篇

附論)子曰:「回也其庶乎,屢空。」

論語 ・先進》篇

云云。 其馬將佚。」俄而 東野畢之御也!」顔淵曰:「善則善矣, 臺,東野畢御馬於臺下。 韓詩外傳》云: 余按:此事本出《吕覽》,乃顔闔 廐人以東野畢馬佚聞 顏淵侍魯定公於 定公曰:「善哉

事,且 視 欲爲 者。 不 黄老言者假設此事,借治馬 大 時 料 不佚,小事 《新序》 莊,令苛則 其 颜 聖賢太小也。 莊 政者之安静無 公語 氏之同 一欲借 子 觀《吕覽》之文,亦非實 亦 尚 載 耳。 此 少,安能 非 此 也 以 不 顔 遂, 事,蓋 故 增顔子之美,而 聽」也。 顏子亦非以此見長者。 淵 不 移之於 爲 自達於君? 與 載 又緣 耳 定 <u>~</u> 公 傳》 故 **外** 顔 也 以 日 淵 乃 傳 喻其意, 事,乃爲 不知 以 禮 馬之佚 定公之 影而 誤 爲 煩 其 實 削 誤

埃墨 以 食,子貢 爲 竊 障 食 飯 竊告耀 語》云: 也 中 人告孔子,子曰:「吾將問 取 而 於 孔子厄於陳蔡,七日 食 野 之。 人。 子 顔 音 П 望 炊之,有 見 之, 不

曰:「子在

一,回何

敢死?」同

Ł

子

畏於匡

一,顔淵

後。

子曰

Ξ:

一吾以

女爲

死

聖人 耻 之間,相猜 以 知 出 炊而 之。 僧之徒之所爲。屠沽駔僧之徒**,**或猶 不能不以竊食見疑於子貢;子貢 所 飯 竊 聖 同 中,回食之,不可祭也。」云云。余按 爲之者,而 此,况聖人乎? 人, 曰 召 也,乃 進 食疑顔 以誠待人,况 顔 人 飯,吾將進焉。」對曰:「有埃墨墮 П 詐 相試,初無 一; 日 淵, 賜 稱夢以鈎距 以 也 _: __ 加 有是理與? 何敢 於顔 於聖賢 顔淵「具體 疇 昔予 異於今日 望回」, 淵 之。 夢 用 嗚 見 舍行 此 賢 而 而 呼! 先人,子 屠沽 其 智足 者 不 微 能 ·猶不 藏之 師 此 有 駔 以 而 友 不

知 而 贵 (家語)遂以爲真,謬矣。 人之 復 詞 任 與 有 數 》篇。 難, 此 小異。然《吕覽》之意,不過 心 目見 託 者哉? 於 者猶不 孔 子、 此 顔子,以 足爲 事本之《吕覽 吾故曰《家 信 爲言 詳 耳。 明

之小 甚 家 非 於《世 孔 其 好,大慚 氏 文 遺 家 尤 書 哂 也 亦 韓 僞 蒙 然 昌 也 世 謂 黎 云: 儒 之大好。」 <u></u> 之信《 家 語 小 家 慚 較 嗚 亦 語 之《 蒙 呼 謂 尤 世 1

果有是理乎?

淵 人乎 禮勿視,非 H 克 \Box 哉? 己 : 顔 復 淵 П 禮 問 禮 顔 雖 天 仁。 勿 淵 不 聽, 日 下 敏 子 · -歸 非 \Box 請 仁 請問其 禮勿言,非 : 事 焉。 克 斯 己復禮 爲 語 目。」子曰:「 矣。」《論 仁. 禮 由 勿 爲仁。 己, 動 語 而 非 顔 由 顔

淵

》篇

尤 此 此 論 人 好 者 ,則是天下之理 莫賢 益 求 也。 按: 前 於顏 心 後儒 聖門 性 其 子,乃孔子告顔子之問 於 於 之學莫要於求仁,聖 不求之此,乃好 虚 行 空 事 更無有 微 益 渺 無 之間 所 高 當 於此、遠 言 是 馴 心性, 以 致 門 仁. 其 良 於 之 以

> 信 深淺。 深 禪 知 自「約我 學者 孔子之言, 研幾。顏子之「如有所 頓 悟之説 淺 幾 以禮」 之可 希 矣。 因 而 以 緣 來 勿 寡 豈 以 務 也 起, 過 知 爲 一, 而 理 吾 高 而 無 願 遠 立 吾 深之即 精 世 難 卓 道 粗 之學 爾」 之不 徵 之 足 而 説 者 古 流 以 功 篤 以 皆 極 有

愚 如 らの一般 愚。 附論 語 退 〇子曰: 而 爲 政 省 其 私 一吾與 亦 足 (回言: 以 終日,不違, 發 П 也 不

自誤

也。

言 無 所 附 不 論 説。」《論 〇子 티 : 語 п 先 進 也 非 篇 助我者也,於吾

與 附 論 論 語 子罕 子 日 : 語 之 而 不 惰 者 其 П 也

人。 輅, 服 鄭聲淫,佞 顔 周 淵 之冕, 問 爲邦。 樂 人殆。」《論 則《 子曰:「行夏之時,乘 韶 舞 語 衛 靈 放 》篇 鄭 遠 殷

小泗考信 餘録

耳,初 所宜 夏 代之世 分爲 其 食不於 有 星 猶 曆 子 時 IF. 春 一本始 時 所 後 晷 月之必始於 以 秋 商 改 授 影 聖人修 作 朱 非 固 以 公,猶 故易 朔 經 事 子 以 大 相 於子,故 \overline{H} 吾 而 Н. 者 <u>*</u> 傳 天 徹之不始 沿 Œ 其 冬至 得 則 爲 論 當 而 亦 所 明 地 建 已 並 歲 地 夏 語 建 閉 名 載 朔 曆 人分三正 寅, 久。 行。 乃 月 時 IF. 集 丑. 藏 唇 日 法,區 失 在 可 之候, 自 註》云 焉 法 里 亦 周 於武 又易 故 殷 知 之 . 當 三冬之中 必 者 以 以 湯 周 周 書 必 以 以冬至爲 子 其 余 也 \pm 而 亦 : Ż 人人爲 曆 不 武 始 四 , 爲 曆 夏 而 建 非 按 之疎 革 曆 於半 時 之 且. 天 以 始 發 寅 而 ٠, 考 紀, 命 其 上 密 孔 於 不 īF 寅 號 不 · 夜 曆 古古之 故 子 皆 先 驗 公 可 但 施 爲 也。 元 及 取 劉 H 觀 因 皆 今 中 孔 中 然 X

> 夏 也 第 以 爲 取 其 建 寅 猶 於 聖 人之意

未 盡 也

博 瞻 語 如 之 有 我 子 在 以 所 顔 罕 文,約 淵 》篇 前 立 喟 卓 忽 然 爾。 我 焉 歎 以 在 E 雖 禮 後 : 欲 欲 從之, 仰 夫子 能 之 不 彌 循 末 能 高, 循 由 然 既 鑚 也 之 竭 善 己。」《 吾 誘 彌 才, 堅 論

書 唐 世 以 以 湯、 不 伯 者,其德之崇 「、 虞、 一,必 立 夏 幸 藴 淳 文、武之道 時、 説 早 藉 擬 漢 能 發明 三代 顔 世, 和 人 殷輅、 移 子。 平、氣象 稱 風 未及 之隆。 黄 孔子之道 易俗 不 余 叔 周 亦 有 · 待 按 度 冕、《 雍 必 言, 創 所 爲 即 容 深 顔 顔 制 建 不 韶 亦 爲 子 其 有 子 顯 白 見 舞 必 勝 所 於 所 庸 用 不 宋 人 以 堯、 語 見 使 在 於 措 忇 幾 人 之, 見 故 舜、 世 孟 亦 天 於 子 下 用 非 孔 旧 以 īfii 之 著 於 於 其 徒 子 程

以 之流 有 太 張、朱媲之顔、曾、思、孟,其視 靖 劉、石之禍。 釆 題 過 其 不 迪 下 尋常賢 知 《淺矣! 下吾未見有如 康之亂也,而宋 度 如 耳 可 以 得 後學,非不有功於聖道。 其 非 不白於天下。 顔 量 方 勝 風 其 他 寧 子 權 藴 孟 漸 臣 人 其 人 者 者 顏子而僅 藉 子之二三也。 循 衡 所 夫 顔、 孟 尚 所 何 也 人物, 氣 和 長 吏之所能,此 宋亦 可 而 在 平、氣象 前 度 望 孟 以後儒 頗 故附 乃 以 至 其持 也。 子者也,則亦必 下 如是已乎? 即 有 紛 孔子 至 於 程 論 此 紛 萬 魏 雍 論 彼 然則二子者,不 子 之如: 者遂以周 風,是以 擬之,致 事 晉 容,故有此 或 叔 教 資 然所建白 等 耳 遂, 不 因其位卑, 人,亦未見 穎 度 此 . 理 顔 者 學 專 蓋 三代 ,純,啟 聖 無 孟 亦 漢 吾 而 以 能 品 亦 有 末 有 風 皆 不 爲! 子

!」《論語·先進》篇。 剪淵死。子曰:「噫! 天喪予! 天喪

矣!」曰:「有慟乎? 非夫人之爲慟而誰顏淵死,子哭之慟。從者曰:「子慟

同上

門人 得 子 也。」《論 不 視猶子也。 厚 幸 對 顔淵 ,葬之。 短 日 附 -死,門人欲厚葬之。 語 論 命 死 有 ○哀公問:「弟子孰爲好學?」孔 雍 子曰 非我也,夫二三子也。」同 矣。 顔回者好學,不遷怒,不貳過。 》篇 今也 「回也視予猶父也,予不 則亡,未聞好學者 子 曰 : 「不可。」 Ė

其 進 也 附 ,未見其 論 〇子 謂 止 顔 也。」《論 淵, 日 語 : 子罕》篇 惜 乎! 吾 見

閶 淵 門外有繫白 與 孔 王充《論 子 , 上 衡 馬 魯 • 。; 引 泰 書 顔淵 虚 Ш 篇》: 指 孔 以 子 傳 示之,日 東 書 南 或言 望吴 顔

之形 Ħ 不 絶 百 之外。」間 不能 孔 之色,不能 小 殆 夭 狀。 不 IIII 子 若見吴間 堪 里 者 望 脈 子 虚 死 能 顔 Ė 遠, 一之外 ,終不 言也。 察 亦不能 難 · 世 若孔 淵 孔 Щi 絁 帷 審。 髪 子 死 門 俗 Ħ 傷 也 門 薄 白 撫 子 能 外 門 睛 聞之、皆以爲 見 而 之内 7,强 舉 見 使 之 娲 其 人目之視 見。 不 明 何 平 死 也。 顔 鼎 秦 龃 目 落,遂以 ? 力自 有? 任 矣。 武 淵 而止之,因與 渞 用 泰 師 况 宜 陸 \pm 處 力, 顔 理 Ш 從 曠 極 非 與 賈 閶 日 淵 き、精り 盲 官 也 之聰 泰山之上察白 病 力由 非 惟 孟 門之外,望泰 然。 日 物物 \Box 眇 也 死。 直 顔 説 華 : 有 不 髮白 淵 筋 帷 大者易察, 舉 如 竭 今顔 離婁之明 能 蓋 俱 如 見 脈 鼎 薄 不 實 盡 聞 下。 之。 以 繫 ... 婸 能 之内 (論之, 不任 故 故 淵 筋 百 精 練 落 見 H 脈 里 馬 ιÌι 早 F 之 神 孔

> 非 其 致 也

拳拳服 仁,其 子曰 〇子 示 惟 知 曰:「回之爲人也擇乎中 附 我 餘 子 膺 ,知之未嘗復行也。」《易 通 顔氏之子,其殆 與 則 謂 而 論 爾 日 顔 弗失之矣。」《中 月至 有 淵 子 是 \exists 日 夫 焉 : 而 一《論 口 庶幾 用 已矣。」《論 之則 也 庸 語 其 乎。 庸 心 行, 述 得 繋解 有 面 語 舍 月 不 》篇 崇 善未 之 善 雍 不 傳 削 也 違 削

藏

篇。

嘗

於 無 子 也 以 愈?」對 實若 Ď: 吾 斯矣。」《論語 知 +, 附 與 通 以 百: 女 虚 賜 論 能 犯犯 弗 也 問 如 聞 賜 子 而 泰 於不 也。」《 也 謂 伯 不 以 何 子 篇 校。 能 知二 論 敢 貢 語 以 望 昔者 \Box 一。二子 多問 公冶 П : ? 吾 女 長》篇 \exists 於寡,有 友嘗 與 П 也 П 從 弗 聞 也 曾 如 孰

孟 子》 書中 公孫 Н. 稱 冉 牛、 関

中。 矣。 子早有 如 言告他 日 克己復禮,天下歸仁 子問 告哀公, 卒,果有可 好 問 則《韶舞 在 稱 今也則 顔 :「行夏之時,乘 :,皆若! 是 孔子歸魯之後,後此 學,不遷怒,不貳 弟子孰爲好學,孔子對曰 淵 孔子 稱 仁,孔子曰:「克己復禮爲 而 具. 릲。 冉 人者乎? 亡,未聞 論定,顔 明矣。 是 體 牛 稱 與顏 班馬者。 而 閔子 日 至 微 論 於 子非 語 孔子之言 子 Ď: 好學者 顔 斯 然則 自 抗 **>** 殷之輅 過。 子, 人 Ψ 余按 「夫人不言,言必 他 宋 . 焉。」問 行 也 有 非 以 几 人所可 者,孔子 則 也。」哀 不 而 顔 孔 服 Ŧī. 來 如 日 幸 有 一有顔 子 子 年而 多 論 是, 爲邦、孔 斯 周之冕, 短命死矣。 不 以 及矣。 以 語 用 公之問 疾 能 此 則 必 孔 顔 也 之 等 及 是 舉 子 П 哀 曾 者 則 有 此 H 語 樂 子 顔 FL 以 即 公 並

卓爾。 子曰 子 非 子,其於聖道之淺深,亦 循 矣。 乎 爲「無 深,假之以 人 以暴之」,誠哉 顔子 乎。」曰:「於吾言無所不説。」曰 不幸早没,故 行 П 卒,孔子 諸弟子所可 ! 然善誘人。」曰: 曰:「仰之彌 舍之 也 ·, 至 曾子稱 吾見 然而 其 有」也。 雖 於 心 則 欲從之, 年,聖道不患其不昌 無 其 曰:「天喪予 藏 如 孔 月不 有 進 孔子以爲「喪予」,孟子 是 班 子 惟 由 知聖人矣。 乎爾 高 也, ! 白江 我 是言之,顏子 違 既 末 故今於顔子 鑚 未 與 其 仁。」曰 蓋 竭 之彌 由 爾 與 見 ! 漢 吾 其 也 有 必 関 顏子之造詣已 以 天喪予! 堅。 然顏子 才, 是 已。」較 有辨矣。 止 濯之, 冉,必 夫 也。 口 如 ~,獨 所至 明於世 \Box 有 也 : 之 稱 秋 其 有 所 其 日 固 以 曾 立 聖 陽 循 間 稱 庶

皆 耳 間 出 誠 示 之, 1 可考,姑以 篤信 非)顔 敢 子之事 孔子之言而 於古聖賢妄有 事 類 與 約 其問答之言,先後 略次之如右。 不敢以 所低昂 己見 多之 於其

曾 子《史記》:曾參,字子興。

補曾蔵、《論語》作「點」。字皙。《史記・仲尼弟

子列傳》。

孔子問 言皆從政之事,「風、浴、詠 有、公西 説 論 以 已詳前《顏子》篇中。 華 何事 侍坐言志之事。 先 答知己,故子路等三 進》篇有曾 歸」於知 哲 余按: 與子 路、 一人所 此 我 不 章 冉

瑟

自

如,不亦遠

於禮

乎?

至在

孔

子之

對

也

孔

子

方

與

諸

弟

子言,

而

哲

鼓

知

我

何

浩

焉

?

且.

先

#

問

更端

則

起

而

而 不 中 有萬物得 托,而後 前 足據。 ·惟《陽 恐其未必實也。故今不載此文。 而 稱 「夫子」, 儒誤采之者。 貨》篇有之,乃戰 然則此章乃學老莊者之所僞 所之意,故孔子與 乃春 秋 朱子謂曾點 時 或 所 之, 時 無 , ~ 論 所 論 雖 所 撰 語 巧

乎? 是 卒於昭 歌,無禮甚矣,孔子 簡 亦曰「 人!』 夷 皙、牧皮者,孔子之所謂 而 其 受然 時 歌 志嘐嘐然,曰:『古之人! 當 此乃放 狂者 檀弓》云: 余按:《孟子》曰 不 公七年,孔 成 考其行,而 過 進取 章」,若大夫 數 誕之士、莊 歲,而 又 季武子死,曾皙倚其 子僅 何 不 曰「吾黨 安 取焉? 掩 + 能 喪 周 焉者也。」孔 :「若琴張、 狂矣。」又曰 八 倚 之 而 歲, , 徒 其 倚 之小 且 之所 門 季 其 度 古 門 子 而 曾 武 僞 之 歌 子 門 哲 曾 而

托。故今不録。

夫子之道,忠恕而已矣。」《論語·里仁》篇。唯。」子出,門人問曰:「何謂也?」曾子曰:子曰:「參乎,吾道一以貫之。」曾子曰:

非禮勿 子曰: 然,非 無 能 凡學者皆可以致 達人。」所言皆日 子曰 施 孔 見大賓,使民如 目,欲人之易曉耳。 從 盡 於人。」子貢問 子傳 致 "「仁者,己欲 從,未 先儒 非 忠恕也。 其力 動。」仲弓 道 釋此 於曾 禮勿視,非禮勿聽,非 有高 者 章者,皆 子。 遠深 問問 曾子但借學者進 承大祭。 顔 力。 博 用尋常 仁,孔子曰 淵 立 施 余按: 所 微 日 雖大賢由之,而未 而 濟 以「一貫」之詔 謂 難 衆 立 : 平易切實之事 己所不欲,勿 「夫子循循然 以 人,己欲達 顔淵 可 者, 名狀,使人 謂 一出門 仁乎, 禮 問仁,孔 萬 一切言, 修 理 而 孔 之 渾 如 爲

待 乎 ? 子欺 忠 能名之,則 當聞一貫之旨, 得其 之勤 密之 而 而 則是一即忠恕 善誘 而 顔 一,不言一爲 蓋曾子、子貢,其資皆不逮顔 틴 口 盡 爲 教之,非以 子,而使之勞勞於博文約禮之中 恕者 (要,故 乎 傳, 門人也。 不待推者也,學者則盡 則諸弟子 名之而 ? 萬 博 也。 理 又曲 以 不 言 我 渾然, 待推 不能 何物。 夫不 且. П 以 也。 莫有及之者。 爲 貫 貫詔之。 而後日 文, 以 之解。 一既非 八爲 又 而 · 待 名 悟 謂 約 爲 自 傳道 何 也 既 道 盡 我 聞 恕, 曾 一, 物 而 非 則 此乃 謂聖人之一 以 道 忠恕, 一,亦非 乎? 子 自 忠恕,則 謂 \exists 禮 也。 子 以 忠,謂之非 而 子, 之非 萬 但 大 何 爲忠, 爲忠恕, 果 既 孔子言 理 人人 勤 不 果 所 而 恕 終 何 渾 是 不 以 用 乎 有 而 不 推 皆 莫 物 曾 及 告 口 然 力 未 秘

九

禪 傳道 未至 生 皆患 明 不 相 遵 也。 Щ 子不言。 之爲何物 從 不 乎 談 宋 遂 揚 契 曾子之言,使學者 理 知 一於此。 而 T 自 儒之説,使聖道 不 爲 其. 虚 曾子 其 在 而 由是言之,孔子之所 以 餘 可 宗 波 理 於過高。 反 世之學者莫不 有 年 收 īfii 門人不 1,門人不知 門 陷 不予欺 貫 嗟夫! 以知之,吾 -之後 舉 遺 拾。 人 頓 夫 爲 實 、於空 悟 欲求 下 ~,獨 非 事 乃 知,曾子 忇 爲 聰 矣。 忠恕,而 世 -自 虚 能 皆 漸 。一之非 心 己之混 明 加於忠恕之上 喜 以 默 恐朱子之賢 無 人 有 大抵 法。 豪傑之才,咸 象 於香 孔 默與聖人 捷 所 用 不言,而 Ш 謂 司 之 子之一 # 得 持 儒 至 開 朱陸 一之學者 冥。 地。 而 循 於 忠恕,曾 者之論 其 憚 即 明 (源,陽 或 與 之心 勤 貫 朱 Д. 不 吾 忠 一; 而 季 軒 U 莫 爲 尚 主 求 敢 寍 恕

> 彼 陸 朱子平實之中 象 輊 ılı 朱 者 者 吾 輒 謂 -,尚未 不 知 象 其 山 免有 高 高 明 明 一二之過 何 而 朱 在 ? 子 平 於高 第 實 恐

深者

存

也

傳 人 謀 不習乎?」《論語 附 而 論 不 忠乎?)曾子 . Е 學 與 而 吾 朋 篇 友 日 交 三省 而 不 吾 信 身。 平.

爲

説

苑 ※云:

曾子

衣

敝

衣

以

耕

魯

君

者 按: 使人 少 可 之: 『受人者畏人,予人者驕人。』縱 賜,不我 以 驕 施 日 君子之辭受,準乎 若 之於 苟 人 往致邑焉。 :「參之言,足 能 辭 爲 驕也,我 苟受,而 爲 君 詞,淺矣。 君 乎 ? 所 曾子不受, 日 重 乃 能 Ħ. 以俗 如 况 勿 曾 以 義 此 或 畏乎? 子 全 而 情之施 於及 君 必 其 릲 所 其 節 八門,年 賜, 中 孔 若 也 於 子 年 尤 子 臣 平 以 後 最 聞 不 畏 有 ᄩ

氏之徒之所僞托。故不録。 事。孔子安得復存? 此乃戰國以後楊

戰 時猶未 實, 故 甫 年 大 記》稱曾子少孔子四十六歲,雖未必悉 以下卿禮聘曾子,曾子固辭。 十餘 -最少 今多不採 或 抵 要觀《論語》之文,則曾子 《韓 時 説 歲。 也。 生, 人之託 苑》稱 詩 外 而 孔子 齊景公以 傳》、 何 曾子從孔子於齊,齊 言, 得 以 ^ 而 以 昭 説 不 之末年至齊,曾子 哀之初 下 苑》等 知考其年世者。 卿 禮聘之乎? 書, 年卒,曾子 於門人中 余按:《 多本於 景 史 公

問有餘,必曰有。《孟子》。曾子養曾皙,必有酒肉。將徹,必請所

與。

《説苑》云:曾子耘瓜,●誤斬其根。附論○若曾子,則可謂養志也。同上。

曾皙怒,援大杖擊之,曾子仆地,有頃,

也,耘 養曾 意。 棄,以傷其天性 人父止 不能以寸。」《記》曰「爲 蘇 不復顧其子之生死乎? 則其子即不中不才,爲之父者且不 中,才也棄不才,則賢不肖之相 不才,故人樂有賢父兄也。 余按:《孟子》曰:「中也養 退屏,鼓琴而 參來, 高弟,其 進 寧有因 晳 瓜 \Box |於慈」、《傳》曰「父慈子孝」。 勿内 :「大人用 丽 必 斷 曠 有 品 也云 其 達 歌 酒 區之事,逞一朝之怒,遂 之親 根,其 之懷,必不至以 肉 力教參,得無疾乎?」 孔子 云。 將 細已甚,而 况曾子 聞 人子止 此 徹 孟子曰:「曾子 之,告門人曰 説 不 如中 必請 世多信之。 中,才也養 中且 去,其 於孝,爲 -也棄不 小 曾 所 一才者 ·忍遽 物 哲 間 介

●「瓜」,原作「爪」,今據《畿輔》本改。

之養志 之孝謹 奉之? 者 耿 以 言。 之, 曾子既 即 於溝壑 自 此 於身,父 間 而《孝經》一篇,亦爲 Щ 蘆 養 ·安? 親 身 有 ,必附 故 怒 花 猶之乎 以 餘 有「里名 以 者哉! 之事 ,其家庭之 體 一矣。」曾子果死 平, 必必 殉 《傳》曰:「小人老而 必 况 (母之遺體,乃毫不 會 孝名,後人言孝者 者, 親 附 請 而 \exists 以 孔子 附 1有。」 會以 所 悔之無及。 亦 爲 會 時 勝 余謂 與 諸 不 稱 之也。 之怒,萬 爲包 其善體 母,曾子 間, 敢 葛 而 閔子之孝,而 孔子、曾 曾 進 輕 孔 必]拯、海瑞 異 哲之曠 於 所 明、 猶之乎 雍 爲子者何 日 親 餘 ·白貴 不入」之語 因 睦 酒 心 遂 劉 死,况 乎? 無子,知 子 肉之養 以 異 如 伯 達,曾子 死 (重,甘 今 問答之 後 事 常 是。 温 世 推 人 附 曾 然 以 事 也。 測 遂 會 旧 子 川 誰 擠 能 调 奉 况

> 借曾子 也 爲 之説 此 故 説 概 今但 以 者 不 垂 不 列焉 . 過 采《孟子》之文載之, 訓 欲 於後 郎明「大 世 杖 而 不 則逃」之義 知 其 誣 而 古 他 附 大

楚道 按: 不 然皆似因 動 母 以 手 録 : 歸 此二説 遠, 傳 搤 無 問 記 其 齧 恙 其 有云: 曾子之孝 臂, 指 乎 母 亦 ? 事 曾 母: 事 小 曾子薪於野,有客至,母 或 子 日 而 心 似 又 前 : 傳聞 云 動, 不 附 思之、齧 如 會 異其詞者。 曾 棄 前 之者。 薪 子 説之近 馳 在 指。 楚, 歸 故 理 余 今 在 心 問

織 者 下機,踰墻 吾子不 殺 自 若 人,人告其 新 也。 序 殺 · | | | | | | 而走。 人。 頃, 一 母 曾參 按: 人 \Box 「曾參 又來 又告之, 處鄭,有 此乃戰 殺 其 或 其 人, 與 策 13: 口 母: 士: 投 其 姓 \vdash 假 名 母: 杼

不録 之言, 設之言,以 素,而尚惑於人言者乎? 故托之耳。 邑名勝母,曾子不人」之語,亦係 因曾子之孝而托之者。 見讒言之易人,以曾子之賢 寧 有賢如曾子,其母知之有 \wedge 説苑 故 义有 今俱 假 設

曾皙嗜羊棗,而曾子不忍食羊棗。

炙所 則曾子何爲 美?」孟子 也,名所獨 司 附 論 也,羊 〇公孫 Ė 食膾 _: __ 棗 也。」同 所 炙 膾 Ħ. 獨 而 炙 問 也。 不食羊棗?」曰 哉。」公孫 上 日 :「膾炙與 諱 名 不諱 \overline{H} 日 羊 姓,姓 : : · 棗 孰 膾 然

所

司

體 此 日。」子思曰「先王之制禮」云云。 伋,吾執親 親 亦 心 大 戴記 曾子 而 徹 之孝 之喪也,水漿不入於口者七 必請 檀弓》篇記 , 問 而附會之者。 必 曰 曾子謂 有,其獨不能 子 曾子 余按: 思 日 能

> 不 此 體 録。 事 親 心 亦 而 不 自 重 必 其 呼 身乎 子 思 ? 而 且. 告 即 之 曾 也 子 来有 故

之常。 事 身。 以孝著,故言孝者必歸之耳。 三秉。 擇官而仕,親 也,悲不 圍,轉轂百乘,猶北鄉 爲多也,樂 輕其禄。 晉迎以上卿。 南遊於楚,得尊官焉,堂高 吏,禄不過鍾 則 必 ^ 親没之後,齊迎以 韓 無之事 况 方是之時,曾子 逮 詩外傳》云: 於曾子, 又引曾子言云:「吾嘗仕 吾親 其 没則 釜,尚 逮 也 方是之時,曾子重其 也。」余 親 其 富 曾子 也。 猶 理 貴 曾子仕於莒, 欣 侕 按 相 既 扎 古 如浮雲,此 泣 欣 重 門 應 没之後,吾 九 涕者,非 而 楚迎以 其 此 高弟 勿,榱 如 喜者 禄 特 親 是, 而 存 大 令尹 然 如 君 則 曾 非 齊 身 爲 題 輕 得 賤 而 粟 爲 其 以

九 且 乃 īfii 辭 仞,榱題三圍 |楚僭王猾夏,曾子必不仕楚。 戰 齊 尊 迎 或 居 之 以 卑, 風 相 固自易易,不必於齊於莒。 , 楚迎以令尹 氣 不,春秋 ,轉轂百乘,亦非曾子之 び時固 , 晉 未 有 迎 如 以 而 是 F. 堂高 者 卿

所

爲

也。

故今俱

不録

行日 則先 反。 寇退 去諸 一是非 去,以 左右 1,則曰:「修我墻屋,我將反。」寇退,曾子 ? 曰 曾子居 E 爲 武 「無寓 汝所知 、民望,寇退則反,殆於不可。」沈猶 「待先生如 城,有越寇。 人於我室, 毀傷其 也。 昔沈猶有負芻之禍 此 其忠且 或 日 : 敬也、寇至 「寇至,盍 薪 木。」

也

從先生者七十人,未有與焉。」《孟子》。

曰:「問喪於夫子乎?」曰:「聞之矣。《戴記•檀弓》篇云:有子問於曾子

敬 則 曾子不知,而子 曾子果與子 貧之愈 朝,夫子曰:『若是其貨 司 也。」余按:「喪欲速貧,死欲速朽」之語 死不如速朽之愈也。』死之欲速朽,爲 槨,三年而不成,夫子曰:『若是其靡也, 曾子以告子游,子游曰: 之。」有子曰 子之言也。」曾子曰 喪欲速貧,死欲速朽。」有子曰:「是非 三月無君 亦不祭。]又曰:「且比化者無使土親 叔之事 馬言之也。 也。」喪之欲 ·, 曾 ,則弔。」孟子曰:「惟士無 :「然則夫子有 游同 子 游 南宫敬 必 聞 獨 與子 之, 知 速 : 之? 游同 (貧,爲 「參也 叔反,必 則 桓 也, 桓司 見之。 司 爲言之 公明 敬 與 喪 馬 馬、南 載 子 叔言之 不 儀 自爲石 也 如 寶 何 游 Ш 桓 谏 聞 而 君

● 「是」,原作「若」,今據《畿輔》本改。

矣。 以 其 死 膚 曾子之大賢,必不爲 之不欲 師 ,於人心 蓋自孔子没後,諸弟子之門人各 ,故多自尊其師 速 獨 朽 無 此 恔 乎? 自 之説, 天 是不 喪之 理 人 而譏 情之 情之語 不 他 欲 人,因 自 速 貧 然 私 明

而

撰

爲

此

等

語

耳。

今不録

之,豈 娶,中 焉 政 過 吉 以 身不 爾。」余 可 所 嫁 小 甫 後 》,蓋有 妻放 娶。 ,不至於出,爲之解 容 世 饋 數 而 鍋 按 傳 家 託 + 知 甚 伯 曾 曰:「高宗以後妻殺孝己、吉 之何 政 年 其 大過, 重 妻 奇 子 亦 皆 得 也 以 人? 必至 若少 免 無 者,上 吾上不 妻蒸梨不熟而出之, 而 大 於非 於廢。 過 出 有 年 奉 乎? 母 以『蒸梨』爲 及 時 H 獨 父母 高 P : 出 一日 若既 饔,胡 宗,中 妻 出 或 下 而 疑 而 老 妻 令 朩 理 忽 而 不 不 蒸 名 有 出 恤 復 内 其 梨 甫 比 終 伯

篇

中

謂:「 之乎? 事。 之孟 下 亦 抑 亦 傳 大 而 中 爲 幾 當 也 誰 棄 過 也養不 於出 子,而 之,亦 聖賢者必求全責 , 孔 故 乎 復 如 君子之使人也、器之。」孟 是,若 ? 今 敢 周公日 子 不 ,豈爲聖賢妻者必皆 爲 ·中,才也養不才。」然則 授曾子,曾子授子思,子 三人 非 且. 載。 聖 君 爲 既 :「無求備 賢 、皆以 子 聖 奉 之所 説 妻 賢 吾 4者? 並 妻而 親 出妻聞,孟 備, 以 見 以 於一 不 居 必 終 正 此 心 至 天 録 皆 人。 當 有 也 於 年 《考終》 必 子 子 意 大 出 矣, 無之 於 之妻 孔 即 過 思 道 \Box 天 妻 子 出 老

手。 冰。」而 》篇 曾 詩》云: 子 今而後,吾 有 疾, 戰 召 戰 門 知 兢 弟 免夫,小子!』《論 兢 子 \exists 如 : 臨 啟 深 淵 子 足, 如 履 啟 薄 子

— 五.

附論○曾子有疾,孟敬子問之。同上。

平. 吾知 ⊟ : ¬ 已矣 兢 IE. 自 余按 子 曰 : Mi 不可以 元,起易簣。」曾元 童子曰:「 則 白 兢 者 其 İ 斃 亦必屏之而不用。 免 平日之事,不 乎? , 如 啟予足,啟予手。《詩》云:『戰 當賜 戴記 斯 藉 夫。」曾子守 變,幸而 」舉,扶 臨 吾何求 論 季 令童子不言,曾子不將 之時 深淵, 華 大夫 檀弓》篇云: 語 孫 前 之賜 而 固 *哉? 院,大夫之簣與?」曾子 八之 簣 至於 如 曾子 易之,反 應臨 必辭 曰:「夫子之病革矣 履 也, 身 (日,請 如 吾 薄 慎 之, 没 有疾, 如 我未之能 得 非 冰。 行 mi 曾子寢疾,病 席 Œ 可 即 曾 敬易之。」曾 尚 動 未 而 而 御於生時, 辭 召 子 有 安 之不 必 今 斃焉,斯 門門 之 不 不 以 前 而 易 , , 所 得 得 獲, 没。 也。 正 後 當 其 戰 子 IE.

> 烏在病革之時 反 而 者,不過欲明曾子之心安於正, 無 不肯苟 :説以 馬。 解 於平 而豈 遂必當易之乎? Ħ 邪 知 ! 稱 其臨没之賢, 故 今不 載 雖 爲 病 是 革 説 而

應自 章云 德貴 子於 之功 曾子之意, 有 曾子所作。 顯 故 所記 之,所記曾子言行亦多,疑皆曾子門人 多 孔 也」爲經、爲孔子之言。 稱 顔 在 由 子 ,或以 「曾子 按 當 既 曾子,又不應獨冠 子,次子 子貢,聖道之傳多 蓋曾子於孔 《論 時,曾子之功 没,後學多宗曾 功著 而 曰 云云, 朱子分「大學之道」至「未之 門人所記。 語》於曾子不字之而 也。 ·貢於閔、冉、 門年最 果 世多以《大學》爲 在後 常曾子 由 子 余 此 其餘 少而 仲 世。 曾子。 按 者。 文以 所 弓。 É 爲傳、爲 學最 故 聖 「曾子 作,不 誠 次 一道之 子 或 子貢 純 曾 以

文,首 以下, 視 惡惡臭,如 家、欲齊 誠 道一以貫之。」曾子曰:「夫子之道,忠恕 曾子,何以知之?《論 非孔子、曾子之言也。 繁而盡,又多 之群書,則文錯出不均。《大學》之文, 之也。凡文之體,因 而已矣。」今《大學》所言,皆忠恕之事 之文謹嚴、《孟子》之文舒暢。 欲脩其身者先正其 其意」,忠也。「欲 而 不 亦殊 出一人之手明 朱子之説 尾 見, 其家者先修其身」,恕也。「如 聯 好好色」,忠 不類孔子之言。 屬,先後呼應,文體 聽 排 而 近是。 語 不 ,計其時,當在戰 聞」,以 乎其 心、欲 甚,恐不 治 也。 然其傳則 語》孔子曰:「吾 然即「大學之道 其國 時。 「心不 IE. 且 其不忠 者先 -得分 其 《左傳》采 故《論 玩 心者先 必出 亦 通篇之 在 齊其 而二 無 也。 焉 或 語 參 於 閔

> 考,姑 如左。 推其意如此。○曾子之事,先後亦 於《曾子》篇,不載作《大學》之事,而 子,而後人又衍之爲《大學》者也。 言、《大學》之道盡矣。 於下毋以事上」,戒其不恕也。 人」,恕也。 有諸 和《論 己 閔子以下並同,不復再 而 後求諸 語》、《孟子》之文約略 所惡於上毋 人,無諸 蓋曾子得之 以 使下, 舉。 而 忠 後 於 恕二 次 難 故 所 非 之 詳 孔 惡 仍

子 騫《史記》:閔損,字子騫

以名者,如「有若」、「宰予」、「憲問耻」、「求聚斂」之 子、有子 或不冠以氏。 以氏,如「閔子騫」、「冉伯牛」、「宰我」、「冉有」之類。 按: ,皆稱 《論語》於諸賢,皆以 子, 如「子貢」、「子夏」之類。 而 不 以 字。 字稱 亦 有 惟 稱 曾

八

類。 從古之義 顏子外皆 要係偶 用《 也 然,非 論 語》 通 例也。 原 稱, 不敢 今列諸賢, 擅 更, 自 亦

中。 何 ? 論語·先進 何必改作?」子曰:「夫人不言,言必有 人爲長府。 》篇 閔子 騫曰: 「仍舊貫, 如之

矣。」《論語・ 爲 我 辭 季 氏 焉 使 雍也 関 如 一》篇 子 有 騫 復 爲 費 我 宰。 者, 則 閔 吾 子 騫 必 在 日 汶 F. 善

故 有是 久, 亦必 閔子云云。 子,有菜色,後 不 . 録 事。 韓詩 不至 閔子 外傳》云:●閔子 余 按: 於見羽 有芻豢之色。 天性恬静,雖 此 蓋 亦形 龍 旂 容之詞,非 騫 子貢 而 事 始見於夫 歆 ŦL 問 慕 子 之, 也 真

境

必

於其父母昆弟之言。」《論語·先進》篇 附 論 子 Ė 「孝哉閔 子騫! 人不 間

> 子如 之稱 孝,易反 妻。 母昆弟之言,或不免因 母昆弟之言」,玩其 去三子單。」由 怒,鞭之,衣破 著其袍。 生二子。 應作 者。 實 人言僉同,乃可 多,事 其孝爲易,而 閔子泣止之,曰:「母 世 若如 ... 傳 在 顛 余按 閔子 後妻愛其子而虐閔子,以蘆 閔子之母早亡,父娶後 難 人 世 倒 詳考。 丽 ·-: 俗 語 爲 是其母感 而 孔子 難 也 所 蘆 父推 爲 人之稱 反 傳,則 語意 花 據 後之好事者,各自 在 曰「人不問 見。 大 車 溺 抵三 於 而 関 乃 絶 愛 其 寒不能 母 在一子寒, 改之,均愛三 父怒,將出 孝 以 子 不 而 一代以 與 之 類 爲 父 溢 弟 得 身 美。 母 於 難 前 妻, 聖 其父 處 昆 稱 故 爲 逆 父 弟 母: 後 花 更

0 詩」,原作「子」,今據《畿輔》本改。

缺

不

孝反 之可 孔子稱閔子之孝,吾知閔子之孝而已。 以 其 至大傷閔子之心,其失不亦大乎! 也 意 附 倘 會之。 原無 是 然使 事 其母果 則是欲 有 稱 是 閔子 事 之 稱

也。 閔子之所以 知閔子之所以 故今不録是事。 爲孝,吾不得 爲孝,無害於閔子之爲孝 而 知 也。 吾不

冉 伯 牛《史記》: 冉耕,字伯牛。

語矣。」《論語・

顔

淵》篇

附

論

或

 \Box

雍

也

而

不佞。」子

:

而 之,命矣夫! 有斯疾也!! 《論語 伯牛有疾,子問之,自牖執其手,曰:「亡 斯人也而 ·雍也》篇 有斯 疾也! 斯人也

亡,未及有所樹 所 子之稱閔子不一而足,而出 難能,惟伯 按: 閔子與伯牛皆居德行之科,孔 4 立故 無 所 耳。 表 見。 《孟子》書中 此 處之節尤人 或因 其 亦 早

語·子路》篇

稱二子, 以 爲「 具體 而 微 故首

仲 如 怨,在家 承大祭。 仲弓問仁。 弓《史記》:冉雍,字仲弓。 無怨。」仲 己所不欲, 子曰 弓曰:「 二出 勿 雍雖不敏,請 施 門 如 於 見大 人。

賓,

使民

在

邦

無

事

斯

⊟ : __ 赦 小過,舉賢才。」曰:「焉知賢才 曰 : 不知其仁,焉用佞?」《論語・公冶長》篇 仲弓爲季氏宰,問政。子曰:「先有司 舉爾 「焉 所知。 用 佞 ? 爾所不知,人其舍諸?」《論 禦人 以 П 給 屢 而 憎於 舉之?」

問 子桑伯子,子曰 附 論 子曰 : : 可 雍 也 也,簡。」 可 使 南 仲 面 弓 仲 \exists

簡 居敬 而 而行簡 無 乃太 以臨 簡 其民,不 乎?」子曰 亦 可 :「雍之言 乎? 居

然。」《論語

雍也

故居德行之科 問 仲 大乎 是。 人情, 子騂且 有 惡之名乎? 之道? 而遽因此一譬,懸坐其父以 曰」云云,安知非孔 余按:稱其子之賢而 云"仲弓父賤而行惡,故夫子以此譬之。 .政 確 萬 據 孔 古 似 論 角 者 一不然,使古人受誣,其 子 非 故今闕之。 屬 語 1,雖欲 「, 寧 ,所答 治 **尝**云: 非 賦 可 竊 宜。 而 か用, 爲宰者 亦 缺 謂 子謂 列 讀 似 其 且本文云「子謂 顏、閔之次。 · 按 子與仲弓泛論 非 書 所 彰其父之惡,揆諸 Ш 仲 所 疑,不 諸 凡遇此等語,未 亨 川其舍諸?」註 孔子以 可 弟子 Ď 比。 : 可 所能 犁 惟嘗仕 失 南 斷 而 贵 牛之 問 面 以 用 仲 及。 仁 許 不 爲 行 人 弓

> 也。 而仕 於季氏,似 一,不得已而爲之,未可 故今仍從《論語》,列之伯牛之後。 未逮)顔、関 者。 然此 遽 以 是 或 爲疑 爲 禄

《史記》: 端木賜,衛人,字子貢

子

貫之。」《論語・衛靈》篇 (?)對 日 : 「然,非 與 ?」曰:「非 也,予一以

與

子

j

賜

也,女以

予爲多學

而

識

之者

問曾 獨記曾子之「唯」者,爲下文門人不 則未嘗 云 韶門人,皆當應之,必不默然 疑,是其不逮曾子者也。 唯」,而子貢曰「然,非與」, 云 問 子 先儒謂:曾子之聞「一貫」直 有此 之,故 張本耳。 一問,而直告之,故不容多 有 「然,非 若子貢乃 與」之答。 余 因 按 不能 無言 孔子 孔 首 曾 應 先 解 子之 應 子 以 而 而 無 \Box

矣。 强 學」章增「子貢 唯 此 取 四字,則 讀古人書當 一二字句 也。 今試 下 爲 文 \Box 其 取 細 門人之問 唯」四字,則 人優 多 玩 其 乎 劣 前後文義,不 也 章 無 删 根。 贅 而 曾子 取 無 得 味 多 \Box

璉

長

》篇

民 先?」曰:「去兵。」子貢曰:「必不得已而去, 於斯二者何先?」曰:「去食。 矣。」子貢曰:「必不得已而去,於斯 無信不立。」《論語 子貢問 政。 子 Ė. 顔淵 「足食,足兵,民信之 》篇 自古皆有死, 三者何

則 不 暇。」《論語 子貢方人。子曰:「賜也賢乎哉? 憲問 》篇 夫我

爾 愛其羊,我愛其禮。」《論語 子 貢 欲去 告朔 之餼羊。 八佾 子曰 : 賜 也

勝其 於 學識之高 載。 按:子貢與 多學 下。 問 故擇 孔子問答之言甚多,不 政 及 而 武載之。 此二條 皆 有 弱

> \vdash : 也。」《論語・公冶 女 附 論 器 也。 子 貢 日 問 : 日 : 何 器 賜 也? 也 何 如 日 ? 子 瑚

億 則 屢 附 論 中。」《論 子曰 語 :「賜不受命,而 先 進 篇 貨殖馬,

子 謂 遲請 益彰 貢 木 過留心於家人生産,酌盈 何斥之,何以其 於天下者,子貢先後之 財於曹、魯之間」,且曰:「使孔子名布 貨」「殖」猶生也,所 (學道 貢以富故能 乏 孔子之道之 耳,非 學稼圃,孔子以「小 者乎?」余 漢 而 司 躬 馬遷: 糴 行商 賤販貴若商 顈 顯之, 豈聖人之道亦必 作《貨殖傳》,稱子貢 辭 按 賈之事,孔子不知 爲 僅 子 : 如 謂 古 貢 是而已乎? 也,所謂 先後之可 貨 者 人」斥之。 賈 劑虚,使不 金 所 殖」云者,不 粟 爲 皆謂 也 得 也 若子 當 勢 且 如 樊 至 之 灩 而 揚

激之言,後人不察,遂以子貢爲若商賈有財而後能行於世乎? 此乃司馬氏憤

者然,謬矣。

故不

可

以

不

· 辨

禮 既 以 治 也 嚭]?_對曰:「豈以 共 禮 也 周 Н 哉? 介命 禮 命於諸 大 焉, 宰嚭召 仲 或 有 雍 其老豈 君 侯,苟不 曲 嗣 道 季 然也。」《左傳》哀公七年 之, 長,而大夫不 康 敢 爲禮 水子,康 斷 以 棄其 髮文身, 禮 ,畏大國 贵 子 國 使子 ? 可 出 羸 量 也。 大伯 貢 門, 以 也 辭。 爲 ? 大國 端 此 飾 委 寡君 何 大宰 以 不 禮 豊.

甲 無 「從司 -從君 廢 命 吴子 馬。」王賜之甲 ご叔 而 ,呼叔 拜。」《左傳》哀公十 孫 未能 孫, 日 對,衛 劒 : 鈹, 而 賜進, 日 年 事 何 日 奉 也 ? _; ___ 爾 君 州 對 事 仂 \Box 奉 敬 :

公不 以 制 欲,使子 之,玉帛以 「會吴 於 · 貢 、彙泉 對 奉之,言以結之, 日 吴子 盟 使 所 LI 大 周 宰 信 嚭 明 也 請 神 尋 ·以要 故 盟 12

乎。」大宰

·嚭説

乃

舍

衛

侯

司

上

之。 尋 可改,日 也,亦可 寡君以爲苟有盟焉,弗可 盟何 寒也。」乃不尋盟。《左傳》哀公十二年 益? 今吾子曰 ,必尋盟 改 也 己。 若 若猶 可

敢不 子 墮子者得 緩 之來也 語 舍 一夫 君之來,必謀於其衆。 餼,以相 之讎 來。 及衛 以 諸侯之會,事既畢矣,侯 懼 難 吴人藩衛 其欲 ? 也。 緩,寡君懼,故 故,大宰 之,子盍見大宰?」 辭 其 墮黨崇 也。今吴不行禮於衛 若 志矣! 來者,子之黨 執 侯之舍。 嚭 衛 讎 日 : 君 且合諸 而 將 「寡 是墮 子服 其 懼 止之。」子 衆或 也。 諸 君 黨 侯 乃 侯, 伯 景 願 而 其 請 而 欲 伯 致 事 或者 崇 而 謂子 執 不 束 禮 或否,是以 ·責 衛 讎 衛 欲 日: -錦 君 藩 難 也 地 貢 君, 來 以 以 其 衛 主 曰 行 誰 君 君 霸 夫 衛 歸

見公孫成,曰:「人皆臣人,而有背人之心。冬,及齊平。子服景伯如齊,子贛爲介,

哀公十 若得 亂。 伐 命。」 之,乃歸 禚、媚、杏 願 孫 況 喪宗國,將焉用之?」成 事 也 齊 視 齊 冠 寡 陳成子館客,曰:「寡君使恒告曰,寡 君 X 衛 大 氏 雖 多 如 君 成。 君之事 喪 其 事 饗 爲 以 之 病, 子 南,書 衛 大 公孫 願 車 役, 君。」 利 也。 Ŧi. 取 君 宿 其 百, 猶 讙 社 也 景 昔 以其兵甲 有 思 與 Ŧi. 大 伯 晉 則 不 闡。 不 曰:「善哉,吾不早 百。 與 揖 X 古 貮 義。 衛 子 伐 所 乎 寡君 吴人 地, 入於嬴 衛 贛 ? 願 利 齊 丽 也。」成子 自 是 不 子, 加 進之。 以寒 可 濟 爲 敝 周 《左傳 得 以 衛 邑 公之 心。 西 故 病 以 聞 對 人 而

按: 於 書 專 中 《論 對 亦 亂齊、亡吴、强晉 史記 之, 若 稱 語》列子貢於言語之科、《孟子》 子 貢 春 仲 善 秋 尼弟 傳 爲 説 **>** 子 中 辭。 而 列 辭 霸 傳 盟 不 越之事 . 過 於吴之類 載 其 有 才 子 長 貢 余

> 欺 覆 耳 子貢之善於 夫 人 非 差使亡 或 若 家 戰 者 或 辭 或 比 縱 令而 者哉? 也。 横 之 烏 托之,非聖賢所爲。 流 有 此蓋 佐 巧 陳 言 游説之士 恒 亂 以 德 纂 以 齊 大 傾

金。 侯者,取金於府。 《説苑》。 存參○魯國之法,魯 子貢 贖人於諸 人 有 贖 侯 臣 妾 而 還 於諸 其

故

今不

載

貢反,築室於場,獨居三年,然後 與?」子貢曰 是 揖 夫子之求之也,其諸異乎人之求之與?」 邦 昔者 於子貢,相 其 附録 事 也, 孔子没,三年之外,門人治任將 按: 亦 必聞 〇子 類 此 子貢 : 嚮 事 禽問 其 一夫子 而哭,皆失聲,然後歸。 未 所爲,姑列之存 政,求 必有,然於義 於子 温 良 貢曰:「夫子 之與? 恭 儉 歸。 讓 無 《孟子》。 以 所 抑 得之。 害 至於 與 之 子 П.

曰:「若在

論 語 學 前 》篇

平 得 者,丘 無 ? m 以 踰焉。 附 一陵 多見其 爲 録 也, 也 人雖 猶 叔 不 可 仲 知 孫 踰 尼 量 欲 武 也 不 也。」《論語 Á 叔 口 絶, 毁 仲 毁 仲 其 尼, 也 尼。 ・子張 何 日 傷 他 子 月 於日 》篇 人之 責 也 Ы 賢 月 無 :

條未載。 子貢推 今補 尊孔子之言已載 於此。 Ē 一録,惟 此

言者 疾。 高 子貢 邾子 仰 君爲 也。」《左傳》定公十五 H 執 附 驕 仲 : 玉. 論 也。 苨 主,其先亡乎。」〇 高,其 以 曰 : 禮觀之,二君者,皆有 春,邾隱公來朝。 卑 、容仰。 「賜不幸言 · 俯, 替 公受玉卑, 也。 而 夏五 驕 中,是使賜 近 子貢 亂 月 其 死 替 替 壬申 Ì. 容 觀 焉 俯 焉 近 名

 \mathbb{H} ,對於駘上。 附 論 春 二月,盟 越 子 使后 于平 庸 來聘, 陽。 三子 Ħ. 皆 邾

> 從。 公二十七年。 不及此夫。」武伯曰:「然。 固將召之。」文子曰:「他日請念。」《左傳 康子病之,言及子贛, 何不召?」曰 此,吾 家

惟 而 不 受玉 並 季孫之思子貢,亦列於後 而 按:《春秋傳》所述子貢 足, 事 然不 丁, 因 孔子之戒 闘 大 得失 子貢 無 料 (),故 事之 庸 載 盡 明, 載。

守定規矩,故 則 矩 本是 之於閔、冉、仲弓之後。 口 大率 子至矣, 定,其 甚 孰 由 敏 魯拙,後 愈」之問,亦似伯 按:《論語・子張》篇子貢之推尊孔 於子貢,其 則孔子之道 見 教 得 人 其後 易,往 既 有 法 有 無 所 功 往 所 傳 得,故守得 不 所 教 仲 以 〇朱子云:曾子 可 以 人 可 有 余按:《 昌 没 見者。 亦 傳 明 也 不 於 夫子 若 似 史記 而 世 曾子 子 故 貢 規 次 與

子

在

時

無

所

表

見,而

名言緒

論

多

見

於孔

子

没

後

也

不

然,閔

.子 「 具

體

而

微

仲

事

孔

子之日

短

, 教學者之日

長,是

以

ŦL

若游、夏、子張、曾子,則

視

諸

子

爲後起

講學

之日

必

少,是以不

爲後

學所

宗耳

孔

子

世已

顯

名

於諸

侯。

仕

宦

之日

既

多

孔

子

没

後

爲

時

亦

未必

甚

久,

而子貢

班

者。

孔子

在時,既

爲

日

月之明所掩

洙

長,閔子、仲弓、冉有、子

責

則

其

年

若

相

有、子貢

罕所

論

曾子、游、夏皆

武伯之問,先由

而

甚

遠。

今以《論

所

載

弟

子

年

以

人

皆

無

聞

焉

?

世

敘子貢之事 異,未可謂 子貢、由、求之力,而 是言之, 曾 體 於 子 何 後 羽翼聖 爲 子貢之不 者 而 世者、游、夏、曾子、 備 尤 猶 門 論之。 純。 能 道 傳 於當 . 如 時 子貢 經 曾 勢不 於 時 子 後

泗 考 信 餘 録 卷之一終

道光 四 年東陽署 中 刻

也。

同,

洙泗考信餘録卷之二

託之耳。其實古人盛

服、

佩劍、皆尋常

所爲,以子路之行行

而

勇於改過也,故

之事,不足爲病。

故不録

載

孔子之言,皆類楊

氏之旨,蓋

戰

或

人

大名崔述東壁謹考 石屏門人陳履和校刊

子 路《史記》:仲由,字子路。

子路有聞、未之能行、唯恐有聞。《論語・

公冶長》篇。

子路無宿諾。《論語·顏淵》篇。 子路,人告之以有過,則喜。《孟子》。

附論〇子曰:「片言可以折獄者,其由

也與?」同上

見,孔子非之,子路改服而人。余按:所路請攝齊以事孔子。又稱子路盛服而《説苑》稱子路持劒,孔子非之,子

墮郈。 申句 敗諸姑蔑。 之臺。費人攻之,弗克。人及公側。 人以襲魯。公與三子入於季氏之宫,登武子 須、樂碩下,伐之,費人北。 仲由爲季氏宰,將墮三都。 季氏將墮費,公山不狃、叔孫 二子奔齊。 遂墮費。《左傳》定公十 於是 或 人追之, 仲尼命 輒 叔 帥費 孫 Æ

而祭。 祭,其爲不敬大矣。 容、肅敬之心,皆倦怠矣。 交乎户,堂事交乎階,質明而始行事,晏朝 備覽○子路爲季氏 日不足,繼之以 他日祭,子路與,室事 宰。 燭。 有司 季氏祭,逮闍 雖 跛 有 倚 强 力之 以 臨

而退。《戴記・禮器》。

徵 用 氏 曲。 所記 與 ? 爲」云云。余按,此章可疑者五:《論語 事 不似,三也。顓臾之伐不見於經傳,洪 不合,二也。子路主墮都之謀,其 定公世,冉有爲季氏宰在哀公世。其時 在 人,必不一旦隳其晚節 有素,歸魯之後,不肯承季氏 臾,冉有、季路見於孔子,曰:「季氏 四四 意其因孔子之言而 於顓 何 邦域之中矣,是社稷之臣 以不 其文不類,一也。 孔子之言,皆簡 也 夫顓臾,昔者先 論 **奥。」孔子** 僖 因 孔子 二十一年《傳》云:「任、宿 季氏》篇云: İ 之言 : 「求,無 中止 而直 Ŧ 子路爲季氏 以 而 以 阳 一,此章 止 ? 一然則 爲 季氏將 季氏 也,何以 東蒙主,且 意 乃 其 以 獨 爾 田 事 賦 剛 宰 繁而 將 伐 其 盟 是 之 直 在 伐 無 理 调 顓 叛 有 語 將

憲問

》篇

明。 其説 與 不欲子路受誣 之祀。」不言 須 前 句 不 雖於義 + 顓 Ŧi. 同,五也。 曳,風 篇 無 爲東蒙主,亦不言 異,其 於百 大 姓 害 也。 且此篇文皆稱 世。 非 1,然其 孔 實司大 故 氏 不 乙之徒 事 載 未 皥 必 爲 所 與 孔子, 有, 記 有 H 甚 濟

市朝 曰:「夫子固有惑志於公伯寮,吾力猶能肆 廢 也 。」子曰: 公伯寮愬子路於季孫。子服景伯 與? 命也。 「道之將行也 公伯寮 與? 其 如 命 命 也。 何 .! 」《論 以 道之

録《爲魯司寇》篇中。 因此一愬也。故次之於此。説已見正之,則是孔子之去魯,子路之去季氏,皆

● 「器」,原作「運」,今據《禮記》改正。

二七

諸 下 而 》篇 神 :祇』。」子曰:「丘之禱久矣。」《論語 附 録 路 〇子 對 日 疾病,子路請 : 「有之。 誄 禱 H 『禱 子 曰 爾 于 Ŀ. 有 述

於 有 閒 且 予縱 臣 一 日 臣 之手 附 不得大葬 吾 録 「久矣哉, 誰 〇子疾病,子路使門人爲 也 欺? 無 (,予死於道路乎?」《論 寧 由之行詐 欺 死 天乎? 於二三子 也 且 之 子 無 手 與 臣 臣。 平 其 ITT 語 死 爲 病 1

之言 位之後。 此二章皆 無 臣 姑附 而 爲 録 不 於 有 知 此 臣 的 一,當 在 何 在 時, 爲 大 然觀 夫 而 孔 夫 子

日 在 君子 陳 絶糧 亦 有 ,從者 窮乎?」 病 党 子曰 能 興。 君 子 子 固 路 一窮,小 愠 見,

附録○子路宿於石門。晨門曰:「奚

窮

斯

濫

矣。」《論語

衛

電靈》篇

可而爲之者與?」《論語・憲問》篇。自?」子路曰:「自孔氏。」曰:「是知其不

長》篇 從我 由 也 者 附 好 論 其 勇 由 子曰 過 . 與? 我 : 一子路 無 「道不行, 所 取 聞 材。」《論 之,喜。 乘桴 浮 語 子 於海 E 公冶

前。 時。 故次 以理 按 : 之於在陳之後 度 石 之,當 門 之宿, 在 去 浮 魯 海 之後, 之歎 仕 不 知 衛 之 何

之也, 故,死 謂 吾 子何辱焉?」對 之日 無 盟 小 人其城 由 邾 矣。」使子 弗 「千乘之國 射以 能 下 。」《左傳 可 句 日 : 也。 路 繹 子路 來 不信其 「魯有 》哀公十 彼 奔, 曰: 不 辭。 臣 四 事 年。 盟 而 於 季 「使季 濟 小 而 康 其言 邾,不敢問 信子之言 子使 路要我 中有

「天或者以 秋,齊 陳氏 陳 瓘 爲斧斤,既斲 如 楚。 過 衛 喪公室,而 仲 由 見 之, 他 \Box

玉曰 若善魯以 有之,不可 「然,吾受命矣,子使告我弟。」冬,及齊 待時,不亦 知 也 其 可乎? 使終響之, 何 必 亦 惡焉 不 可 ? 子 知 也。

平。

《左傳》哀公十五年。

告季 遂刼 與五 氏。 來 請 在 豎 入,適伯姬 之外圃。昏,二人蒙衣 於伯 奔。 戚 獲 渾 一季子 子 了; 孔 以登臺。 人介, 輿豭從之。 孔 或 良夫長 衛 季 氏之老樂 姬 孔 姬 服 · 日 : 「 子 召 幸 氏 使之焉。 冕乘軒,三死 取 將 獲 閏月,良夫與大子人,舍於孔 圃 樂寧將飲酒,炙未熟,聞 人, 駕 大子蒯 美,孔文子卒,通於 吾 既 乘 寧問 姑至焉。」子羔曰 遇 食,孔伯 車 大子與之言曰:「苟使我 子 聵之姊 迫孔 羔將 之, 而乘,寺人羅御,如 行 無與。」與 爵 姬 稱 悝 Щ, 食 杖 生性。 姻 於 (炙,奉 戈而 日 妾 厠,强盟之, 八以告。 之 内。 : 先,大子 衛 門 盟 孔氏 弗及, 亂, 大子 已閉 侯 使 遂 之 輒 孔 氏 爲

存參○子

路

有

姊

之喪,

可

以

除矣,

而

乃人。 遂出 難 不 繼之。」且曰:「大子無勇,若燔 爲也。」季子曰:「是公孫也,求 踐 由 其 曰 : 子路 難。」季子曰 不 然 利 人,及門,公孫敢門焉 大子 其 馬用 禄 : 必救 食馬,不 孔 悝? 其患。」 辟 臺半,必舍孔 雖 利 其 殺 有 \exists 焉 難 之,必 使者 而 子 逃 無 出 或 其 羔

來,由也死矣。」孔悝立莊公。《左傳》哀公十五年。免。」結纓而死。孔子聞衛亂,曰:「柴也其

以

戈擊之,斷

纓。

子路

曰 : 一

君

子

死,冠

叔。」大子聞之,懼,下。

石乞、

孟

黶

敵子路

禮,行道之人皆弗忍 弗除 吾寡兄 也。 弟 孔子曰 而 弗 忍 也 何 也。」子路聞之,遂除 弗 孔 除 子 巾 E ?」子路 : 先 \pm 日 制

似。姑存之。

此

事

無

害

於

理,

而

與子

路素

相

《檀弓》。

二九

多〇子 路 治 蒲 年,孔 子過 之。

此 故民盡力。 人其邑, 墉屋 日 哉, 境 \vdash 一夫子 忠信 而 由 「人其境,田 斷, 故民 善 存 未 善哉,由 明 以寬,其 Ź, 察 見 由 以 E 不擾 而 斷 忠信 : 民 . 疇草 矣。」 也。」《韓詩外傳 由 稱 不 以 善, 恭 子 萊甚辟,此 寬 偷 敬 矣。」至庭,日 貢 可 甚尊,樹 以 其庭 執 得 信 轡 間 甚 矣。」人 恭 乎 面 ? 閒 木 敬 問 甚茂 以信 : 孔 此 日 善善 邑, 田月 子

時。 存 其 事 故 則 此 統 又 容 文文詞冗弱,必非 此 列 或 之於後 與上 有之,未便 除 姊 喪 删 事 孔子之言。 削, · 皆不知 姑列之於 在 何 伙

以

也 用 ij, 不臧?』」子 何足以臧?」《論語·子罕》篇 而 附 不 論 耻者, 子 路 其 曰 : 終身 由 「衣敝 也 與? 誦 之。 緼 袍,與衣 『不忮不 子 曰:「是道 狐 求, 貉 何 者

> 皆後 蔡,由 之。 萬 記 者立 按:《論 則無是事 乘,積粟 里之外。 鍾 歷 若南 人附會之詞。 以 歷 而 世 衛 自 可 不 傳 語 萬 反 也。 遊於楚、從車 奉 ? 考, 親 耻 子 魯,復 影稱子 鍾 没之後 路 紫累茵 何嘗 則 子路從孔子去魯,厄 事 亦 子 路衣 仕 親 故不載 非子路之所 路 有 於 而 遊 南 少 嘗 衛 敝 坐 百乘,積 楚之時 年 遊 食 緼 丽 列 - 之貧 於 藜 袍 死 鼎 、楚,從 藿 爲 於 與 而 粟 古 而 難 也 衣 食。 負 萬 於 白 當 狐 車 米 鍾 乘 陳 貉 此 傳 有 余 百 百

門? 矣,未入於室也。」《論語 門 附 論 人 〇 子 不 敬 日 子 : 路 「由之瑟 子 先進》篇 H 奚 爲 由 也 於 升 丘 堂 之

聲,孔子聞之云云 宣 二八風 二 説 原 苑》稱子路 不可 以偏 鼓 蓋 廢,故《傳》云「 瑟 本 於 有 北 此 鄙 然 殺 驟 樂 伐 歌 之

乎 ? 甚。 之未化,當從容而涵養之,亦非七日不 食之所能變也 北 附 風 論 且樂以 其詞 又 ○或問 歌 意 南 象德,瑟之不和,由 亦淺 風」, 乎曾 此附會之言。故不 蔓, 必 西曰:「吾子與子路 而 何 得崇 非 孔 南 子 之言 於氣質 而 載。 棄 明 北

孰賢?」曾西蹙然曰:「吾先子之所畏也。」

亦 論矣。故先之。 如褒之者之多也。 屢稱之。 按:子 雖 路於及門中年最長,而 時 有 升堂入室,孔子有定 所督 責 而 貶之,固不 孔 子

有子

於幕庭。卒三百人,有若與焉,及稷門之内。微虎欲宵攻王舍,私屬徒七百人,三踊

如已也。」乃止之。吴子聞之,一夕三遷。《左或謂季孫曰:「不足以害吴,而多殺國士,不

傳》哀公八年。

淵》篇。 與不足? 百姓不足,君孰與足?」《論語·顏不足,如之何其徹也?」對曰:「百姓足,君孰不足,如之何其徹也?」對曰:「百姓足,君孰不足,如之何其徹也?」曰:「二,吾猶良公問於有若曰:「年饑,用不足,如之

問 若狀似孔子,弟子相 夫子曰:"《詩》不云乎:「月 而 果 曰:「昔夫子當行,使弟子持雨 雨。 史記》云:孔子既没,弟子 弟子問曰: 『夫子何以 與 共 立 離 爲 師,他 于畢,俾 知之?」 思慕,有 具,已 日

也,必 然而 故聖孔 聖人, 三,事 者, FL 事 用,無多言億中之事。 烏 也。 非 默 畢,竟不雨, 滂 曰:「不知也。」苟以 論 子 有 子之座也。」余按: 然 沱 何 語》記孔子言行多矣,皆平實切 EE,其 當先薄 1矣。」昨 因 所以事 無 少之如 人其道 審 以 非 子,則《論 其 以 知 以 竟 不 應,弟子 尊 杳 其 其 大德崇, 於諸 敢問 有若者, ·暮月 知 _0 與 可 能 然 雨 君、父等,故曰 從師 知 師 弟 夫子 語 不 也 不 起 子矣。 雨 宿 雨 而 有 ! 非 諸弟 者 单 以其言 \exists 不 遂 後 所不 何 畢 以 果以 不可 亦 或 : हों 以 乎?』他 師 其 當 黜 子所以 問 爲 有子 師 知 知 之。 能 能 不慎之於始 載 行學問 有若者哉? 褅 似 之道 此? 1:「民 而 其 知 知 之説, 聖 避 薄之,則 既 晴 雨 尊 言 日 之, E 有 非 於日 幾 月 牛 雨 不 孔 也 師 荷 子 於 之 於 होत्र 子 此 若 宿

足以 此舉 好 子 有子 使游、夏以 既 子也 士、少 子張、子游 言有若公然自居於 子事之。」但言其似聖人,未嘗言其似 子反爲之乎? 自生民 有若智足以 知孔 事者因之,遂附會爲 欲 言之未合, 則當終身勿替,安有因 公然 固不得爲無過,然其心尚可原。 師 爲 知 子 但言 有 有 義 以 爲 若, 若 不 事孔子者事己,明矣。 來,未 以 理 生民 自 游 哉 而 知聖人。」又述有子言 有若似聖人,欲以 者 而 量, 、夏之徒 ? 有 遂黜之者 猶 所 孟 有 若 然 竟 不 子》曰 未 盛 師 不肯 則 自 肯 有, 於 此言 也。 欲 當 擬 爲, 孔子也。」 居 則 H 於 師 此 而 耳。 是 其 他 之事, 孟 孔 有 事之未 在 謂 斷 子,豈 子》 若, 以 日子 所 大抵七 斷 孔 世俗之 游、 中 有 蓋 未嘗 不 事 子 궁 : \exists 知 若 夏 敢 子 孔 孔

人,故此等語多不可信。故不載。十子之門人,各好自尊其師,而詆諆他

費。 也。 子以 深焉者。 説,咸能發聖人未發之藴,意其 易得者。至有子「務本」之旨,「貴和」之 海」之許,「不忮不求」之贊,皆他人所不 子貢,非謂二子等量 其政事之才相埓耳,猶言語 事之相去甚遠也。所以多並稱者,但以 班焉者。 之文,多以冉有、季路並稱,世遂視之若 必 子之比。 有過人者。 然踐履 爲 冉有用於季氏,而爲之聚歛。 按:游、夏以有子似聖人,則其言行 多曾子、有子門人所記,理 然子路用 故次之於子路之後。 是以游、夏有似聖人之品 篤 實,成就後學,或 而《論語》稱 於 而 季氏,而 齊 觀 爲「有子」,朱 之稱 也。 所 爲 尚 況「浮 宰我、 得 其行 之墮 經 或 非 目 有 傳 曾 然 原

毋

以

與爾鄰里鄉黨乎?」《論

語

雍也

子

日

識 也。 非 諸 亦 弟 殊 而「盍 卓, 子 所敢 則 徹 二子雖未 之請 望 也。 欲 逮夫顔、閔,而 故冠之於諸 復 先 Ŧ. 之 制 賢 古 其

思《史記》:原憲,字子]

之先。

原思爲之宰,與之粟九百,辭。

也。」《論語·憲問》篇。 仁矣?」子曰:「可以爲難矣,仁則吾不知仁矣?」子曰:「可以爲難矣,仁則吾不知附論〇「克、伐、怨、欲不行焉,可以爲

冠 貧 乎?]原 排 學道而 見子貢,子貢 藜藿入窮閻,過 史記 憲曰:「吾聞之: 不能 行者謂之病。』若憲 耻 子 之日 貢 謝 原 相 憲。 衛 『無 :「夫子 結 憲 財 駟 者 攝 連 豈 謂 敝 騎, 貧 之 病 衣

三三

今並 之富 設爲 則有 好禮 按: 貢 而 如?」子曰: 也, 文 斷 子貢 非 不 更 之。 者 也 此説以自高者,以 不至是。 病 録 繁,), 故 也。」子 若以 H 也。」 蓋 託 「可也,未若 之耳。 後 一子貢 此 貧 , 貢 貧 人所 5 爲 乃戰 Ę 而 耻 慚,不 無 於 《新 衍,皆 以以 國 流諂,富 理 原思之貧、子貢 源序》亦 貧賤 貧 富 財,先貧 懌 非 而樂,富 爲榮,則 而 而 實 驕人之士 載 無 事 去。 此 驕 後 事 故 子 富 而 何 余

公 西 華《史記》:公西赤,字子華。

Ŧi. 吾聞之也 與之釜。」請 秉。 子華使於齊,冉子爲其母請 子曰:「赤之適 : 益, 君子周 曰:「與之庾。」冉子與 急不 齊也,乘肥 繼 富。」」《論 栗。 馬 衣 子 語 輕 之粟 Ė 裘 雍

也》篇。

棺牆,置翣,設披,周也。設崇,殷也。綢存參○孔子之喪,公西赤爲志焉:飾

練設

旅

,夏也。《檀弓》。

於有 者。 至子 可 取 華 子之後。 且. 者在。 按: 孔子爲司寇,以原思爲宰,必有 孔 以 子 應 於 對 而狷介之操, 二子皆無 長 才,承命 貶 出 亦 詞。 使,亦 人所 故 難 並 卓 次 卓

子 賤《史記》:密當作處。不齊,字子

問 堂 夜 人者佚,任力者勞。」《吕覽》、《韓詩外 於子 不 而 處 單 備 ,賤,子 父治。 以 覽 〇子賤 分身親 賤 巫 티 : 之, 馬 治 而 期 單 我 單 以 父,彈鳴琴,身不下 任 星 父 人,子 亦 一出,以 治 傳 任 星人,日 巫馬 力。 任 期

日 備 此 覽 或 有 \bigcirc 子賤 賢 不齊者五 爲 單 父宰,反 人,教不齊所以治 命 於孔子

。|《史記·仲尼弟子列傳》。

無 此 記》、《新序》,而《説苑》 之宰單父,見於《吕覽》、《詩傳》、《 陽 同。 之語,則《史記》所未 之政,所對與《史記》意略 而 迎 君子者,斯焉取斯?」《論語·公冶長》篇 任 父事三人、兄 橋 與 而 附論○子謂子賤:「君子哉若人! 人、任力」之對,與《吕覽》、《 、之共治也。 ·固當有之,惟其言之繁冗淺弱,多 一則辭於孔子,而孔子告之以「毋 魴魚之説 距, 毋望 《説苑》記子賤宰單父事凡 而 事五 而子賤 許 一則孔 也。 人、所友者 及也。 請 又屢見之,然 子問 其 同, 則陽 余按: 耆 以 老 而其 四 十一人」 治 書 尊 詩 則 子賤 中 單 賢 告 傳 則 史 有 者 父 以 魯

載

也。

覽,以 親賢 此? 邑。 爲 而 故説者因 不 「魯無君子者,斯焉取斯」,則子賤 【韓詩》、《史記》所載,事尚近理,文亦 簡 其 類 言則 潔。 友仁,集思 子 春 爲《論語》「焉取」之證。其餘 蓋孔子嘗稱子賤爲「君子」, 游 秋 故今但採三書之文,列 非當 以其言 時 僅 語 得 日之言也。 廣 一人,單 且. 丽 益, 附 單 會之。 以 父 自治 父 小 邑耳,武 何 惟《吕 其 而 遽 治 意則是, 多 人者, 之 覽》、 蓋 概 賢 而 城 能 備 較 云 如 大

之如此。 發單父,單父之化大治 歸,以告魯君,魯君乃命 子賤從旁掣其肘。 者二人,使書憲 新序》云:子賤爲單父宰,請 余按"請人於君,而 書 書醜, 教 品 原文甚繁,今删 有司 則怒之。 至單 掣 無得 ·其肘, ·父使 書者 擅 ൬ 書 無

專,而 乎? 禮 也 」,故託之,非實事 甚 矣。 此 寓言者。 乃戰 大夫 國 八旦不 以子賤之治單父有能 策士 也。 可 因世主之任 施之於君, 故今不録 況 名 不 室

原 多載其賢者,蓋聖門高弟也。 思、公西華之後。 按 : 孔子以君子 稱子賤,而傳記 故次之於 亦

子 游 《史記》:言偃,字子游。

乎?」曰:「有澹臺 未嘗至於偃之室也。」《論語 子 游 爲 武 城 宰。 三滅明 子曰 者 一,行 雍也 :「女得 不 》篇 由徑,非公事 人馬 爾

就諸臣之位,文子又辭,子游曰:「固 游 喪,子游爲之麻衰、牡 戴記•檀弓》篇云: 一禮也。」文子退,反哭。 麻 經。 司寇惠子之 文子辭,子 子遊趨 以 ПП

> 不録。 己 不反失己乎? 故子游爲之重服以譏之。]余按: 廢適立 而 庶,其過在人,諫之可也,自處 請。」文子退,扶適子南 就 而 客位。 無 救於人也,非子 釋之者曰:「惠子廢 使文子終不悟, 面 而 游 立。 之事。 於非 適立庶, 是徒失 子 游 禮 故 趨

貨》篇 莞爾 子,偃之言是也。 愛人,小人學道則易使也。」」子曰:「二三 曰:「昔者偃也聞諸夫子曰:『君子學道 而笑, 曰: 存疑○子之武 「割鷄 前言戲之耳。」《論 城、聞 焉 用 弦 4 歌之聲。 刀?」子 語 游對 夫子

之,獨不慮聞者之疑之乎? 變至於道」,弦歌之聲不 孔子 按: 既 魯爲禮樂之邦,故孔子曰「魯一 喜之,何 以 不獎 必 武 之, 以子游之 城 而 而 乃 後 戲 有

則

陽

此蓋 於孔 聰 敏,亦不當聞戲言 傳 子之前, 而 失 其 而 真者, 稱 夫子,亦非春秋時語 而 撰 誤以爲實也。 此篇者誤采之 且.

子 夏《史記》:卜商,字子夏。

耳。

故今列之存

疑

無 不成。」《論語・子路》 見 小 子 夏爲 利 莒 欲速,則 父宰,問 常篇 不 政。 · 達。 子曰:「 見小 利 則 無欲 大 速 事

獨 稱,未必 卓者,必不至吝一蓋 故能久長矣。」余按:子夏之在聖門亦卓 於財。吾聞與人交者推其長、違其 曰:「子夏有之。」孔 有之。 説苑》云: 孔子 且. 其 與諸弟 語甚淺陋,必後 孔子將行, 子 於 子 · 日 : 「 師。 皆 無 子夏 商之爲 無 蓋 蓋。 一, 而 人所 不 子 以 弟子 人短 短 附 夏 富

會。故今不録。

段干木,此三人者,君皆師之。《史記‧魏世外、什一在内,是以東得卜子夏、田子方、佛覽○魏成子以食禄千鍾,什九在

備覽○子夏居西河教授。《史記・仲尼弟

家》。

子

列

傳

子之詳陳縷辨,而人猶不信 後 晉之人傳《毛詩》者借子夏名 遠甚,其非子夏所作顯然。 之傳記亦多舛誤,而文詞亦不速《論 宏所作。 宏傳》言爲《毛詩》作序,則 序》乃子夏所作。 有言及《毛詩》之序者,惟《後 人 震於其名,遂 先儒多謂《毛詩》傳自子夏,今《詩 且序之不合於經義者甚 余 按: 相 視 莫 西漢 敢 是《詩 也。 不過漢末魏 議 以 以 漢 雖 爲 甚矣! 前 書 多,參 序 重 以朱 影 耳。 衛 未

三八

序之事,其序之誤已散見諸録中,兹不識古書之真僞,非易事也。故今不載作

複

舉

也

其 真 如 多,然亦往往 以 是。 爲子夏作。 耳。 禮 或子夏之徒之所爲,後世傳 故今不録 喪服》篇《大傳》,先儒 有與經抵牾者,子夏 余按:《傳》之名言精 相 而 不 傳 義 失 應 其 亦

過矣。 張 也 諸 無 洒 》篇 …; 如 ? 草木,區 掃、 附 之何?」子夏聞之,曰:「噫! 有始有卒者,其惟聖人乎?」《論語 應對、進 君子之道 論 〇子 以 游 退 别 曰:「子夏之門人小子,當 ,孰先傳焉,孰後倦焉,譬 則可矣,抑末也。 矣。 君子之道 焉 本之則 言游 口 · 子 詠

張曰"「子夏云何?」對曰"「子夏曰"『可附論○子夏之門人問交於子張。子

與,人將拒我,如之何其拒 我之大賢與,於人何所不 吾所聞: 君子尊賢而 者與之,其不可 親者 是。 聞 親、喪子 也。 忽數其 罪 予之無罪也。」曾子怒,曰:「商,女何 喪其明。 也。 喪 也? 1, 況子夏尤聖門之高弟乎? 人苟 喪 而 戴記 罪 爾 弔 喪 使西河之民疑女於夫子, 相 心 子,喪 曾子弔之,子夏哭曰:「天乎 朋 而 而責之,豈 檀弓》篇云:子夏喪其 較, 有 親,使 者拒之。二子張 友之情 知 而 爾明,爾 識 以 民 容衆,嘉善而矜不能 未 喪 一人情 也。 未 有愛其子 明 罪三 有 人也 容? 爲 聞 乎? 方 也。」]?]同-當 罪 馬, \Box 我之不賢 慰藉, 語 反 且. 爾 余按 上 罪一 但人 勝 以 亦 爾 子 異 於 喪 而 前 非 罪 平 無 1

●「河」,原作「何」,今據《禮記》改正。

親 果因 此 飲 少年,血 而 則有之,然必 力不能勝哀。 與 ,不得取喪親 酒 譏 一喪 [喪子 食 他 肉,七十 欲 人 氣盛,力能勝哀;及老,血氣衰, 喪明,亦以 者 速 貧」一 不至 之 故禮 時 惟 所 衰 相較,而遽以爲罪也 爲, 喪子之哀反過於喪 事,皆門人各 : 老不 麻 居親喪,五 在 説 身。 勝哀之故 不 足 縱 信。 使子 十以 尊 其 故 師 **F**. 過 夏

張《史記》:顓孫師,字子張。

子

不録。

子張學干禄。《論語・爲政》篇。

然 加 未仁。」《論 附論 0 子 游 語 日 子張 : 「吾友張 》篇 也 爲 難能 也,

檀弓》。

附論○曾子曰:「堂堂乎張也,難與並

爲仁矣。」同上。

不録 子張 猶 乃戰國 何 且. 屈 故不遠千里之外,犯霜 重 公不禮,託僕夫而 塵 與 子張從孔子在魯久矣,孔子没後子張 身以求見,而哀公亦初無 趼,不見休息,以 垢 游 聖門高弟, 策 、夏時 霜 士之習,蓋縱橫家之所托。 露 問 而 不 難 雖 遠千 焉,則 去日 有 見君。」云云。 干 里 一一臣 露、 禄之心,必不至 是居於魯 乎? 冒 好士之事。 塵 聞 垢, 君 觀 余按 1也,有 其 好士 百舍 語 故

新序》稱子張見魯哀公,七日

而哀

君子曰終,小人曰死,吾今日其庶幾乎。」存參〇子張病,召申祥而語之,曰:

與 可 謂 游、夏均稱得「聖人之一體」,蓋 有 按: 功 子游、子 於聖門矣。 夏説 子 禮敦 張 好 詩 高 以 務 詔 外,而 後 一亦賢 學,

三九

大疵 也。 但 一欲以 故並次之子賤之後 事 孔子者 事有 若, 則 生平 之

室 我 《史記》:宰予,字子我

長》篇 之墙 不 宰予晝寝。 可 ,圬也,於予與 子曰:「朽木不可雕 何 誅?」《論 語 也,糞土 公治

聞之,曰:「成事不説,遂事不諫,既往不咎。」 以 論語 松,殷人以 八佾》篇 哀公問社於宰我。 公栢,周 人以栗,日 宰我對曰: |使民 戰 「夏后 栗。」子 氏

然也 不可 「井有仁焉。』 其從之也?」子曰: 附 也。」《 □録○宰我問曰:「仁者,雖告之曰 君子可 逝 雍 也,不可 篇 陷 也。 可欺 「何爲其 也,

附 録 〇宰我問:「三年之喪,期已久

图

論

語

也

貨》篇 矣。 父母之懷。夫三年之喪,天下之通喪也 子曰:「予之不仁也。子生三年,然後免於 安,故不爲也。今女安,則爲之。」宰我出 火,期可已矣。」子曰:「食夫稻,衣夫錦,於 樂、樂必崩。 予也有三年之愛於其父母乎?』《論 子之居喪,食旨不甘,聞樂不樂,居處不 女安乎?」曰:「安。」「女安,則爲之。 夫君 君子三年不爲禮,禮必壞。 舊穀既没,新穀既 升,鑽燧 三年 語 不 改 爲

臣知夫子之無用此車也 綵,妾不衣帛,車 以爲積,不合則去,退 仁,貴義尚德,清素好儉。 子 楚 無以 昭 王以安車象飾 《孔叢子》云:孔子使宰予使於楚, 此 爲 也。 器 夫子言不離道 遺 不 孔子。 雕 無 云云。 馬馬不 吝心。 仕 宰予日: 而 食粟。 余按: 動動 有禄,不 妻不 不 夫 孟 故 服 違

也。 抵皆欲 不 爲 大 造 也 也 子 如 於 書者 能 以 如 嘗 ,欲尊聖人而 是,是天下之不 故凡《孔 盡 所 是,是天下之不 稱 而 宰予以言語著 辨 皆 無 歸 岢 「宰我智足以 美聖 不 姑 里巷之士 惜 謬 舉 叢子》之所載,一 乎 人。 哉 其 適 ·其 ! 一二事言之。 以 能 人 或附 淺 少 ^ 而 知 知 言 無 孔 視 知 聖 此 聖人」, 識 會以所有, 者 叢 人者 夫聖 言 自 子 亦 其 艿 好 莫 **>** 莫 淺 人 者 所 而 概 宰 而 之 宰 其 叹 陃 書,大 不 言 或 子 子 所 鄙 不 稱 撰 若 知 能 而 俗 止

於予 信 其 與改是。」《論語・公冶長 行 附 論 今吾 子 於人 \exists 「始吾於人也,聽其言 也],聽其 八》篇 言 而 觀 其 而

而 章 發 也 按: 乃 論 記 此 宰 者 文以 我 以 平日 子 其 皆論 之 宰我 事 冠之,自 ', 非 事,因 專 爲 當 連 書 别 類 寢 爲

而及之耳。故今别録於後

予即 我 無 其 人,共 按: 然有 宰我 常作 在 也 所 云: 將 <u>云</u> 間 自 殺 齊 以 \wedge ?,恐字 按《左氏 語 田 事 闞 《傳》之闞 亂, 闞 攻 之卒以攻之,遂殘 (史記 左傳》所紀 宰 政 及之。 孔 我 宰予果 成 咔 田 我 以 以 子。 自 子 成 *\frac{\times}{\times} 自 與 字 夷 致 常常 名 子。 無 宰 子 其 在 是《史記 相 烏 有 與 止 止 族。 我, 魯 争, 我 得 簡 宰 宰 此 宰 \coprod 宰 甚 遂 事 相 公之世,止 我 我 我 不 明,《 而 成 孔子 . 我 報 亦亦 涉, 以 争。 爲 與 - 容復 子 **>**′≪ 大 自 我 爲 臨 田 之也。 争 大 因 名子。 不 ·耻之。 索隱》之説 自 説苑》所 宰 常作 菑 容《 有 爲 誤 寵 事 人 大夫, 我 宰 旌 遂 有 云 哉 左傳》 簡 亂之文, 《 索 夜 子 節 闞 陳 然 爲 説 伏 參於 我 稱 闞 陳 以 與 卒, 宰 自 是 室 終 余 起 田 恒

安得 宰我 載 嘗 子曰 後之人 哀公之五 年 爲 此 二,事 宰故 ·, 陳 事 分 方 從 猶 身 僖 在 孔 年, 稱 欲 未 子 宰 Ш 魯 子 <u>ਜ</u> 召 齊 -我,亦 而 全 於 知 陽 景 工其説 與 陳蔡 ,反,與壬 生,闞 公卒,公子陽 簡 勞 公共處 謂 之間 而拙矣。 止先待諸 予實 由 也 世 處。」是 闞 陳 哉 牛 故今不 氏,以 反 外 來 衛 奔 73 時

惑也 世,其 李 因 於庭 先師之門乃 下得百姓,上得 《弟子 斯 事 宋 室 傳》乃云 略 是宰予不從 蘇 荀 ·我之不叛 近令兒子邁考閱 卿, 氏 有叛 田 志 去 「宰予 日常爲 群 林 孔 臣 臣 ″; 其 上焉, 豈 **>** 子不遠,宜 簡 \mathbb{H} 與 院取 궁 : 常,爲 驗 公臣,布 H 甚 李 非 常 舊書 心齊國 明。 斯 T 作 常 Ŀ 載 亂 知 所 ,殺宰予 惠 究 Ħ. 不 書 其 殺 施 諫二 註 其: 蠲 使 實。 也 德 吾 云 所 之

雜

就送

以

衛

退之事

而

譏

韓

昌

黎

也

張

乎 李斯 死懸 我,則遂以 弟,人莫不 寧 也。 余按: 之意,斤斤焉據 豈賢者之所 能救,貪榮希進,卒 且 遂若黨 以 亂」者,即 云「退之服 ,寡學問之爲 ! 如 闞 李 果黨 止 之誣,而 於 不信 一之事 於 斯之言, 其 史記 陳 手, 謂 陳 經傳 知 爲宰予耳。 琉 爲 恒 爲 與 恒 記》之説 有子 黄 乎? 反 又 愈乎 則 宰 田 然者 7,一病 而 李斯之言以駁之,不斥 謂 則君過 誰 陳 子 常 信李斯 我 ! 李斯之得其實。 殺 能 氏 即 耳 乃蘇 相 者, 其君 實 本 夷 非 訖 猶之乎 争, 所 所 蓋 不 ·之李 專 宰 與 不 陳 氏 宰予 能 謂 與其博也 而 丽 齊 李 我 痊 恒 誤 措 医, 君危 政 「與 喪其身,亦 斯之言 之 斯 H 所 爲 會《史記 詞 爲二 君 而 居 殺 聖 族 \mathbb{H} 不審 者 常 宋 易 者 門 之生 詩 説 X 子 高 册: 嗚 不 作 ? 誤

記》之誤,正沿李斯之説,《志林》誤分,弟子解》篇爲之,則猶考之未詳。《史誤,是矣,但謂《史記》此傳實以《家語・誤、雲谷雜記》亦據《左傳》以駁蘇氏之

尤未免太多。故次之於子張之後。之喻、從井之問、戰栗之對、短喪之請,愆按: 宰我言語之才不亞子貢, 而朽木

以爲二耳。

冉 有《史記》:冉求,字子有。

清。 君 竟。」季孫曰:「不能。」求曰:「居封疆之間。」 也,若之何?」求曰:「一子守,二子從公禦諸 季孫告二子,二子不 無 季 出 齊 孫謂 爲 鄎 一子帥師,背城而 其宰 故, 或 冉求 書、高 可。 i i 求 曰 : 「齊師 無不帥 戦。 在清 「若不 師 不屬者,非 伐 ,必魯故 我,及 可 則 可

踰溝。 三刻 子之耻 零門之外。 。 有以武城人三百爲己徒卒。 對曰:「小人慮材而言,量力而 政在季氏。當子之身,齊人伐魯而 魯 弱。」有子曰:「就用命焉。」季氏之甲七千,冉 師 子洩帥 曰:「君子有遠慮,小人何知?」懿子强問之。 朝 曰:「是謂我 車,優矣。子何患焉? 人也。 管周 ,俟於黨氏之溝。 師 丽 及齊 樊遲 也。 右 踰之。」如之,衆從之。 父御,樊 師 魯之群室,衆於齊之兵車。 五日,右師從之。《左傳》哀公十一年。 大不列於諸侯矣。」季孫 日 顏 師 不成丈夫也。」退而 :「非不能 戰 羽 於郊,齊師 遲 御 一, 那洩 爲右。 武 二子之不欲戰 叔呼 也,不 爲 季 老幼守宫,次于 自 而 右。 共者也。」武 孫 信 稷 師 蒐乘。 問 曰 : 曲。 子 入齊 冉 戰 不能 使從 也 求 焉 也宜, 室敵 須 帥 師 孟 軍。 戦, 不 也 叔 於 左 孺

上。

齊人遁。」冉有請從之三,季孫弗許。同上。師獲甲首八十,齊人不能師。宵,諜曰:

軍 孔 附 子 論 日 冉 義 有 也 用]。 |同 矛 於齊 E 師 故 能 人 其

矣。 典 其 子 將又不足。 而 \exists 八厚,事]:「某 年, 前 在 私 若不度 於 季 行,若之何子之不言 若欲 冉 孫欲 不識 ·舉其 Ŧ 有 於禮 且子 三 三 : 以 荷 正 中 也。」三發,卒曰 \mathbb{H} 而 月 ·, 歛 季孫若 賦 而 行 君子之行 用 從其 使 貪 又 \mathbb{H} 冒 冉有訪 何 賦 欲 薄, 無 訪 行 厭 也?」仲 如 也,度於 : 焉 左 而 子 是 於仲尼。 <u>"</u>? 則 傳 法 則 雖 ,爲國老,待 哀公十 弗 則 以 禮 尼 以 聽 周 丘 不 田 公之 仲 亦足 施 _; + 對 뒖 尼 取

歛 ПП 攻 गां 之可 附 附 益 論 也。」《論語 之。 季 氏 子 日 富 於 先進 周 非 》篇 公, 吾 徒 而 也 求 小 也 子 爲 鳴 之 鼓 聚

> 對 雖 木 \Box 吉 一,「有 附 以,吾其 録 政。」子曰: 再 子退朝。 與聞之。」《論 「其 子 Ė 事 語 也 子 何 路 如 晏 有 也 ? 政

呼 ! 佾 女弗能 》篇 附 曾 録 救 謂 ○季氏 與? 泰 Ш 不 對 旅 如 於泰 曰 : 林放 示不 Ш 乎?」《論 能。」子 子 謂 冉 \vdash 有 語 \vdash 嗚

哉! 冉 子 攝 存 徒使 此 參 束 事 帛 我 頗 伯 不 乘 類 高 誠 馬 冉 之 於 而 有 伯 喪, 將 所 高 之。 孔 。」《檀弓》。 爲 氏 孔 故 之 子 存 使 之, 者 日 未 然 至, 紁 異

未有

以

見

其

必

然

也

弔,且 人。」 有 之産馬,使求薦 職 日 附 競 送 録 焉, 葬,曰:「敝 ○春 以 是 肥 (宋景曹卒。 以 之得 諸夫人之宰,其 不 備 得 邑 有 彌 助 甥 社 執 也 稷之事 季康 紼, , 有 使 可 子 不 •,使 求 以 使 腆 從 冉 稱 先 肥 旌 輿 與 有

繁乎?」《左傳》哀公二十三年。

畫。」《論語·雍也》篇。 足也。」子曰:「力不足者,中道而廢。今女 附論○冉求曰:「非不説子之道,力不

常 然 畫 小 過 按 : 退 口 屢 冉 比。 見 有政 責 故 於 次之於宰我之後。 事之略亦聖門卓卓者 師,鳴 鼓之攻尤非 尋

子 羔《史記》:高柴,字子羔。或作^泉。

見齒。《戴記·檀弓》。 補高子皋執親之喪也,泣血三年,未嘗

賊夫人之子。」《論語·先進》篇。 附録○子路使子羔爲費宰。子曰:

不踐其難。」季子曰:「食焉,不辟其難。」子羔矣。」季子曰:「吾姑至焉。」子羔曰:「弗及,季子將入,遇子羔將出,曰:「門已閉

遂出。子路入。《左傳》哀公十五年

或後 世,然 所 郭 行 卑,非與 티 : -罷。 此臣之所 者 定,臨當論 足,此子報怨時也, 子不遂。」曰: 子不踰。]曰: 衛 門,而 本,而傳之失其真,均未可 爵 守門,曰 之君臣亂,子羔 人設爲此言,以爲從政 子羔將 《説苑》云: 而 斷足固我罪 其 後 有缺 聞 事 以 出 : 政 刑 則 脱 去 有實,亦豈 「於彼有 「於此 事 「於彼有竇。」子羔曰 何 未 謂 君 君 者。 暇 子羔爲 必 也。」余按: 愀 也,無可奈何。 刖 獨 有之。 走 有室。」子羔人,追 然不樂,見 者 何 良夫之亂, 追 郭 缺。」子羔 Ë, 故 衛 門。 子 可 政, 子羔 逃我?」 羔 爲 公者勸。 此説 吾親 ? 或 郭 刖 知 乎? 於顏 門 日 人 欒 在 且 殊 獄 刖 八之足。 閉 : 故今 或 衛 決罪 衛 寧 足 刖 子之 色, 此 之 猶 位 風 君 刖

四六

不録。

魋。」武伯曰:「然則彘也。」《左傳》哀公十七年。 於高柴,曰: 鄫 衍之役,吴公子姑曹。 公會齊 侯, 「諸侯盟 盟 於蒙, 誰 執 孟 4 武 發陽 耳 伯 ? _ 季: 相 之役, 武 羔 衛 伯 \vdash 石 問

此 而 後。 遂 按: 仕 於魯 此文則是子羔去衛之後,適 也。 故 以 在 魯 之事 次 魯 於

年。

泉 子 而 爲之衰。」《檀弓》。 蟹有 , 泉將爲成宰, 遂爲衰。 存參○成人有其兄死而不爲衰者,聞 匡, 范 則冠 而 蟬 有緌, 成人曰 兄則死 一蠶 而 則 子 績

斯 是 以 也。 罪子,朋 告, 曰: 存參 買道 〇子羔葬其 「請 友不以是棄予,以吾爲 一而葬 庚之。」子皐 ,後難繼也。」同上。 妻,犯人之禾。 孟 邑長 氏 不 申 於 以 祥

遲《史記》:樊須,字子遲

樊

冉求帥左師,管周 須 也弱。」 孟 孺 子 有子曰 洩帥右 _; __ 父御 師,●顔羽御, 就用命焉。」《左傳 樊遲爲右。 邴 季 洩 孫 》哀公十 爲 日 右

而踰之。」如之,衆從之。師入齊軍。同上。溝。樊遲曰:「非不能也,不信子也,請三刻師及齊師戰於郊,齊師自稷曲。師不踰

問 崇 德 附 録 修 ○ 樊遲從遊於舞雩之下, 曰 慝、 辨 惑。」子 曰 _; __ 善 哉問 : 敢

《論語・顔淵》篇。

老農。」 附 請 録 學 樊 爲 遲 圃 請 學 曰 稼。 : 一吾不 子 Ė 如老圃 : 吾 不 樊 如

民 信 遲 民 襁 莫 出 則 負 敢 民 其 不 子 莫 敬 日 子 敢 : 丽 不 Ŀ 至 用 小 好 矣, 情。 人 義 哉 則 焉 樊 夫 民 用 須 如 莫 稼?」《論語 也。 是, 敢 不 則 上好 服 四 方 Ŀ 禮 之 好 則 子

直錯 尹 陶,不仁者遠矣。 曰 : 知 \vdash 直 : 「富哉言乎 諸枉,能 諸 子曰:「知人。」樊遲未達。 附 仁者遠矣。」《論語 鄉 枉 録 也 ○樊遲問仁。子曰:「愛人。」 吾 能 使枉 見 使 枉 於夫子而問 湯有 者直 者直 舜有天下,選於衆,舉臯 天下,選於衆,舉 0 一一何 顔 一樊遲 淵 篇。 知,子 謂 退, 也?」子 子曰: 見子 \exists : 夏, 伊 問 夏 舉 舉

卒後,是以不著於《論 有 足多者。 然其 按: 事 **^** 論語》子羔僅 旁見於傳記者不一 蓋 子羔 年 少 語 /, 其 **>** 兩見,而 耳 仕 樊遲 魯 , 其 在 皆 問 言 非 孔 答 亦 子 美

> 之多 因 亦 似 於 略 故又次二人於宰我、冉有之後。 道 類 甚 子 淺 張, 者 而 廳 稼 鄙 圃之請 近 利之譏不爲 舉錯 之疑 無

司 馬 牛《史記》:司馬耕,字子牛。

路

篇

吴。 亦召之。卒於魯郭門之外,院氏葬諸丘 陳成子使爲次卿。 攻之,求夏后氏之璜 邑與 左傳》哀公十四年 吴人惡之,而反。 (珪焉, 向魋奔衛。 而適 齊。 向巢來 司 焉。 向 馬 趙簡子召之,陳成子 魋出於衛地,公文氏 牛又致其 奔。 與之他 司 玉,而 (邑焉 馬牛 奔齊。 而 致 輿。 滴 其

我獨亡。」《論語·顏淵》篇。 附論〇司馬牛憂,曰:「人皆有兄弟,

漆雕開《史記》:字子開。

子使漆雕開仕,對曰:「吾斯之未能信。」

子説。《論語・公冶長》篇。

按:二子在聖門皆無所表見。故並 | 南

次之於諸賢之後。

公 冶 長《史記》:字子長。

非其罪也。」以其子妻之。《論語・公冶長》篇。 子謂公冶長"「可妻也。雖在縲絏之中,

論語

• 先進》篇

云云。 奇之士亦有援以釋《論 以 於山,鳥告長使取之。 爲 竊 世傳公冶長通於鳥言。有虎負羊 其説 也,訟之於吏, 荒 誕鄙 陋,本 語》者, 貽悮後學 以 喪羊者跡得之, 此 不 足辨, 陷 於 縲 而 絏。 好

答《史記》:南宫括,字子容。

學者等諸齊東之語可矣。

爲

無罪

孔子何得謂之「非其罪」乎?

取非

其有,以陷於刑,雖非盗

竊

,亦不得

非

苏

·也。且使長果如此,是長以

П

腹

故

《論語集解》:「南容,弟子南宫縚,魯人也。」

南容三復白圭,孔子以其兄之子妻之。於刑戮。」以其兄之子妻之。《論語·公冶長》篇。子謂南容:「邦有道,不廢。邦無道,免

記索隱》亦相承用之。然以經傳諸家考此説本之鄭氏康成《禮記註》中,而《史南容即《春秋傳》之南宫敬叔矣。余按:商容即《春秋傳》之南宫敬叔矣。余按:

之。 誤 死,召 所 皆 敬 \Box 似 不 無 容 孟 公、 南 何 敬 能 若 果 懿子 知 叔 所 宫 忌 也 哀公、 也。 叔 弗 武 魯 敬 於 尊 雖 表 邦 其 兩 與 語 且. 聞 叔之毁,景伯告之子貢。 嘗 見 大 叔 聖 夫 《論語》 有 大 人 敬叔 夫 自 子 武 玩 也 人。 學禮 桓 也 道 夫 也 度 伯 名 其 子、 者 不 0 日 亦 使 何 爲 皆 稱 説 聖門, 其 意 公伯 \sim 康 事 廢。 懿 以 魯 游 君 春 羿、 ,不名紹 誤 似 子、 之, 子 獨 大 聖 我 大夫必舉其 秋 \equiv 寮 皆 奡 然皆 似謂 若 不 門, 夫,自救火一事 傳》云: 也。 武 之親 而 之問 隱 流 舉 獲 學禮 叔、 與 亦 刺 世 其 没 布衣之士者 人 孔 泛适 景 舉 景 禄 耳 謚 子 必 其 謚 焉 孟 也。 必 子 伯 益 乎. 稱 伯 非 而 屬 僖 一若定 皆然。 弟 懿 欲 南 尤 敬 敬 其 然 説 子 容 不 叔 殺 外 其 誤 叔 實 南 削 與 將

淪 傳 記 宫 要其 乃有 人 南 亦 與 也 謂 道 言 然 亦 敬 敬 之。 甚 容 稱 凡 未 之 免 敬 $\check{+}$ 語 爲 之一事 \equiv 然則 嘗 孔 叔 叔 南 載 人不 叔 明 南宫敬 於刑 見,或 南 南 子 無 有 宫 寶 中 孟 與 奈 容 世家 参春 孔 容 涉 氏 适 南 而 似 南 戮。 何 也 與适也,亦 \equiv 子 也 朝 餘 容 叔 三復白 容 謂 秋 未嘗 一復白 合之? 以 凡三 之事 子, ***** 事 之説 亦 而 傳 記 然則爲魯大夫者 ^ 兄子妻之者 也 無 春 學 古 戴 圭 工,其言 中 見, 涉 或 圭 當當 秋 稱 一, 故 亦 禮 記 未嘗 南 其 也。 傳》 或 者 爲 不 稱 謂 事 • 宫 孔 誤 廢, 謂 之敬 敬 雖 爲 檀 有《論 中 敬 子 其 是 Ŧi. 其 敬 之 不 叔 弓 南 ··, 自 叔之一 H 爲 無 即 誤 叔 也 南 》篇 與 必 叔 宫 待 判 ^ 不 未 語 南 説 容 四 盡 春 然 自 敬 孔 邦 敬 實, 也 也 事 秋 史 兩 南 中 嘗 叔 或 叔 無 子

奉 説 於《弟 叔 昭 吴人亦未嘗以爲一人矣。 未嘗以爲 以 不復 於《弟子解 叔,魯大夫南宫説。 宫縚,魯 Щ 矣。所記 爲 事。 爲 《論 而 也 知 秋 正 Ę 皆不言爲南容,是《家語 容自容 言 南 傳》 子列 語 至《 \pm 戶爲 容之即 論 人也。 《家 一人矣。 肅 敬 三事皆采之《 敬 之南 》篇 觀 敬 傳 篇 叔 叔,並 語 論 周 記 亦 爲南宫敬 之一 容。 則 不言 語 叔 》篇記 除 不言爲敬 乃晉宋間 云 自 註 | | | | | | 韋 僖子 不言爲 事。 : 於 敬 不言爲南宫适, 昭 爲 南 學禮 谪 叔 《國 魯 喪 論 叔 然 宫 矣。 唐 大 南容,弟子 事 叔 微獨 也 人之所 語 孟 語 則 括 事 事 不不 夫, 影亦 哉? 註 則 康 氏之餘 ,字子容。 亦 中, 史 **三** 加肅之 是魏 則 , 載 以 \bar{z} 成 然。 記 撰 亦 爲 南 云 敬 其 何 龃 宫 敬 是 兩 叔 III 敬 X 南 誤 H 亦 無 子 至

> 之事 惟晉杜 故學者 人 其爲 未 使賢者代人受過,故 寶之事,其失 朱子復據之以 小明言 矣。 概 兩 猶 預 人者,致 蓋 不 自司馬氏采之以註《史記 註 承 當 附 古經 是 似 焉 春秋 註《 時 使 小 傳 傳》 後 論 而 康 及 人 語 IE 爲 成 頗 漢 疑 非 之辨, 之 似 初 尚 世 小 説 用 訓 也。 德 遂 尚 康 詁 而 之 無 成 未 而 凡敬 今不 人 復 説 用 盛 有 有 之。 行 欲 叔 載 而 知 而

之髽,曰: 子哉若人! 有天下。」夫子不答。 射,奡盪 存參○南宮縚之妻之姑之喪, 附 録 舟,俱不得其 「爾毋從從爾。 南宫适問 尚德哉若人!』《論 南宫适出,子曰: 死然。 於孔 爾 子, 毋 禹、稷 扈 語 曰 扈 : 憲問 爾。 夫子 躬 羿 稼 誨 君 蓋 善 而

按:《論語》孔子妻之者,南容也,而

榛以

爲笄,長尺而

總八寸。」《檀弓》。

文,如 子兄子, 謂 名,如圍 史記》謂 備參考。 即 南宫縚 萬與 與 丽 即 虔 薳, 括 南 了, 鞅 亦與容義相 玩《檀弓》文,縚妻似 姒 宫括、《論 與 與弋邪? 志父耶 語》作适。 近,豈 ? 故並存之, 抑 《 集 本有 傳 是孔 寫 解 異 兩

尚

未

盡

故今附論之。

以

妻之。 則 年,原非 者 南 别於其間 日 孔 則 因其年之相當 在 類 : 亦 容免於刑戮,其事若 子 縲 此以私 未 ௱ 以 説者或謂公冶長之賢不及南 若 絏 記 必 子 時 者 求 世 哉? 之, 妻 心窺聖人也。二子之妻,或 俗之情 其 爲 長, 革。 之事 其 所棄。 免 蓋公冶 相 而 刑 , 而 余按:此二事不過 隔 以 戮者 若 知 未 兄 烏 取 相 長 不 知數 子 而 得 反,而 其 在縲絏中, 以 妻容。 妻之。 有 免刑 縲絏 年 所 孔子 較 或 戮者, 容, 爲 於此 程 量 + 病 皆 記 品 數 子 故 而

> 善讀 之不至 不求之此 見聖人之觀人擇壻 書者 一於取 矣。 而 禍 妄意區 程子 而 遇之幸不幸不計焉。 之論 得 别 其中正,但 於其間 是矣, 然於 取其實 可 謂 事 理 不

問, 之,長 弟子也者。 之於《弟子 可 妻,亦必有所以取之。 而 按: 絶 亦 非 無 南容之謹言賢矣,即公冶 傳 故附次之於諸弟子之後 質疑問 問 **学**中, 答之語 難之比,未見其 而 适 以《論 然《史記》 僅 有 語》之文 羿、 奡 長之 必 雖 爲 考 載

洙 泗 考信餘 録 卷之二終

道光四 年東陽署中 刻

Ŧī.

洙泗考信餘録卷之三

大名崔述東壁謹考 石屏門 人陳履和 校 F1]

7

左

補 左氏傳》三十卷。《漢書 ·藝文志》。

論 端,各安其意,失其真, 其語,成《左氏 存參○魯君子左丘明懼弟子人人異 春 1 秋 》。《史記・十二諸 故 因 孔子史記, 侯 具 年

之左 見 與左丘明觀史記 夫 子。 E. 劉 明 歆 是謂 也。 云: 左丘 作《春 由 ,杜氏《集解》謂左丘明 是 明 班 秋 好 古 傳 惡 2》者即 漢 與 書》 聖 人 謂 論 百 孔 語 親 子

不得

以

爲

戰

或

後

人

也。

且.

史記》但

以

爾。

然則

作

書之時

上距

定、哀未

遠,

亦

必定、哀之時

紀載之書行於世者尚

少

故

傳

爲

左

|丘明所作,不言爲何時人,而

亦

繁蕪 《戴記》之《曲禮》、《檀弓》諸 戰 之,必非親炙於孔子者 謂 率多有事無詞,哀公之末事亦不備,此 不同時,非《論 趙、宋程、朱以 受經於孔子,蓋皆本之於此。 而《左傳》文平易簡直,頗 語》之左丘 十年,而所稱書法不合經意者亦往往 亡,係以悼公之謚,上距孔子之卒已 國 爲秦時 問時文。 ,遠過文、宣以 人。 明當之也。 何況於秦,襄、昭 余按:《左傳》終於智伯之 語》之左丘 來始謂 前,而定、哀間 此作傳 明甚,不得 戰 國 明, 近《論 一之文 篇 之際,文詞 者 而 自 絶不 與 甚 へ 恣横 語 以《論 反 唐 孔 者 **>** 類 及 有 數 子

代之遺 左丘明 後 名與字, 爲《左氏春秋》,故即 年月、先後皆 氏 不云 梁正 説 遂 未 口 穀梁氏 浴論 也 億 有 邪 大功臣 左丘 者 同。 親 ? 料 語 與 制 見孔子之文,不知二人姓名之 之, 但載《 抑 **>** 春秋》, 否, 氏,又似 然 乃傳 者以 東周 相 以 也 則 古 傳爲《左氏 無 爲《論 史記》之語 ,不可不標其人。 左丘 傳《 經者云《公羊氏春秋 之時 未 而 可 作 可定。 考, 春 此 爲 事 傳者左 秋 語》 題以 獨 則 複姓,與公羊、 以》者其 云《左 春秋》 與聖賢之事 之左 此 然無此 左 以 書實 氏 存參, 子 姓 氏 丘 Tri 而 孔 既 傳 名 而 春 明 非 司 果 并 缺 子 相 則 左 秋 邪 馬 跡 識 其 爲 以 傳 Fr. 穀 ? 氏 偶

《國語》。由是世儒皆謂《國語》與《春秋《史記・自序》云:左丘失明,厥有

後

X

、軒輊之言以

折

衷焉

也。 里之誣,余固已辨之矣。孔子之作《春 敘》自文王、孔子以下凡七 爲 也。 斷 井, 傳 \Box 미 魯 多體要,而《國 矛盾者甚多。 秋 或 八所作, 不出 畢 多 》爲 文者,是以 書采之各國之史,《師春》一 外傳》。 國語》。 事 語》亦非 十者,《 《 國 黑白 平. 多實録, 衍,晉楚多尖穎,吴越 於一人之手明甚。 人所撰, 語》 亦 迥 或 已異 余 殊、 語 則 語》累章 一人之所 事 按 也者,别於紀事 《左傳》紀 而 後人取古人之事 語》文詞支蔓、冗 雲泥 少 矣。 : 東漢之儒遂題之曰《 或 而 《左傳》 語》荒 詞 又按 遠 而 爲 多 未 隔 事 也。 : 足也,故 之文,年月 簡 唐 事。 ^ Н. 而 **^** 左 多 潔 誣 篇 史 蓋《 世 而 傳 或 弱 恣 措 妄、 記 文王 以 爲 而 其 左 語 無骨, 放 名之 爲 言 擬 明 自 • 詞 傳 > 羑 自 者 之 驗 即 # 周 亦 春 相

異。 不 知 丘 秋》,亦不在於陳蔡。 吕 . 得 其 於 覽》、《説 然則 意 屈 强指爲一人也。故今不採此文。 果 原 此言 以 後 爲 ,言失明 難》之作,皆與本傳之説 即 亦未可 作傳者之左丘明 而 《離騒》、《兵 盡信 不言名明 也 且. 一,尚 列 否 法 未 左 互

矣。 理 字穿鑿附會,以爲聖人書法所在 也。 《公》、《穀》紀 實者義 爲 余按:《左氏》之不盡合於經 經學。 之反 《公》、《穀》之説,大抵 謂《公》、《穀》之能得 理之根柢,苟事實多 當 《左氏》紀 平 ? 事 ^ 雖 左 疎 事詳 」傳》雖 而多得聖人之意。 贍 經意, 多 而 多 不合於經, 疎,安望義 是 意,誠有然 取 非多謬, 月 則 日 未見 且. 事 名

子》。

未可分 誠 代以上,所謂經者 書》,史也。 經、史者,自漢以 二家者,正不在 見此 也。 一書有斷 ^ 故今獨 春 秋 義 不可廢者耳。 後分別 ₩, 即 以 理 當日之史也。 史 左子繼諸賢之後 而 也 在 而言之耳。 事 經 實 與 也。 史, 《尚 恐 夫

思《史記》:伯魚生伋,字子思

子

朱子以《左氏》爲史學、《公》、《穀

去諸?」子思曰:「如伋去,君誰與守?」《孟子思居於衛,有齊寇。或曰:「寇至,盍

附論○孟子曰:「子思,臣也,微也。」

同上。

之裘。 一旬 而 説 子思 九食。 苑 辭 田 而 子思居 子 不受。 方聞 於 之, 余 衛 按:子思 使 緼 人遺 袍 無 狐 表, É 魯

聖人之意自

可

窺

測。

《左傳》之遠勝於

百

餘

年

之

事

備

載

簡

刑,細

心求之,

者。 貧。 徒 所 其 而 僞 此 居 與 托 \mathbb{H} 衛 曾 子 者, 子 故 方 辭 不 高 仕 邑之 録。 士 於 衛 事 亦 説 也 相 非 並 屬 見 有 不 · 皆 前 狐 至 《曾 白 如 楊 之 是 氏 子 之 裘 之

篇

中

學 陳 選 其 不 帥 衛 IIII 而 夫聖人之官 吾知其 以 也 於 口 爪 所 食人二鷄子 得 君 興 長, 孔 使 此 牙之士 \Box 孔 聞 兵 孟 子 : 材 棄 叢 於鄰 構 子 其 孔 미 則 子》云:子 其 怨爲 之於 子 將 無 材 人,猶 而 所 或 然變 對 可 以 敵 短。 有災。 者 以 齊 於天 將 故 曰 也 梁, 大 今 : 弗 Ŧi. 0 卵 也 思 匠之用 百 用 下 余 君 亦 棄 今子 軍 嘗 居 -矣。]: 也。」子 乘, 按 勸 Ŧ 處 旅 衛,言苟變於 爲吏,賦 城 戰 思 以 之 君 木 衛 衛靈公問 之將 用 施 事 或 任 也 思 君 ·, 未 之 於 仁 軍 於民 \vdash 日 此 111 衛 政 旅 之 取

之所 撰 耳。 者 牙之 見子思之賢,而文詞 此 臣 風 邪 去 乃 可。 晉 不 而 孔 能 春 文公 正 進 ? 爲 世 患 聞 叢子 非子思之事 附 奇 相 盗 也 耳 無 1: 秋 霸 説 進 蓋 會,不 之末 嫂 謀之士, 禮 類 棄 者 將 以 治 ¥ 戰 陛下 受 魏 瑕 樂 救 期 或 之 或 書記 金 無 録 然 安 所 而 宋 無 未 之時 所問 能 一, 又 用 民 知 敦 則 敵 遠, 笑乎? 明甚, 顧 謀 悉辨。 子思言 之 之主 詩 之臣 於天 其 其 何 跅 元 者 對 何 書 爲 亦 計 帥 足 弛 行 一, 故 下 撰 漢 得 戰 淺 誠 而 疑 也 之 且 子 此 行 書 王 即 趙 或 假 哂 足 其 惟 乎? 士 子 甚 者誤采之耳 思 티 : 事 自 衰 以 託 以 意 勸 多蒙 思之世 楚漢 多,皆 之此 名爲 日 頗 之子 後之人 蓋 利 何 衛 一臣 : 熟 皆 其 或 君 居 物 相 爲, 於 後 不 戰 意 思 家 所 郤 焉 羅 距 議 足 所 與 以 或 毋 穀 ? 爪

聞之: 哉 禮 禮 思 有 ,子蓋慎諸。」子思 日 口 」《戴記・檀弓》篇 , 姑 "「子,聖人之後 存參 其財,無 有其禮,無 取 Щ 子思之母 辨 其 之,舉 、時,君 其 財,君子弗 \exists 也。 死 子弗行 : 隅 吾 於 以 几 衛 何 方 也。 行 隅 慎 於子 柳 也 反 战哉? 吾 若 可 乎 何 謂 有 11 其 觀 慎 吾 子

乎?」 乎 若見 思 棺 者 余按: 日 於 ? 所 ... : 衛 槨 子 謂 衣 知 Н. 庶 康 戴 赴 女子所 思欲 有 衾 勉 子 成 氏 記 於 之備 **汽馬**,況 思之 之母 鄭 其 、子思。 爲 檀弓 氏 財 重者節 嫁 自 死, 13: 遂 1 聖人之婦、賢者 》篇 如 本 有 服 子 何 無 果 ,中人之家、少自 此 甘. 又云: 小、恐其 爲 思 其 夫 嫁 以 哭 哭 財」者欲 若 於 解 於孔 於 失禮 子 他 前 子 廟 · 思之 主之, 氏, 章 氏 ,戒之。 則 之 謂 何 門 之 Ð: 爲 子 N. 妻 愛 柳 廟 死

> 牾也。 之人 妻固 之説以合之,是以 衛 母 明 類 以 乎? 是,本不足信 無 禮哉? 考終 篇 因 矣。 從 美然。」孟 財 采 不,不 聞 宦 未 然則子 贈 》篇 附 鄭 若子思治 嘗 故今不 襚之事 摭 母 而 孟子葬母於魯,充虞 氏 會 미 中 嫁 之卒 遂 頗 無 而 以 子曰 卒焉,是未 思 也 雜 爲 以 计微矣 載 爲 所 於 而 此 是 自 :「不得,不 子 其 指 悦。」正 後章之文。 衛,而 費 註 説 解 思嘗 U 棺槨 亦 四 之 辭 乎 ? 兩 乃 謂 可 方何 傷理 者 衣 章 遂 仕 與 以 知 棺 不 衾 於 自 誤 子 大 贈 槨 至 知 則 可 (曰:「木若 衛 説 思 抵 以 相 而 惡 襚 衣 遂 以 之言 爲 並 卒 矛 《檀弓》 而 知 或 伯 衾 於 之 見前 嫁 於 之屬 强 盾 魚 非 者 此 屬 抵 Ż 相 爲 如 於 後 其 觀 當

魯繆公無人乎子思之側,則不能安子

思。《孟子》。

也。 立 記 年表孔子卒後 故今載之於居衛之後 然 按 則 《論語》伯魚卒於顔淵之前,《史 子 思 壯 仕 七十有 於衛, 老 三年 始 歸 繆 公始 於 魯

門之外 同 後 鼎 上。 知 肉。 君 備 子思不悦。於卒也, 摽使者出諸 覽 之犬馬 北面 〇繆公之於子思也,亟 稽首 畜 仮。」蓋 再拜 而 自 不受,日 是臺 無 問 :「今而 餽 亟 也。 大 餽

之國 人有言曰,事之云乎,豈曰友之云乎?」同上。 誀 不 之少 能 事 以友 備 保 頗 覽 按:繆公、子思上去春秋未遠,而 一十,何. 過 無 類 ○繆公亟 其 傳 戰 實。 聞 或 如?」子思不悦,曰:「古之 之過 風 故 |見於子思,曰:「古千乘 氣 當當 列之備覽 其 ,或門人記言者措 事 固 當 有之, 然 此

> 故 周,杞梁之妻,善哭其夫。」可 之役, 杞梁 借古人以自 歸 之時,子柳、子思 今不載 魯、未嘗 孟 子》書中載淳于髡言云: 死 仕 暢 而 魯。 其 華 爲臣 説, 周 **髡**戰 生,而 不 必皆實 余按:子思老 國之辨 髡乃 事 類推矣。 士,不 日 也。 魯繆公 一 過 始 莒

事我者也。」《孟子》。矣。吾於顔般,則友之矣。王順長息,則矣。吾於顔般,則友之矣。王順長息,則師之

傳,而 子同 子屢 撰 輩 諸 **分**無 起,然世多推 弟子之後,鄒 稱 稱 按: 由 世 子 則其賢固 所 而 孔子没後 思 傳 徵 其 《中庸》 子思。 卿 造 魯 非他 雖),諸 齊魏之間 詣 毁之,然以 之淺 者特 惜 弟子之賢者多矣。 人所可及也。 乎所 深 出 群賢 耳 於 著之書 子思、孟 ! 後 然 人 聞 孟 所 不 風

故托 作。 以 疑三也。 子者,然孔 可 思 孔 今録 語》之文簡 言皆平實 庸》篇爲子 ·孔子曰」,又不當掠之爲己語也。 孟子》,其文小異。説者謂 中庸》獨 論語》者有子、曾子門人所記 獨 去《論 同 孟之言 之於 蓋子 二也。 時, 於諸 述 此語? 語 何 子思。 思 由是言之、《中庸》必非子 切 占 探 影絶遠 賢 子、子思之名言多矣,孟 恵 「在下位」以 以《中庸》之文獨 而 以後,宗子思者之所 於 (之後。 賾 不 所 明、《孟子》之文曲 日用 索隱 作。 類。 孟子述孔 下 或傳之久而誤以爲子 一無高 余按: -猶不 其 欲 世 可 極 下十六句 逮 傳《 疑 微 深 孔 子之言皆 子思 **添**孟 妙之致,與 廣遠之言。 子、孟子之 繁 戴 正, 正 也 子》。 記 傳之孟 īfii 爲 而 與子 ·思所 其 見 子 晦 書 盡 口 稱 何 於 其 ? 論 中

善固 是以 不過 告哀 陃 孔子之言之於何 世 絶舉 中每 記孔子之言, 朱子以「博學」以下爲子思所 亦有之,至「擇善 益之者也。 若追王大王、王季之類。 思 日」云云乃子 相傳之言。 所 也 執 傳《家語》本後人所僞 且 「好學」之句又以「子 十餘言,其後 公何取 隔 廢、朝聘 增 耳耳 其中 數 此 語 其或過 馬? 又「哀公問 數問 其 名 即 思所删 以 未 言 有「公曰」云云以 「公日 時皆 有 [偉 前後 止,故采 而 蓋 則 繁 者,則其所旁采 於高深,及語 古 論 撰 孔子之答哀公,本 至 天子之事,孔子之 云云 執 政」以下、《家 余按 數 蓋 文義 書 之者 其文逮於「 百 云者 Ē 者 皆 撰,彼蓋不 言 推 孔 亦 一發之。 補,而「公 也止 者 論 衍 子、 間 詞 有 發之。 其 語 隔 理 而 而 子 可 説 》所 其 今 不 擇 知 渗 総 私 思

傳《中 之文僅一 數千言皆與「中 見,「中」之文凡六見,其餘他文亦皆 者能之」,僅數百言,而「中庸」之文凡 以余觀之,今世所傳《 嗟夫,嗟 名哉? 乃世之學者反以 庸》之文采之《孟子》,《家 《中庸》 中庸》 高明」之文平列,非意之所耑注。 中庸」之義 中庸》,少究心 以 乃 明之? 庸》 其所 襲《家語》,顛之倒之,豈不 一篇,説者謂 韓子云: 夫,此固 見, 四 相 妄增無 十九 自「天命之謂 丽 關。 庸 於文義,顯 又與「廣大」、「精 「然後識古書之正 未可 篇, 爲《孟子》襲《 」之義不 自「君子之道」以 疑 其 中庸 而 也。 以 四十八篇 今 輕 相涉,「中 *, 非 語》之文采之 然而 性」至 嗟夫. 言 戴記》止 也。 易見也 ! 中 篇 已亡。 惟 其可 爲。 以 庸 也 庸 後 與 九 聖 有 世 其 中 義。 盡 兩 庸

通

何

好自 之屈 倍,固已。「王天下有三重」章,其爲 不驕分釋之。 爲兼 政以 二章,其序不符。 祀之鬼神以明之。 明言祭祀之事 禮樂祭祀 大孝」三章爲「費」之大者,「哀公」以 疑者一也。 道不遠人」三章爲「費」之小者,「舜 |其性|以下,皆分天道人道。而 説 行之常。 用」二章,其文不類 委曲 伸。 其 小大,其説 後,詞意更殊。 可疑者二 而以 之事 宛 「鬼神之爲德也」以下,皆 「君子之道」以下,皆言 轉, 馬 ·, 乃 固已矯强。 齊 也。 以 則 迥 而 明 以 一章之中,鬼神凡 蕲合於「費」「隱」之 又以 好 不 盛 鬼神爲道、爲一 自「天下至誠爲 朱子曲爲牽合, 自 相 服」數語 小 用」章 類。 德大 而「鬼神」 聰 「哀 明 德 以 爲 睿 借 公 爲 不倍 愚 日 知 氣 而 能 爲 祭 章 後 其 以 問 用

平平平 不 亡,誤矣。○《中庸》不但非一篇也,亦 以今《中庸》通爲一篇,而謂四十八篇盡 而取其 紙,故合而 者以竹爲簡,其勢不能多。 庸》亦當類此。蓋戴氏删其三十餘篇 十篇,而合此十三篇爲 考之,則今《樂記》實十三篇,戴氏 記》亦止一篇。 驕者何在 王世子」,遂通稱爲《文王世子》也。古 中 檀弓」,遂通 ·似出於一手者。 庸 無 藝文志》稱《樂記》二十三篇,今《戴 奇者,間 未删者合爲 故 ? 録之,因不復 通 其 稱爲《檀弓》。 稱 亦 然以《史記》及前人之説 可疑者三也。 爲 有可 其 義 一篇也,以其首篇言 中 疑者。 庸》。 一耳。 有 存 極 後世易之以 其 首章言「文 精粹者,有 猶首章言 即 (舊目 然則《中 按 : 所引 删 耳。 ŦĹ 其. 漢

人所作明甚。細玩則知之矣。

附録十有二人

於此。

秘淑諸儒之有事實若傳經者,并附載之私淑諸儒之有事實若傳經者,并附載之

琴張 牧皮

者也。」《孟子》。 矣。」「何以謂之狂也?」曰:「其志嘐嘐然, 日 : 曰:『古之人,古之人。』夷考其行,而不掩焉 萬章 如琴張、曾皙、牧 問 日 : 敢 問 皮者 何 如 斯 孔子之所謂狂 可 謂 狂 矣?

三人相與友。子桑户死,未葬。或編《莊子》書稱琴張與子桑户、孟子反

子之言,亦不倫,何以參差若是?

其非

琴張 焉 ? 按: 悖禮傷教事 行不 乎 曲 ! 或鼓 琴張、曾皙之狂,不過 之有狂名也,故托之。 掩其言,如 此乃放蕩之士撰 而已反其真,而 琴,相和 也。 孟子所言者是已,非 如悖禮傷教,孔子奚取 而 歌曰:「嗟 我 此言以自恣,以 猶 志 爲 而後人或遂 期古 人 猗 來 桑 余 户 有 而

二十年。 豹之盗,而孟縶之賊,女何弔焉?」《左傳》 琴張聞宗魯死,將往弔之。 仲尼曰:「齊 昭 公

以

爲實然,誤矣。

後。 有琴牢 未 有曾皙,●而琴張、牧皮皆無之。 知 所採何書,當考。 至以 按:《史記·弟子傳》及《文翁圖》惟 字 琴 子 張 張 亦 爲牢,本之《左傳集 無牧皮,今補 《家 而 解 附 語 於

商 瞿 季次

瞿, 瞿傳楚人馯臂子弘。《史記 存參○商瞿,字子木。 孔子傳《易》於 仲尼弟 子列

傳》。

下無行,多爲家臣,仕於都,惟季 存參○公晳哀,字季次。 孔子曰: 次未嘗 天

仕。」同上。

193

誤載。 其名字亦間 語》者皆無 記》有之。 按: 今並附列於後。 二子皆不 事跡 然《弟子傳》中 見於他篇,當有 可紀,獨二子尚 見於《 論 凡 所本,或非 不 語 見於《論 有之,而 獨《 史

傳」上、《畿輔》本有「列」字。

0

秦 丕 兹

尼。 《左傳》襄公十年。 孟獻子以秦堇父爲右。 生秦丕兹,事 小仲

誤,不若《春秋傳》之近古。 商,字子丕」,與此文小異。《史記》多 按:《史記・仲尼弟子列傳》作「秦 今從

申 棖

《傳》文。

子曰:「棖也慾,焉得剛?」《論語·公冶長》篇 子曰:「吾未見剛者。」或對曰:「申棖。」

《文翁圖》有之,未知其果然否。 文,孔子名之無異於諸弟子,而前後章 按:《史記·弟子列傳》無 申棖,而 但玩 此

> 段干木 田子方

今附列於後。

亦皆諸弟子事,

則謂爲弟子者近是。

故

之屬,皆受業於子夏之倫,爲王者師。 段干木踰垣而避之。《孟子》。 存参○田子方、段干木、吴起、禽滑釐

記·儒林列傳》。 按:此云受業於子夏之倫,則諸子

非皆子夏之門人也。 司馬氏特以意度之耳。故列之於存參。 蓋傳記本無明文,

存參○魏文侯過段干木之間 而 軾。

《新序》。

之,天下莫不聞,無乃不可加兵乎?」秦 司馬唐且諫曰:「段干木賢者 新序》載 此 事云: 秦 興 兵 也 前 欲 攻 魏禮 魏

《史

耳 其啟 繁文,而列之於存 或 高 以 不 或 君 口 以震耀 安民 攻 一,豈能 處 謂 以 沃、可 ? 惟 1: 爲 善 過 設 用 而治國 然,乃案 文侯之好賢,不過 知段干木之賢 間 爲 兵矣。 以 鄰 此 而 風 或, 式, 論 則 群 兵而輟,不 余 按: 有之矣。 則 參 則 以 臣 無 見 理之所 可 此 士 而 以 秦尚 之 事 當 貴 若藉 通 也 攻 有 有 敬 明 其 力 益 魏。 於 行 棄 故删 此 此 於 而 政 誼 特 爲 德 文 X 遂 事 戰 名 其 或 資 之 侯 輟

外、什一 干木,此三人者,君皆師之。《史記 備 覽 在 ○魏成子 内 是以 東 ,以食 得 ト子夏、 禄千鍾,什 田 子 九 魏 方 在 #

託

無

翟 而 璜 不 《説 敢 不説,文侯云云。 息。 苑 及 見翟 魏 文侯見 璜 余按: 踞 堂 段 而 干 此 木, 與 事或以 之言。 立 倦

> 爲晉 之語,皆未 亥唐、叔 必其實 向 事 然。 0 蓋皆後 故 不 載 人揣 度 附 會

己。 皆 乎?」子方曰:「貧窮者 曰:「不 子方坐 邑,田子方 之子、 驕 示 驕 人 田子 可 人?」云云。 説苑》云: 之事 方以 以 乘 識 方既 驕 如故。 貧 自 人, 聖賢 賤 高 此 賢人,爲魏文侯所 太子擊過之, 者 蓋 者驕 余 按: 魏文侯從中 太子 戰 故今不録。 處 或 人、富貴者 不 驕 之士設爲 世 人 · 説, 人,富貴者安 惟 無 下 富 準 大 Щ 貴 車 平 謂 奔 敬,必 此 貧賤 而 禮 驕 子 命 趨 而 方 安

敢

泄 柳 申 詳

泄 柳 閉 門 而 不 内。 《孟子》。

按 淳 于 , 髡稱 魯繆公之時 子 柳

六四

臣, 미 縣定。 然以「閉門不内」推之,仕魯 説已見前《子思》篇 中。 與 不未

其身。 洲 同上。 柳、 申 詳 無人乎繆公之側,則 不 . 能 安

無可 《樂》、《春秋》皆傳於後,而《論語 齊魏之間賢者蓋不乏人也,但 亦七十子以後之人之所記, 考。 按:"七十子卒後、《詩》、《書》、《 姑 就傳記 見其凡 所 載名 著於當 以 其 是 姓 知 一書 禮 世 名皆 鄒 者 魯

公 羊 氏 附

録數人,以

補《公羊傳》,十一 卷。 《 漢 書 • 藝文志

本註。

存參○公羊子,齊人。 師 古日 : 名

高。 本註

戴宏序云:子夏傳之公羊高,高傳

之註以存參,餘不敢妄録 炫耀當世, 自侈其説,以爲其師親受業於子夏,以 五傳而至胡 末,下去漢景帝 其子壽。至漢景帝時,壽乃與弟子胡 其子平,平傳其子地,地傳其子敢, 子都著以竹帛。 而 母子都 不足信。 時 余按:子夏生於春 四 ? 百 此乃傳《公羊》者 故 有 也。 但載《漢 餘歲矣,安得 ・志 秋之 敢 母 傳

穀 梁 氏

補 存參○穀梁子,魯人。 穀梁傳》,十一 卷。 **《漢書**

藝文志》。

師

古曰:「名

人。阮孝緒則以爲名俶,字元始。 赤,子夏弟子。 晁 氏 云 應邵 靡言: 則 風 以 俗 爲秦孝公同 通 稱 穀 皆未 梁 時 名

耳。 但 志》之註亦未 各 以 耳. 詳 後 列之於存參, 以 異 也。 不 ,簡殘文絶,傳《穀梁》 學者將 意 **余按**: 但 附 會之爲 風 有 俗 何 説 以 通》諸 而 以 穀 見 説, 餘 爲 梁 其 據 者 是以 概 書 必 乎? 名既 不録 然 不可信, 者莫詳 參 世 不同, 差 蓋 而 故 自 即 其 本 戰 不 世 初 註 漢 或 亦

羊类 皆形 亦 以 免 損 傳》,果宣經 穀梁》皆妄説 隱 不 爲 時 大人當世 《穀梁 之也 爲 孔子之意皆在《左傳》,而《公羊》、 於《傳》,是以隱 難 漢書 無用 也。 • 小》、《鄒 之書乎? 及末 君臣,有 藝文 而 蓋 也 隱 孔子之經, **∀**, 世 志 傳》,倘《傳》 余 按: П *\frac{\times}{\times} 其書 放權 夾》之傳。」 説 且孔 流 \sim 而 勢 其意本已分 孔子意果在 行, 子 力,其 不 春 何 故 宣 失其 秋 是 不 有《公 一,所 其 并 事 所 傳 經 意 以 實 貶

> 具定 與《左 得聖人之意, 則 勝 秋 記 其 明,傳之漸 不 於 意訓 由 載 可。 知 二家 非 最 氏》經 傳》參 釋之。 其 他 廣,考核 則 如 家 止 久 一於獲 互 但 可 終於孔 所 則大謬。 而失其旨,傳經者各自 惟《左傳》去聖人之世 據《公羊》、《穀梁》,以 考訂,則 可 謂 離? 較詳,爲大 及 孔子之意盡 子之卒,若 耳。 故今公羊、穀梁 若 亦 故 取 有 謂《 有 此二 未 在《 左 功於《春 無 口 左傳 書, 廢 傳 一家, 爲 以

孔 門弟子 通 考

并

附

録

於《

餘

録》之後。

何

凡 稱 聖門諸賢有 不 可分係 者, 通

於此

德 行: 顔淵, 閔 子騫,冉伯 牛, 仲

語·先進》篇

言語 冉牛、 宰我、子貢、有若智足以知聖人。 宰我、子貢善爲説辭。 冉 牛 、閔子、 、閔子、 宰我 ,子貢。 顔 顏淵善言德行。《孟子》。 淵 則 《論 具 體 《孟子》。 語 而 先進 微 溢 ij 同上。 上

孔子 堂?」子曰: 孰 居 路 邪?」孔子曰:「非禮也。」子貢出, 知 魯大夫練 是 相 曰:「夫子無所不知,子 也。」子路出。 謂 維辟公,天子穆穆」,奚取於三家之 可忍也。」三家者以《雍》徹,子曰: 邦,不非 荀 季氏,「八佾舞於庭,是 子・子道篇》云:子路 而牀,禮邪?」孔子曰: 「臧文仲其竊 其大夫。」余按: 子貢問曰:「練 位 問問 者 非 1與? 可忍也, 也。 論 而 問 「吾不 牀,禮 語 謂 \exists *****: 知 子

所謂 其講 失禮 妄托 牀 也。 與門人私論於几席間,是 以 道,危行言孫。」或不公言之於大廷廣衆 不信 不非其大夫,則諂耳。孔子曰:「邦 失,皆直指之而 Ш 武 夫」者安在乎? 不牀,喪之常禮也。子路、子貢於此 避禍,則有之矣。 一不如林放乎?」孔子於季孫、臧孫 仲 乎? ,非孔子、子貢之事。 之熟矣。 身通六藝者安 即非父母之邦,亦有臣之義 以 也。」季氏旅於泰山 防 求爲後於魯, 且. 練、祥、禫,喪之大節 是之未 無所諱,所謂「不 居 在 非以 是 乎. 知 邦,不 雖 ? ,子曰:「曾謂 而 是非 是爲 故今不録 待 日 此 臨 不 非 必 非 禮 事 要君 其 非 後人所 焉。 也 而 之問 其 遽爲 君 也 若 況 無 大 可 泰 吾

柳

下惠之賢而不與立

也。」①子

Ē

「臧

:

^{●「}惠」,原作「位」,今據《畿輔》本改。

政事:冉有、季路。《論語·先進》篇。

問 諸 諸 在 求 子 ? 聞 也 如 斯 子 退,故 子曰 Ħ 之何 路問 行諸,子曰有父兄在。 聞 斯行之。 其 進之。 聞 聞 聞 斯 斯行之。」公西 斯 行之?」 由 行 赤也惑,敢問?」子 也 諸 兼 ? 人,故退之。」同 冉 子 求也 有 華 日 問 一:「有 日 問 聞 聞 父兄 \exists 斯 由 斯 上。 行 也 行 子》。 也

也,可 謂 子曰:「吾以子爲異之問,曾由 大臣者,以 季子然問 弑父與君,亦不從也。」同上。 謂 具 臣 矣。」曰:「 道 一 「 仲 事 君,不可 曲 冉求 然則從之者與?」子 則 可謂 岸 與求之問 大臣與?」 今由 與 求 所

間 也。」「赤也何如?」子曰:「赤也,束帶立 室之邑,百乘之家, 不知其仁 子曰 孟 武 也。」「求 伯問子路仁乎,子曰:「不知也。」又 由 也,千 也何如 可使爲 乘之國 ?」子曰:「求 之宰 一, 可 也,不知 使治 其 賦 也 其仁 子子 也 於

治長》篇。朝,可使與賓客言也,不知其仁也。」《論語

· 公

文學:子游、子夏。《論語・先進》篇。

子夏、子游、子張皆有聖人之一體。《孟

 \exists]: [過 過 子貢 商 猶不及。」《論語・ 也不及。」 問 : 師 與 日 商 : 也 先進》篇 孰 然 賢?」子 則 師 愈 與 Ħ 師

聞 弗敢 聲。 子 制 而 和之而和,彈之而 見,予之琴, 夏, 禮 以 是以彼此異 作而 ^ 不 過 與《檀 不敢 戴記 敢過者爲 也。」子張 日 • 不至焉。」《 :「哀未忘也。 弓》 和 檀弓》篇云: 之 辭,似《檀弓》爲近古。 閔 正 既 成聲。 而 子 相 除 不和 騫, 反。 説 喪 作 苑 而 不 子夏既 先 蓋 而 彈 敢 見,予之琴, 亦 Ŧ 皆 之 曰:「先王 不 載 制 得之傳 而 及者爲 除 此 禮 不 喪 成 而 而

缺之。 然《檀弓》之誣 者 亦多,皆難 取信。 故今

賜 以 也 子謂子貢曰:「女與回也孰愈?」對 知二。」子 可敢 望 口。 日 -П 也 弗 聞 如 也, 以 知十, 吾 與 女 賜 弗 也 日 聞 如 :

也。」『論語・公冶長

》篇

得 冉 有、 其死然。」《論 閔子侍側,誾 · 子 貢, 侃 語 侃 如也。 先進 | | | 如 》篇 也。 子樂。 子路,行行如 「若由 也,不 也。

使從 藝,於從政 有?」曰 曰:「由也果,於從政 政 季康子問 也與?」曰: : 「求 乎何 也 : 有?」《論語 可 一仲 使 子何 由 從 賜 政 可 也達,於從 也 ・雍也 使從政也 有?」曰:「賜 與?」曰: 》篇 與?」子 政 「求 乎 也 也 何 口

先進 柴也愚, 》篇 此章或以爲孔子之言,蓋以諸賢皆 參 也 魯,師也辟,由 也嗚。 《論

語

是遂 稱 以名者,年饑之稱 」字,姑從陳蔡章之例 、耻之稱憲、聚歛之稱求、是也、未可據 名之故。) 斷以 爲聖人之言。章首既 然觀《論 有若,晝寢之稱宰予, 語 可 中 也 .稱 弟 子 無一子 亦有

問

見,公冶長以孔子妻之一見,子賤、澹臺 十人而已。 子張、樊遲、子羔、漆 曾子、宰我、冉有、公西華、子游、子夏、 牛、仲弓、子路、曾皙、子貢、原思、有子、 徵、決知其非誤者: 文,其有事 見於《論 七人,據司 史記 語 》者二十有七人。然確 馬 蹟或年歲者三十有五人,而 其七 仲尼弟子列傳》凡 氏 謂 人者: 弟 雕 顏淵、閔子騫、冉伯 子籍 開、 顔 司馬牛,僅一 路 出 於孔 以 七十 請 氏 有 車 古 有 明

羽。 弟 故 乎 ? 之以 羿、奡 三百 行, 年 游 巫 其餘 之他 期 滅 亦 論 謂 Ė 子 爲 馬 無 則 明 始 語 或 子 則 人,孔子 老 譏 期 皆 傳 武 以 問 以 《列傳》 有不 刺謬, 然 賤 其 孔 矣, 在 記 孔 城 無 陳 問 謂 爲 説 昭 宰, 子 子 由 司 之 由 惟 滅 弟 益 公世已與孔子同朝,司 與子 敗之故 白 : 「 頗不 丽 而 語 期 徑、非 乃 子 又 孔 明 子 舛, 決 亦 與 稱 稱其 賤 子 又 近 游 滅明爲 知 非 惟 似當受業也者 多 而 其 始 是 吾 公 將 稱 其爲弟子 質 言 而 南 其 南 既 知 以 事 何 之 疑問 附 謂 爲 容 年 已受業,退 貌 游 滅 不 時 而 弟 見, 顔 凡 亦 明,是 取 至 見之事,既 受業 孔 各 子則恐不然 路 難之比。 益 三見,然 江. 皆 人,失之子 子弟子 與 等三人爲 一,從 不符矣。 無 見 於 否。 時 他 弟子 而 孔 孔 敗 而 巫 者 事 與 修 子 子 子 揖 且. 考 僅 馬

馬 或 知 歲者。 篇 事 殊 子,烏 宰,方 人,無年歲者。 字子丕」。 明徵者 八人,皆不見於經傳。 語 事 路 也 或當 非 其 氏 見 跡猶粗具於本傳,其 不 跡 誤 當 誠 類 年 而 至於公伯 自 相 有七十子而 是 時 然 焉,亦未可 孔 秦丕兹 歲 有 顔高 冉 不誤。 倚 時 之書,不 與 者 見 子之弟 季 以 孔 否 於《左傳》者二人。 几 并 以 雖 行 子 也。 寮 無 + 下 而 見 一人而已。《史記》作 道 爲 者 子 事 有二人,皆不見 知 則孔 於《左傳》,然觀 自 ~, 愬子 魯 秦商、 肯爲是者 更 由 跡 也。 梁 司 是觀之,孔 無 可 名字 觀於《史記 氏 然 鱣 寇,子 考,則 餘 其 路 顔 商 古文不 以 事 餘 即 高 復 下 瞿、季次,其 . 哉 ? 共 六 間 所 路 以 固 旧 然 誤 氏 外 几 以 爲 無 見於他 以 》所 其 於《 + 確 古 從 几 其 撼 季 而 愬 事 引 商 文 + 有 口 而 無 孔 氏 子

洙泗考信餘録

七〇

者。 也,明 則亢 嘗 張、 堂、蘧伯玉,則又《史記》、《家語》之所 止七十有二人。 以「子」者,而亢稱伯魚、子貢皆以「子」, 語 謂 陳 張 於《孟子》、《左傳》,補之良是。 是 解》篇, 史記》異。 尚 学 即牢、未知所 篇 中 亢,乃尊 書》、《 陳亢、縣亶以合其數。 按: 問 乃子 岢 -
亢凡 矣。 À 孔 , 其 可 悦 申棖見於《論語》,其前後章 , 貢、 伯 子。 左 以 數 又有 兩 而 学 一傳》 盡 且. 與《史記》同,而 問 誠 音 <u>~</u> 删《 信 論 子 服 本。 $\check{\Psi}$ 魚之後輩 而 而中 文翁圖》者 乎哉 貢、一 者 語 事 輕 史記》三人, 了, 亦 縣 》中門人 視孔子者,孟子 必 有 ? 亶亦無所 問 不 往 申棖、林放、 余 按**:** ·, 非 如 伯 往 家 魚 是。 有 八未有 名 所 孔子弟 語 舛 載 别 字 琴張 而 考。 但 且《論 者 弟 有 或 相 謂 絶 弟 皆 若 無 申 所 子 子 未 稱 栞 見 琴 與 子 則

文定其 共三十人。 子》、《家語》、《文翁圖》,增牧皮、琴張 賤、秦丕 意而 爲近 皮。 《孟子》而三家皆不之載者一人,曰牧 子始 蘧伯 申棖三人,並顏路等三人,商瞿等二人, 則不可,盡信之亦未安,故今據《史記 夫安得列之於弟子内 是時已爲大夫,齒 補 論 見於《論語 之 弟 古。 云取之者,尤不足以爲 大抵諸家皆各據 生,比孔子之冠 近 子 玉,其出近 是。 爲 所可 兹二十有二人。 《家語》、《文翁圖》又 人, **》**, 而 其餘甚可疑者删之,無可考 知者: 申堂不見於 而 無明文。 關 孔子名之亦 在 長 顔淵 也,則 矣。 魯襄公之十四年, 其 乎? 所 至 經 皆難懸定。 後 傳 伯 司 傳。 據。 而 如 八年,而 玉已老矣 馬 又有見於 似參以己 參 而《史記 諸 林 牛及子 概删之 以 弟子 放 念孟 ŦL 雖

者存而不論可也。

疑也。 者 ? 傳之者遂誤以爲陳人耳。 非陳人,明矣。 成、襄、昭、定至哀公,凡十世。 仇奉甲從君 艾陵之役,吴子賜叔孫甲,衛賜 闔,則顔子爲魯人,可信也。《春秋傳》 人,則孔子亦將爲宋人乎? 孔子弟子, 莊二十二年自齊奔魯,歷閔、僖、文、宣、 傳》有顔高、顔羽、顔息,《呂覽》亦有 以余考之,惟顏子、子貢爲不悮耳。 曾子南武城人,子路卞人,皆以 者凡七人: 顏子魯人,子貢衛人,子游吴 人,子張陳人,公冶長齊人,皆以國著, 顏氏之著名於魯者多矣、春 若子張,乃顓孫之後也。 仲尼 而拜」,則子貢爲衛 蓋因其先世出 弟子列傳》著 若子張爲 自陳,而 人,亦 進 顓孫 子張之 其 邑著。 日 或 何 陳 於 無 州 秋 顔 邑

人矣。 游之非吴人,明矣。而子張之子申詳、 載曾子居武城,有越寇而曾子去,孟子 魯之衝,即子游爲宰之地也。《孟子》書 冶問,則公冶魯大夫也。 公冶之後。 襄公之自楚歸也,季孫使公 公父歜,公父之後也,則公冶長亦當 爲魯人矣,安得以 子游之子言思,亦仍 而 子游擯。 游 孔子没後,有子、曾子、子夏、子張與子 游言行多矣,何以皆無一言及之? 且 於中國,此不可多得之事。 也。 相問答之言甚多。 魯之縣子公叔戍亦皆與子游游。子 人 吴之去魯遠矣,若涉數千里而 爲多。其次 南武城者,魯南境之邑,吴、越至 武叔之母之死也,子游在 則衛、齊、宋,皆鄰 爲陳人、吴人也哉? 居魯,是二子固 悼公之弔有若也, 然則 傳記 長亦 所記 非 北 爲 世: 或

見其 之中,得者二而失者 路之爲卞人,未有以見其不然。然六 武城之文,而遂誤 明甚。 八必然。 師 司 故今惟於顏子、子貢采《 也,父兄 馬 氏 蓋 以 見《孟 也, 爲 四四 武城城 馬, 則 二子》書 則亦未有 人耳 曾 子 中 非 惟 有 武 人 中 以 子 居 城

記》文註之,餘皆缺焉

於幕 者? 吴之伐 時 傳 德 少孔子十三歲,則當伐魯之時年已五 無君子者,斯焉 人,其文蓋 矣,其 `年僅二十有五 《弟子列傳》有年歲者凡二十有 孔子 其 常是少 魯也、微虎 少孔 親 稱子賤:「君子哉若 有 師 子 所 取 ナ 本 四 取斯?」則是子賤已成 友 ,成德安能 時 欲宵攻王舍,有若 + 然亦不能 八已歷 事 九 ,而《列 歲,則 有 年矣,而《 如是 當 無 傳 孔 速 悮 謂 子 + 其 踊 卒 列 魯 何

> 盡 記》弟子之年不過 太遠,恐未 歲,公西華少孔子四十二歲,年之相 少孔子二十九歲,子貢 者,而《列傳》謂子路 問仁也,以由、求、赤。 子之問從政也,以由、賜、求。 孟 也。 有 表見,至孔子没後 指 四,力已衰矣。 爲實。 《論語》多以子路、冉 心必 故今悉不 杰 然 而 又 得 也。 與 不 其彷 . 録 少孔子 其年皆似 諸 應 由 少孔子三十 有 弟 孔 彿 是言之,《 並 子 子 九歲, 而 問 存 稱 已,不 武 不 答 時 伯 冉 甚 季 其 無 之 口 史 有 遠 隔 康 名 所

論語源流附考

名曰 如淳 《從政》。」齊二十二篇,多《問 :曰:「分《堯曰》篇後「子張問 論 語》,古二十一 篇,出 何 如 孔子 可 王》、《知 以 壁中, 從政」已 道》。 下 爲篇 如 淳

九篇 日: 「多《問 師 古 王 》、《知道》,皆篇名也。」魯二十篇,傳十 師 古 解 E 釋 「非今所有《家語》。」 《論 語 》意者。」〇《孔子家語

傳《 唯 御 上 侯 以勝、丞 侯張禹 Ė 史大夫貢禹、尚書令五 魯論 漢書・藝文志 陽名家。 傳《齊論》者,昌 相韋賢、魯 語》者 ,皆名家。 師 常常 古 曰:「王吉,字子陽,故謂之王 Ш 扶卿、 張氏最後,而 邑 都 中 尉 鹿充宗、膠東庸 尉王吉、少府宋 前 龔 將 奮、 軍 長信 行於世。 蕭 望之、 少 府 陽。 畸、 生, 安 夏 以 語集解序 與

前 王 吉皆以教授。 皆孔子弟子記 魯論 時 將軍蕭望之、丞相韋賢及子玄成等傳之。❶ 論 ,嘗欲以 漢 語》二十二篇,其二十篇中 中 琅邪王卿及膠東庸生、 壘校尉 孔子宅爲宫,壞得《古文論語 故有《魯論 諸善言也,太子太傅夏侯勝、 劉 向言: 》,有《齊論》。 《魯論 昌 章 語》二十篇 邑 句 中 頗 尉 多 魯 共 於 王.

> 《齊論》有《問王》、《知道》,多於《魯論》二篇。 《古論》亦無此二篇,分《堯曰》下章「子張問 以 齊、魯《論》 爲 篇,有兩《子張》,凡二十一篇,篇次不 同。 《新論 》云文異 者 四百餘 字。

比矣。 人 異,有多寡之殊,則 中章句復多於《魯論 人之所續入,非 論》既多《問王》、《知道》二篇 所 附 按: 會者尤多, 同 論 盡 聖門之原 語 《論 又 **>** 也, 則《 非 語 ^ 齊 而 魯 本也。 書, 有 論》之中 論》 而二十 齊、 固 之 魯 有 ^ 可 後 之 後 齊

語 章 句 初,禹 獻 師 始, 以 上難 魯 扶 數 卿 對 及 己問 夏 侯 勝、 經,爲《論 E

爲

0

出校。 玄 原 避 清 帝康熙名諱作「元」,今回 改,後做此,不再

貴 是 先 蕭 學 事 望 諸 之、 \pm 多從張氏 儒 陽 韋 後 爲 玄 之語 從 成 庸 皆 \vdash 餘 生 説 : 家 , 采 一欲爲 寖 論 獲 微。 語 《論論 所 \approx 《漢書 安, 篇 》,念張 最 第 後 或 張 禹 文。 出 異 傳 Ш 由 禹 尊

訓 洁 善 解 Æ 者 章 從 安 TI 之,號 句 111 出 不 張 焉 · 傳 \Box 禹 張 本受《魯 古 論 侯 語 論 論 集 解 唯 序 論 爲 博 # + 兼 所 孔 講 貴 安 或 齊》 包氏 爲 説 之

書 道 論 而 考之, 》,當 二篇, 張 籍 # 禹 志 删 本授《魯 重 從 其. 之, 煩 魯 周 惑 論 氏、 論 除 <u>二</u>十 包氏 去《 晚 講 篇 齊 爲 論 爲 之《章 齊 定, 論 間 ×, 號 旬 王 後 張 遂 侯 知 合 隋

其 采 齊 篇 獲 論 所 H 按 安, 雖 非 定 漢 漢 削 從 初 書 禹 龔 古 魯 稱 奮 嘗 論 篇 所 更 第 傳《 定《 其 或 異, 魯 文 論 論》之舊本 實 語 V 兼 稱 采 張 於 禹

> 解 句 也 論 語 則 言 隋 是 學 非 書 東 者 古之《論 漢 亦 多 之 謂《 從 所 張 張 語 行 氏 侯 矣 者 論 乃 餘 包 禹 家 所 寖 洁 微 更 爲 定 之 ^ 集

存、不 己 章 富 耳 仴 丁, 安 貴,卒 0 解 當 嘲 乃 按: 謹 知 · 當 地 擅 守 采 非 成 禹 平 更 師 而 其 Ŧ 學 定 得 采 有 莽 識 者。 意 篡 不 論 淺 采 弑 敢 陃 語 況 之, 之 增 贵 禹 禍 減 必 以 附 足 人《 有 公 或 會 以 不 Ш \pm 不 知 魯 當 佛 至 E 聖 論 以 存 肸 大 人 爲 兩 保 謬 而

善,記 多 有 肅 齊 矣。 異 博 》、《古》,爲之註 同 漢 其姓名, 士: 所 末 不 唐 見不 大 爲 生 司 烈皆 訓 有不安者 農 可 解 鄭 爲 互. 玄 中 義 有 近 就 間 説 故 得 頗 爲 司 失。 爲 前 魯 之 空 改易, 111 論 訓 陳 今集 傳 解 群 篇 授 名曰 諸 章 太 至 師 家 考 常 于 説 之 之 論 今 雖 Ŧ.

疑

人,或曲

爲聖人解也

語集解》。《論語集解序》。

按:

當

東

漢之世,去古未遠、《齊》、

《古論》先 隋 立 爲 肅 論 集解 於國學, 何 博 《古論 漢 鄭 士 末 並 周 無 是後 鄭 行 而 生 師 而 玄 鄭 鄭 烈皆爲義説 説 諸 爲 以 氏 氏 之注 儒多爲之注、《齊 ^ 甚 盛 梁、陳之時, 張 微 於 侯 人 魏 論 周、 間 吏部. 司 \forall 齊 空 爲 隋 鄭 唯 陳 本,參考 尚 書 群、 學 鄭玄、何晏 論 書 獨 經 》遂亡, 何晏又 太 籍志 立,至 常 <u>~</u> 齊 Ŧ

按

此

文,則

康

成

所

注

之

魯

論》,

即

之意 之可 也。 論 稱 論 張 爲《 禹 疑,一篇中 , 其 學者當 非 所 魯 則《論 漢 定 有 論 初之《魯 之《魯 一二章之不類者, 統全書 語 而 未必無 或 論》, 書 以《 論 而 矣。 熟 季 中 其 一二章之可 玩 未 氏 中 之, 必 故 古 不 今《 以 無 篇 雜 得 求 有 論 爲 以 聖 疑 ^ 語 齊 此 人 者 篇 齊

> 删《孟 濶 但參 至於 乃反 所 其 佛 古》 品 也 年 肸 考《齊 據 别 康 世 尚 之往之爲 子外 成, 存 此 致 辨 ",循 以議 負 》、《古》爲 其 使後人 篇 真 可 **>** 非 者 代之 聖人之失, 考證 僞 義, 然,豈 無 而 之注 重 可 即 去 望, 考證,亦 王 取 當 非 而 之, 充 别 何 聖 乃 其 既 若 於 其 門 於 知 百 論論 何 篇 謬 趙 功 異、考 公山、 其 章 也 臣 岐 語 無 疎

言 應歲 也。 意 且. 人之言 甚 命 __. 試 然必 動 述 按 : 疑之,遂不從命。 忽有 與 無 而 聖 真 其 不 亦 爲 人之言,天下 合 當 人 人持先君書至,寄物二 遵也。 聖人之言 乎 换 卷。 義 者, 述 述念先 試 不 則 少 畢,歸 後 應 可 年 世 忽 君 時 非 所 有 而 平 嘗 當 託 請 此 日 在 爲 共 舉, 事 府 聖 遵

於 決 不 考之,乃 其 其 酌 信 章之可 使 Ш 不 口 亦 不 果 ·求其 此 定 二、佛 然 無 所 年 也 余 更 人 當 至 他 () 洙 世 五 改 知 有 有 見 以 如 人 肸 入《論 義 是。 然 示 踰 六 疑 世 欺 以 所 所 知 泗 是以聖 兩 四 也。 歲 ·符,必後 於 增 者,學者 世 Á 所傳之《魯論 僞 在 餘 章 + 故 時 人, 而 之 信 爲 秦漢 録 語 -後考 頗 近二十始 時。 始授《論 今備考《論 學 而 也 ×, 影之由 謨 疑 始取 者 無 時 爲 不 洋 人所僞 孔 其 竊 疑 傳《 故 惟 張 可 事 洋 子 謂 也。 能 知 之中 不 禹采而 齊 論 語 事 不 究 學者之於聖人 言 故 在漢 語》源 玩 撰, 别 \forall 經 語 蹟 心 六 於 録 講 先後, 書理,於公 知 而 然猶 然未 其 魯 + 間 平 時 源 章、 合之,始 誦 觀 流載之, 詳 H 論 餘 流 有 不 之耳 之也 作 附 歲 未 始 敢 無 而 0 舉 白 載 細 識 里. 大 知 則 0 洙

> 言爲 源 業,未嘗 流 然 者 也 有 無 人 怪 平 究 其 其 義 見 理、 而 大 考 駭,終不 **其** 首 尾、

> > 以

余

辨

其

考信餘録卷之三終

道

光

四

年

東陽署

中

刻

泗

,

「言」、《畿輔》本作「信

孟子事實録

郎震校點 (清)崔 迷 撰

九

四四一〇

附讀孟子餘説一則	附論孟子性善之旨	附韓文公稱述孟子	附孟子七篇源流考
	附論孟子性善之旨	附韓文公稱述孟子三則	附孟子七篇源流考
四八	四五	四四	四四

校點説明

崔述生平見《洙泗考信録》校點説明。

海 剛 缺 我 是 者 精 與 古 標 陷了」。 固 顧 神 錢 點、 是 在 部 頡 玄同先生論古史書》中 禮 出 追 極 剛 近代影 校對、 記 版社 不 偉大又 先 一九三六年 到,但换了 後 中 整理 出 響很 整 庸》説 版 極 理 了 的 細 大 出 由 密 「無徴不 崔 Ė 版 日 顧 的 海 個 東 了《崔 本學者 著 頡 方法做去,也 壁 亞 説「崔 剛 作」,又説「崔 信」。 東 遺 東 新 置 書 那 壁 加 書 述的《考信録》 珂 崔 遺 編 館 通 述 書 訂 九 出 水真 足 世 的 八三 版 以 述 和 崔 了 補 的 中 求 顧 年 實 東 學 顧 他 頡 或 Ŀ 的 辟 頡 的 確 力 剛 學. 分别

想的 於他 遺 書》,均收有《孟子事實録 束 篤 縛 信 述 考求經史不遺 一王政 難 免有 聖學」,受歷史上 其 局 限 徐力, 性。 獲 這 些 「尊 得不 長 經 處和 少 衛 成 道 短 績。 學 處 都 但 術 可 思 由

成爲今人借鑑的對象和前進的營養。

以

本 事 對 命講 失。 知 功。 平事 編 講《孟子》「魯欲使樂正子爲政」章,由 單 聯《 的 蹟 孟 其 王政聖學之切 去取。 意所 有 與 子 樂 歸 崔 蹟及思想,附 孟 讀 思 正 里 述 的 歸 子 想很 克。 看 孟子餘 推 之時,文治 在,多 初蒞羅 事 法 尊 實 和 有參考價 實 好善天下優,微言括治 録 有 説 行。 源任,三日下 分析,學 於實用」(語 記 》爲《考 以 〉提出的 孟子弟子,推崇孟子承 以詩送行, 善 此 值。 書 言告之者, 界有不同 信 對 對《孟子》、《中庸 録 書 於了 學 見本書卷下)的 中 有云: 》之 講 對 解 書,命 意見,讀 以 孟子遊 孟 種 術。」 故 是 子及 春 政 諸 辨 風 可見 者 事 縣 生 孔 歷 其 證 坐 幸 相 弟 之 黄 口 事 傳 子 孟 諸 自 蹟 子 崔 人 文 子 似 無 之 道 文 述 大 的 的 皆 治 之 後 生

刻 二二)在 畿 輔 現 叢 孟子事 有《孟子事實録》各 書》,收 北 京 實録》最 刻 入《孟 印 光 早 子 緒 由 事 Ŧī 種版 陳 實 年(一 履 録 本 和 均爲 八七 於道光二年(一八 據 陳 依 九)王 履 據 陳 和 履 刻 和 本 彙 刻 翻

孟子七篇源流考》二目,今據正文補。稱《畿輔》本)。卷下目録原闕《附記孟子弟子》、《附陳履和刻本爲底本,校以清光緒間《畿輔叢書》本(簡陳履和刻本爲底本,校以清光緒間《畿輔叢書》本(簡

校點者 郎 震

余按:

孟

母教子之善當非

無故

而

云

孟子事實録卷上

子云云者

則必

無之事

也

孔

子

 \Box

唯

孟

然者,即三遷之事亦容或有之,然謂

大名崔述東壁謹考 石屏門人陳履和校刊

在鄒

補 孟軻、翳人也。《史記・孟子荀卿列傳》。

以 乃 以 含市 埋。 孟 設 居 子 居子矣。」遂居之。 俎 子 ,其嬉戲爲賈 之少也,嬉戲 孟母曰:「 列 也。 豆 女傳》云: 揖 讓 乃 進 此 徙 退。 非 舍學宫之旁。 街 孟 爲 所 軻 墓 孟母 以 孟 之母 間 居 母 之事, 曰 : 子也。」乃去 日 ·, 其 舍 其 踊 此 此 近 真 嬉 非 躍 戲 所 築 口

安能 以 旁 既 幼 能 之羣 語》稱文王 Ш 爲 雖 然大聖賢之生必與衆異,必不 上 列 之中, 禦 知 時 善言,見一善行,若決江河,沛然莫之 轉 無 而 知 女傳》云:「文王 而 遷之, 墓側之不 移。 與下 自 絶 兒 也。」然則 文 異 不 無 Ŧ 識百。」後世 與木石居,與鹿 於戰 知 以 孟 愚不移。」 ,猶興。」人之相 \exists 乃 自 異 子 : 乎 又 可居,則 或 異 雖 孟子 ? 縦 在 1 於 幼 孟 母 居 羣 横之徒哉? 儒 生 亦 孟 安得 子 一兒,則 弗 者遂謂 而 於 當 子 何不即擇學 憂, 日 明聖,太 市 Ď. 如 豕 遂 遠固 遊。 側 在 是。 孟 與 豪 文王 乎? 盡 傅 舜之 子 市 由 傑 任 壯 使 及 且 隨 弗 井 於習, 之士, ·宫之 居 生 教之 其 時 流 勤 孟 孟 墟 ^ 或 聞 母: 亦 子 俗 深 墓

兒,一 其 百 人 之乖,其 爲 之善教,遂若 教,遂謂 傳 人者欲極 聖 幼 介實 世 聖 國 德 聖 時 焉。 大大 何 善讀 一人之爲聖人,亦必 雖 文王之聖生而 其 通 孟 王 未 形 夫同 病 相 知 子 即 書 容 孟子之初 其 去 則 者 爲 然 其 之懸 必能 當當 也。 幼 聖人 聖人,而 人之美,遂不 察 時 其 興 故欲明 絶 也 無 已 毫 (周,故 」, 文王 意 平 ル 前必不)然; 由 所 無 ! 異 漸 異 在 太任 於 欲 蓋 舍 復 削 而 於 不 與 市 明 顧 凡 成 4 泰 庸 之 流 必 井 伯 孟 甘. 稱 而 愚 杰 俗 聖 胎 13: 事 古 小 即 而

母自 方 刀 東家 裂 織 其 悔 殺 韓 織 孟子輟然中 乃 豚 買 何 以 外 東家 爲 傳》云: 此 ? 誡 豚 之。 垆 母 肉 孟子 \Box 以食之。 乃復 孟 子問 心 欲 進。 時 啖 其 誦, 汝。」 其母 13: 其 H 引 其 13:

> 信。 於此 教, 之,是教之以文過遂非 甚 輟 之時,乃責 啖汝」云者,不 小,因 ",理固當 而附 乎? 故今並不録。 余按 悔 會之,反 此皆 此 然。 其聲之 自 裂 説 . 過 戲 然 其 失 者欲 必 且. 織 而 其 時 無 誦 以 遂買 極 也 之 IE. 且 斷 喻 者 形 戲 思 續 學 容 孟 豚 言 乎? 皆 贵 之不 肉 孟 13: 耳 不 以 無 母 何 可 Ż 反 其 至 中 可 彌 善 出 縫 失 於 ıŀ. 中

乎 : 敢 下。』不掩人不備也。」於是孟子自責,不 之。」母 子入户視之,白 去婦 『將上堂,聲 韓詩外傳》云: · 日 : 「 乃 其 汝 必 母 無 揚。 曰 : 孟子 禮 也 婦婦 將 妻獨居、踞、孟 入户,視 無 ^ 禮 禮 , 請 不 云 必 去

以

爲

實

然

也

故

今不

載此

事

也。 非有 余按: 大過,豈 獨 居 而 得 踞 輙 偶 去? 然 事 聲 革 揚視下, ,教之可

之事。 責之? 亦 謂 朋 故亦不載 友賓客 此蓋後人之所附 間 耳 ,房幃之内 會,必 安得 非 孟 子 事

予私淑諸人也。」《孟子》。 附論○孟子曰:「予未得爲孔子徒也,備覽○受業子思之門人。同上。

乎? 私 宋、之薛、之滕,爲文公定井田,復遊 記》「人」字爲衍。余按:孔子之卒下至 生尚三十餘年,孟 十歲耳。 魯,而後歸老,則 思當不下十歲。而孟子去齊後居鄒,之 矣,伯魚之卒在 孟子遊齊、燕人 淑 諸人也。」若孟子親受業於子思, 趙 孟子云:「予未得爲孔子徒 岐謂孟子親師子思。 即令子思享年八十,距 顔淵前,則孔子卒時 畔時,一百六十有 孟子在齊時 子何由受業於子思 王劭謂《 亦不過 孟 也 子之 則 子 於 年 史 必

> 殆 然 無受業於子思之事、《史記》之言是也。 但 當 如孔子之無常師者然,故但云「私 孟子之學深遠,恐不僅得之於一人, 明言其人,以 云「人」 而 己] 乎? 見其傳之有 由 是言 之,孟 所自,何 子必 淑 得

適梁

諸

人耳。

葉大慶《考古質疑》云:墨客王聖美必曰利? 亦有仁義而已矣。」來,亦將有以利吾國乎?」孟子對曰:「王何來,亦將有以利吾國乎?」孟子對曰:「里不遠千里而

何以見梁惠王?」其人愕然無對。此雖義?」曰:「從頭不曉。孟子不見諸侯,否?」曰:「都不曉其義。」問:「不曉何否。」曰:「都不曉其義。」問:「不曉何數」一達官,問聖美曰:「嘗讀《孟子》華大慶《考古質疑》云:墨客王聖美

敬 至。 禮 義 之。」大慶嘗 孟 世 氏 若 也,則就之。」按《史記 厚 日 子不見諸 新 而 戲笑之談 行者,有言之今日 然則 有 幣 話》云: 禮 Ü 迎之致 乎? 孟 招 賢者 子 侯 思 匆 「《孟子》之書 之見 而 原文甚繁,今删 而 敬 澽 鄒 見梁惠 得 以 中 惠 之。 有禮,言,將 衍、 亦 王,非 而 • 自 淳于 魏世家》 明 Ŧ 孟. 難 日 一,學者 而 子 以 有 對 采之如 不可 , 髡、孟 論 其 言 惠 至 迎 行 去 近 用 此 之 就 某 今 Ŧ 其 口 見 者。 致 皆 卑 之 郄 萬 陳

臣 不 巾 陳 知 一、不敢 <u>,</u> 示 ? 氏 聖 與 屈 何 余 美 孟 身先 按: 以 何 見於諸 子 見 致 LI 所 孟子之見梁王, 容 也 疑 謂 不 以 ? 侯。」 曉 ? 不 求 故 葉 見諸 見 Ы H 氏 諸 達 : 何 侯 侯耳 官 庶 以 如 者 無 何 待 人 不 非, 非 難 謂 U 待 不 思 解 草 其 傳 謂 無 Щ 莽 招 質 紁 後 對 不不 古 > ПП 爲 得 ?

以

是爲疑,豈

宋

人

沿

唐

舊習

喜奔競,

理

故故

不

必

而

書

之

策

也

論

者

乃

子之爲 問 公問 前 者 不 見 以 謂 見 柳 往 見文王乎? 見堯、舜? 丽 之前 正 迫 季 矣。」 幣交,受之而 終 乃 閉 何 於 子。 欲 政 紛 門 哉 古 應 梁 亦 明 紛 鋪 語 於 不 ПÍ 然則 必 先 聘 然 孔 敘 疑之議之, 意 可 不 \Box 有 也 伊 義 子 而 甚 如 内 孟 : 其 孟 往 後 明,豈 尹 見 今 子 不 和見 衛 是 利之旨, 亦 段 即 何 子之見時 諸侯, 演 報 居鄒,季任 靈 皆 干 無 以 義之文 無 真 之因 一公問 容 已 木 見 史記 他 口 吾 則 有 湯 甚 踰 不 疑 日 所 陳 不 禹 ? 君 垣 法 暇 者。 》之文, 不 但 於 曉其義 皆 爲 迫 由 而 臯 耳 於 太公何 曉 無 孔 斯斯 當 鄒 任 辟 但記 未 陶 關 也 子, 之任 處 之, 如 齊 見 而 何 可 於 守 是, 未 景 以 若 義 書 孟 以 以 泄

四

乎? 孟子 乎陶淵明之「不求甚解 不見諸 不然,如 侯之言, 是讀 書,書 而 欲 也也 無 以 不 其 可 矛 議 刺 者 其 盾 無

利 其 以 以 但 知 者 何 或 尚 也 上,人皆尚義 人 非惟 之病, 也。 者? 有好 間 充 故 知 有 是 此 府 列 義, 巷之間 按: 有 人心 以 庫 或 無 目 義者,亦 人皆 人不 且但 要亦古今之通 孟子先義後利之旨深 之君 戰 他 前 亦 其 國之時 之利而 好義,即 知有 皆 惟 專 惟 臣 惟 逮春秋 利 好 事 頗 亦 務 於 是圖 利 己 强 惟 戰 有 利 生民塗 不 而 之心 假 淩 争 務 假 則 時 知 不 弱 逢 以 義者亦不可 患也。 義 但 無 有 、衆暴 知 辟 君 驅之使至 人漸 者。 所 知 炭, 日後之害。 有 土: 以 用 有 切戦 人, 取 地 重 三代 風 至 寡 於 利 聚歛 利 富 甚至 俗 假 於 以 而 國 貴 得 戰 頹 是 自 義 不 然 以 時

> 深 故 此 敝 以 言 嘆美之 死 此 誠 於兵者動 章 救 也 冠七篇之首,而 時 之上策, 至一 二十萬。 亦千 太史公讀之亦 古之 然 炯 則 鑑 孟 也。 子

是圖 利,非 利 此 利 利; 異 趨 川」者,不一而足。 亨利貞」, 利 時 己 以 也。 利 而 建侯」,曰「利 之利 永遠之利,非 没世不 而 利 也,爲臣者 聖人何嘗不 而 義 故曰 之,曰「 避 不 外 而 日 復顧 害 之利 |「見利 致 忘 「坤,元 乎? 釀 也 義之是 且 小 ; 終身之害者,亦往 言 見大人」, 人樂 一時之利。 耗 思義」,曰「因民之所 共有之利 · 利 ? 但聖人所言 聖人何當不 亨利 無 或 非。 如 其樂 以 《易》 牝 世 肥家,甚 馬 不 俗 日 而 此 非 但 之人 之 \exists 利 義 教 利 乾 損 其 獨 貞 其 往 至 人 惟 所 得 中 涉 元 貪 以 利 以 之 之 以 大 \Box

切著明,惜乎世人不之察也。之,不可謂大愚哉? 孟子此言可謂深

於 亦 文繁不可悉 時 無 事 按: 庸 者 悉 孟 「, 次 載 子 載 也 其先後,不備録 龃 齊、梁、滕君問答之言 而《孟子》乃人 故 但 掇 其 (要旨 也 所共 及有 讀

制 悌 刑罰 比 喪 知 地 忠信 地 梃以 死 也 方百 溥 者 於 梁 撻 及寡人之身,東敗於齊,長子死焉, 惠 秦 税飲,深耕易耨 里而 洒 秦楚之堅甲 七 \pm 以 百里; 之, 曰:「晉國,天下莫强焉,叟之所 事其父兄,出 可 以 如 Ξ_{\circ} 之何 南 利 辱 兵 於楚。 王 則 壯者以暇 矣。」同上 如 可? 以 施 事 仁政 其 寡人耻 孟 長 日修其孝 子 上,可 於民,省 對 之,願 \Box 使 西 :

招 賢 者, 備 覽 鄒 衍、 惠 王 淳 數 于 敗 ,髡、孟 於 軍 旅, 卑禮 軻 皆 至 梁。 厚 幣 中 以

記

魏

处世家

王元 三王往 云王 六年而卒,子襄王立,在位十六年卒。 年乙酉也。 \overline{H} 王,孟子何 亥以前梁未稱王也,而 會徐州,相王也,追尊父惠 年, 年乃周 而 何 以《年表》考之乃周 史記》此 征 必曰 之夫誰 由預稱之曰「王」乎? 余按:《史記》惠 顯王三十五 利」、「王 文載 與王 於《魏 敵 好 孟子之見梁 年丁 戰 世 顯 王爲王。 家 請 王 惠 \pm 亥, 以 在 之三十三 Ŧ 惠 與 戰 果 位三十 王 是丁 諸 未 \pm 喻 73 稱 侯 +

里, 之而 魏 Ŧī. 而 惠 襄 年,盡入上郡於秦在 南辱於楚」,未來之事惠 預言之乎? 王之告孟子乃云「西 陵 又按:《史記》梁予秦河 在 襄王 + = 一年,皆 襄 喪 Ŧ 惠 地 E 西地在 七 Ŧ. 何 於秦 身 年 由 後事 七百 楚 預 襄 知 敗 Ŧ

按:杜預《左傳後序》云:「古書《紀

元年。 惠 不符矣。孟子與齊宣問答甚多,而 敗之後,則孟子與惠王之所云者 惠王三十五年,而在後 襄王之元年耳。 其於三十六年之後又書元年,遂誤以 年乃稱王之始年,故不稱三十七年 然則《史記》所 王之後元年。 至十六年而 年》篇,惠 敗於襄陵」皆惠 史記》誤分惠 久也。 非 蓋惠王本稱 少,在梁 襄王矣。 《史記》不知惠王改元之故,但 然猶及見襄 王三十六年改 稱 亦 惠成王卒,即 而「予 稱「會徐 成之世以爲後王年也。」 所 無他 然則孟子之至梁 魏侯,既 \pm 稱 時 河 事,則 襄 王 元十二年襄 事,非襄王時 Ŧ. 西」、「入上 州 而後去, 元,從一年始, 之元 僭稱王, 相王」者 孟 惠王 子居 年, 則 無 也。 郡、 孟 則 梁 與 陵 不 即 即 而 子 梁 爲 見 事 蓋 語 既 在 是 疑 稱 惠 惠 人君,就之而不見所畏焉。

寅兩 年、二年也。《史記 之至梁當在 歲之中,於《年表》則 惠王之卒前 》所云非是,説並見 一二年 周 慎靚 辛 王之元 Ή. 王:

後襄王條下。 孟子見梁襄王,出,語 人曰:「望之不似

卒然問

曰:『天下

對曰: 『不嗜殺人者能一之。』」《孟子》。 惡乎定?』吾對曰:『定于一。』『孰能一之?』 啃 年》:梁惠王立三十六年改元,又十六年 之年是已,至謂《竹書》之今王爲哀王 按:杜氏以《史記》襄王之年爲 三年乃卒,故特不稱謚,謂之今王。余 成即惠王。 王立,十六年卒,子哀王立。《竹書 而卒,其後 杜氏《左傳後序》謂《史記》誤 史記 之世以爲後王之年,哀王二十 稱爲今王,至二十年而 》:梁惠王三十六年卒,子襄 惠 王 分 其 惠 而 書 紀

容誤 無 孟 子 襄 門 哀 Ŧ 人 則 爲 記 非 襄 此 也 則 書 **念**孟 是 者皆 梁 **二子**》書 古 當 有 時 襄 Ħ 稱 \pm 覩 見 梁 也 之人,不 襄 ^ \pm

本》稱 有 襄 王 惠 無 \mp 哀 牛 \pm 襄 也。 王 襄王 襄、哀二字其 生 昭 \pm 則 形 是 # 相 梁

疑 似 梁 有 襄、 誤 哀 書 兩 襄 E Ŧ 一、又不知惠 爲 哀王者。 王之改元 史記》 因

有

則《紀 以 故 誤 襄 以 王之二十三年爲哀王之年耳。 年》之所 惠 王後元之十六年爲 謂 今王即《孟子》所 襄王之年, 記 然 之

或 之 孟 則皇皇 人三月 也,未嘗 子 \Box 附 録 如 無 也 仕 聞 当, 周 君 仕 霄問 厂, 則 疆 傳》 如 弔 必 此 曰:「古之君子仕 載 __ 日 其急。 質。」公明 孔]: | 晉 子三 仕 如 儀 月 \Box 此 國 乎 無 其 亦 ? 古 君 急 仕

> 道。 之。 鑽穴 心,人皆有之。 爲之有室,女子 也,君子之難仕 、隙相 古之人未嘗 不 由 其 窺、踰 道 而 何何 不待父母 生 牆相 往者, 不欲仕 而 也?」曰:「 願 從 與 爲 則父 鑽穴 之有 也, 之命、媒 又 隙之類 13: 丈夫 家。 惡 或 妁之言 不 父 生 也 皆 由 母 脯 腾 其 ___ 願

之自 禄。 王**,** 所 者 或 則 則 趙、魏爲晉國 或 爲 率 即 孟 霄 天下 指 此 而於梁則 知之而 有 觀 按 : 也 子 - 莫强 梁 言 所 孟 在 大 子 孟 在 而 故 梁 鑽穴 自 緣 言 孟 子 ^ 旧 也。 則 但稱「 史 嘗 任 而 子 也 如 當戰 記 之,不 見梁 踰 居 得 賓客然, 孟子 之, 牆之喻 觀 梁 於 適梁」,蓋 或 之 霄 惠 肯效 孟 齊 之 未嘗 王,惠 時 以 子 稱 初 難 無 未 當 削 則 猶 至 仕 疑 嘗 并客 游 當 時 必 \pm 韓 皆 所 疑 受 事 時 游 待 自 孟子, 與 以 卿 求仕 其 齊 謂 謂 士 趙 韓 爵 之 君 亦 晉

條

下

襄

Ŧ

一, 不

一得以

爲

哀

 \pm

也,

説

並

見

前

惠

Ŧ

未嘗受之矣,學者不可不分别觀之也。

游齊上

者,惟 時 ., 图 然後 苟 之以孝弟之義,頒白者不負戴於道路矣。 時,八口之家可 Ŧi. 民 王乎?」曰:「德 者,是以 乎?']孟子 + 民 無 而 七十 者可 從 而 王,莫之能 恒 齊宣王問 士爲 미 心 而 者可 後 以 放 爲也?」〇「五畝之宅,樹之以 刑之,是 對 世 能。 衣帛 辟 無傳 日 以 日 邪 : 以 食 禦也。」○「無恒産 若 何 矣。 :「齊桓、晉文之事,可得 焉,臣 「仲尼之徒 侈, 罔 肉 無 民 如 飢矣。 矣。 民 則可 鷄豚 則 無 也。 不 無 未之聞 白 以王矣?」曰:「保 狗 爲 恒 謹 焉有仁人 畝 른 彘之畜,無失 無道桓、文之事 産, 之田 庠序之教,申 世 大 及 侕 一,勿奪 陷 無 無 有 在 於罪 恒 以 恒 桑 位 心。 其 其 聞 則

念孟 齊以 當是 即 宣。 於至梁之後 乙酉孟 而 情。」是 惠 通 至梁 游游 以《史記》之文論之,周 王不果所言,則見以 子 後必 時 則是見梁惠在 史記 • 事齊宣 謂 梁 子 在篇首、見 梁 無復 至齊 惠 至梁,後二十三年齊始取 惠 • 王卒已久矣。 王》篇 王,宣王不能 孟 有適梁之事,故今次至 在 子 至梁之前 荀 襄王 皆以 先,見齊宣在後也。 卿 爲迂 列 後 時 顯王三十三年 傳》云 之先 然 用。 乃次之以 遠 也 則 而 後爲序 適 孟子去 濶 余 梁,梁 「道 於事 按 燕, 既

子勸 以余考之,不然。《史記 齊、梁 説 者謂 行 孔 \pm 子 政 修《 爲 春 有悖 1秋》尊 • 趙 於 世家》成侯 孔 周 子之旨, 室,而 孟

或 伯 凡四 本 下 周 周 語 所 孤 趙 東遷 土 而 七 竹 周 之事 記 於 紀 以 戰 \mp 及 立 成 猶 车 :書紀年》,與《史記》文小異。 年 本 秦 尊 特 民 王 周 無 足以 侯、 晉、鄭 與 顯 ·紀》計之,則 然 大國者然。 孝 之爲 周 事 寄 所 然 韓 \pm 韓 則 公, 了; 亦 Ħ. 但 依 則 立 食於其 攻 Ŧi. 東 共 云 故故 國。 焉 已有矣。 顯 周 三十 |有西 年 不 西 侯 東 王之世 依, 韓 ·智 情之至矣。 遷 周 烈 八 間 |周君、 周 顯王二年 三年 秦 故 蓋諸 龃 趙 晉 年分 Ŧ 令雖 獻 亦 得 桓 西 元 已失其國 乃 是 賀 分之。 公,二十六 判 侯 周 東 公於 年 欲 以 晉、鄭 周 秦 不 然 惟 争 周 韓 於 以 也 東東 戰 . 行 惠 爲 秦史尚 君 屯 滅 (史記 此 爲 自晉亡至 \pm 或 兩 既 於天下 留留 鄭 時 周 而 無 蓋 兩 策 或 年 責 六 如 與 無 周 復 存 語 小 致 唐 天 中 尺 周 年 之 西 以 mi IH. 本

易 戰。 之所 國。 秋 以 不 諸侯 F 以 楚 七百 會 故 三十,卜年七百。」孟 禹、稷、顔 代,諸 之世 伐諸 地 车 當當 也 孟 徐 司 子欲 ·之數 爲 故《傳 則皆然。」其於曾子、子思之去 , 敵 彼 有 但,但 馬 州 亦 一, 亦 侯者 善 責 餘 氏 類 以 |其名 或 侯 得 之内,周 孟 得以 於 歲矣。」 是。 相 П 不 必 伐 Ĕ 也 子 王 此 百 相 尊 \pm 差 而 者以 也。孟 據 然 道 周 征 異耳 則 成成 不 由 則 然則自 而 則 也。 禮 室 討 有之矣。 安天下,不 并 斯 記 又曰 \pm 唐 無 亦 子 以 子 一定鼎 之, 其 又曰 於 至三十 Ē 疑 無 觀,使 Ŧi. . 曰 : 名 此 是 其 矣。 復 霸 一曲 於 亦 時 以 於 禹 有 者 征 「天子 郟 無 春 得 後已不 古 孟 Ŧi 存 稷、 孟子 者, 周 鄏 摟 異 秋 晉 子 以 者 年 己 , |-偂 與 顔 諸 上 生 討 無 孔 於 諸 降 Ы 春 伐 在 侯 義 子 世 侯 mi 列 디

論之。 議 同 尊 亦 聖人,余甚 周 云。 與 其 是故孔子之德非孟子之所及,若 不 道之異 尊 周 不取,故今考其前後 也。 則 聖 學者考古不 人 所 處 之 時 詳 勢 而 而 不 備 妄

弟 何 必 播 下非 王之心, 木 自 王 恒産」、「恒心」之論 以言 者 繼 百 己 歸 皆 之以 穀,即 人 非 但養之也,亦將以教之,故舜命棄 極,孟子急欲救之,故 非 之,非齊 孟 倫 頒 有 子 惟 使勉 白者之不負 庠 何爲 事 而 心 命契敷五 序之教 曰「長 兄 於 王所及也。 爲 以 也, 王天下也,德盛 保 Ŧ. 亦 幼有序」,孔子曰「入 説 也 民之事 一教,所 將 也? 齊 戴 以 申 也 宣 顧戰 事 ? 以 以 也 聖 耳 以 老也,故 ? 孝弟之義 無 人之治 Ŧ. 古之所謂 國之時 化行, 飢之後 何 歆 古之聖 以 動 契 民 天 有 齊

「入則弟」,不當云「出則弟」矣。則孝,出則弟」。● 若惟事兄而已,當云

政耳。 者,故 足用 時生 樂 王。 其意,亦不得以 讀《孟子》者當以意逆志,不可 水 不 尤所當痛絕者。 心,不溺於私欲。 火 由 王 之中。 爲 齊 其 按: 民 古之樂,此何説乎? 不得 此孟 善, 塗炭,孟子目擊 \pm 失 人君撫 好 已而爲 齊 而 世 子 而 宣 俗 但 救世之苦衷,非 是 是輕議 乃齊 所 以 有 之樂,而 時 此言,冀 至於淫聲蕩 好 爲 大國 或 Ŧ. 又 與 孟 ·其艱急,欲 常先自 好貨好色,孟 非 之君 民 子 孟 無 日 可 其 也。 子以 他 夕 之 或 惟 執 ĪĒ. 人心志, 能 即 所 齊 戰 Œ 故今皆 詞 爲 論 能 其身 行 官 拯 今之 以 或 미 也 害 子 於 改 猶 以

●「弟」,原作「孝」,今據《畿輔》本改。

不載,并識其説於此。

勿聽 也; 然後去之。」 左右皆曰賢,未可也,諸大夫皆曰賢,未 矣,昔者所進,今日 有 不得已,將使卑踰尊,疏踰戚,可不慎 何以識其不才而舍之?」曰:「國 喬 國人皆曰 左右皆曰 木之謂也,有世臣 孟子見齊宣 國人皆曰不可,然後察之,見不可焉 賢,然後察之,見賢焉,然後用 不可,勿聽,諸大夫皆曰不可 $\overline{\pm}$ 不知 ,曰:「所 一之謂 其亡也。」王曰: 謂故國者, 也。 君進賢, 王 無 與? 親 非 可 如 吾 謂 臣

言特爲齊王言之耳。 篇,孔子有「人存政 實治國之要術,故今載於「保民」章之 雖善政亦不 按: 而 治國莫要於用人,不得 王道 能 行。 全矣。 舉」之對。孟子此 故周 左右之言不可信, ○雖然,孟 公有《立政》之 其 子 此 童 則

信,而 者、有就 陳 大夫之前者,亦不乏人矣。 人矣。觀於王驩至公行氏,有 臣皆足以供之,大夫之逢迎其君者 中肥甘、輕煖、采色、聲音、 必有夤緣權倖以求進身者。 肖者多而賢者少,惟諸大夫之言是 子乃爲是言者,何哉? 管仲,晉文公聽趙衰之薦 聖帝哲王然也,齊桓公聽鮑 枝、先軫、皆能 已,皆得其人、建大 然其命官也不過咨於四岳、訪於廷 主之勞,何至於是? 堯、舜大聖人也 固 . 賈,齊之大夫可知矣。 也。 必訪諸國 諸大夫多矣,何以其 其 位 而 治 人,而 與言者,庶 其 國 功於天 又以身察之? 而 蓋 觀於「牽牛」章 霸 便嬖,王之諸 而用郤縠、 僚 下。 齊 諸侯。 如 言猶 叔之薦 觀於王 是而 之廷 之 進 皆 而 亦 欲資 走於 與言 不乏 聽 臣 非 臣 而 而 不 欒 削 不 孟 相 惟 而 可

夫,而 開 後, 舉 故 無如譽之者之衆。齊之往 丁,則 至於 耳目,不足 凡人主處休明之世,俊傑盈 夫之薦 ,朝多倖 誠撥亂反治之良策也夫 不必 無如毁之者之多。 蠧 或 引, 位、 過 害民 爲 以起其衰 阿諛 安能 其 者, 煩。 成 得賢 勢 風,非大振乾 若不 也。 而革其弊。 士 雖 事 而 有 幸 雖 , 概 廷、政 用之? 呵 <u>·</u>值 有 大夫, 可見矣。 即 廢 綱、 孟 事 墨 弛 子 之 修 廣 大 其 而

得。」 可 非 濟 也? 知 愐 其 河 求 晉 不能 者 又 吾讀《 本 政 又不 曰:晉之軍 E. 乎? 也。 之衰 得 設備 春 者,是 ^ 蓋 也。 趙 傳 秋 旃 有 **>** 故 傳》,至晉楚邲 日 帥不和,既不量 邲 求 以 求 敗。 卿 人 而 之役,晉 晉 競 未 得 曰 : 於求。 得 魏 者 與。 錡 古 師 卿 求 之戰, 也 若得 何 大 公 夫 力 不 夫 以 族 然 而 者 求 岢 未 猶 輙 敗 而

者,非 邲 也。 則賢 之中 用皆 之世 之,豈復有求之者? 吾故觀 在 無 乎? 皆 逢 卿大夫, 且. 文公以趙衰 大夫,缺亦 或 迎、 由 以 之事, 不 若果 非 者 則 賢, 己 而 因於求 賄 逢 胥 趙 無 進 亦 無 所 其 臣 衰 迎 賂 耐 以 賢 得 能 不 人必不肯 薦 薦 則 未 而 戰 益信孟子之言之可 撫 雖文襄之澤 爲 得 者,顧賢者少而 者 如 嘗求 郤 則 郤 後 賄 而 其 讓 卿,而衰讓於欒枝 展 孟子之言, 缺 賂。 穀 無 得 民, 遂 其 之於人矣。 之賢 復有 爲 也。 爲 霸 用,是 在 元 卿 以 逢迎、賄 也。 軍 帥 求之者矣。 而文公以爲 亦非 報 大 未 則 以 夫, 或 衰,晉卿 見 且. 無 穀豈 事 不肖者多, 安民 但不 賢 則 於 賂 凡 無 以 權 城 然 賢 求 怪 嘗 勝 而 、
先
軫
・ 求 不一, 爲 濮 後 大夫 進 才 得 乎 文公 厥 下 求 事 也 與 世 用 敵 必 爲 所 軍 之 用

四

鑒也。

以 堯 舜 異 與 於 附 人 録 同 平 耳 ?」孟子 儲 子曰 : 曰:「何 「王使人瞰夫子,果有 以 異 於人哉 ?

事 服 無 矣。 可 考其 觀 以 《梁惠王》、《公孫丑》兩 此 時 文,則 先後,故皆 之先後 齊王於孟子可謂 次之, 因 事 其 而 附 見 録 於 篇敘 之。 他 心 悦 篇 孟 者 子 誠

來。 者 造 使 疾,今日 者 解 朝 寡 也 孟 U 人得 ,有寒疾 孟子 能 仲 明 病,今日 造 愈, 將 子 日 見 朝 乎?」對 朝 對 如 "; 不 出 之何 Ŧ. 日 一,或者不可乎?」曰: 弔 今病 一, 王 ·可以 於東郭 不弔?」王 一使人來曰 昔 小 日 風。 愈 : 者 氏。 示不 有 趨 朝 王 造 幸 將 公孫 I:「寡. 使 命 於 而 視朝,不 人人問 朝 有 Ħ. 有 人如就 疾,不 \Box 采 我 「昔者 疾, : 薪 識 不 一昔 醫 識 之 能 口 見

能

至

否乎?」使數人要於路,曰:「請必無歸,

而造於朝!

富,不 \equiv 其 似 如 將 我 而 如 何 與 也。」曰:「 君 則 禮》 協 曾 爵, 然。 足 非 王 朝 我 臣 父子,外 爵 ,輔世長民莫如德。 Ĕ 與言 言者, 豈以仁義爲不美也? 子 主 也 敬 堯 不 我 可 ·得已 日 敬。 :『父召, 言 舜 王 以 及 聞 : 之? 之道,不 仁義 齿 也。」景子曰:「否,非 惡! 吾義 則君 也。 「豈謂」 Ŧ. 丑見 而之景 命 , 德 也」云 臣,人之大 彼 而 是 無諾。 是 王 是與? 遂不 以 吾 敢 或 一之敬 何言也? 丑氏宿 其富 何 以 爾, 果,宜 慊 陳 朝 道 君 子 惡得有 T, 我以 曾子 則 廷 乎哉?」 於王 也 命召,不俟駕。」固 焉。 倫 也 不 莫 未 也 與 齊 Ė 敬 前 如 景子曰 天 夫 其 吾 見 此 莫 其 爵 ,故齊人莫 父子 下 夫 仁。 禮若 無 所 之謂 晉 心 大乎是。 以 豊 有 鄉 以 以 日 主 慢其 黨 達 不 楚之 彼 不 敬 二是 也 義 莫 尊 以 内 相 王

之時

勢可知矣。

欲有謀焉,則就之。其尊德樂道,不如是,不二哉? 故將大有爲之君,必有所不召之臣,

天子、諸侯之視朝也,皆有定期,此

足

與

有

爲

也

齊,乃客 子之將 何 以 稱 孟 朝 卿 子將朝? 丽 也 使人召之? 」, 與 居官任 又何 職者 以 蓋 齊王 孟 不 子之 不 司 知 在 戰 孟 之求

有定日,欲朝則往朝耳。故《史記》云國之世,凡客游於諸侯之國者,朝皆未

者 游事 也 齊宣王」,言游事以 是以 孟 子 將朝 而 齊 别於居官任 王 猶 不 知 而 職

使人召之也。此蓋當時風氣如是,非但

孟 而 子 赴之,惟 然 也。 孟子不欲因 但 在 他 人 聞 \pm 而 之召 往 耳。 則 疾 果 趨

後 居官任 蚔 鼃」、「 職 豈容 不受禄」 如 是 ? 兩章,孟 觀 此 子 章 在齊 之文 所 及

> 子之民,老羸 士,一日而三失伍 三。」「然則子之失 孟子之平陸,謂其大夫曰:「子之持戟之 轉 於 溝壑, 壯 ,則去之否乎?」曰:「不待 伍 也 亦多矣。 者散 而 之四 凶 年 饑 方 者,

幾千人矣。」曰:「 曰:「今有受人之牛羊而 牧與芻矣。 求 此非 牧與 芻 距 爲之牧之者,則 而 心之所 不得, 得 則 反諸 爲 必 也。」 爲 其

心之罪也。」他日見於王,曰:「王之爲都者,人乎? 抑亦立而視其死與?」曰:「此則距

臣知五人焉。知其罪者,惟孔距心。」爲王誦

之。王曰:「此則寡人之罪也。」

民,其 易得 以 引咎,人莫不謂 失政矣,然吾讀之而 自 也。 奉,盗君之倉庫 此章孟 言 猶 距 知 1 子責 引咎,初 誠 齊大夫之曠 爲 孔距心之罪,宣 曠 猶 以 職 未 覺 自 嘗 然 齊 肥 剥 其 君 職 亦 民 心 臣 而 未 之 之殊 猶 齊 王 嘗 膏 亦 知 Ŧ. 自 之 脂 恤 不 自

讀 敵 猶 爲 唐宋之季,世遠 建之世、秦滅三晉、燕、楚之後,力不 地 其 矜 知 燕 引、朝 國 猶 平 而 其 一發憤 後國亡。 所 事 自 能 -陸 | 秦 尚 滅 知 而 楚, 未 距 其 歸 ,止守莒、即 章, 大壞,是以 咎 敵,卒盡復其舊土。 過 而 於歲 孔子言「觀過知仁」, 未嘗怙 猶 書缺, 而 能 知齊之猶 也。 保 墨二邑, 吾不 其 宣王 終而 齊 或 王 雖 拂 知 能 誠 而 至 不 諫 其 自 爲 直 於 能 其 也 詳 . 固 失 吾故 至 臣 関 辟 矣。 也 政 能 Ŧ 民 + 是 Ŧ

所免 考而 死 催 不惟 若明季之事,則吾鄉前輩之所記載尚 微 1累累。 賦 轉 知 而 之。 且 税 與 散 道府 之均分之,民之飢 此其 也,甚至於人相食。 崇禎十二三年,大名大 皆匿 視孔 不 距 下行,仍 心 何 如 寒 也 朴 使 然 ? 上之 青 州 荒 縣 可 民 而

之困

至是極矣。

然莊

烈帝皆不之知,

臣 人心風俗已壞故 縣歸之,求 滅 所 謂 時 惟 而 一,尚 乃 以 不 非 事 知 一忍去 Ë 者,必 自 任 至 有可 國之君。 成、 用 齊 奸邪, 其 府 致之罪,直 取,是以 獻 也 如 則 忠 俾 齊 烏 一府 其視 也。 合之衆,本 得 而 孟 歸之,至 不 互 子謂 由是言之,齊之君 至城 齊宣 可得。 相 朦 王猶 破之時 又 蔽, 何 不 足爲 無 縣 難 如 有 他 則 於 也 猶 直 其 勦

豈不 言 言 有官守者,不得其職 齊人曰 似 吾不知 則 與 也 /?」 蚳 去。 綽綽然有餘裕哉?」 孟 爲其可以言也。 : 子 也。」公都子以告。 謂 我 「所以 鼃 蚔 無 諫 鼃 官 爲蚔 於 守 曰:「子之辭靈丘 \pm 則去; 鼃 我 而 則 無 今既 不 善 言責也,則吾進 用 有言責者,不得其 日 矣 數 一吾聞 致 月矣,未可以 所以 爲 而 臣 請 自 之也 而 爲 1: 退 師 削

所謂 矣。 職 則 孟 蓋 魏王使客將軍 子 觀 戰 在 此 時 或 齊 章 君所禮 之士 孟 乃 客 子自 游 卿 , 亦 畀 以 於 辛 言無官守、 非 鄰 垣 居 或 衍間 官 者 爵、戦國 受 多 行), 雖 職 無 入邯 言 不 責 策 鄲 受 明

使蓋大夫王驩爲輔行。王驩朝暮見,反齊附録○孟子爲卿於齊,出弔於滕,王

受禄

者是

也。

説

並

詳

前

將

朝

E

章及後「不

滕

之路

,未嘗與之言行

事

也

而與右師言者。孟子不與右師言。 人門,有進而與右師言者,有就右師之位 附録〇公行子有子之喪,右師往弔。

敬 常 不 孟子故 改,是何其 也 按: 然乃 王驩 也。 朝 敬 然 暮 齊王之寵 孟子乃 則宣 見焉,雖不 王亦戰國之英主 爾? 臣 ·與言 一, 恃 以宣王 寵 行 而 事 驕 之 而

> 耳,故 同,故因 行氏之事不 未嘗不知孟子之賢 孟 子曰「 類 而次之。 知 在 Ŧ 何 猶 行,但 時 足 用 因 不 爲 能用孟子之言 與弔滕之事 也

之。 虞請 無 獨 爲 然。」曰:「古者棺槨無 親。」以上并 盡 嚴,虞不 不 悦。 於 恔 义乎? 自天子達於庶人,非直爲 入心。 然? 日 孟 得之爲 : 子自齊葬於魯,反於齊,止 敢請。 「前日 Н. 孟 吾聞之也: 不得,不 子》。 比化者無 有財,古之人皆 不知虞之不肖,使 今願 可以 竊 度,中古棺 君 使土親 有 爲悦; 子不 請 也 用之, 觀美 膚,於 無 以天下儉 虞敦 七寸, 財 木 於 也, 不 若 人 吾 嬴 斤 心 何 然 以 口 槨 其 獨 爲 以 後 稱 美 事 充

題詞 孟子仕於齊 存參〇 喪 或 日 母 孟 而 子魯公族 歸 葬於魯 孟 也 孫 之後,故 趙 孟

七

游齊下

爲 \Box 之曰『可』, 今有殺人者 伐之」,則將應之曰 之曰『可』,彼然而 諸?」曰 勸之哉?」 『爲士師 齊 人 : 伐 未 彼 1,或問 則 燕。 如 忧 可 \exists 以 或 『孰 之曰『人可 伐之也。 沈 『爲天吏, 殺之」。 問 同 可 問 \Box 以 : 殺之」,則 今以 燕 彼 殺 則 口 勸 如 與」,則 可 伐 齊 燕伐燕, Ы 以 與一, 伐 『孰 將 伐之」。 燕 應 將 口 吾 何 之 以 雁 有 應

取 悦 殃。 或 勿 元 五 之而 則 取 取 或 取 旬而舉之,人力不至於此,不 之, 人人伐 燕民 謂 之。 何 寡 燕, 不 人取 古之人有 如?」孟 悦, 勝之。 之。 則 子 勿取。 宣王 以 行之者,●武 對 萬 日 問 乘之國 :「取之而 古之人有行之 日 : 取 伐 或 \pm 心 萬 謂 是 燕 有 乘 寡 也 民 天 之 X

> 1,文王 水益 壺 漿 深,如 以 是 迎 也 \pm 火益熱,亦運 師 以 一, 豈 萬 乘 有 之國 他 而已矣。」 哉? 伐 萬 避 乘 水 之 火 或 簞

食

如

者

之悦 者,即 兵,以 時,不 以 嗟 宣 孟 載 世家》采之。 孟 乎 考 王之語 子 沈 某謂 ! 而 不 古 同之問, 大 戰 可 悦 知 勝 齊 \Box ^ 國 北 失 之。 孟 一; 而 燕」章 決之,何嘗 宣 辨 策 | 云: 地之衆以 也。」王 子 余 按: 王 其 失 而 外 ***** 曰 : 非 其 孟 或 此 書 意 矣。 子 以 燕人恫怨,百 「今伐燕, 若 因 此即《 以 伐燕。 幸 者,孟子方 引文王、 爲 信 令章子 爲 至 而 勸 陵、平原、廉 時 所 猶 齊 孟子》書 不 《史記 稱 存 伐 此 將 武 口 文、 燕 文、 姓 王 故 以 Ŧi. 失 之事 離 武 今得 都 武 燕 以 中 平. 意 ? 民 告 云 之 之 所 燕

● 上「之」字,原無,今據《畿輔》本補。

之詞 吾願 是 則古人之受誣 毅、 非者,學者必 世之文人學 而 其書已亡, 虞 輕責古人也 卿、 魯 於 謂 仲 士 後 製 史記 無 連 毋 世 可 之 據 者 據 屬 》之得 斷 贵 以 簡 証《 其 可 残 人 其實。 勝 史記》之 編 未 道 嘗 哉 傳 聞 然 著

弟,毁 其 是 天 往 對 止 食 未 \exists 動 下 聞 重 壺 也 而 日 -固 畏 器 天下之兵 漿 征 以 齊人伐 諸侯 其 謀 燕 Ŧ 以 之,民以爲將拯己於水火之中 臣 宗 人畔 齊之 里畏 迎 於燕 聞 多謀 廟, 燕,取之。諸侯將謀 Ŧ 七 也 强也,今又倍 遷 人者也。」〇「今燕虐 + 師 衆 伐 王 其 里 寡 日 置 王 若 爲 重 人 : 君 速出令,反其旄 殺 政 者,何以待之?」 器 而 吾 其父兄,係累 於天下者,湯 後 甚 如之何 地 去 慙於孟子。」以 之, 而 救燕。 不行 其 則 其 猶 可 也,簞 (民,王 倪,止 仁 是 孟 其 可 也 宣 政, 也 及 子 Ŧ

者 公孫 與 吾猶 矣」, 蘇 家》亦 宣 惧 之 猶 齊湣 大亂,儲子謂 赧 書爲其徒 子由《古史》據《 考古質疑 「, 必 湣 \pm 代 王 問 皆稱 王。 丑. \pm 惜 元 使於燕,代 齊之取燕、《 無 以 答有 之 問答之事。 未 其 年, 以 爲 屬 免 論 所 陳 宣 》據 湣王 於齊 湣 明文者凡 於 氏《 ,皆當從 未 記 Ŧ. 齊宣 過 王 盡 《 戦 ,與《孟 史記 新 以 激 一之事 《史記 爲 也 · 而 而 或 王 故 話》從之,而 燕 湣 記 疑《 因 孟 致悮。 按:《 策》之文,謂 王 齊 此 一 王 · 六 國 無 子》合,是矣。 子 年 之十 厚任子之, 書者不 史記》之不 而 世 故 在 表》文,斷以 · 四 章 孟 赴之,破燕 家 移之宣 齊 惟 子》書 **>** 年。 年 部門《孟 目 葉 無 ·, 而 過 表 覩 齊 之。 氏 萬 王 應 燕 此 絶 中 官 大 燕 在 子 事 無 與 然 慶 爲 有 心 或 蘇 用 周 卌

威 耳。 H 及王 齊取 之,又悮以桓公爲在位六年,是以威、宣 子恒、襄子盤、莊子白、大公和、桓公午、 國、《鬼谷子》亦云然。 蓋 兩代移前二十二年,而 由 子去齊已久矣,何由得見取 齊 理。 而 へ 莊 Ŧ 侯剡立,又云《紀年》梁惠王十三年當 自 臣言之、《史記》之有悮,亦無可 孟 而 子》云田 《索隱》云《紀年 建十代,其 《史記 嬰、齊宣 燕之歲,凡二十有三年。 一子至梁、《孟子列傳》又謂 後 陳 由是言之、《孟子》之不悮, 恒 適 梁。 得 成子 政 Ŧ 魏世家》稱惠王三十 自梁 以 一辟疆、湣王地、襄王法章 悼子、田 殺齊君,十二代 來,凡十二代而 惠王三十 ->| 齊 取 而《史記》止 康 侯剡二代皆遺 燕遂當潛 公二十二 燕之 <u>.</u> 如 孟 年 而 是 子 無 疑者 滅 王世 事 有 有 則 下 先 Ŧi. 口 故 年 成 齊 ? 孟 至 至 年 疑

者 也。 爲宣 矣。 孟 取 於 年 矣。 取燕 以《史記》爲據,則此四書無一合者。 子》、《戰國策》、《鬼谷子》之言皆合。 九 宋人乃欲據《史記》以 十二三年,以《史記》之年 齊 子 既 畔 事 燕 事,在宣王十九年,數月而湣王立,亦 年而卒。 桓 乎? 章但 其説 司馬 $\overline{\pm}$ 故以《紀年》爲 爲 爲宣 理未合。 Œ 公十八年,後威 官 時,是矣。 在 稱「王曰」者,湣王 尤 温公《通 王矣, Ŧ 齊宣之六七年,非 此 謬。 據此,則 事 無 講 燕 燕 他,皆由 夫不 章家 然以 鑑》從《孟子》,以 畔 人之畔 據,則《孟 齊威立於周 爲湣 王 聽孟 解《孟子》者,又 駁《孟子》,其 取 始 未 ",湣 -遞推 燕、燕畔 \pm 見 子言 嘗 一生而 事 湣 深考戰 \pm 則 , 而 子》、《莊 而 何 而 王 未 顯 桓 下之, 爲 慙 取 有 伐 時 云 亦 王之 公十 以 而 或 於 燕 謚 燕 燕 里 事

《孟子》、《國策》、《紀年》之文,載之宣 一十 時 能 合也。 事 餘 年,是以 知 故今「取 《史記 委 心之移 燕」、「燕畔」數章 曲 求 威、宣 全其 説, 兩 代 而 並 卒 於 前 \pm 依 不

之世

攖。 馮 子 , 衆皆悦之, 其爲士者笑之。」 婦 將 復爲發棠,始不可復。」孟子曰:「是 附録 則之野,有 也 馮 晉 人有 齊饑。 婦 趨 衆 馮 逐 而 陳臻曰:「國人皆以 婦 虎。 迎之。 者,善搏 虎 負 馮 嵎, 虎,卒 婦 攘 莫 之 爲 臂 下 敢 爲 夫 善

將去齊之前,故附録於此。 此事未知何時,然揆其理勢,當在

日 不 願 而 敢 見 孟 請 而 子 耳 不 致 不 識 可 爲 古 可 得 臣 所 以 而歸。 願 得侍同朝甚喜。 繼 也。」他 此 王 而 一就見 得 日 見乎 ·, 王 孟 謂 ? 子,曰:「前 今又 時 對 子 棄 日 \Box 寡 :

> 子。 大夫國 子因 如 我欲中 使予欲 陳 孟 子 子 人皆 ·國 富 而 日 而 解 以 有 :「然,夫時子惡 授 告孟子,陳子以時子之言告孟 所矜式,子盍 十萬 孟 子室,養弟 而受萬,是 爲 子以 知 爲 我言之! 其 欲 萬 不可 富 鍾 乎? 使 也 ? 時

坐而言。不應,隱几而卧。 孟子去齊,宿於畫。有欲爲王留行者

歸 子。 哉 ? 猶以 見 王 高子 宿 可 至,則是干澤 志 以 而 一,是予 以告。 夫出 後出 爲速,王 孟子去 予不 爲湯武 子 雖然, 畫 畫,是何濡 得已也。 所欲 齊。 曰:「夫尹士惡知 , 則 也。 而 庶幾改之! **豊舍王** 王 是不 尹 士 也。 千 不 里 子 予三宿 明 滯也? 語 不 哉 ? 而見王,不遇故 追 也 遇 也,予 王 曰 故 而 --------如 士則 識 予哉 \pm 去, 改諸, 出 由 其 然後 畫,於 足用爲善。 岢. 不 兹 識王之不 可,然 則 子 Ŧ 浩 不悦。」 子 所 然 必 里 欲 反 Ħ 而

王庶幾改之! 予日望之!」王如用予,則豈徒齊民安,天下之民舉安。

益乎? 養以 則不 與有 其故 語,而 加 之去齊,齊王 有 子 之所望 水火之中,孟子 民於水火之中 言所以,「宿畫」章雖有「不及子思」 一 焉 戀 能 ? 萬 事 戀 爲,幸而齊宣猶足 亦 蓋 於王者也。 鍾? 行仁政,不行仁政 孟 而 王自 欲及子思,惟有勸 未明 孟子去齊之故,「致爲臣」章不 不忍遽去 子 孟 子 言之而 齊 何 留之不可,代 其所 耳。 之至 '嘗 雖 Ŧ 一之意 在 不 以然,至此章 王不能改,雖 也。 一齊,無 而戦 宣 · 留 齊,何益? 王 孟子,授室 渥 「庶 用爲善,是以 示 國之君 則 矣,然 然他,不 王改過 Ŧ 不 從 幾 一留 者。 能 改之」,必 -始詳 且 行 萬 非 救 多 過 而 中 岢 民 不從 不 孟子 欲 孟 鍾 른 或 有 · 足 子 於 孟 何 救

> 不 易及者矣。 者,但未識 所 觀 孟子之言而 刺皆近於理,非若淳于髠輩漫然 察也。 以 此 不 章 遽 然 然尹 去 孟子 後 即 齊 知 士亦 自 皆 救世之苦心 孟 謂 非 子之所 爲小人,則其人 當時之賢人,其 苟 、然者,學者 以 耳。 去 齊、 不 觀 而 亦 妄 所 其 可 與 非 議 其 譏 聞

平治 我 則 者。 也。 若 子不怨天,不尤人。』曰: 其 调 有 由周 誰 矣。 五百 不豫 天下也,如欲平治 附論○孟子去齊,充虞路問曰:「夫子 也? 色然。 年必 以 而 其 來,七百有 吾何爲不豫哉?」 時考之,則 有王者興,其 前日 虞聞諸夫子,曰:『君 天下,當今之世, 餘歲矣。 可 彼 矣。 閒 一時,此 必 夫天未欲 以其數 有 名世 時

去齊之故,然特爲齊王言之,此乃聖賢此章乃孟子自明其心事,前章雖言

塵 譏。 塗炭 衽席 平治 政,終老於 後 遇 善 君 非 加 馬 世 未有 而 後足遂聖賢之心。 徒 加 嗟 説 足之間 卒去之。 (極矣,必使唐、虞、三代復見於今日 也。 天下之素志 自 或 夫! 者猶 可 淑 |勢亦| 以 自 其 鄒 ,而不憚其 以 行 身 周 使孟 可 足以有爲,然 此孟子之所以不樂也,乃 孟子之勸齊、梁行 王 ൬ 之衰,王者不作,百 矣, 政者,惟齊 也。 已,必將使 子不 胡 然秦、楚、韓、 蓋聖賢之生於世 煩 爲 . 勸 乎 也 齊、 ? 竟不 日 天下 宣 梁 出 猶 能 以 人 Ŧ. 足 皆登於 於 趙之 姓之 行 政 有 用 風 爲 王 所 爲

謂

久於齊,非我志也。」 變,故不受也 也。 曰 : 一仕 於崇, 附 論 而 〇 孟 吾得 不 受禄,古之道 子 見 繼 去齊 王,退 而 有 師 居 而 命,不 休。 乎? 有 去 公孫 志,不 可以請 日 : **H**. 欲 非 問

相

見。 此三章觀之,則孟 期,而孟子亦自 故不受其采邑以爲久居之計。 者是也。 者,則饋 夫居是邦者,則致饋遺餼牽,《春秋傳》所 蓋古者卿大夫之禄皆以邑,若他國之大 不受禄? 丑云「仕 類 秦 卿之位 故 然則孟子在 鍼 按: 與 以粟 É 而 而 孟子既見齊王,知其不能行道, 前章云孟子 楚 所 既 不受禄 比 初 帛,孟子所謂 不受禄,又 就三、所去三 謂 無 娲 一齊,正 者 卿 子所 無官守、無言 __ 之職,是 是 爲 孟 也。 與孔子際可 處之時 卿於齊,而 子 何 君饋之則受之 既 也 以 士之遊 以 爲 勢了 齊王 自 責 朝 卿 也 贍 王 雖授 公孫 然 是 無 乎 何 口 定 邦

之,未有能生者也。 雖 有天下易生之物 附 論 孟 子 曰:「無惑乎王之不智也。 也,一日暴之,十日 吾見亦罕矣,吾退 寒

以

寒之者至矣,吾如有萌焉何哉?」

子,且 其 之役,朝暮 爲伊、吕之儔; 王 異於人乎」,是其心中 子,告以孔距心之事則王以爲己罪 好貨,寡 於世俗之説,勝於人者一 孟子論「行王政」,王曰「寡 人可以保民乎哉」,是其有志向 王」,孟子言「保民 之勝人者何在乎? 交鄰國」,王曰「寡人有疾,寡人好勇」; 無已則王」,宣王 也。 有 過 按: 一欲承 儲子曰 而 人好色」; 孟 能 奉孟子以冀 見 子 白 焉 三王 稱 知, · 非 齊王 **驩**,王之寵臣 使 又 即 而 燕人畔 惟 蓋有三焉。孟 不 Ξ, 深 人 問 一 猶足用爲善, 不 得 服 瞰夫子,果有 自 其歡 敢 德 宣 孟子之賢, 諱 也。 人有疾,寡人 何如 則 恃 勝 Ŧ Ξ 寵 心, 也,弔 善,不 即 一慙於 於人 孟子論 而 則 無 問 子言 可 宣 他 者 是 滕 U 孟 孟 有 寡 以 Ŧ

> 也? 三也。 者,驩 故 至矣」,孟子蓋深惜之也。 之,而不復有遠 言則好之,與他 畫,而猶 矣,是以孟子以爲「足用 知王之敬孟 孟 子曰 在廷之臣罕有賢者,故 何 戰國之君如宣王者蓋 不 難 吾 忍 爲 子故 見 臧 去 志, 人燕處而不見孟 亦 倉之所爲? 也。 也,使 罕矣,吾退而 惟 然 狗己之嗜欲 宣 而 爲 卒 王 善」,已 無 聞 如 不 勝 可 寒之者 成 子 孟 於 魯 侕]則忘 多 子 者 宿 人 平 之 者 公 何 得 於

卷上終

孟子事實録卷下

大名崔述東壁謹考 石屏門人陳履和校刊

由宋歸鄒之滕至魯

瘳。』」《孟子》。 可 而 見 孟子 以 孟 已矣。」「今滕,絶 子。 道 爲善國。 滕 性 文公爲世子,將之楚,過 孟子曰:「世子疑吾言乎 善言必 《書》曰:『若藥不 稱堯舜。 長補 短,將五 世子 ·瞑 宋 自楚 + ? 前 眩,厥疾不 里也, 見 夫道 反,復 孟 子。 猶

此孟子去齊以後居宋時事,故次之

於此。

附録○孟子謂戴不勝曰:「子欲子之

卑尊: 善 所者,長幼卑尊皆 士 王之善與? ? 也,使之居 皆薛居州 孟子在宋,不 薛居 1州,獨 於 我 也,王 王 明 非 所。 告子。」「子謂 如 載 薛 誰 宋 有 居 在 \mp 與 他 何 州 爲 於 ? 也, 事 王 不 0 · 善 ? 所者 王誰 薛 不勝, 居 與 在 長 州 宋 Ŧ. 幼

之問,亦當在此時,可類推也。大夫也,故附録此章於此。萬章、盈之

君無 慢而 不誅則 十三人,而民莫之死也。 爾 而 轉 可 者 乎 君 也?」孟子對曰:「凶 殘下也。 尤焉。 , 反乎 之倉廩實,府庫充。 溝 鄒與魯鬨。 疾視其長上之死而不救。如之何 壑, 壯者散 爾 君行仁政,斯 者 曾子曰:『戒之,戒之! 也。』夫民今而後 穆公問 而 之 年饑歲,君之民老弱 四 日 誅之則不可勝 有司莫以告,是上 : 方者,幾千人矣。 民 「吾有司 親 其 得 上、死 反 死者三 之也。 出乎 誅, 其 則

長矣。」

姑次之於此。 滕之前,但未知與然友之問孰爲先後, 此孟子居鄒事,當在去宋之後、至

此章 也。 之恤 \Box 以 告於君、請 於魯 義, 之過,惟 充,有司不之竊 君之倉廩實,有司不之盜 飽 鄒 最爲深切。 己之貪槖者,其 前 也,民亦不之恤 也,曰「非 此章發明 有司之猶爲賢 仁政之不可不行 曾子之言, 嘆鄒 不告民隱耳。然較 君 有司之猶爲賢 賑 我也,歲也」。 上下之間 民之死 以 也。 真 錢 賢何 也。 賢 粟,不以 Ŧ 也 與散 也。 -, 曰 奚 古之炯 出出 也; 如如 啻數倍 二非 是以孟子但 也。 世之以 雖然, 也,有 之? 爾反 有司之死 君之 與 我 何者 民 鑑 爾 也 民 府 吾 司 而 有 讀 之 隱 ? 其 不 故 旧 可 庫 魯

> 之美。 者。 不危。及齊失國,而 之猶爲賢也。 政,惠斷不能及民,甚至仁政反 人,然後能施 勸穆公以行仁 有之, 若有司 勢 仁政 必 |政,即 是以有司 如後世之貪吏,君 盡 於民。 罷 鄒猶能 可 諸 以 有司, 雖死於戰, 以 致 自保 是知 ′′親 别 F. 也 易 爲 雖 鄒 死 弊政 以 而 有 或 긁

生 然,吾嘗聞之矣。三年之喪,齊疏之服,飦 可謂 粥之食,自天子達 亦善 行事。」然友之鄒,問於孟子。 者孟子嘗與我言於宋,於心終不忘。 友反命,定爲三年之喪。 不幸至於大故,吾欲使子問 附録 事之以禮,死,葬之以禮,祭之以 乎 孝矣。』諸侯之禮,吾未之學 1 Ó 親喪, 滕定公薨,世子謂 古 於庶人,三代共之。」然 所 自 盡 父兄百官皆不 也。 於孟子,然後 孟子曰:「不 然 友曰:「昔 曾子曰: 也。 今也 雖

也。」 欲,曰 莫之行 志》曰:『喪祭從先祖。』曰:『吾有所受之 謂 也,至於子之身而 然友曰:「 吾宗國 魯先 吾 他 君莫之行,吾先 日 未 反之,不 嘗學問 可 好 君 馳 且. 亦

鄒 能 馬 試 盡 問 劒。 於大事,子爲 孟子。 今也父兄百 孟子曰:「然,不可以 我 官 問 不 孟 我足 子。 也、恐 然 他 友 水者 復 其 之 不

墨 也。 即 孔子曰 位而 哭, : 『君薨、聽於冢宰、歠 百 官 有 司 莫 敢 不 哀, 粥 先之 面 深

也

。』上有好者,下必

有

甚

焉者矣。

君子之

陷乎

恒

民

爾

德風 是 在 也,小人之德草也。 世子。」然友反 命 世子曰 草尚之風,必偃。 : 「然,是誠

可,謂 在 我。」 曰「知」。 Ŧī. 月 居 廬,未 及 至葬,四方 有 命 戒。 來 百 觀 官族 之。 人 顔

此 與鄒 魯之鬨,未知 孰 爲先後, 姑

附

録

於

此

色之戚

, 哭泣之哀, 弔者大悦

滕 文公問 爲 或

人在位 之爲 心。 于茅,宵爾索綯,亟 罪,然後從 篇文公三問皆 滕 位 孟子曰:「民事 道也: ,罔民而 苟 以 而 後, 無 文公問之。 朱子謂文公以禮聘孟子,故孟 恒 孟子 有 心, 可爲也?」 而 恒 由 刑之,是罔 放 産 在 不 僻 鄒 者 然 其 可 鄒 至 邪 有 乘屋,其 則 緩 與 滕, 侈 恒 此 也。 魯 心, 鬨 故 事 民 無 《詩》曰 當在 《梁 始播 也 不 無 一章之後 爲 恒 惠 文公即 焉 己 産 百穀。」 Ŧ. 有 者 子 也 崇下 書 及 至 無

即 必先 事 文先於命契,故以農 無 農 恒 養,然後能教。 引 事 治 産」云云者,所 ^ 也 國之事多端,要莫 七 月》詩 民莫衆於農,故 者所 事爲 是以《虞書》 以 以 明 最 重 證 其 以農 急 於 其 不可 也 教 不 事 命 養 可 緩之 稷 爲 民 事 然

子 故。 養之即 句,神氣 繼之庠序之教 事 也。 之告 況望其 衣食 所 齊、梁, 已直注於「人倫明 不足, 以爲教之地,非 人倫 也 亦 且. 明 於 將 而 故 樹 肆 小 「民 桑、 民 意妄行, 分教、養爲一 事 授 親 於上」二句。 不 \mathbb{H} 乎 ? 可 之 蹈 緩 後 故 於 始 孟 刑

陽 虎 曰:『爲富不仁矣,爲仁不富矣。』」 是故賢君 必恭 徐儉禮 下, 取 於民 有 制。

者

百

於用 制二 者 所 可 不必更告之也。「 禮 偏 以 取 一下」者、「恭」者文公已能之故、孟子 恤 廢 句 雖 禮下」者所 民 民。 者 之多 乃一章之綱領。 欲 也 寡 兼言之者 取 由 下 之 於 以 文但言「有 गां 用 有 待臣,「取民有 不 度 制」必先之以 1, 賢 之奢 能 自「夏后氏」以 君 也。 於此二 制不 奢 取 則 制 一端 ·復言 民 不 「儉 足 有 不 者

> 有制 不可 富 且 有 下 親 而 制,然後 至 過 也。 不 則 雖 可 仁. 也 周 失仁也。 而 引 能 亦 取 陽 不 助」,詳 以 富 民 虎 庠 無 之言 ,二者不 序學 制 言取 則 者 校 富 所 教 民之 可兼,故 而 以 民 不 明 制 而 亡, 取 取 使 寧 之 民 取 舍 民 之 明 民

畝 藉也 而 夏 徹,其實皆 后 氏 Ŧī. + 而貢 什 分殷 也。 人 徹 七 者 + 「**,** 徹 而 助 也 周 助

X

矣。 也。 也。 民之制 惟 無 上 此 患 論 下 承 也 Ė 其取之多,什一 貢、助、徹,皆可 之 情 鄉 取 易 遂 民 通 者 有 制 故 君 句,遂 不 所 行 則 患 自 也 取 其 取 之得 法 於 鄉 之 其 民 遂 者 īE. 取

狼戾,多取之而 貢。』貢者,校數 龍 子 日 不爲虐,則寡取之。 歲之中 治 地 莫善 以 爲 於 常 助 莫 凶 成,粒 不 善 糞 於 米

我 母: 貸 盻 其. 公 也 盻 而 田 雖 田 ? 益 然 而 周 之, 不 將 夫 亦 遂 足, 及 世 助 終 使 我 也 歲 禄 老 則 私 勤 稚 必 滕 _ 動 轉 取 固 惟 乎 盈 不 行之矣。《 助 溝 焉 得 爲有 壑, 以 爲 養 惡 公田 其 民 詩 在 父 父 其 \ll 母 母 爲 由 此 民 又 使 _ 觀 雨 父 稱 民

作、計 助 試 助 損 其 多 采 取 雨 平. 觀《 ? 益 也 邑 民 我 有 之制 也。 , 尤 也 者 此 大 贵 畝 公 公田 所 大 均 謂 患 田 田》之詩, 使滕 世禄 也。 上 取 分,安得 其 遂及 周 言 耳 於 法之弊,故 人 都鄙 不 鄉 民 白 滕 行 然則雖 遂 者 我 古 周 畝 # 有 者,卿大夫 取 也 私 人 行 而 禄 所 民之制 之, 世 徹 周 謂 必 非 則 之 禄 公 用 徹 不 安 惟 助 詩 世 田 助 則 口 之有 用 患 遂言 不 禄, 者 也 通 以 所 助 助 然 力 亦 不 乎 無 後 而 取 世 都 未 惟 ? 合 用 得 之 大 禄 鄙 云

田

設

爲

庠

序

學

校

以

教

之。

庠

者,

養

也

作、計 朱子《 已詳見《經界通考》中,兹不悉贅 計 則 嘗 云 余 同 遂 而 外 不合。 按 井 用 畝 發 不 貢法,十夫有 而 用 鄉 畝 八 耕 集註》云: 故 謂 助 分。 遂 品 而 引 則 謂 鄉 也 用 爲 分 之 通 都 遂 都 徹 則 以 私 力 鄙 + 大 鄙 法 混 見 H 而 夫 用 周 抵 溝 用 _ 0 都 助 作 耕 有 助 時 ; 龍 助 鄙 於 庶 텕 溝 法 都 收 子之言 徹。 之當 法 爲 通 是 是 夫 鄙 則 分 力 也 也 中 授 余欲 用 計 用 明 而 百 助 田 謂 謂 畝 即 助 易曉 作 法, 巾 百 畝 易 用 而 爲 誦 也 畝 爲 其 收 力 貢 世 分 家 説 公 文 則 而 法 鄉 禄

人 周 校 倫 者 \Box 明 庠 教 於上,小民親 學 也。 則 序 三代 者 共之,皆 射 於下 也 夏 所 日 以 校 明 人 殷 倫 日 序, 也。

取 民 有 制 則 民 有 恒 心 矣, 夫 然 後 口

以

兄、弟弟、夫夫、婦 何 以教之? 人倫 而 婦,而家道正,豈惟 已。父父、子子、兄 不

至放 深辟邪 侈 以 陷 於罪? 將見 孝、友、

之教,亦如 睦、婣、任、恤 是而已矣。此 ,皆相習 一而成 與上「恒産、恒 俗。 雖 唐 虞

章,雖立學舍,不以人倫教之,故小民不 果不可以 心」之文正 緩也 相 呼 應,至於此 唐宋以 後,世 然 後 俗 知 惟 尚 民 詞 事

相 以下數十言,以「取 ·親。三代以上,不如是也。 民有 制 句 〇「民事 爲 要領

爲

要領。 助」句爲要領。 言,以「人倫」二句 夏后」以下數言,以「其實皆 「龍子」以下數十言,以「雖 「設爲 爲 要領。 庠序」以 學者 什 下十 | 不可 句 周 以 餘 亦

有 王者起,必來取法,是爲王者師也。

不

細

玩

其

文義

也

《詩》云:『周 也。 子力行之,亦以新子之國。」 雖舊邦,其命維 新。』文王之謂

此 勉滕文公語,通結 上文數 段

之意。

是故 制 仁政,選擇而使子,子必勉之! 夫仁政,必 自 禄 經界始。 暴君汙 使畢戰問 可 坐而 吏必慢其經界。 經界不 定也。」 井地。 正,井地 孟子曰:「子之君將 不均,穀禄 經界既 正,分田 不平, 行

穀禄。 法,所 其事, 耳。 三事: 也。 井地 二事 者 惟 井 以 而問其詳 分田 日 助法 什 地即 養 什 相 卿 一、教民皆易行者,舉 須經經 一, 曰 即 爲 助法也。孟子之告文公,凡 大夫 井 表裏,井 於孟子也 地 畫得宜 助 土 事 法 者 也 日教民。 地 故故 制制 故 均 言 井 使 禄 即 井 地 畢 即 穀 采 此 穀 地 戰 而 禄 邑之 措 獨 禄 必 專 平. 事 及 È 之 問

矣,故合而言之。

請 有 人焉 圭田 野九 夫滕 主 無君 而 助 子 壤 五十畝,餘夫二十五 國 莫治野 地 褊 中什 小, 一使自 將 無野 爲 君 賦。 人 子 畝 焉, 莫養君子。 卿以下必 將 爲 野

即

所謂

小民親

於下

也

「方里而

井

井

九

百

i畝,其·

中爲

公

 \mathbb{H}

與野 之政 也。 故 <u>二</u> 十 及之也。 分 民民 助 田 圭田 人皆 法不 五 也 君 而言之也 即 子 畝 得其 無 Ŧi. 或 可 承 ,分田之餘 不言 **灬**憾矣。 一十畝 中 以 上制 所矣,不 什 不 行 制 行也。 君子、 禄 何 使自 而言之也 禄 法 政 拘 之餘 也。 者, 野人不 九一而助 賦,因治 拘 於貢 但 政 至 野 野 取 是而 也。 可 八、助、 之以 人承 野 偏 治 餘 君 而 廢 子 夫 徹 什 Ė. 連 野 私

相 助,疾病 死 徙 此 無 大 相扶持,則百姓親 出 上國 鄉 鄉田 [中什一]之文,遂言 同 井,出入相 睦 友, 鄉 遂 守

望

之鄉 井 之政 地 之 也 田 鄉 口 田 鄉 即《 也 百 井 齊語 相 者 友、 「, 每 所 相 夫 稱「 助、 授 相 士: 田 扶持 鄉 百 + 畝 Ŧi. 與

皆 事 ,所以 私 百畝 别野人也。」 百 養 公田 0 公事 畢 然 後 敢 治

家

者,鄉遂之制。 治 公事 之方 里。 教民之方。 知 爲 之法也。古者百 有 都 九 里 上下之分也。 畢,然後敢治 品 方里則 鄙之政。 此承上「九一而助」之文,詳言都 則 脯 井也。 每區 其 每 面 事 百 然 皆百 皆 步爲一 相 同養公田 姓 或 私 三百 〇此答 因, 親 中 事 畝 ', 所 形 什 睦、先公後 其 步,以 畝,三百步爲 理 井 以 如井字,故謂 相 所謂 地 教 鄉 開 通,故 之問 野 田 方 私者, 人,使 助 同 法 也。 其 井 分 鄙

言亦連而 及之也。

此 其大略也。若夫潤澤之,則在君與

矣。 儒 能 安民之大節,而向來説者多未分明,不 通考》之言互相 而 澤者,其細目也。 (録》中止擇 之所未及言者 盡 [變通之,三代之政無不可行於後世者 |孟子之意。故今全録其文,而於先 〇《孟子》七篇,其文多 此結上文之意。 要者載之。 發明,或 補 操其 而 略者,其大綱。 解 (大綱 獨此章乃治國 於讀《孟 之,使與《 隨 矣, 時 一子》書 經界 隨 故 今 潤 地

附 録○孟子之滕,館於上宫。 者不無小補云。

國」章言分田制禄者可比。故於此章文 凡三章,皆尋 按:《梁惠王》下篇孟 常問答之言,非若「爲 子答滕文公之

間

備載而詳釋之,而其餘皆不載

乎? 也。 予不遇哉?」並同上 「行,或 之美也。」曰:「非所謂 哉,君所謂踰者? 前以士,後以大夫。前以 子之後喪踰前喪」,是以 一何 三鼎,而 「君奚爲不見孟軻也?」曰:「或告 嬖人有臧倉者沮君,君是以不果來也。」曰 君無見焉。」公曰:「諾。」樂 未知所之,敢請。」公曰:「將見孟 正子見孟 出,則必命有 .哉,君所爲輕身以先於匹夫者? 吾之不遇魯侯,天也。 魯平公將出,嬖人臧倉者請曰:「他日君 禮義由賢者出,而 使之; 後以 一子,曰:「克告於君,君爲來 五鼎與?」曰:「否,謂 司所之。 止,或尼之。 踰 今乘輿已駕矣, 孟 不往見也。」曰:「 也,貧富 子之後喪踰 臧氏之子焉能 行 正子入 止 不同 一**,** 非 寡 棺 子。」曰 人 見 以 人 也。」樂 槨 、見也。 八日『孟 前 所能 有 衣 喪。 使 衾 何 司

雜 紀

至魯皆孟子晚年事也。「兼金」章以在 之言,皆以 按: 《梁惠王》一篇,凡 時之先後次之, 與 則 時 是至滕 君問 答

即位時事,則是孟子去齊之後先至宋, 至 齊爲 子在宋,「 薛 亦 在 鄒, 日,在宋、薛爲今日,則是至宋、 滕定」章孟子在 孟子去齊後 也。 鄒、皆滕文未 滕文」章孟

齊,不見儲子。

鄒、滕、魯爲次,而並次之於去齊之後。 孟子曰「吾之不 後 至 遇魯侯,天也」,此一 滕 也。 故今以宋、

而

後

歸

௱

正 言 語 與《公孫 歷 雖結此章之事,而實總結通篇之文, 説 時 君 丑》篇答充虞語謂 而 無 所 遇 者皆天而已矣, 「天未欲

篇也。

平治天下」之意略同。

故

以

此章殿此

而不報。 而不報。 孟子居鄒 他日,由鄒之任,見季子,由平陸之 處於平陸,儲子 季任 爲 任 爲 處 守,以 相 以 幣交,受之 幣交,受之

以貨取乎?」《孟子》。 處 將 不受。 爲兵餽之』,予何爲不受? 不受? 當在薛也,予有戒心,辭曰『聞戒,故 今日之受是,則前日之不受非也。 一於此矣。」孟子曰:「皆是也。 鎰而受。前日之不受是,則今日之受非 也 有遠行,行者必以贐,辭 陳臻問曰: 無處 於宋,餽七十鎰而受。 而 魄之,是貨之也,焉有君子而 「前日於齊,王餽兼金一 日。飽 若於齊,則未 於薛,餽 當在宋也,予 **贐」,**予何爲 夫子必居 百 Ŧi. 也。 可 而

三四

於孟 子 宋、 先 答之文, 章之後。 當 後 也。 則 附 Mi 儿後,亦 至滕 在 是 紀於後。 述之,固 也。 薛 然則 子」也。 此 按: 至 稱 時,故 矣, 任 去宋、 然即 口 今日 此二 孟子 孟 概 在 故 非 又 按 子 見矣 故 至 此 可 一章取 薛後蓋 去齊之後,先至 雖 滕 滕 今次 則 齊 二章 專 文」章 定 無 是至宋、薛 前 季任 係 兩 與 「兼金」章於「季任 章 求之,孟 也 之於 嘗 國 任、宋、薛 稱 稱 之文 歸 或 齊 然 鄒 過 稱 在 時 或 子游 在 友 宋 鄒 宋、薛,然 前 一之事 儲 也 之君 之鄒 至 魯 而), 故 子 H 歷 乏 見 齊 前 之 問 問 鬨 孟 後 并 比 而

+ 加 卿 此 相 動 附 則 得 通 心。」〇「敢 動 行 論 心 道 〇公孫丑 否 焉 平 雖 問 ? 夫子惡乎 由 問 孟 此 \exists 子 ::「夫子加 霸 Ħ 王. 長 不 否 ?! 日 異 我 齊之 矣。 JU

> 之。」「 助之長 勿忘 矣。 義』, 間。 淫 視之,苗則 其 是 不 至 謂 日『今日病 我 (苗之不長 爵辛 慊 集 大 浩 知言, 一,勿助 知 以 以 於 至 其 義 然之氣?」 何 一剛,以 其 者 其 爲 心 爲 所 謂 所 外之也。 無 生 我 矣,予 氣 槁 長 則 知 揠 陷 而 益 善 矣。 者 也 言? 也。 直 餒 苗 揠 邪 而 矣。 養 日 養 非 者 之者 西己 助 吾 無若 : 舍之者,不 辭 而 天下之不助 義 也,非 日 苗 義 必 浩然 我 知 無 難言 襲 : , 芒芒然歸, 長矣』,其 與 有 宋 害 故 其 而 道 之氣。 人然: 事 所 詖 日 徒 也 取 則 15告子 焉 離 辭 無 無 之 塞 耘 而 知 其 益 苗 遁 子 是, 宋 也 於天地之 苗 勿 其 爲 辭 而 未 敢 長 趨 謂 人 餒 者 所 Œ 氣 又 有 嘗 知 者 其 行 問 而 蔽 也 也 也 害 其 寡 往 탷 心 知 有 何

⁰ 槁」,原作「稿」,今據《畿輔》本改

害 所 於 窮 其 事 生 於 聖 其 人 心,害於 復 起,必 其 從吾言矣。」 政。 發於其 政

心,害 距楊、 恣,處 哉 ? 下 説 馬 食人,人將相 是禽獸 君 人復起,不易吾言 也。』楊、 下之言,不歸 好 民 也。 平,周公兼 誣 辩 民,充塞仁 附 墨,放 於其 士: 有 予不得已也。」〇「聖王不作,諸 敢 也。 墨氏 通 横 墨之道不息,孔子之道 饑 間 論 議 事 色, 公明儀 何 淫 兼愛,是 食。 夷狄、驅 楊則 ,楊朱、墨翟之言盈天下。 一辭,邪 公都 也?」孟 野 . 義 作 有 矣。 吾爲 於 也。 歸 日 子 餓 其 説 |:"||庖 無 墨。 猛 日 莩。 昔者 此 者 子 父也。 事 뾆 : 懼 不 義 楊氏 日 外 而 有 此 害 閑 禹 得 充塞, 白 肥 率 抑 於 人皆稱 作 子 爲 姓 先 無 不 肉 潤 洪 其 父無 我,是 聖之道 著, 寧 豈 則 水 政 作 而 廐 孔子 率 是邪 於 有 侯 好 Щ 食 夫 君 天 其 獸 X 無 天 子 肥 放 辩

> 成《春 是膺, 子 距 是 不 詖 周 得 公所 行 荆 秋 已也。 放 舒 而 膺 淫 是 亂 也 辭 懲 臣 能 則 賊 言 以 我 子懼。 承三 莫 距 亦 我 欲 楊、墨者,聖人之徒 聖者,豈好 敢 正 《詩》云 承。」 人 心, 無 息邪 父 :『戎狄 辯哉 無 説

也。」以上并《

孟

子

章耳 以 與 闢 塞路 皆 遂 氏之蔽矣,然 矣,然是泛 楊、墨 距 得 以 稱 好 此 孟 楊 夫子 孟 辨之名者果 至「逃 爲 子 墨 何 子 好辨。 好 自 論 無 在 辭 辨。 言 涉 墨 其 乎 是 而 距 ? 也。 失 宣章 開 闢 揚 即 楊、 耳。 之,廓 導 何 爲 子雲云: 以 爲 孟 在 其 墨 此 辨 子 我」章當斥楊、 乎? ,公都子 來 夷之」章嘗 爲 楊、 如 之 歸 好 也。」孟 闢 「古者楊、 墨者言, 辨,亦 者 日 楊、 耳 云 墨, 知 子 僅 不 抉 外 因 尤 之 得 兩 墨 墨 墨 人

三六

主之; 所 爲 盱 楊 謂 於自 也 言 多 以 家 所 爲 謂 黑 謂 时、 慘 子學於老子,老子 黄、老者,即 事 黄 堯、舜、禹、湯、文、武之安民撥亂者 亦墨氏 謂 楊、 楊、 一,則 則 名、 」,爲 刻 爲 帝 道 墨者 墨 而 言老子 知 有 德、 而 以 擾 於是 誰 法者,亦楊 者,名焉 孟 法 無所 絀 「, 其 民。 與 也。 子之闢 家 名、法, 堯 以 乎 居」也。 之學,而 楊氏 事 爲楊、墨正 舜。 絀 以 有名家 ,故言清净、
言自然 而 儒 何 孔 楊、 氏 即 7者? 謂 也。 己。 子。 者之崇堯、舜 以 楊 也。 其 墨 韓 楊 次之學 儒 後 故《楊 氏 不知 然則 非 子 矣。 多 楊 者 故《 寬 也。 È 也 氏 而 之尊 而 之。 柔 夫 蓋 道家之 韓 子》書 之學, 睢 申 Ż 所 漢 不 世之所 非 也, 睢 然 不 弊 孔 謂 明 人 書 則 害 流 而 所 稱 子 則 爲 主 農 之 而 稱

楊氏。 爲 也。 水、 於墨 子 不 耳。 有《喻 明言楊、 韓同 名、法、陰 法、陰陽而 之學,重農、節 分支 ,》書中 弑 知 生之謂 君,皆 舜之臣堯、禹之德衰、湯 氏 是以《史記》六 也 傳 有 老》釋 不然, 也 此 凡 何 墨 農 陽、 性、 所 一家 以 無楊氏;《漢 楊氏之説 也 家,即 老, 然 辨 楊 其 墨、農、 川道 食色之爲 用 者多楊、 學 書 是 氏 而 , 故 乎? 墨氏 故 不 之學 術,道: 德、名、法, 史記》以老、 · 傳 雜 其 性 也。 於後, 《書》九 之别 後 家、 盛 之猶杞 性 墨之説,不必 由 德、 或 行 皆楊 許 是言之,《 小 别 派 於 儒 而 流、儒、道、 行 武 説 即 而 也 柳 戰 班 莊 所 之 氏 而 楊 墨、名、 爲 汽馬 或 與 謂 放 之 猶 亦 農 氏 墨 申、 説 並 伐 湍 其 孟 氏 皆 其 無 家 之

0 亦」《畿輔 本作「即」。

釋氏 以 端 也。 然則 耕、 楊、墨之言盛行於世,而 爲 不 也 釋 謂 素 寧 白 丽 改因 亦往 餐,亦 六 自漢 孟 惟 孟 圭 不 經 子 子 是 細 所 往采楊、墨之意 以以 好辨 以 之所辨 論 皆 考楊、墨之説 謂二十取一,皆墨氏之説也。 即 來,儒 孟子之闢 故 爲 傳 其 而 墨 食之爲泰、不 者 論 氏 者皆知楊、 孟子自 ,大半皆爲楊、墨,故 多雜 之説 楊、 人莫知 以 往 人於楊、 之所 墨 言爲距 爲言。 往 而 墨之爲 耕 備 反采其 悮 其 加 論 墨, 楊、 爲 者 食之 由 之。 楊 也 是 異 墨 而

咸

所 者則 子」,而 文、 滿 以 武、 唐 焉 顔 無 韓 周 曾 者 子 思 語 公 ^ 余按 原 孟 及 傳 他 之 並 道 稱,且 人者。 **>** 孔 篇 孔子以 子, 敘 於孟子時若 自 孔 道 後,能 宋 統 子 以 傳 之 來, 之 發 傳 明 有 儒 孟 云

佛

封

皆信 德衰 微矣。 下,幾 之間 人之物、刑名爲 無 子或 堯、舜、孔子之道等量 也。 衰微,而 建 氏 孟 知 帝三王之道者,孟子一人 而 尊 井田之制 以 傳 盛 不 子,聖人之道必不能 ,老莊、刑名、 可 何 奪聖人之道 爲 自 幸有 啓、 孔 以言之? 行之日,而 與 學者尚多 實 知 子 相 湯武 然。 孟 而 坞, 悉 子 其 朏 之放 治國之方,王政 冺。 其 其 甚者 辭 異 楊、 讖 而 堯 浸 餘 敝 而 端 緯 據 伐 之 淫 墨 由是言之、《孟子》 闢 未 也 至 而 之術猶 之爲 其 北 出 之, 横 將 以 見 然 齊 自 Ŀ 面 行 有 以 佛 當 伸 觀 而 而 篡 於 朝 仁義 氏 可 於楊、 른 其 分 兩 後 聖 楊、 舜、 弑 之 日 然 抗 後 馳 漢 之 人 學者 湮 爲 禹 則 教 之 墨 魏 雖 於 行 唯 必 之 强 之 向 與 天 道 而 漸 者 顔

説

公 附

録

哉 !

蓋嘗論之: 孟子之於孔

子,猶

周

書

豊非

三代以下之所斷

不

可

無

者

之於文、武也。文、武雖聖人,無周公以

孔子雖聖人,

樂 正 子

故有

無孟子以承之,則聖道之詳不著。

繼之,則太平之治不興。

文、武不可無周公,有孔子不可無

孟

子。

喜而 曰:「否。」「然則奚爲喜而不寐?」曰:「其爲 「否。」「有知 也好善。」「好善足乎?」曰:「好善優於天 不寐。」公孫丑 魯欲使樂 慮乎?」曰:「否。」「多聞識 正子 日: 爲 政。 樂正子强乎 孟

子曰

吾

聞之,

不可 聞 識 計數,爲政 何者? 一國之事多端,一國之民 ,必不能 按:孟子好善之論,可謂盡 一一而察之,而知之, 者 雖 强 雖 有 智 慮, 爲 而 政之 雖 興 多

也夫。

子事實

以承孔子之後, 夫亦

韓子之志

常。

是以

余於《朱

泗

餘

録》之

後

條

記

孟

王

一政聖學之切於實用者,反

視

以

爲

尋

地。

故見《戴記》費、隱、誠、明、無

聲

無

臭之言,以爲道之極致,而於孟

子

推

闡

下,

而況魯國乎?」

儒尊崇孟

子,然好求聖道於

、精微

杳冥之

乃後

人疑

孟

非 孟

者頗多,雖有二三大

孔子之道當自孟子始,誠然非虛語也

!

是以韓子謂孟子之功不在禹下,又謂求

乎?

·? 曰:

術。」信 縣 無自 命 治 者,以故政 命 道 是 之 强 革之,故 而 日 以詩 諸 也。 以 不盡 講 之人皆知余意 莫非助予之致治者。 生 賾 樂 而 井 乎! 得各 黄 也 送余行,内 入於耳,一人之才必不 余初蒞 正 收 爲有智慮,自以爲多聞識,善言 而 惟 文 克。 事幸 勿幕 好 政 治 盡 孟子之言之可以終身行之 善爲 遂不得其宜 講 羅 其言、各效其 好 ,有孚元吉。] 夫惟 無大失。 所 《 孟 源 善天下 有云:「春 要。 在 任,三日下學 子》此章。 ,多有以善言告余 好 所 優,微 歸里之時,文 善 耳。 患 風 能 能勝 者 則 坐諸 言 故 由 自 講 無 好 括 或 是 以 或 書, 他, 善 易 治 事 爲 之

子 見 孟 附 子,孟 録 樂 子 正 \exists 子 · 子 從 於子 亦 敖之齊。 來 見我 乎? 樂正

道 從於子敖來,徒 言也,不亦宜乎?」曰:「舍館未定。」曰 日 曰:「克有罪。」○孟 日 「子聞之也,舍館定,然後求見長者乎?」 「先 而 矣?」曰:「昔者。」曰: 以 餔 生 啜 何 也。 爲. 餔 出 啜 此 子謂 言 也。 也? 樂正 我 「昔者 不意子學古之 日 子曰:「子之 則 子 我 出 來

此

幾

是。 役, 至 也。 年貧困 古之道舗 學古之道也。 之,何者? 遂失於不 齊,亦 朝暮見焉, 在樂正 驩本 按: 之時 斷 有慨 樂正子之從 Ė 啜 不肯爲 ·', 若 驩之所 也。 子,亦不過 重 樂正 慕 耳。 與 已仕 然此 清 樂 此 子遂從驩之齊,是 以 故 流 IE. 於魯 品 王驩, 重樂 之意 事當 孟. 子偕行,意 爲省道 品 子 是 IE. 者 必 在 以 非 子者 IIII 樂正 徒 無 以 求 路之費, 從 餔 其 由 弔 騲 繋 私 子 亦 滕 以 啜 以 少 其: 責 如 援

四〇

也。此賢人之小過,不足以掩大德,故

附録於此。

神。 善? 大,大而化之之謂聖,聖而 之謂信,充實之謂美,充實 也?」孟 樂正子,二之中、四之下也。」 附論 何謂信?」曰:「可欲之謂善,有諸 子 浩生不 善 害問曰:「樂正子何 人 也,信 而 不可知之之謂 人也。」「 有光輝 之謂 何 己 謂 人

萬章

諸 天下也,孰與之?」曰:「天與之。」〇「舜相 三年之喪畢 日 二十有八載,非人之所能爲 [侯朝覲者不之堯之子而之舜,訟獄者不之 否。 萬 天子不能以天下與人。」「然則 曰:「堯 ·, 舜 避堯之子於南河 以 天下 與舜,有諸?」 也、天也 之南 堯崩 天下 孟 舜 堯 有 子

舜,故曰天也。」堯之子而之舜,謳歌者不謳歌堯之子而謳

歌

於民 敬 禹之相舜也,歷年多,施澤於民久。 不然也。 爲者,天也。莫之致而至者,命也。」 不 不肖,皆天也,非人之所能 〇「丹朱之不肖,舜之子亦不肖。 承繼禹之道。 傳於賢 未久。舜、禹、益 萬章問曰:「人有言:『至於禹 天與賢則 而傳於子。』有諸?」孟 益之相 與賢、天 相去久 禹 爲也。 也,歷 與子 遠,其子之賢、 子 舜之相堯 年 莫之爲而 則 日 少,施澤 啓賢,能 而德衰 與子。 一否,

義也。 之論 猶得 之心不白 天下得人,天下之大事也,亦天下 以 亦 按:堯、舜、禹之授受,乃聖 戰國之時,邪説並作,遂致 知 無 於後 其 由 真。 而 世。 發 然非 也。 幸 章 有 章之有 有以啓之, 孟 子辨之,後 功於世道 人之爲 之大 聖人

事 人 ', 亦 心者,大矣。 皆 足 正 世 至章 俗 之誣 所 問 伊 然 不 尹、孔子之 可悉載,

猶

公 孫 Η.

:

:

欲

擇

其最

大者載之。

怨 也 也。 愈 風 無 曰:「固哉,高叟之爲《詩》也。 是 他 關 疏 也 何 其 公孫 也。二孟 小弁》,親之過大 愈 戚之也。 以 兄 而射、 固矣夫, 孝也。 疏 闘 不 丑. 也 弓 之,則己談笑而 問 怨?」日 子曰 而 \Box 《小弁》之怨,親 不 親 高叟之爲《詩》也。」曰 射之,則己 可 之 何 磯 過 : 高 ,亦不孝也。」 || 凱 者 小 子 以言之?」曰: 而 也 曰 道之; 風 怨,是不 垂 親 涕 親 有 之過 親 泣 人於此,越 無 也 之 弁》,小人 而 可 他 大 调 : 道 忽。 磯 親 而 小 之, 疏之 親 也 凱 不 者

矣。」王 莫之禁而 喪。 ·', 子 終之而 愈 公孫 於已 齊宣 謂 子 之 弗 \pm 不 Η. 有 乎?」孟 姑 爲 欲 口 曰:「若 其 者 得 徐 短 母 喪。 也 也。 徐 死 子 云 此 者 公孫 日 雖 爾 者 加 其 何 丑曰:「爲朞之喪, 亦 傅 是猶 如 日 教 爲之請 也?」曰:「 愈 之 或 於已,謂 孝 終 數 弟 其 兄之 月 而 是 之 夫 E

貴。」於 終之而 於人 義 終 忍 過 如 不怨爲孝。 喪 不 小 是 至 · 怨。 情 則人 也 則 精 按:《小弁》 此 者 ? 者 加 不 能 子不忍怨,親之過 可 也 得 烏 此皆 欲短 終 見聖賢 , 故 日 能 則 喪 亦 雖 如 人子 有 以 則 喪 足 加 是 ? 子 持 怨爲仁、《凱 減 則 之至 見 \vdash 論之無 雖 其 H ^ 即 朞 一禮之 不 論 情 愈 不愈於已, · 忍。 大則 於 語 而 所 爲 믄 **| 文多** 己 忍, 用 風》 偏 禮 人 非 和 不 子 親 何 古 又 析 得 不 爲 以 欲 以

例 之道 法 各 中 於 論 後二 推 問 萬 亦 得 一則,以 章 益 巾 答 無 甚 矣 著 孟 從 事 子 》 多,不可 गां 則 見 然非 發 大凡。 人子之至 七篇 按 世 Ĥ. 枚舉, 公孫 爲 然 爲 前二事 之暢 之啓 則 情 與 \mathcal{H} 姑 其端 其 萬 之功 舉 乃 録 義 章 帝 其 最 t 孟 王 亦 而 一之大 可 要者 篇之 子之 不 FL 以 亞 子

撰 意, H. 著 章之徒 云 沭 IIII 一、 萬 書 或 與 唐 作 退 孟子所 萬 虞三代 (史記 章 篇 而 孟 難 章 所 論 疑 子 之 . 纂 集 余按: 自 問 之德 $\stackrel{\cdot}{>}$ 徒 孟 述者 七 所與高 撰 答, 序 子 篇。 則 ·荀卿 ^ 謂 近 又 是 詩 非 《孟 是, 自 以 第 趙 \approx 也 列 撰 弟子 所 岐 子 書 謂 傳》云: 其. ^ 如 ^ \forall 孟 孟 孟 法 公孫 者不合, 述 子 書 子》七篇 度之言 子 仲 與 孟子 爲 題 \mathbb{H} 之同 尼 公孫 一、萬 詞 之 退 乃

> 等所 今正 謚 其 最多,而 細 著,恐未必 略 皆 陳子皆然,不稱子者無 稱之,如樂正 穆公皆然,乃 謚 泗 之文,往 人 玩 ? 於 如 而 如梁惠 之。 未 追述,故二子問答之言在七篇 此 二也。 事 是, 注 書,蓋 之江 必皆 理 往有 未 子 王、襄王 自 也。 合 伊伊 七篇 先 子、公都子、屋 在書 可議 孟 至滕文公之年 稱 孟 子之門人 尹 其 七 果 中 子 者。 中 Ŧi. 門 篇 一、齊 孟 於 而 亦皆不 就 人 中 子 幾 宣王、 孟 卒, 如 湯 皆 所 稱 子 禹 萬 Ŧi. Ħ 何 時 日 門 果 廬 ·以子 決 章、公孫 少 就 魯平 著 子,三也 以 君 孟 人 子、徐子、 汝 亦 桀之屬 皆 皆 子 多 不 漢 稱 如 ,所自 以子 中 稱 舉 應 排 是, 鄒 \mathbb{H} 其: 其. 踈 淮

紀。 獨樂 按: 孟 正 子 子,孟子屢 門 人 尚 多 稱之,又嘗薦 然多 無 事 蹟 孟 口

於當 傳於後世,則二子實 徒」,則固已括之矣。 公孫 述。《史記》 子於魯平公。 時,樂正子或不爲無功,而其言 丑爲多,故説 雖 至於問答之言,則萬章、 但 者以 稱 有微勞焉。 萬章,然既云「之 蓋孟子之見尊信 此書爲二子所撰 是皆 示 之

附記孟子弟子

可没也,故附次於孟子之後。

稱子者三人:樂正子、公都子、屋

廬子。

亦留心學問者,皆高第弟子也。 答,其所得者亦深。即屋廬子之得閒, 性善之問,其所關者亦鉅,飲湯飲水之 生不害之問,不待言矣。公都子好辨、 按:樂正子之賢見於答公孫丑、浩

稱名者三人:萬章、公孫丑、充虞。

其人亦高第弟子也。 其人亦高第弟子也。 其章、問見孟子救世之苦心,止嬴之問去齊之問見孟子救世之苦心,止嬴之問功,前已備述之矣。 充虞問答雖少,然功,前已備述之矣。 充虞問答雖少,然

或稱子或稱名者二人: 陳臻亦稱陳

子,徐辟亦稱徐子。

萬章諸人之次也。 之問亦因以見辭受之不苟,蓋皆樂正、如則仕之問,乃聖賢去就之大節,兼金

更、咸丘蒙、桃應。 不知果爲弟子與否者四人:陳代、彭

爲弟子也。故附次於諸弟子之後。然皆止有一問,他無所見,未敢決其必然皆止有一問,《集註》皆以爲孟子弟子,

少,然

何

此二人,在七篇中表見殊

附孟子七篇源流考

子

書

純

潔

如

一,其

功大矣。

故

今特

獨

能

分别

其真僞,

而

去取之,以

故《孟

表之,

惟謂

孟

子恥

没世

而

無

聞

自撰

此

書,尚

未

盡

合,閱者不

以

噎

廢

食可

彻

德、性· + 五字, 命 **记篇、**二百六十一 禍 包羅 福、粲然 天 地, 靡 所不 揆 章、三萬 敘 載。 弧萬 類, 趙 四 岐《孟子 Ŧ 義 六 道 百 題

詞》。

子》本真,後世依倣而託之者也。同上。其文不能宏深,不與内篇相似,似非《孟《孝經》、《爲正》。此似外四篇之名,文字似有訛誤。又有《外書》四篇:《性善辨》、《文説》、

帝 立 子》、《爾 五 欲 經而 廣遊 漢興,除秦 雅 己。 學之路、《論 》皆置博士、後罷傳記 同 上 虐禁,開 語 延 》、《孝經》、《 道德。 博士 孝 文 獨 孟 皇

卷,則四篇固已合於七篇矣。趙氏乃按:《漢書》劉歆九種、《孟子》,有十

附韓文公稱述孟子三則

焉。 而下,下而 由 之孔子,孔子傳之孟 傳之湯,湯以是傳之文武周公,文武 周 公而 荀與揚 堯以 上,上 是傳之舜,舜 爲臣,故其説長。 也, 擇焉 而 爲 君,故 而 某,某之死,不得 以 不精,語 是 其 《原道 傳 事行。 之禹, 焉 而 周 禹 曲 不 其 周 公傳 以 公 傳 是

義,貴 不救,壞爛 補 ? 孟子雖賢聖,不得位,空言無施,雖 然賴 Ξ 賤 而 其言,而今學者 霸 不收,所謂 而 른 其大 存 經 . 尚 十一於千百,安在 大 知宗 法,皆亡 孔 氏, 滅 切 何

禹 其 而 下 能 者 侏 廓 爲 離 如 此也 也 故 ? 愈 《與 然 嘗 孟 向 推 尚 無 書 尊 書 孟 孟 氏 氏 則 以 皆 爲 功 服 左 不 袵 在

之道 道。 予所 之傳 聖人之道,必自孟子始。 止 悦 一,雖 不止,終莫幸 孟 一猶航 道於楊、墨、老、莊、佛 爲 得其宗,故吾少 子 自 有 文, 孔子没,●羣弟子莫不有 而 遲疾,必至於海。 屢 斷 好舉 贊 港 (其文 絶潢 孟 而至焉。 子之 辭。 以 而樂觀焉。 望 所 《送王塤秀才序》。 至 夫 道 故學 如不 之學 於 沿 者 海 河 得 書,獨 者 而 太原 也 其道也,雖 而 與 必 欲 之言, 下, 慎 之 故 王 孟 聖 苟 其 求 塤 某 人 不 信 觀 所 示 氏

以 崇 耳。 亦 此 孟 不 過以 子,其 漢興 七 按:孟子在 篇 傳 ,始立於學官 與 書始· 記視之耳。 諸 經、《論語》並 大著於世。 戰 國 時 自 然 人 視 韓 亦 重,皆自 至 子 不 之,與諸 宋,諸 出 久遂廢 極 韓 儒 力 子 ´´´; 人 子 遂 推 等

> 子則 之發之也。 孟 子事實録》之後 孟子之書 非 孟子則孔子之道不詳 不 · 著。 以以 故 特 今 表 其 附 所 録 由 此 則 非 韓 於

附論孟子性善之旨

之説。 至荀子 其 得 情,則可 日 : 有三品,善與惡皆有之,孟子之與荀、揚 之善也,猶水之就下也。」又曰:「乃若 其 名 孔 惟 謂 耐 始 逮 子 1 有 以爲善矣。」孔、孟之論 唐,韓 失其二。及宋,程、朱又 有 一知與 日 理 性惡之說。 : 義之性,有氣質之性,孔 性 下愚不移。」孟 子乃合 相 近 而折: 也, 楊子 習 其 子 始 相 衷,謂 性 日 有 遠 者 分 善 也 如 子 人 惡 而 此 所 其 異 皆 性 性 混 又

●「孔」,原作「孟」,今據《畿輔》本改。

於聲 之時 性 至 善 深 善 嘗 果 也 性 謂 孟 矣,皆本理 義 \vdash 孟子之所 1,特 善 淺 純 子 善之説 雖 也 不兼 相 2,異端 又曰 性, 醇 也 Ė 乎. 百 在 統言之。 近 [滴之分焉 故《傳》曰 :「口之於味也,目之於色也 理 ,鼻之於臭也 氣 il: 故 是 一動 工義,又 辭 謂 兼 善 質 於至善。」 義 並 謂 知 性 介而言 氣 而 而 出 兼 之 旧 質 心忍性 闢之,非 不 何 善 皆以 即 氣 言 若 : 而 質 能 非 之乎? . 忍馬? 孔子 也 善 析 夫善則善耳 言 純 줆 兼 無 者 言 四 性 1字,增 之, 粹 氣 之所謂 成,不容分以 余謂 異 猫 之, 與 爲 肢之於安佚 至善者 質 (焉, 豈 益其 未 孔子 孟子之於性 不善,故 蓋 則 而 人之性 孟 底 孟 善 子 È 性。 所不能。」性 平 爲 ·, 何 子 也。」《 之 惟三品 則 遂 純 兩 ,所謂 中 專 以 不 孟 但 耳耳 義 巾 也 爲 又云 得 亦 子 孟 而 以 記 也 ? 故 爲 有 性 何 性 之 以 子 E 理

> 也。 也。 矣, 蓋 食 此 二物佳 譬之人 我 容 國 以 孫 甚 自 者 十品 若謂 則 於 豹 亂 爲 多 至於越椒、食我之生, 性 好 由 尤 之生 者殊不多得, 參 是 .恶, 時 無 實 事 韓子不必駁, 有 誤 人參 遂 言之,孟 性 政 事 陳 者 不 之甚 誤 乎? 也 敬 附 能 補 至 大 矣。 性 盡 仲 會之 也。 食 預 臣 肉 瀉、 者, 之 我 知 況 子 桂 雪黑 據 生 詞 謂 大 爲 其 而 肉 之性 謂 貨 食 然 此 也 耳 抵 爲 程子 其 所 桂 我 性 謂 而 以 豎 韓子、程子之論 累 力 性 之爲 爲 能 祁 初 預 預 駁 ^ 亦 有厚 耳 牛 寒 善 未 春 知 煖 盈 知 孟 不 所 嘗 其 秋 下 惡 秉 其 子 . 必 則 誠 據 薄 亂 當 爲 傳 焦 īE. 必 則 性 無 然 此 曲 則 惡,但 滅宗 嫉 有 不 中 是 然 遂 亦 爲 無 有 口 邪 齊 謂 將 此 之 此 理 解 口

論

不

以

盡

叔

類

疑

⁰ 孔」,原作「孟」,今據《畿輔》本改

信 至 子 善 之 謂 其 如 於孔 理 以 也 於 有 荀 知 ? 義 理 性 、揚之論 愚分上 皆 義 孟之言 謂 有 之 實 上焉者善、下 性之氣 性 有 下之爲 所 則 了, 不 有 見, 質,不分 氣 不 必 質 而 调 以 得 之性 · 焉 措 務 先 宜 者惡 語 新 儒 也 性 尚 之 ? 皆 而 何 説 怪 不 學者 若 二之之爲 亦 一,荷 爲 能 何 謂 疑 無 當當 若 求 有 也 疵 自 取 孔 性

祁 公十六年 餘 長 叔 也 可 虎、 奚 릲 年襄公十六 疑。 矣,又十年成公二年。 語 所 叔羆、叔 夏徴 按: 羊舌職 知 而 叔 嗣 節的以 ^ 平公始立,叔向不應至是始娶 向 年。 傳 父爲 爲平 以 魚 而 宣 所 襄 則 中 公傅之文。 所 載 + = 叔 軍 年 生之女始 年 羊 ൬ 尉, 卒,其 向之齒 舌 弑 後 食 嫁 陳 而 靈 我 巫 叔 子 又十三年 亦 嫁, 之事 · 夏 臣,又三 向 伯 長矣,故 亦 姬 復 華 之齒 甚 有 E 異 + 弟 爲 事 屬

之助 於賈 氏 以 其母 有 當 大 以 傳 鄭 遂 者 後 歲。 而 而 祁 徒 不 爲 記 伯 異 年之相 不 中 取 平公尚 恐 無 敬, 亂 世 盈 禍 問 也 實 止 詞 中 郤 而 亦 一,在 ? 口 ? 爲 耳 也 如 兼 恐叔 道 至亦 或以 不 官 0 非 且. 此 載 幼 季札 不 立矣, 隔 能 之耳。 者 觀 也。 祁 而 相 過 向 葬簡 從鄭 爲 頗 强 以 叔 甚 盈 之戒 晉 悼公年 親 之賢 母: 叔 遠 之使娶夏 子 況 游 多,不 有 相 侯 多 疑 公時,一在 伯 魚 正 食我 懼 所 何 叔 信 近 亦 庶 計 如 或 即 言 不 罪 ? 向 子産欲? 之,平公即 讒 未 鮮、懲舅氏 可 乃 鄢 以 叔 自祖 日 免」,是 , 荀 必肯 枚舉, 惡 姬 事 爲 陵 虎 「吾子好直 女 祁 之常 直 躁 之事 爲 之 食我 父以 以 毁游 也 長 勝 醜 納 蒐 戰 恐 其 此 亦 通 正 賄 除時 來 意 之 未 施 韓 作 氏 而 考 不 室 可 得 與 遂 之於 過 亦 實 語 之廟 厥 書 傳 其 也。 + 必 祁 繁 不 至 寧 盡 從 前 亦

異

,君子所不屑

道

亦

無

庸

深

辨

也

?

暇 之。 我 吾 夤 若 死 心 思 辨 緣 於 伍 Ü 豺 白 其 欒 讀 權 此 狼 免 左傳》中 而辨之也 、誣者 書 盈 罪 然 勢 於 至此,未嘗 之人 之 食 後 難 難 , 故 我 能 況 如 賈); 始 何 今因 將 此 禍 者 盈 使 得 者 不嘆後 也。 論 與食我之庸 人皆疎 免 甚 韓 君 於 多, 以 子 侈 豺 叔 人莫有 惜 原性》 遠 而 狼 向 余老 方 政 之目 之賢 庸者 正之士 在 肯 而 病 家, 附 乎? 乎? 猶 爲 不 辨 食 继 不

附 讀 孟子餘説 則

弗 也 此 不 字。 信 中 命中 庸 於 孟 不獲 庸》作 子 作 中 Ė 不。 庸 於 矣」。 作 中 居 獲 平 庸 於 獲 作 中 《中庸 於 庸 乎」。 友, 雀 中 》作「乎」。 在。 # 庸 Ŀ, 庸 》作 民 下 乎」。 友」上 不 上矣。 位 可 而 上有 有 得 命 朋 信 而 庸 字。 道 於 治 無

> 命中 悦,《中 也 道 者,天之道 順 中 中 不信乎朋友矣」。 也。 乎。 庸 庸 庸 不 作 作「乎」。 反」下 命 庸 誠 親 乎」。 作 庸 · 未 矣。 也。 有 文至 示 友《中 有 身矣。 諸 順 悦 誠 能 此 平. 思 字。 親 身 親。 動 咔 誠 庸 中 有道 者 身 是故 作 中 至 庸 弗信 也 不 朋 庸 誠 ~, 不 》作「順 . 誠, 友」。 作 而 中 於友矣。 明 不 誠 不悦 庸 乎親」。 乎善, 之。 無 有 動者,未之有 道 此 於 者,人之 二字。 有道 命中 不 中 事 誠 親 庸 庸 誠 反 其 弗 作

異。 如《 加 素其位」章亦作「在 朋」,文亦 子》「先名實」章 論 「居」之作「在 此 語》之「斯」、《大學》之「此」者 章 文 又 可省 見 於《 ,然皆無足爲大得失也 蓋蓋 亦 下位 作「居下位」、《 中 大 庸 _,是 時 與 也。 語言之異, 此 大 友」之 中 同 然 庸 小

親 但 首 者」,則以「誠」爲用字,似欠醇古。《孟子》 不 惟 不動」總結之,又以「不誠之不動」反結之, 此章,原言 誠者,理也、德也,故云「思誠者」。 弗悦,但 欲 遞近, 尾 可 「不順乎親」,語未免大重。● 不順 歸 呼應,章法甚明。《中庸》采此章文, 本於誠 爲子,豈但不信於友 脯 不爲親所喜悦耳,措語 歸本於誠身,然後以「至誠未有 誠 能 身,以開下文不思、不勉、擇 動 人,故由 獲 而 上、信友、悦 較 己 有 ! 「誠之 分寸。 乎親 事 親

細玩

此章文義、《中

庸》之不及《孟

子》,

顯

字緊承上文,醒出主意,似亦不當删去。

之。「不獲於上」係

轉語、故用

一「而」字。

「反身」則不必多

一「諸」字也。

「是故」二

「矣」字。

「治民」上文無之,用「也」字爲

友、悦親、誠身皆已見於上文,故助

語

用

終

庸》之言也?

然可見。

若之何先儒猶以爲《孟子》述《

中

卷下

中

庸》,明矣。

至於虚字互異,本不足爲

句。

然則是《中庸》襲《孟子》,非《孟子》襲

善固執之意,意不

在於動

人,故删其

後

兩

輕重。

然獲上、信友、悦

親

皆指

人而言,故

皆用「於」字。

明善、誠

身則

不

口

用「於」

字,故變文而曰「乎」曰「其」。

命中

庸

》概

用

乎」字,亦不若《孟子》之妥適。

0 「大」、《畿輔》本作「太」。

獲上、信

國朝漢學師承記

[清] 江 藩 撰

五

Ŧī.

九

黄宗羲一四二	國朝漢學師承記卷八 一四二	凌廷堪 一三八	李鍾泗 一三八	汪光爔 三六	徐復 一三五	鍾褱 一三五	劉台拱 一三四	顧九苞 顧鳳毛 一三四	汪中 一二九	江德量 一二九	李惇 一二八	賈田祖 一二七	程晉芳 一二七	陳厚耀 一二四	國朝漢學師承記卷七 一二四	孔廣森 李文藻 桂馥 一一八	汪元亮 一一八	
					跋 (伍崇曜)			論語 一六七	春秋 一六五	禮 一六三	詩 一六二	書 一五九	易 一五七	國朝經師經義目録		汪跋 一五五	顧炎武 一四九	

校 點 説 明

家 是 在揚 又曾 流 派 相 惠 縉 號 或 學 嘉 學 切 學 鄭 作 者,更 江 道 弟 術 繼修《肇 州 從 詩 堂 豫 摩 江 氏 時 與 的 朱 子余蕭 古文詞,又受二人影 藩(一七六一—一八三〇),初名帆,字 清 期 汪 繼 筠、 後 是 江 生 後改今名,字子屏,一作 堪 中、 承 南 慶府志》等。 蘇甘泉(今揚州市)人。 王昶 客 與 者,又爲 著 名 下 焦 與江 焦 廣 述 出 循、 遊, 循、 繁富,今存 色的 州, 聲, 淩 在 揚 阮 X 廷 元、 經史學 京 治 州 江 阮 堪、 時 學 漢學,爲惠氏再傳弟子。 氏既 響,兼通 元 淩 又 世 術 阮 幕 廷 家 爲 久 元等 的 有 中, 堪 與 乾嘉考據學中 館 國屏,晚字 《國 主 初從薛 等 學 佛 交遊 主 於 要代表 朝 人 理。 術 纂 王 漢 史 比 杰 論 起 廣 研 肩 學. 後 人物 學, 府 鳳、 節 雨 師 究 的 師 東 邸。 來, 甫 專 惠 承 通 互 從 汪

婦

續

續 卷、《乙丙集》二卷、《伴月樓詩鈔》三卷、《 》一卷等。 隸 經文》 卷、《 炳 燭 室 雜 文》 卷、《半 氈 扁 舟 題 載 跋

酒

詞

記》八

卷、《

或

朝

經

師

經

義

目

録

卷、《

隸

經

文》

四

卷

志, 種。 充,不可或缺,是不可 現,是當 尤其是他們 期,考據學 後,衰微不振,代之而 漢 纂了《 係 衰微,學 述 學師 時後, 與 師 清乾隆 諸 經 承記 經 經 承 時 學 承 師 記 客 派學 術 又隨 成 全力以 朝,宋 傳 經 》成 觀 界 相 就 之 義 對 情 者 着 當 書後,爲 源 目 勢與 也 其 清 於正 赴 明 録 流 經 學 分割 開 王 的 理 起 與 抨 師 朝 史之《 始 江 學 補《師 漢 的 收 代 擊 經 的 藩 有 的 經 學」。 當 是 表 義 也 主 意 由 過 儒 考 性 代 承記 E E 觀 識 盛 康 林 學 據 著 録 增 意 地 轉 漢 熙 傳 者漢 學. 述 》之不建,江 識 總 衰 學 則 × 朝 日 的 結 結 師 等 學 考 小 述 全 當 承 合 者 百 著 盛 據 諸 盛 在 代 的 記 相 於 儒 述 嘉 學 之 學 産 》的 藝 互 藩 師 近 慶 局 也 在 物 術 文 補 承 百 又 時 走 盛 面

向

極

個

整

體

安」 好 家 其 語 法 學 傳 話 林 以 師 之 實 弊 友 血 者 家 來 蘄 承 史 經 龔 建 經 概 經 法 契 的 法 學 學 括 學 議 自 之 則 夫 確 史。 先 旧 改 就 7 更 珍 成 記 承 如 爲 是: 有 聖 江 淵 認 就 沭 授」,二 壟 氏 源 深 之 爲 的 清 或 自 用 意 微 仍 ^ 朝 朝 珍 或 傳 言 堅 部 漢 是 經 天 所 記 執 朝 學 當 近 學, 此 七十 言, 是 體 不 漢 派 師 代 述 史著 遠 改 學 學 江 或 清 子 承 學 紹 者 師 氏 後學 記 術 朝 儒 原 之 漢 之 所 承 漢 史 傳 因 體 儒 經 之大 記 學 記 與 授 家 亦 則 裁 學 師 亦 漢 源 iF 法 渾 書 傳 用 義 承 即 學 流 在 渾 名 即 授 正 記 當 史。 此 員 有 史《 即 淵 代 用 漢 無 而 流 + 漢 但 江 儒 或 世 學 究 切 不 K 師 林 句 朝 儒

較 握 認 第 大 爲 臆 住 的 清 説 T 反 漢 漢 的 清 儒 響 學 學 之 學 其 代 師 學 師 術 漢 承 特 特 E 承 學, 記 鱼 徵 承 記 重 血 FI 兩 飾 實 影 客 漢 行 承 際 觀 響 後, 下 H 全 口 溯 啓 就 在 面 從 淵 當 是 當 地 以 流 時 時 對 經 下 澊 基 學 自 學 辫 古 本 術 清 師 個 訓 F 界 初 承 方 引 淮 至 記 面 重 清 確 × 起 看 證 中 地 T 江 出 佐 葉 押 藩 很

所 謂 現 書 無 性 當 第 面 是 成 漢 面 述 二,作 世 3 標 論 和 時 就 學 最 反 而 事。 是 得 之 其 準 可 早 後 映 不 選 失等 經 學 靠 對 都 者本 著 了 翻 學, 術 人 性 而 清 當 比 刻 原 的 研 用 江 淵 代 較 人 時 與 究 則 原 第 氏 紀 源 既 漢 全 考 新 成 Ξ, 纂 則 傳 學 卷 面 師 據 是 刻 輯 就 體 帙 進 地 就 對 承 學 版 體 之 諸 覆 排 行 弱 研 法, 位 全 第 本 裁 次 蓋 家 全 係 書 究 漢 四 接 進 與《 T 學 又 面 的 體 學 學 行 連 乾 術 能 總 最 例 家 經 漢 T 術 出 嘉 記 謹 結 高 與 學. 師 較 宗 現 又 考 述 守 與 成 編 師 經 日 爲 是 據 有 從 就, 評 纂 詳 承 義 實 以 代 學 較 當 價 記 E 方 盡 尤 事 當 的 强 表 時 録 面 的 的 求 其 初 各 的 時 至 專 而 論 是 是」、 刻 個 的 學 物 人 著 言 述

術

記

及

裹 梁 義 響 以 飾 啓 的 及 雷 承 傳 其 超 明 佔 記 書 記 的 有 儒 Ē 版 類 異 學 清 本 史 常 繼 案》,下 代 書 多 黄 重 學 的 達 要 百 術 編 六 開 家、 的 概 + 篡 地 章 全祖 上, 論 餘 位(炳 種 麟 都 望 在 的 居 給 在 的 中 予 對 T 檢 宋 或 同 後 清 論 學. 元 語 世 代 術 以 學 清 案 史 很 術 儒 從 的 與 大 的 篇 學 著 黄 的 研 今 術 宗 作 與 影 究

層

收

3

本

好地 史方 中 尚 説 面 说,《 明了《漢 未有 漢 能 學 學師 逾 師 之者」(王樹民語 承 承 記》之 記 》的 作用 範 韋 與 雖 影 狹, 這 在 兩 清 段 人 話 之 非 常 著

誤 所 反 至 擇 傳 不 江 顯 限 部 學 在多 爲 對 不 對 狀 爲 藩在其書中抨擊宋學,不 漢 縱 術 漢 漢 惜 墓 漢學有利之材料,删 學 史,而 立 口 貫 由 有(詳 打, 傳 時 通 歪 於 誌 家 代或 曲 傳 等, 而 擊宋學,以 由 體 同 而 史 參拙 記 江 於 例 時 録 料來抬 體 藩 又是 江 代 在 概 入者,可 著《江 史 未見其著 氏 史料 的 不 書 有 人各爲 確 經學史,此 加 高 體 藩 極 參 選擇上,對宋學 立 漢 裁 與 削 謂 考; 深 學. 漢 遺 述, 所 漢 對 自 記 的 學 ; 餘力,擯斥宋學人物, 限 學 宋學 當 門 毁 在同 亦 也 的 爲 師 其 户 不 有 學 江 然不 體 承 例。 有利之材料,甚 之見,故 瞭 學 術 書 例 記 史料 解 者 所 統 可 派 與 研 凡此之類 其 系與 本 記 究》)。 時 能 人物所 中 持 人,故反 爲 代 乃 成 宋學, 地 又選 之局 T 當 爲 位, 彰 寫 代

爲 底 本,校以 此 次校點 中 以 或 或 南 家 京 圖 圖 書館 書 館 藏 藏 嘉 清 李 慶二十四 慈銘 批 校 年 刻 初 刻 本

> 同氏、 體 並於 京中 年伍 之謙 初印 校」、「近 書中原意者,則 等,皆逕改之,不再出校, 文字訛誤、闕字、衍文、乙文等,皆出校記,改爲定本, 叢書》本 本(簡稱 本」與二〇〇 字、生僻字等,皆作適當之統 華 注中明 崇曜刻《粤雅 等批校嘉 本(校記 鍾哲氏、 書 藤注」明示之。 伍崇曜跋,亦附於卷 「近藤本」)等。 局 其 簡 近 慶時 依 一年日 九八三年 稱「李慈銘本」)、天津 仍 藤 據; 堂叢書》本(簡稱「粤雅堂本」), 酌情予 光男 刻 而 本(簡稱 本 《經 氏 原 明 版 以 原書中 發明 書中 師 治 鍾 保 末,以 書 哲 經 留 一趙 者 避 院 整 義 古今字、異體 諱 之謙本」),咸 皆 版 理 個 全 目 供 字、手民氏筆 本(簡 以 書 别改 録 參 近 圖 凡 稽。 藤 》之《粤 書 周 光男 援 動 館 注一、「 稱 用 有 凡 藏 字、俗 礙 周 全書 譯 雅 鍾 清 鍾 於 子, 堂 北 注 四 趙

校點者 漆永祥

或 朝漢 學 師 承 記 序

務 精者,在二氏 後 釋之亂 意,以 宋、齊聰 言文字,非 之,是以 止 近 兩晉,然《道德》、《莊》、《列》,本書具在,其 蹤 爲 於 而 其 此 兩 跡 致 二氏之説 難 而 漢 儒 可 後 晉 穎 務 經 已,後 見 之學者,釋之彌 以 乃 特 譯 學 矣。 求其是,是 未 達 後 儒 不 所 尚 起之前 鮮 人 明,北 之 之文人,以己之説,傅 以 吾固 未 樂言之者。 亂 不能以己之文字 當 起 釋。 尊 也。 日 朝 也。 以 行 : 淵 通 魏 者,爲其 悦, 兩 老、莊之説 博 我 儒 收 漢之學 浮屠 改 高 朝儒學篤 碩 作 明 學,有束髮 而 去聖 釋 之書 之學士, 必 飾 純 從,非 老 粹以 會其 盛 而 賢 實 志 語 義 改 於 最

> 研 成 宗者哉 經 , 白 首 而 不 能究者, 豈如朝立 ___ 旨、 暮即

法之承 不乖不 居 纂《 與 强 元 廣 君同 記 甘泉江 或 授,國 無 絶,而二氏之説,亦不 州 朝 里同 節 所不 漢 院 君 學 朝學者經學之淵 學, 時 子 師 通 刻之,讀 屏 竊 心 心 承記 聞 得 貫 》八卷, 論説三十 師 星 此 傳 經 可 攻 于 嘉 源 知 折 É 紅 大義 漢 慶二 餘 衷 破 豆 年。 世 兩 惠 + 儒 漢。 微 氏 \equiv 江 林 家 年 君 元 博

所

幼

聞

之《論 勒 不 則 休 加 以 繋之《 成 及文 傷」,即《 寧 以 戴 翦 元 語 書,名曰《大清 氏 截 集、説部 又嘗思: 堯 解《尚 八 詩》「 引繫 典 佾 \geqslant · 皆 於羣 惟 書》「光 或 》篇,而 寶 以 朝 有 應 不 經 諸 口 劉 經 各章 永 被 互. 采, 儒 氏 解 傷 見《 四 解 説 竊 句 表」爲「 周 之「傷 欲 經 徒 論 之下。 南 析 之 以 語 書 縷 學 横 甚 分條 哀 力 則 譬 如 被 多 日 此 繫 而 如

序於桂林行館。 歲戊寅除夕,阮元治,海内學友惟江君暨顧君千里二三人。他年各家所著之書,或不盡傳,奧義單辭,他年各家所著之書,或不盡傳,奧義單辭,

國朝漢學師承記卷

甘泉江藩纂

軌 教養之澤。 學先聖禮 計之事,始 序 餘子,亦得 也 先 有 \pm 庠。「八歲 樂, 經 秉耒横 知 國之 濟 而 室 濟 知 家長幼之節。 乎 制 朝 經 入小學,學六甲、 ! 廷 井 漸《 君臣之禮。」所以耕夫 洋洋 田 詩 與 學 乎 》、《書》之化,被 十五入大學, 校 ! 相 三代之隆 Ŧi. 維 方 里 書 有

説 矣。 公培,於 田 生,言《書》,濟南 然 秦 絶 1 并 於 齊 隱 天 世 則 下,燔 Ш 轅 澤 漢 古 巖 詩 興 生,於 伏 壁 書,殺 生,言《詩》,於魯 乃 之 出 間 燕 術 者 ±; 則韓 「言《易》, 抱 聖 遺 太 人之道 經, 傅 ; 則 淄 傳 言 申 JII 墜 \Box

> 爰及 博 鄭 期 氏 於趙 王之書,被 禮 之 綜羣經,故老以爲前 君 乎勿失。 ×, 生炎 東京, 儒 則 魯高 起, 董 仲 堂生; 儒者之服,彬彬然有 六經 漢之季,守 碩 西 舒。」 學大 都 五 儒 自 言《春秋》,於齊 師 典,各信 士: 兹 一,開横 賈、 孔子之學, 以 修、後生未之敢異。 後,專 服之外 舍,延 師 承 洙 門 訓 泗 之 學 嗣 則 咸 徒 義 學 之風焉 守 胡 推 優 章 興,命 毋 高 誦 治 句 生 密 先

《易》,惟河南、青、齊 代。 並 則 出 是宋、齊以 而 《家 服子 矣。 主於毛公、《禮 釋《春秋》,梅賾 語 王弼宗老、莊 晉王 》,妄撰 .慎,《 然河 - 肅自 降 尚 洛 書》、《周 尚 謂 師 聖 知 辨 承 則 證 E 而 服 理 凌替,江 爲 注 \approx 間 同 古,不 依 易》則 遵於鄭 以 有 書》,費 周易》, 經, 外 講 左儒 逞其 戚 習之者, 改 鄭 氏。 之 舊 甝 杜 康 尊 成 章 門,參差互 爲 私 預 若輔 , 説 義 廢 盛 而 詩 爲 左 賈、服 疏 嗣 行 傳 於 肅 之 則 晉 作

英 《易》亦 僞 華 當 FL 時 傳 北 所 間 學深 尚 惟 行 劉 焉 蕪 光 隋書》云 ,窮其枝 伯 元 凱之《 劉 ± `: _ 葉。 (左氏 元 贵 南 信 人 爲 知言者 約 古 但 簡 文, 行 哉 齊 皆 得 地 其 不

舍珠 范甯 妄出 攬 中, 粹 《書》去 名 章 雖 流 句 玉 唐 左 見, 論 即即 而 馬 爲 太宗挺生 右 收 語 義 去 位 橐鞬, 鄭 瓦 疏 取 則 後 īfīi 八礫,不 專 讎 信 失當、《易》用 於干戈之世 櫛 惜 主 īF. 僞 乎 沐 亦 平. Ŧī. 孔 孔 風 傎 經, 叔, 、《穀梁 沖 雨 哉 頒示 棄 遠 然鋭 尊 輔 創 退 朱子 天下 彝 嗣 業於戎馬 情 而 而 糜 - , 命諸 經術 奢 寶 廢 氏 之 康 康 而 成 徒 瓠 進 儒 延 之

諸 閩 秋》,王 殆 之學,不究禮樂之 有 甚 宋 束置 安石 焉 初 承 高 之《 唐 如 閣 //之弊, 歐 新 陽 視 義》是已。 修之《詩 如 源 丽 糟粕 邪 獨 説 標 詭 棄 性 至 言, 孫 等弁髦 命 於 之旨, 明復之《春 濂 亂 經 洛 非 蓋 義 鍋 聖, 率 疏

履則有餘,考鏡則不足也

通 1: 口 經 有 哉 悲 崩 學 人,學多 然皆滯 也 元、明之際 以 美! 百 類 年 鄙 書 俗 於 在 几 爲 、所習, 也 當 博 方 以 時 聞 秀 制 艾 岢. 長 以 義 困 無 求 取 夜 明 於 富 ±, 悠 達之人、志 帖 貴, 悠, 古學幾 括 此 視 所 以 天 以 講 夢 絶 識之 儒 夢 而

正,伐 漏 以《永樂大全》繁冗 治 十三年, 勅大學士傅 勒 我 罪用 爲 世 是書,頒之學官 祖 民、武 章 皇 德 帝 定 蕪陋 握 四 貞 以 海 符 刊 漸 文治 撰 膺 其 **参** 舛 啚 垂 訛 籙 經 T 補 通 撥 註 其 亂 闕 順 反

典,悦 有 之 戡定三 術 也 聖 志藝文,闡 康 天 藩,永清六合。 祖 會 仁皇帝 熙 睿 + 知 九 五音 嗣 年, 典 位 學 勅 削 六律之微 然萬 宏 大學 平. 深, 遺孽, 機 士 伊 之暇 庫 古 稽 親 勒 以 八 征 納 棲 綫 來 西 所 九 神 未 章 墳

世 纂》。 纂》, 參考異 + 年,又勅 年 H ·年,又 不 年, 勅 講 又勅 刊之鉅 凡 大 四 同 勅 御 大學士李 學 書 奉 務求至當 户 大學 纂 士 解 勅 部 典 義 牛 羣 撰《 焉 尚 × 1: 鈕 經 書 ^ 光 春 等 皆 王 王 日 遠 地 秋 編 頊 鴻 講 兼 等撰《 傳 龄令 紹 緒 日 書 采 説 等 Ŧ 等 講 經 漢、 彙 撰 撰 載 周 易 解 宋先 之薪 纂 易 經 義 書 詩 折 解 經 經 傳,爲 儒 中影 義 <u>二</u> 傳 傳 Ŧi. 之説 **%** 説 + 説 萬 彙 彙 六 四 \equiv

臣

比

則

不

%

年,御 卷首, 契 推 彙 經 明 孔 武、 求 言、曾 即 治 世 周 纂《 又 位之後, 宗 編 書 達孝之源,究 Z 孝經 權 憲 定 經 夜 衡 皇 聖 傳 觀 醇 一帝 集 祖 即 説 駁 書 註 際 彙纂 刊 也 日 \forall 昇 雖 行 天 講 折 平 聖 夙 地 春 之時 衷 祖 通 皆 明察之理 秋 羣 御 解 Ħ, 欽 乘 製序 咸 義 定詩 寧之 勒 然 ,故能 文, 爲 經 雅 雍 大訓 世 弁 傳 重 正 心 於 説 七 Ŧī. 未

以

秋

義

依

異,本 學,觀 周 必 直 折 车 崇, 旁 康 據 排 疾 則 官 毛、鄭 中影。 成 有 解 纂聖祖 敷 而 至 採 天 象 大學 盛 義 高 本, **%** 几 速 爲宗,探 = 殽 德 則 疏 不 海 宗 家之精 溯 臆説 1: H 於《易》則 三十年,大學 地 取 × 純 傅 H 富 行 經 ^ 新 4 孔 皇 儀 恒 講 多文日富 既 而 武 體 孔、 門 或 帝 禮 等 華 禮記 與 至 斷, 授 以 御 坊 , 斥安國之迂謬, 闡 賈之精微, 義 不涉 地 武 奉 受之淵 民,治 概 極 發 疏 乎侔訾, 勅 解 士: 功 不 明 六 \forall 虚 撰 義 傅 則 取 古 ^ + 渺 法 禮 乾 周 耆定 馬。 源 恒 年, 義 之説 備 貴 等 十三 隆 記 綜 易 矣。 奉 元 義 + 久 事 沭 羣 於《 於《 乃與 與 勅 年, 道 年 必 義 疏 全 儒 紨 於《 禮 詩 有 撰 化 之 尼 數 欽 詔 天 文 徵 成 春 口 之 春 詩 定 德 Ш 則 則 儒 平.

義

+

秋

0 粤 雅堂本

叮

崇尚 經之 之本 丹 廣 石 青 政 鼓 之陋 津 意, 實學,不務空言 者 梁, 也 大 洵 論古之樞 昌 爲 於是鼓篋之士、 又刻《御 百王 用 修之非 一之大 要,所 製 遊心六 説經文》於 法 也。 謂 刊 負笈 藝之囿 縣 石 經 諸 經 之徒, 學之外 太 H 一,馳 月 學 湔 ·, 皆 開 鶩 皆 焕 成、 治 考 若 知

義

之塗矣

之聲 之詠 以 聖 汲 卉 清 戸 古 然 儒 川 相 廟 海 興 義之精 承 我皇上 道 絃 次羣 4,文明 道 九 猗 路 歌 州 而遷 歟 臣 不 在 微 誕 强 絶 於變, 晋 義。 奏得 敷 學 縉 偉 可 文 擔 待 紳 歟 謂 入教,敦 家懷克讓之風,人誦 失,天下之衆, 尊 答 問 干 碩彦,青紫盈 者,咸 追 崇 載 漢 師 何 尚 其 儒 經 不 時 沐 不 盛 術 遠千 矣。 書 也 莪 廢 鄉 登 朝; 之雅 里 古 風 明 蓋 訓 隨 堂 講 縫 惟 康 化 流 掖 所 哉 誦 坐 列

藩綰髮讀書、授經於吴郡通儒余古農、

諸 朝 晦 再 詁 同 漢學 之學。 復 君 壞 宗 日。 繼 艮 至本 於南、北宋之道學,元、明 師 起 庭 承記》 朝,三 暇日 於歙 乃 知 先 從 經 生, 詮 惠之學盛 編, 術 次 此 明 本 漢學 以 象數 壞 備 朝 於東、 於吴 昌明,千 國史之採擇 諸 制 儒 度 中 爲 以 之 西 漢學 來,此道 晋 原 載 江 之清 沉 永 聲 者, 霾 戴 音 成 益 訓

鹿 哉 ! 以 體,毒螫 廟; 目。 鴻 高 有 以 下,哀其不遇 風 不 儒 若數乖 共 委棄草 經 嗟 是記 處,候草木 非 魏、晉 乎 明 瘤 任 ! 行修之士 於 膚,筮 一澤,終 運 情 \equiv 軒 以 舛, 軒 党 代之時 冕 後, 輊 仕 縦 以 老丘 則 知 左 同 無 學 肆 略 當 命 門 彫 窮 弼 袁 右 記 志 時 偶 也。 書 邦 者 學 抑 齎 諧 絶 甫 時 也 家 行 揚 恨 庶 無 來, 了,咸 思 人冥 績 蓋 Ш 调 甚 極 必必 得 取 悲 林 m 至 人文, 策 其 問 オ 雖 削 饑 舉 之者 友 名 兼 於 千 德 寒 載 麋 切 未 科 廊 於

閻 若 璩 張 弨 吴 玉 搢 宋 鑒

陶 不 輩 悱 V. 士: 自 不 璩 璩 Ŧī. 汝 志 知 貞 行 如 是 不 能 生 生 官 世 \貌文,其爲一 以以 穎 如 李 白、皇甫 與 寐 背 而 祖 閻 至 世 交。 漏 此 若 太 悟 誦 П 始 爲 布 科 吃, 虚 璩 異常。 居 四 深 政 愛之,常抱 若 年 ,字百詩, 淮 下 恥 方 司 性鈍,六 璩 十 安 安。 爾 參 Ħ. 代 寒 研 是年,補 語 遭 議 止 一、冬夜 甚 究 儒 人而 祖 堅 題 先世 者,以 經 歲人小學, 王于一、杜 世 置 父 所 史, 讀 坐 科 學官 問,少有 修 膝 居 居 沉 書,扞 寒暑 光 之柱 上 龄令 太原 明 思,心 弟子,一 吾宗乎 萬 摩 郡 弗 于 讀 云: 格 縣 寧 曆 其 學 書 徹 皇 忽 不 西 日。」 甲 頂 生 '!! 若 Ŧ 開 通 寨村 皆 時 嘗 辰 \vdash 朗, , 憤 遍 其 物 集 折 名 若 進

> 篇 漢者如 作《古 天漢之後,孔 六篇。』《 「《漢書 篇之譌 古文尚 之不合也 年二十, 文尚 此, • ,沈潛二十 書》, 楚元 藝文志》言: 丽 書 讀《尚· 安 梅 孔安 王 疏 或 賾 傳 證 餘 獻之。」古文篇數之見於 國以 所 書 **%** 亦 年 上乃增多二十五篇 군 : 『魯 攷二十九篇,得多 其 乃 至 共 古 説 盡 『逸《書》十六篇 王 文, 之 得 壞 其 最 即 孔子宅,得 癥 精 疑二 結 者 所 一 五 謂 此 在 西 +

合也。 共》 命》、《 謨》、《益稷》、《五 則 汩 湯 增 作 誥 有 多者《 武 杜 \approx **≫**, 九 篇 成 林、馬、 ^ 咸 九 ***** 舜 共》、 故 有 典 旅 亦 鄭 **∀**, 獒 子之歌》、《 稱 德》、《伊 皆 典 × 汩 傳 寶》等篇,此篇 + 臼 作 古 四 命》 \approx 文 訓 篇 胤 者 \wedge 九 征 六篇 今晚 肆 共 *, « 據 × 命 鄭 名之不 而 典 出 ***** 氏 大 寶 書 ^ 説 九 原 禹 無

Ŧī.

皆注 官 甲 而 於《 曰 汩 君 記 鄭 逸。」 作 陳 命 康 × 成 注《書序》,於《仲 逸者 九 畢 微 共 命 子 即即 **≫**′ 之命》、《蔡 孔 君 典 壁《書》也 育 牙》,皆 \approx \sim 仲 虺之誥 肆 之 注 命 命 \Box 三 亡 , 諸 令大 篇 周

果 源 \vdash 安 於安 『我 國 先 康 國 之舊 成 師 明 棘 雖 耶 矣。 下 云受書 ? 生子安 今晚 l於張 出 或 書 亦 恭祖,然其《 與 好 鄭 此 名 學」, $\ddot{\exists}$ ൎ 則 異 書 其 (),其 . 贊 》 淵

字 腸, 殘 宫 注 所 宅 ', 以 碑 勒 者 劓 嵎 遺 者 得 割 鄭 又云: 今孔 鏽 作 字 得 其 頭 真 庶 其 書校之,不同者甚 憂腎 見 「古文 正 剠 昧 於 今文傳 陽 谷」, 洪 今 與 傳自孔氏, 適 晚 直 ; 鄭 出 É 古 隸 劓 作 伏 《書》『宅嵎 文 釋 刵 逆柳 生 既 **×** 蜀川 多。 者 後 谷」; 後 不 刻。 Ŧi. 惟 百 惟 鄭 碑 百 矣。 夷」, 蔡 鄭 心 云 四 甾 康 作 高 + 石 腹 鄭 成 石 宗 郊 臏 腎 作 郊 所

> 則與 不 敘三宗以 之饗國 今,非伏 今文又 百 年 年,與今書之『五十有 菲 多 不 孔 司 少 别 爲 爲 然 先後 後 家之學者 知 碑 晚 則 出 以 九 之書蓋 也 傳 年 敘 異 爲 次, ŦL

周家之少仁人。』其詮 書 也。 也。 篇 語 履。』以爲《墨子》引《 書孔氏。」今以《 校,又甚不合。 云 子 堯典》、《禹 此 多古文説。』許 》則云: 則 小 其注 仁 出 子履』云云,非 云 班 X 湯誥 孟 謂 堅言 雖 親 周 微 貢》、《洪範 \approx 有 而 子 亦 至 周 史 不 安國 慎《説 箕子。 不 也。 賢 親 記 司 云 真 [釋相 不 **≫** 湯 不如 注 「與《湯 言 馬 文 *, « 古文《湯 忠, 誓》,其 解 遷 説 紂 來 懸 論 微子》、《金 字》亦 從 則誅之,管、蔡 文》 至 則 絶 浩》小 語 安 人』句, 親 用 ***** 如 與 解 之。 或 此 雖 云 晚 若 異 贵 問 多 子 蓋 此 出 於《 於《 故, 縢 斷 然 小 其 人 尚 是 如 論 斷 子 諸 故 則 不 相 稱

之手筆乎?」

其 賢』之語,遂竄之《泰誓》篇中。 亦 如是甚,而輕加三代以上慘酷不德之刑,何 文者,偶見《荀子》有『亂 衹 不仁也 肉刑 又云:「古未有夷族之刑,即苗民之虐, 止 爾; 有之,自秦文公始。 世以 族 論罪,以 無論 紂 僞 作 古 惡不 世 舉

之事 敵; 言 地,見其老弱,奉歸 此 上,禹縱征有苗,安得有會羣后誓師之事?❶ 誓於軍門之外,周將交刃而誓之。』 當虞舜在 玉 石 亦不足信 敵若傷之,藥醫歸之。』三代之用兵,以 『有虞氏戒於國中,夏后氏誓於軍 ? 本 俱碎。」鍾 荀 如 卿 既 此,安得 日 讀 也。 陳 會《檄蜀文》云:『大兵一發, 琳《檄吴文》云:『大兵 令司 有『火 誓 無傷,雖遇壯者,不校勿 不及五 馬 法》 炎崑岡 曰:『入罪人之 帝。』《司馬 玉 石 一放, 俱 中 -, 殷 焚』 法》

出魏、晉間又一佐也。」玉石俱碎。』乃知其時自有此等語,則此書之

此 月,非今文書法也。 兩 亥、甲子,是爲二月之四 巳,又次戊午,已是月之二十八 事云爾,豈史家紀事之例乎?」 稱甲戌,此周公、伯禽口中之詞,指此日有 又云:「《武成》篇先書一月壬辰, 《洛誥》稱乙卯、《費誓》 五日, 日,後繼 而 不 冠 以二 次癸 以 癸

《益稷》, 稷、契之謂忠,謨合臯陶之謂嘉。』子雲 古文,故有此言。 契之言。 王三家本皆然,蓋别 又云:「《書序》益稷本名棄稷, 則 揚子雲《法言 稷 與 契 晚出 初 是 無 書 孝至》篇 一言,子雲豈鑿 析《皋陶謨》之半爲 篇, 中 多載 后 馬、鄭、 親 言 稷 與 見

皆有,今據補。 「會羣后」,江氏脱「羣」字,《僞書•大禹謨》及閻氏原文

0

者 耶 ?

人震澤,孔 其. (辨《孔 謂 江 傳》之僞云: 自彭 蠡 分 而 三江 爲三、共人震澤 入海 未 嘗

與

1, 謬也

證 Щ 平 傳 稱 金城 積 石 郡 Ш 在 昭 金 帝 城 所 置, 西 南,豈 安國 非 卒於武 後 人作爲之 帝 時

之,非孔 者六』之 異 FL 介**,** 王 説 康 而 肅 傳 熙 \pm 義 竊 語 對 元 取 魏 多 \pm 年, 肅 之 明 與 而 也。 以 帝 何 Ŧ. 始 前 肅 游 乃取《家 未 漢 注 京 其 聞 儒 同 師, 論 '; 乃 也 説 可 合肥 語》『孔子曰 六宗者 謂 孔 而 信 ^ 竊 龔 僞 Щ \pm 尚 傳》 有 · 非 人 書 微 鼎 矣 已 所宗 人 先 有 兹 各 有

> 絶 句 百 首 名 \Box 右 倡 和 詩

篇。』 人 曰: 於經 異》成 授皇太子, 璩聞之曰: ! \forall 於 臣 長 曾 崑 一,以 亦 識 謂《禮》之《喪 洲 + 若 百 子 有 者 七 汪 Ш X 年, 徵 非之。 璩 編 日 詩 則 徐贊善乾學問 事 ¬ 王 乎? 糾 : 修 有 漢 應 非 其 伯 琬 親 世 博 哭父 謬, 臣 講 岩 在 反 學 不 服》 厚嘗云 子 一, 而 經 以《 宏 琬 覆 日: 璩 所 也。 詞 之家,豈 雖 論 ٠, \Box 喪 喋 有 宜 日 科 改 難 : 喋言 服 言, 常 蕭 :「於史有 試 IE 夏侯 》 爲 按《 聲 望之以《 不 琬 去《 喪 然 可 乎 第, 諱 著《五 雜 勝 護 禮 ? 拾 或 也 記》 善 留 乎 前 其 徵 申 恤 禮 説 ? 京 轍 曾 餘 唐 服 矣, **>** 服 師 乏 若 曾 申 禮 考 謂 唾

服

出

遊

鞏昌

一,與

陳

秀才子

・壽善,●一

夕共成七言

録

影相

即

改

訂

數

則

炎

武

1

折

焉

未

幾

廩

膳

生

息

H

顧

炎

武

游

太

原

以

所

撰《日

知

爲

之延

譽,

由

是

知

名。

旋

放改歸

太

原

故

籍

爲

問

哉

奸

⁰ 子壽」,是,今據補「子」字 了子」 # 原 駿 闕 道 古堂文集 子 百 注: 陳 一九《閻 未 先 生 詳 傳 待 考。 周

子次子 親 曾子母 於《孟子》。 喪,齊衰而 在 時 在 也。」乾 也 可 往哭之。』夫孔子没,子張尚存,見 子張没而曾子方喪母 知 檀 學歎 弓》: 記 所 服 載《 子 曾子問》一篇,正 張 死 ,曾子 則孔子 有 母 其 時 之

學有 璩 開 馥 人。」及乾 客。 局 亦 於洞 를 從 師 二十二年,●客閩 每詩文成,必屬 法,非吴志 事 詩 焉 庭 學以 東 文不 Щ 尚 既 書 伊 經 歸 又移嘉善,後歸崑山 畫 百 里,奉 歸,乾學延 所 裁定。 詩 及 勘 也。」合肥 勅 定 修《 未 曰 **:** 至京 可 閻 統 輕 李 師, 公天 志 易 先 若 示 爲 生

革 及 定公薨 世 一,予謂 瞭 大親 若 若 使使 璩 並 指 歷 精 當 掌。 然 其 於 論 友之 地 地 其 嘗 理 乃 鄒 地。 日 之學,山 知 問 : 故 「孟子 少讀《 孟 滕 子 或 III 孟 言 何 城 形 子》書 讀 緩 在 勢, 書 今縣 不 當 州 及 疑 郡 西 論 事 南 滕 其 沿 ÷

> 去僅 一卷。 反 + 作《孟子生卒年月考》一卷。 命 五 里,故 也。」因 百 又據《孟 里 邾 故 | 撰《 朝 城 四 子》七篇,参以《史記》 發 在 書釋地》六卷、《釋 今 而 夕 鄒 至 縣 東 朝 南 見 二 十 孟 子 地 而 諸 餘 里, 暮 論 即 相

十五. 爲 稱 宗在潛邸,手書 生」而不名。 輿, 善。 里,如 晚 上施青 年,名 疾亟,請 卧 索觀 紗 益 床 帳 移 簣,不覺其行 延 著,學者稱 就 ,二十人异之出 所著書,每 至京 外,留之不 師 握 爲 進一 潛 也。 手 可 賜 丘 篇, ·, 乃 移 坐,呼 卒 先 年 未嘗 居 生。 以 城 大 + 外 床 先 世 不

《尚書今古文疏 半年至京師。 年」耳,今據 E 「二十二年」, 誤析 張穆 一篇 間 潛丘 爲二」條按語 原誤 蓋 證 先 江 》卷 生年 作「三十 氏襲自杭傳 一「第十 譜 可 影引 知 年」, 若 閻 六言禮記 而手民氏訛爲「三十 詠 璩 杭 撰 於康熙二十二年 傳作「二 其 引 十一年

0

身,一 以 經 來」之句。 有 諸 紀其 九 生 字無 時 (喪, 而 康 受聖 親 假 煕 後 製 JU 爲 主 輓詩 十三 孔 文以 特 思 達 四 年 周 祭之,有云: 之知 章,有「三千 六 情,旨深言 月 八 可 H 謂 得 大。 里 世 稽 讀 路 宗 古 若 書 遣 爲 之 璩 等 余 官

志

有秦 傳 俘擒 得 詔 予舉宋陳 功 夜 飲飲 不 斬 Ŧi. 其 之,許 索 謂 年 伯 如 公云: Ŧi. 解乃已。 平生長於考證,遇有 使過, 盧 即 千,帝謂 讀《唐 用 傅 放 出 孟 紹 明 此 諫 良 此 爲 「今晨 書 人有《使 嘗語 事 更始 左右 請 語 又 但 而 李 自 直 使者 弟子 越 티 : 不 功 免。 有 靖 起 $\mp i$ 知 不 出 居 傳 『使功 日 年 勿 疑義,反覆窮究, 此 如 後 處 \forall 注 斬太 語 使過 讀 當當 率 高 E 曩 出 兵 不 相 後 守, 問 時 在 何 論 破 如 以 書 不 古 東 書 **%** 日 使 開 靖 能 海 耳 人 调 州 逗 獨 篇 答。』 言 公邸 留 蠻 夫 果 越 中 行 使 必

> 學問 用 功 之無 之, 不 如 第,而 霸 使 西 過 1戏。」 尤不可 章 乃 懷 知 注 以 全 無 出 年 若 也 於 秦 穆公 此 赦 甚 孟 明

使

而

其繆訛 然論受之, 所服膺者三人: 生,謂 潛丘劄記》中。 閻 印 伊 太 之博 若 亭 冲 天性多 其 不 林 璩』名。 杜 則 :所刊《 覽、 撰 則 曰「太 否少 故 而 曰「此老《春秋》不足作 徐 則 廣 事 足; 曰錢受之、黄太沖、 勝 可 藩 沖 若 韻 ; 聞 - 之徒 力之强 汪 璩 指 詞 之顧 前 鈍 嘗 摘《 科五 廳 有 翁 執 君千里云: 記 H ; 贄 校 謂 十人中 知 而 刊 崑 其 録 待 姓 H 私 \forall 訪 門 氏 顧 造 録 如 獨 F 卷, 準 列 寧 典 曾 <u>+</u> 李 許 然 見 天 指 吴

論

與 無 陳 人錢 傳 傅 大昕二 讀 良 待 宋陳傅良時 考。」 原 傳 周 誤 皆 作 注 脱 未 陳 論 細 良 傅一字,江 有『使功不 考 時 周 閻 氏誤襲之耳, 注 - 如使 若 人過 陳 潛 良 一題。 丘 時 杭 宋 史

0

業

初

於世 釋地 遂 若 璩 \ll 其 所 師 著 孟子 耶 書 中 1 生卒年月考》、《潛丘 所 不 稱 著《古文尚 亭林 爲 師 書 疏 豈 證 亭林 | 割記 *<u>`</u> 没 》, 行 四 後 書

子詠,亦能文。

業於 原 校 本》, 崑 同 Ш 時 敘 顧 Ш 炎武 陽 日 有 ,究心小學,有《婁機漢 張弨者,字力臣,隱於賈,受 隸 字

學。 其 正 亦 者,亦標出 意 IF. 之。 本 點 體 增 出之; 碑 今悉準之《説文》,於《漢 減 自 以朱筆標出 隸 不 點 變篆 誤 畫 其 之 ,改易 而《字原》 全譌 以 其 就 之, 雖 者, 偏 省, 無 旁, 或 則據《説 當 而 抄 破 好 於 碑 寫 體 異 緑線字 IE. 版 致 而 尚 體 各 文》駁正之; 錯 不至背 原》中 奇, 家 而 者,亦校 近 貽 可 是者 誤 取 以 正 體 隨 後

論「辭」字曰:「『舜』乃『辭訟』之『辭」,

『絫』。」論「序」字曰 魏、齊之交始有之。」論 俗字 有 反歧『雕』與『鵰』爲二字,而系『雕 大牝 之『懷』,若『褱抱』之『寒』,則不从『心』,而 『詞』又別焉。」論 若『辤受』之『舜』,則从『受』, 『繋纍』之『纍』 ·麐』字也。」論 考』,通作『 萼』,宋、齊 煴 ·裹袖』之『寒』,又别焉。」論「麟」字曰 雞」之爲『鷄」,本一字,而 壹 堂」,而 力也。 字,謬之尤者也。」論 也。」論 而 鹿 爲『 也。 强則 組」,若『氤氲』乃俗字,而 隸 「雕」字 非 無『童』字,故借爲 蚚 西 氤 也,非 省 「懷」字曰:「『幓』乃『懷想! 狩 氲二二字 日 : 而 所 「『庠序』之『序』,是學 爲 彊 獲 以 彊 華 『累』,非 也。」論 前 也 字字 『彫』,則 日 雕』之爲 無 _; _ 字 日 儿 烟烟 而 花』字,北 以 :「彊者 H 「累」字日 靈 文 篆 與『彫』 煴 積 琢 之 鵬 法 古古 也。 」,又借 絫』 詞 絪 當 之 之 作 爲 猶 朝 亦 作 今

『米』是『氣廩』之『氣』。今妄以『氣』爲『气』,「气」字曰:「凡天气、地气之气,皆气也。加乃象形,若『草』則斗櫟實也,别爲一字。」論名,非『次敘』之『敘』。」論「艸」字曰:「『艸』

今加『人』於『雋』旁,通以爲『俊』,謬之大者『弓』之横體,引弓射隹,故曰得雋,非俊也。『千人之材曰俊;若雋,則肥肉也。『鬥』乃而加『食』字爲『餼』,贅文也。」論「俊」字曰:

『幇』,非『椒』也。後世加『艸』於『木』爲上古蔽前之皮,其字象形。『木』之重文曰上古蔽前之皮,其字象形。『木』之重文曰也。」論「黻」字曰:「黑與青相次之文,『木』則

而通書作『黻』、皆誤也。」其書之大略如此。也。漢人不曉、妄用之。宋之米元章名芾,

侗 叔 1、楊桓之上矣。 重之書 臣 辨辨 雖不知古人假借通用之説,然謹 鄉 壁 雅 虚 好金石文字,遇荒村野 造之字,其學識 遠 出 守 戴

> 宋人補刻字,證 嘗登焦山 學五書》,今世傳彫本是 書法唐賢,世 而 寺,古碑殘 坐,仰讀《瘞鶴銘》,聚四 乘 碣 稱能品,爲 江 埋 潮 爲 没 歸 顧 榛莽之中 壑,往 況 也 書,援 炎武 山巖之下 石,繪爲圖 寫《廣韻》及《音 · 者, 據 甚 靡 核。 - ,藉落 不 椎 力 聯 以 葉

亦癖 訓 乾隆年間,游京師,秦大司寇蕙田,延 軒中,校定《五禮通考》。 編次,各注所出,爲之辨 古書文字之異,取字體之假借 導卒。 金石,與力 力臣之後有吴玉搢,字藉五,號山 臣 同 嗜,作《金 證,著《别 後以廩貢 通 石 用 雅》 存》十卷。 生官 者 至 Ť. 鳳 味 經 陽

書。 授浙江常 名鑒,字元衡,世 乾隆 又有安邑宋半塘者,傳潛丘之學。 山縣 一甲子 知縣 早 居 於 運 鄉。 三年,調鄞 城。 戊 生 辰 侕 成 縣 穎 進 悟 蒞 鄞 半 讀 塘

馳 攜 立 澳 年 ·, 以 書 書 生 門 招 數 祠 口 廉 之,至確 千 知 頌 能 卷 遺 升 又 而 愛 廣 署 릲 Ш 焉 東南 潮 , 卒於官署 陽 歸 以 雄 縣 田 親 府 後 老 通 所 判,署 告 弟 至 歸 某 有 爲 政 連 囊 確 聲 州 無 長 Ш 士 又署 **令**, 物, 民

注

日

文 辨 爲 疏 其 小 尚 也 如 《水部 玉 大、爲 · 學 不 有 解 書 漢 篇 几 字 所 疏 半 詳 司 卷。 書 講 津 證 塘 贍 馬 仆 . 廣 文詞 湛 逮 乃 辨 '', 此 禮 則 嘗 相 」字,本 韻 乎 深 小 博 形 樂 如 日 皆見 *, « 學 經 聲 志 曼 術 封 之 「莫辨, 「 又 水 採 遼 衍 於經 經 尤 禪文》「沛 祖 神 益 經 經、史、《 東 而 義 也 注 精 哉 水 以 不 傳者。 而 不 名 沛, 坿、 爾 小 諸 取 訓 明 學 雅 附 借 方言》、《 而 書 詁 然改容」,師 ',以 師 小 | 爲《 若 疏 訓 重 無 、備三門, 古 學 之,治 **灬據矣。** 見於 爲 輯 潛 説文 木 注 澤 丘 釋 「沛 尚 講 一,借 史 解 名 經 書 古 也 \wedge 説 疾 訓 字 者 攷 文 如 ;

> 聞 通 益 沛 家之學。 感 矣。 之,故 借之借 動」; 艾, 又有《易見》、《 駊 曰 又《大 附 意 騀 附 者 也, 當 · 人 至 時 説 則 賦 於 必 文》 謂 \approx 借 有 尚 之 沛 例 無 書 備 艾 説 此 彙 與 赳 也 鈔 以 附 訓 螑 處 益 以 此 之, 注 無 漢 經 乃 不 宋 注 張 口 又 訓 氏 揖 地

得

理

考》、《詩文集

 \gg

藏於家

非

附

算 古 府 戊 陽 隸 優 助 戌 書、 教 貢 餘 城 北 於 其 張 生,癸卯 補 子 行 方之儒者 學 學問 古 葆淳,字 字 應 楷、 餘 無 也 殿 太 淹 所 Ш 試 舉 守 乾 通, 不 水 人,隰 也 帥 以 與 窺 降 Ι. 皆 初 芝 知 甲 詩 邃 人 Ш 州 縣 午 於 能 古 學 友 字 用 舉 經 文詞 品品 善 正 芝 術 今官 傳 以 Щ 乙未 太 尤 其 例 性愛· 守 吉 精 授 乾 家 成 名 安 天 學。 或 隆 金 進 敦 文 府 子 甲 石 曆 時 監 知 午

胡 清 黄儀 顧祖禹

天 義,尤 生,試 間 益 祖 舉 名 東 爲 太學, 下 禹景 「, 世 順 德 統志 雖 德 焉 郡 清 胡 精 高 遭 所 或 範 渭 縣 渭 人 $\overline{\mathbf{v}}$ 連 等, 顛 嘗 稱 書 知 生 開 習 地 沛 思 館 初 縣 曾 充 + 之 館 若 V 泉 名 益 祖 增 猶 學。 洞 有政 與 璩 先 渭 都 友 生 手 而 庭 子 百 生 生 信 馮 聲,工 崑 Ш 孤 詩 鴻 屢 也 文 編 字 明 Ш 赴行 輩 分 延 毅 母: 不 朏 徐 隆 觀 郡 父公角 渭 古文,與 公家 沈 徹 尚 明 慶 摩 纂 省 與 攜 書 戊 相 輯 試 黄 之 + 乾 辰 善 字 儀 渭 避 因 學 Ŧi. 天 不 歸 進 東 子 潛 得 奉 售 寇 而 爲 啟 有 士: 樵 鴻 間 博 詔 心 縣 Ш 甲 光 學 觀 顧 乃 學 修 經 谷 子 齊 廣 #

渭素習《尚書·禹貢》,謂僞孔、孔沖遠

之, 天, 卷。 居,博 水 豬 説 及 河 蔡 與 用 依 庾 導 沈 錐 經 稽 波 仲 錐 河 JII 於 指 指 載 立 初之言 之黑水,不 地 當 當從 地」之意 解 籍 者 從 理 及古 章 皆 鄭 ^ 取 不 别 疏 説 康 今注釋 足信 言 旬 舛, 莊 文》 成 可 從 子 所 本 涿 如 作 ; 見 作 • 成 而 致 浮 秋 者 菏 爲 禹 播 江 其 於 水 小 貢 ; 也 同 0 ; 淮 當 篇 錐 異 梁 大 È 祭、 泗 指 用 州 Mi 足 鄭 管 之 波 達 折 疾 康 窺 + 家 黑 既 中 於 成

今水道 水 正 或 鄭 程 中 經 氏 大 賜 Ш 八昌《禹 乃 111 東 王 又 參 謂《 Ш 據 卿《 未 景 之傳 脈,條: 九 能 之圖 禹 貢 禹 州 精 貢二 貢》 111 紀 Ŧī. 審 分縷析 111 及 服 Щ 計 先 + 地 晉 導 Ш 里 儒 Ŧi. 理 딝 Ш 書 聚米 舊 啚 啚 空 非 導 方, 説 裴 圖 水 世: 111 龃 之文 爲 不 畫 秀 亦 無 經 明 之 沙 啚 罕 傳 異 四 啚 覯 本 者 證 如 而 皆 身 漢 Ħ. 以 不 而 永 能 歷 地 於 合 H 釐 郡 宋 平. 志 沙

民,凡 然後 論 清 遥 給 使 卒難 也 河 流 П 其費,兩岸之隄,增卑倍薄, 之本 沙沙 爲 河 不 ·得 設 縱 支, 決 民 使 漢 不 田 维 時 不 河 會 性 北 溢 於 生 唐 通 廬 更 暴 並 利 必 所 通 改 或 以 渤 時 東 甚 海 決。 水 而 決 之,決金 有 來, 塚 流 計 務之迂 海 衝 爲 至,得左右 南 Ш 時 墓 之 了, 不 所 洪 西 河 人 禍 當 不 愈 跡 繫 決,率 澤 於淮, 道 鹽 尤烈。 煩 塞,加 用 故 水之衝 儒 龍 諸 遷 高、 論 所 則 湖 徙, 於《 注 力 無 近 能 游 以 河 以 寶 衝 雖非《 張 寧 近 也 者 日 導 哉 波 便 淫 口 諸 0 秋 歲 日 盪 淮、黄 1,悉遷 運 河 更於低處 潦 以 寬 湖 而 治 高 其 非 耳。 · 而 北 禹貢》之舊 緩 堰,人 河, 説 而 東 治 之勢云 章,備考 他 而 河、淮 口 淮 北 先 河 南 乃 所 不 創 稱 治 力 由 期 行 遏 南 迫。 7 卓 官 之 倉 大 戒 漕 非 Ŀ 海

^

别

口

爻之畫 索、 洛書之文, 易》而設。」作《 哉 無 ! 啚 震 齊 惟 即 河 巽 見於《洪範》。 啚 啚 ||《詩 易 之 世 **>** 易圖 章 無 象, ***** 盡 八 所 書》、《禮》、《 明 自 之矣 卦 用 辨 古 之 啚 五行、 ()安得 無 次 傳, 序 + 九宫 方 何 四 有 春 位 從 先 掛 秋 後 乾 初 擬 議 天 體 皆 不 坤 爲 之

也; 矣。 也; 河 黑之點、方圓之體、九十之位,書也 瞽 説 有 庶 圖 爲 史 目 徴」「王 且謂《 洛書之本文,具在 之害 者 又言《 矯 洪 + 所 誣 範 爲 共覩。 也。 之説, 洪 洪 省 洛 元 書,蔡 範》之理通 範》古聖 惟 無 漢 歲」以 錯 亂 儒 而 間 簡 彝 元 Ŧī. 有 所 倫 下 定 而 行 於《易》,劉 晦 洪 傳, 爲 攸 兩 宋 傳 È 範 五. 敘 易 \approx 儒 如 否 之經 其 任 專 日 塞 紀」之傳, 宋 名 意 主 月 者,先儒 儒 牧 而 之麗 災異, 改 其 其 以 變 創 竄 害 害 九 爲 爲 天 移 爲 $\dot{\Box}$ 以 啚 曲

德」「惟 阜 極 辟 斂 作 時 福 Ŧi. 福 以 」至「其作汝用咎」,●及「三 下 並 爲「五 福」、「六極」之

理

志

傳 其 、害三也。 作 洪 範 Œ 論 Ŧi. 卷

其 義 議 釋在「邦畿章」 論之正 又作《大學翼 可可 謂 通 内,本無 真》七卷,言格物 儒 矣。 缺 文,無待 致 於 知 補 之

縣

有二。 廷,暇 郎 間 云。 南 撰《平成頌》一篇,獻諸行在,有詔 LI 游 書房 胡 年 爲當代儒宗。 H 四大字 籍 五 會恩之叔 下 康 H 十三 - , 禮部 直 熙 以《禹 對 己 廬 賜 \Box 卯, 年 尚 之, 賜 : 也。」四十 Ė 貢 書李 大 饌 禁直 未幾,以老病歸。 浙 錐 月 再 及 江 指 振 從 九 書 諸 人,六十 **>** 裕、侍講學 姪 日, 四 進 扇, 臣 會 年,②法駕 呈,上 卒 咸 又 恩 謂 於 御 餘 官 家, 書「 覽 士查 歲 嘉 京 時 昇供奉 禮 凝,召 而 南 師 年 耆 Z 嘉 巡 昇 八 臁 年 部 乃 之。 渭 侍 内 皆 + 曲 篤 至 復

> 具。 水各爲 千古以下 之地不可 讀者 》所載 某 及各家 閻 方,至某縣 黄儀 岩 圖 諸 不能了 得 第 「璩見之,不忍釋 輿 常常 Ш 地書, 聞 熟人。 如 知己 第言 合某水,某縣 某水出 然 惟《水 於心目。 靡 也 其 篤信 不 所 經 某縣 究 出 注 手 古學, 心。 所 乃反 備 向 人, 歎 人 謂《 著 某 某 \vdash 於 而 Ź, 覆 方 水 經 班 中 尋玩 然 酈 流 書 史 無 間 徑 中 道 非 巡 不 某 每 元 繪 地 地 歷

啚

渡, 依范 顧 祖 九鼎,後居 禹, 無 錫人。 膠 Ш 徙居 黄 守 常 中 熟, 家。 客 父柔 於釣渚

文

0

0

增。」是。 四十 阜 極 四, 今據 原誤 文無 補 作 極 四四 字。 十二。 鍾 校 夏 定 極」字 域 胡 據 朏 洪 明 先

改 》康 進 書 配 四四 事 + 實 爲 四 四 年 + 條 四 引 年 康熙帝第五 禹 貢 錐 指 次南 紀 思 洲 時 末 事 注 等 生 考 年

足

哉!

李書尤 書,此 李 爲 讀 輿 户 字 要,及古今戰守之蹟,而 水。 地 文分野》一卷,共一百三十卷,又用 禹 十三省》一百十四卷、《川瀆異同》六卷、《 清《南北 啚 岡山 地理之學者,莫之或 其書,可 少 書,承譌 書,撰《歷代州 性 承 中,精於史學,著《 其 嫌 卷,名曰《讀史 好 家 也。 疏 遠 訓 以不 史合鈔》,然 漏 遊,足跡 不 襲謬,皆 · 豈 其 二 出户牖, 事 能 帖 域形 則 遍天下 與 括 方 先焉。 梅 經 Ш 顧氏、梅氏之書稱鼎 「合鈔」本人所易爲, 景 輿 勢》九卷、《南 侕 文鼎 居贅 紀 物 駁 周 史皆 要》。 名 正,詳於 知 無 世 論》 勝皆在 天下之形勝, 所 曆算 能 所 遇 稱 背 凡 開 三大奇 全書》、 誦 書 Ш 職 方 歸 北 所略。 法 直 Ш 方 如 而 天 險 廣 繪 隸 閉 流 祖

所

稱

張 爾 岐

《天道論》、《 也。 少 張 爲 爾 岐,字稷若, 縣 中 諸 庸論 生,遜 》、《後 志 自 好 號 學, 蒿庵 篤 終 Τ. 居 論 古 \pm ₩, • 文

濟

陽

人

詞

著

時

説。 其十七篇與高 六篇奏之。 官》五篇, 生傳《儀禮》十七 《漢志》所 年三十,讀《 河 後復 間 堂 獻 載 生 得 \pm 篇。 儀 傳 所 古 以《考工》補《冬官》,共 禮》, 禮》者十三家, 傳 經 武 五. 司 帝時,有 歎 餘 十六篇於魯淹 日 : 三十 李氏 漢 九篇 初, 其 得《 所 無 高 中 發 成 周 師

0

後」, 原 故江氏此文、「後」字不可省、今據補之。 聽 闕。 信 巫 覡, 晉皇 崇 南謐 奢背 有 禮 (篤終論》, 爲 害 甚 烈, 爾 岐 遂 感 作 當 世 後

其 微 不 述,當時 或 小 明 了,皆《 疑 爲 難 戴 者 讀 蓋先 大 П 實 顯 周 故 聖 而 官》及 一; 近 儒 也 以 君 儀 於 難 賢 代 周 禮 夫 此 讀 相 列 官 疑 廢 土 於 十七篇之旨也 則 疑 君子 唐 經 周 可 信 官 平 公之所 以 各 ·之所 取 半, 士; 而《 定, 遵 尚 而 行 以 儀 孔 十三 新 禮 可 子 禮 莽 ż 斷 一家 间 反 所 然 荆 書 H 獨

推

重

如

此

學者 字,作《 節 本 疑 其 脱 釋 義 句 有 誤 讀 九 則 不 大 īE. 矣 疏 能 凡 後 以 鄭 誤》 改名 意 二百餘 尋 康 其 斷 其 成 八節 之,亦 端 注 儀 篇附於後。 字 録 緒 文 禮 其 合古質, 乃 並 附 鄭 要, 考石 於末 注 取 取 賈 句 經 經脱 ·, 始 其 成書 公定 讀 與 明 名《 注 誤 注 之時 章 釋 凡 又 儀 而 分之,定 義 多 Ŧī. 禮 止 曼 定 + 年 鄭 衍 監 餘 注 有 Ŧi.

書 तां 爲之 崑 Ш 之序,手 顧 炎 武 録 游 Ш 本 左 藏 與 Ш 爾 西 岐 祁 友 縣 善 所 Ż. 讀 書 其

> 禮 言簡 堂。 卓然 當 嘗 與 經 又《與友 汪 師 琬 書, 吾 不 人論 稱 如張 爾 師 岐 稷若。」 道 之學 書 根 \Box 其 本 爲 先 亭 獨 儒 林 精 所 立

卷、《 陽縣 世 卷、《弟子職 關 遊,炎武之外, 夏 接 中 小正傳 春 志》九卷、《 李 爾 自 秋傳 岐 中 爲 開户 乎、 墓 注 注》 議 銘 **>** 王. 著書,是 則 蒿 未 而 卷、《 弘 長 庵集 卒 成 卷、《老子 撰 Ш 吴 四 劉 晚 》三卷、《 以 Æ 人 友 年 # 儀 而 生、樂安李象先 無 説 蕭 禮 른 知 然物 蒿 略 考 者。 庵 注 所 外, 閒 訂 卷、 著 平 話 誤 不 生 ^ **>** 濟 有 交 跙

292

馬 騙 王爾膂

己 亥 進 馬 土 驌 字 謁 宛 選 斯 在 京 師 字 驄 用 御 才 望 鄒 與 平 順 人。 天 鄉 順 試 治

縣, 同 考官,後 有 願 善政 世 世 爲 今 卒於、 奉祀。」於是得 淮 安 府 官 推 官, 1: 民 部 尋 皆 檄 奉 哭, 祠 裁 且 改 名宦 號 知 於 靈 璧 Ŀ

篇。 時 十篇 匹 Ŧi. 録 緯 年 無 合經史諸子,鉤 必傳之作也 外 人稱爲「馬三代」。 帝 》,凡數萬言。 不 謂 録 引 合一 計 精 騙 之《繹史》。 端 \forall 戰 三曰《春秋十二公時 少孤 研 百 紀 或 竟 十篇,二曰《三代 春 緒 而 天官、地 ", 事 六十篇,篇 尤 秋至亡秦》,計五十篇 母 條 癖 括 又取 《左氏 分五 貫 以孝聞。 裁 志、名物、 如 纂, 太古以 顧炎武讀是書,數曰 部 爲 春秋 佐 傳, : 一卷。 夏商 事 以 穎 來及亡秦之事 \approx 謂 》,計七十篇 制 圖考,參以外 日 敏 以 西周》,計二 之《 度等, 其 太古《三皇 强記,於 敘 書 左 事 最 計 Ті. 傳 易 書 事 編 H ;

康 熙四 + 四 年,仁 皇帝南 巡 狩,至蘇 州

> 元 日, 板 垂 明 問 年 驌 几 所 月, 著 書,命 令人費白 大學士 金 二百 張 玉 兩 書 至 物

> > 鄒

色

平.

購

板

人

内

府

擇其善 魏晉以 鄭爲主,然後 杜元凱。 齋。 鄭之《書》亡於僞 七十子之大 公羊》,鄭氏之《三禮》耳。 人 窮 掖縣 口 後。 而 時 經 其幸存者,毛、鄭之《詩》,何氏 諸 折 有 而 衷焉 蓋荀、虞之《易》亂 生。 義 \pm 經亡,此言大非。 參以 爾 賴 讀經宗漢學, 膂,字襄哉,號止庵,一 漢 孔氏,賈、服之《春秋》淆 庶 六朝、 以 乎可 存 唐、宋、元、明 矣。 窮 窮經當以 經 以 於王 漢 而 爲 儒 經 鄭夾 輔 有 毛、何 嗣 諸 家 當在 漈 號 儒 法 於 謂 泡

漢

其 論 讀 史也, 以 正 史爲 主,而 旁證 以 外

⁰ 用,然此縣名,不可互易,今改之。 璧」,原文作「壁」,諸本皆誤。「壁」、「璧」二字,古人通

紀 >>; 失。 事 來朝野 略 《季漢書》; 史。 唐書》,《宋史》外,北 備史》,句延慶《錦里耆舊傳》,馬 史》外,有尹洙《五代春秋》,范坰、林 外,有劉昫《舊唐書》、范祖 《隋》諸書外,有許嵩《建 秋》,《南》、《北史》、《宋》、《齊》、《梁》、《 四 略 》、曾鞏《隆平集》,南宋有李心傳《建 朝 亦一 如《前》、《後漢》外,有荀 《三國 聞 雜記》、徐夢莘《北盟 凡 見録 時之學者也。 此諸 [志》外, 《晉書》外, 》,《元史》外,有 書,皆當參互考訂 有 宋有 蕭常《續 康 有崔 一禹《唐 實録》; 王 會編》、葉 悦、袁宏兩《 鴻《 蘇 禹 漢 令、陸 鑒 天爵《 偁 十六 書 ^ 以 *****; 馬《吴越 新唐書 東 知 **五代** 游《 名 紹 炎 或 謝 其 都 陳 得 臣 翁 以 南 春 漢 事 陛

國朝漢學師承記卷二

枋

友善,以九經教授鄉里,尤精於《詩

甘泉江藩纂

惠 周 惕 惠士奇 惠松崖

問》、《三禮問》、《詩説》及《研溪詩文集》。

改密雲知縣,卒於官。

著

有《易

傳》、《春

秋

生周 邨。 百歲 小一 世 善,分爲四支:曰四七,曰廿一,曰三八,曰 文林閣學士扈高宗蹕,如 居 惕。 扶風 翁是也。 Ŧī. 惠 三八支後 傳至洪,洪 周 遠 惕,字元龍,一 有聲字樸庵,明歲貢生,與同 祖 洪 元 生萬方,萬 七傳至 年至 祐,●徙洛 字研溪,吴縣 倫,始遷吴縣 百 臨安,家湖州。 方 Ŧi. 陽。 生 歲,吴下 有聲,有 靖 康末,以 人。 里徐 東 所 稱 聲 渚 生 先

代名 康 T. 熙辛未,成進士。 詩 士交,秀水朱 古文詞。 研 溪先生少傳家學,又從徐枋、汪 既壯 彝 , 阨於貧, 徧遊 選庶吉士,因 尊亟稱之,文 四 不 名 習 方,與當 一琬游, 或 益 書,

博 遂以 溪先 書,焉用試爲!」乃奮 未成陰 一爲諸生,不就省試。或問之,曰:「胸中 通六藝九經諸子及《史》、《漢》、《三國志 生夢 文貞之名名之。 子士奇,字天牧,晚年自 夕照多」之句,爲先輩 東里楊文貞公來謁,已而 年十二,即能 志力學,晨夕不輟,遂 所激賞。二十 號半農人。 詩 生先 有 生, 柳 無 研

↑ 下改正之、今據改。 亦改正之、今據改。 《惠氏宗譜》等皆作「祐」、粤雅堂本

=

皆 \vdash : 能 一先生 罶 聞 誦 君 朗 熟 嘗 誦 於《 與 終篇,不遺一字,衆皆驚 史 名 *>*′ *<* 流 宴集, 漢 ₹, 坐 試 中 爲 有 誦 難 ^ 服 封 之 禪 者

對 異 命 錫 百 吉 廣 ± 東 數 以 祭 以 考官 \pm 力 華 散 戊子, H 告 其 後 73 亭 雍 炎 館, 聖 正 庚 得 己 帝 Ŧ 鄉 公子,主 祖 元 開 陵、舜 亥 授 頊 試 嘗問 年 列,先 Œ 編 龄、 第 ·癸卯 修修 月 湖 陵 仁 廷. 0 生 太 廣 和 臣 癸巳、 命 明 以 皇 鄉 故 湯 誰 留 年, 試 編 事 太 右 Т. 任 修 : 后 乙未 曾 作 成 三年 冬, 得 祭 升 賦 及 進 會試 膺 告 袝 先生三人 奉 閣 士 禮 使 寵 命 學 臣 命 成 督 蔣 選 兩 學 學 奉 洵 充 庶 狂

其. 就 以 文 章 經 後 學, 學 冠 司 遣 倡。 謂 天 馬 雋 下 漢 相 1: 時 三年之後, 如 張 漢 蜀 王 叔 之蜀,今之粤也 郡 褒、 等東受七經,❶ 僻 嚴 陋 通 文 遵、 經者多,文體 翁 揚 守蜀, 雄 還 相 於 以 繼 選子 是 教 而 爲 毅 起 授 之 弟 妖

> 於三 例, 學品 堵 以 不 好,所舉 所 如 日 古 士,轉侍讀學士。 變。 牆 效 今, 此 及 爲例。」在任 誘 格 一賢祠 法。 勝 進 生 通 不 多 校 既 又謂今之校官,古 日 達國 行。 之人, 諒 .; 惠州 官 訪 去, 士; 之 諸 諸 「體,今校 粤 世 遷)職 興論, 吏 生 於 宗 人設 右春坊 部 非 肅 丙午,任 東 特 具 徇 以 坡 衣 旨: 疏 有 木 官 學 私 祠 冠 海 È, 題 右 無 臣 博 陽 人 協選都 著 補 博 中 潮 惠 向 配 士: 允,超 照 韶 進 拜 州 士之才, 1: 無 食 也 所 州 士: 於 奇 先 題 翁 昌 請 府 其 居 賢 送行 擢 補 博 廷資 教授, 補 黎 得 侍 官 官 弟 + 祠 士: 聲 者 廣 講 員 明 2 其 4 學 後 名 得 元 州 如 何 於

丁未五月,奉旨修鎮江城,以産盡停工

^{♪「}張叔」, 原誤作「张寬」。《漢書》卷八九《文翁傳》作「

侍讀 讀 罷 用 所欠修 戊午,以 乾 隆 元 城 年, 病 銀 告 奉 兩 旨 歸。 得 調 寬 辛 取 免 酉 來 三月卒,年七 1 京 巳 引 六 見 月 以 補 講

爽以 學亡矣。《易》者,象也。 書,又創 漢儒 文王 其説 君子觀 不 文王、孔子之《易》而 + 《易》始於伏羲,盛於文王,大備於孔子, 同 几 卷、《 升降,鄭康成 言《易》,如 ;不明文王 猶存於漢。 先生 出 而 象 爲虚象之説,遂舉漢 自費直,費氏 指 邃 春 而 歸 深 秋 玩 經 則 辭,六十 説》 孟 之《易》,不足與言伏羲。 不明孔子之《易》,不足與言 桁 喜以 以爻辰,虞翻 + 遠問 撰《易 本古 皆 Ŧi. 卦 不 卷。 几 庖犧,吾不知之矣。 聖 氣,京房 可 文,王弼 説 卦 人 學而空之,而 廢。 其 * 六 皆 觀 以 論 實 卷、《 象 納甲,其説 以 今 盡 象,安得 易 而 通變, 荀 所 改 繋辭 禮 **>** 傳 爲 説 古 俗 之 而 舍

虚

力排 從之。 矣。 《公》、《穀》得 大義也。後之學者,當信而 之徒,争攻三傳,以 廢。 之,故所失常多。 於《左氏》,論莫 曰:『三傳作 周禮以 左傳》,則二百 故 史,惟篤 秋》曰:『周禮 《公》、《穀》二家,即 而 後 其論《 紀事 若徒據孟子『盡信 記 痛 世 詆之,吾恐三傳 事 有 皆實, 春 信 也。 \pm 而《春秋》散。』於是 秋 之師 其 通者, ₩ El 四 正於《穀梁》。 師 《左氏》褒貶,皆春秋諸 盡 而 + 説,師 要之、《左氏》得諸國 承 伸 在魯矣。』然則《春秋 論 : ·, 雖 年 其異 好 或 \sim 盲 七十子之徒 未公。 春 爲 廢 書 互有 所未言,則以 焉 説 大言 秋 而《春 不 好之,擇其 如 》三傳,事 如 得 韓宣子 《公羊》不 夫《 坐 無 以 啖 失 秋》亦隨 醬 書』之説 春秋》 (助、趙 了, 不 欺 室 所 見《 善 傳 之 可 意 莫 儒 学本 史, 之 之 中 無 偏 信 而 王 乃 逆 之 魯 詳

或

論

春

其 而 《穀》有 所 È 必 也 無 功 口 兼 <u>《</u>左 疑 有 氏》 ,惑之甚 過,學者 最 有 者 信 功 也 其 於 所 ^ 春 必 秋 不 \approx 可 《公》、 '信,疑

學, 禮 杰 盡 夫 不 蘇 故 蓋 義,故古訓不可 字古音。 』、『薄 漢 借 能 也 通 字有音義 雅 遂 何休《公羊》,多引 也 遠 疏 议 其. 馴 謂 朝 爲 於周 論 ...借 況宋 康 然 説。 經之義 周 曰 綦』之類,皆不 成 相 皆 從 以 而 禮 好 近 賈公彦於鄭注 改 可 俗 後 唐 * 改 而 存乎 日 讀 也。 引 乎。 又 字, 譌 : 遠 爲 甚 者, 漢 訓 康 贵 禮 周 禮 於 違『不 法, 故 成 秦諸 漢, 其 識 能 經 經 讀 注經,皆從古讀 以 然 字 出 疏 之 宜 如 . 知 從之。 子, 所 其 平 審 於 證 其 蓋 去 音 屋 飛茅』、『扶 ! 其 説 , 闕 讀之字亦 古未遠, 壁, 以 之不 文 乃 二之義 康 後 其 世 雖 成 多 知 近 能 不 \equiv 不 其 古

幼 時 讀 廿一史,於《天文》、《樂律》二志,

己, 食限必 行; 食, 也。 未盡 也 恒 者 甚、復圓 不 限 天,合於 天、有日 揜之實度; 朔之間 著《交食舉隅》二卷。 以 星爲天體; 能定 而 此不 亦有 皆 此。 沈 日 通 不 知 月 一朔,故 在 括 食者,未 曉。 九重 天、有 實 月之食惟 知曆象者 求 也 謂 兩交,去交 有平 七 食,有 平. 視食者,人在 政 及官 H 一之數。 日 新法於恒星天之外,又有 月天。 朔,莫 月星 古 行, 有 食 有 術 視 高 翰 或 不 也。 在 有實 食。 卑,故 辰 或 林, 知 宗 近 在 人 . 望 言 古人 之行, 知 求 食 則食,遠 一,此 晦 動 如 因 行, 實 測 求 實 限 者,七政 日 有 地 新 以 食 H 知二 實 有 朔 説 而 月 不 恒 所 者 食者 法 恒 行, 視 者 食 有 相 見 列 星 星 究 Ŧi. 故 行 日 謂 者 之 氣 觸 最 天、 推 莫知 否, 先 之所 不 月 而 H 也 而 者 初 高 步 求 有 能 日 之 有人 不 在 之 無 食 宗 求 氣 同 遂 定 月 知 食 Ŧi. 天 古 限 原 宗 之 食 而 動 指 早 朔 視 食 相 + 晦 法

若 則 光,故全食之時 法 高 日 謂 下 月 有 錢 之金錢 焉 高 食之既 也 能 下 揜 既 日 食: 。」既 殊, 哉? 又 其中闕 日 者 焉 大 日 有繼 能 月 高 相 然, 小, 之 而 觸 月下 而 解,非 月 平 光溢 ? 不 能 盡 ^ 五. 於 春 盡 也 外 秋 亦 揜 狀 日 新 有

金

用 梁 用 由 下宫 篴 是 武 律 小 相 正 用 之黄 吕 黄 徵 陽 帝 傳 而 又 蕤 撰《 爲 正 調 之 始 陰 隋 鍾 鍾 陰 變 , 黄 改 舊 用 琴篴 至 鄭 宫 微 倍 以 舊 倍 法 譯 小 鍾 , 黄 附 爲 之法絶。 法, 也 遂 吕 蕤 理 爲 下 會 爲 以黄 宮,有 賓 鍾 數 黄 宫, 晉永 先 陽, 篴 考 長, 鍾 儒 徵 之 鍾 V 長, 蕤 漢 宫 嘉 小 小 四 黄 正 最 賓 魏 占 濁 吕 應 之 卷, 宫 鍾 小 至 律 亂 羽 鍾 短 當 宫 其 而 無 應 篴 清之説 短 之,擅去 蕤 黄 以 爲 有 鍾 略 小吕 賓 爲 正 小 鍕 口 爲 云 宫, 宫, 日 中 失 陰 : 故 中 傳 均 夫 小 故 假 陽 小 自 +

> 黄 孔 起 鍾 以 宫 於琴篴 於中 鍾 黄 歷 濁 均 始 代 鍾 羽 之樂 始, 清 暉,篴之七音生於宫 篴 而 者 左一右,終於十 孔 旋 一上一下,終於 皆 ·; 指 宮 疏 患 下 之法 密 聲 徵 取 高 調 廢 則琴 而 矣。 隋 言 暉 暉。 蕤 孔 古 _0 唐 譯 賓 書 法 改 以 琴之十 ; 黄鍾篴 盡 成 來 爲 琴 Ļ, Œ 惟 Á 惟 從 獨 嘉 中 定 宫 律 暉

枝,研 目 白 南 $\overline{\nabla}$ 海 紅 南 存 鴿 香 先 集 豆 中 爲 禪 溪之北 生。 所 詞 溪 四 集 著 繪 師 $\overset{>}{+}$ 先 卷、《 **∀**, 初,研 有 所 生 紅 首 采 ^ 種 移 時 郡 $\overline{\nabla}$ 红 蓴 和 溪 術 新 老 城 豆 集 枝 先 者二百 録 居 東 而 齋 × 生由 植 啚 禪 枯 小草》、《 ^ 堦 寺 歸 矣 卷, 餘 前 東 Á 有 耕 人。 渚 海 題 集 紅 生 至 邨 詠 内學者 是 **>** Ŧī. 意 $\overline{\Box}$ 遷 各 四 史 絶 時 郁 方名 居郡 樂 句, 株, 然 復 卷 稱 府 <u>~</u>, 又 僧 士: 生 相 城 爲 **>** 賦 過 新 傳 東 紅 及

王

進

士恪見而喜之,餘莫能

解

也

二六

吴門 U H 紅 鄉 X 者 豆 先 稱 ¨, 必 生 研 停 一、松崖 溪 舟 先生日 訪 先 焉。 生 老 曰 大 紅 小 Á 豆. 紅豆 號 先生,半 紅 先 豆 牛 主人。 -農 先 生 所

六,時 抄 雅 禮 爲 生爲 所。 藏 講 歸 字定宇, \Box 仲 ン,校 愛 遠 元 誦 饑 孺 靡 不逮 粤中 莫逆交。 典 終 和 松 勘 寒 稱 自 有子矣。」學 不 籍。 岸 籍 年 穿穴。 困 經、 精 也。 惠 高 先生 課 頓 字松崖 審,於古書之真偽,瞭 得 門 史、 才生蘇 自幼篤 徒 甚 一,半農 及學 至於學問 四 自 父 諸 善 子, 於 給 友 子、 土 本 寒 \pm 珥 志 臨 先生之次子 視 初 素。 一毀家 常 甑 百家、 向學,家 羅 傾 JII 學 爲吴江 該 人 塵 天尺、何 李 囊 粤東, ア署 修 治,則 遭 常 弗 紱 城 雜 講 兩 滿 惜 一學生 説 有 喪,不 先 也。 論 先 四 見 處 藏 夢 及 文 然若 生從 或 子 生 奇之 釋、 書, 之 瑶 員, 藝 借 名 以 往 皆 田 辨 之任 讀 貧 來 自 與 陳 道 H 復 棟 日 如 黑 0 手. 廢 京 以 先 海 夜 改

> 薦,有 總 白 士 公, 九 督 卿 文 乾 隆 博 端 索 通 + 所 公 五. 經 著 尹 年, 書, 史, 繼 識 善、文 也 學 詔 未 及 有 舉 進 經 淵 へ襄 源 明 而 公黄 罷 行 之語 歸 修 廷 之士 を桂 然 先 交 會 大 生 章 兩 於 學 論 江

兩

非

有

半

面

是而 演其 虞 類 略 未 至 尼作《十翼》,其 濟 仲 始 於李 漢 + 粲 説 翔 猶有存者。 年 得 五 然復章矣。 爲 多 鼎 五十後,專 貫 祚《 卦,及《序卦 疏 通 以 漢 其旨, 集 荀、 微言大義,七十子之徒 學之絕者千有 解 自 鄭 心 書 乃 中 Ŧ 諸 經 一》、《雜 垂 撰《 弼 家之義, 術, 成 興 精 周 尤邃 而 揅 而 卦 易 三十 疾 漢學亡 》傳 述》 Ŧi. 約 革 於《易》, 百 其 年 遂闕 餘 编, 一, 幸 旨 引 年, 爲 相 鼎 專 傳 謂 伸 注 至 宗 至 觸 其 宣

⁰ 棟」, 字, 今改之。 作 小 注「家 諱」。 江 藩父名「起 棟」, 故 此 避

賓

子。 兆於 也,而 俗儒 術》云:『該**閡** 作『萁』。 公所 亥』,『子』與『兹』,文異 箕子當從古文作『其子』,『其』古音『亥』,亦 箕子」, 述 據 明 也 箕子者,萬 孟 西 不 以 也 作 孔 蓋涉《彖 當 明 漢。 氏 Ŧī. 爲 氏 君 不 升六 識 之學, 與 本 劉向云:『今《易》其子作荄兹。』 先 īF. 説 位 可息,故 七十子 鄭 博 坤 義 生獨能 乖 四 讀『其子』爲『荄兹』。 學 士: 也 傳 於亥,孳萌於子。』 據 物 以 云王 ,坤 施 異 於《易》 馬 方 爲 而 傳 警讀『其』爲 辨之。 融、 云『其子之明 終於亥,乾 其 荄 箕子明 譌 《易》之大義,讀 用享 兹 所 陸 例 侕 也。 執 績 五爲天 甚 於明 於岐 音 夷、陰陽 者 説 矣 義 賓 出 『箕』,蜀 明 夷 以 Ш 位 該、荄 同。 據 夷』。 謬 於子 之五五 夷 爻 古義 (美 種 其 氣 皆 六 辭 流 其 子 亦 無 人 馬 文王 用 Ŧī. 爲 日 傳 以 捎 臣 荀 箕 爲 統 融 晦 口 與 周 云 制。 晦, 喪,王 詞,皆 難諸 有 紜 而 鄒 融 以 高 而 此 也 湛 俗 並 郢

物

爽

而

孫,而賀惡之,謂 喜爲 明堂之制亡, 以 説 喜 及 孟 儒 書 肅 非 漫衍 荷 賓 改師法 所 喜 詆 實 諸儒 燕説, 傳《 班 班 爽獨 鄭 録 讐 無經譏之。 氏 易 古 皆 賀 知 而 劉 鄒 中 》家 作 屈 無此 司 倡 其非 褅 向 梁丘 於 湛 ^ 事 白 郊 喜 候 譏 事 田 之義 -,復用 别 和, 傳 陰 是施讐、 之譖 荀 蓋 0 \pm 録 陽災 \approx 語 魏 何 諝 孫 **>** 乖 亦 晉 賓 猶 也 尤 聞 而 喜未 變 用 古 一乎後 循 於上 袁 以 ^ 梁丘 周 書 警、 後 準 義 孟 貴 經經 ·毁蔡、 易》之學 世之紛 賀 賀 得 賀 而 ПП 之 皆 師 晉 故 嫉 自 帝 學 服 單 道 馬 喜 遂 \pm 嫉

之。』《禹貢》冀州『治梁 冀方」。 於升之四 春秋》引《 服 日 夏 虔 : 書》『 云:『堯 文 惟 \pm 及岐』。 爻 彼 居 辭 陈 冀 唐 州 帥 爾 據 虞、夏因 雅》云 夏、 彼 天常 商之

氏受命祭告,非文王 爲晉望,明梁、岐皆冀 梁 山 晉望也。』諸侯三望,天子四 也。」 州之望。 此王謂夏后 望, 梁 Щ

貞

君德。 者,皆爻當位,或變之正,或 化,六爻皆正,成 乾之九二當上升坤五爲天子,故《文言》再言 東方爲仁,故云『善之長』。 爻變,皆成既濟,隨 七,乾坤 合太和』。 生萬物」。乾之初九、積善在下,陽之始生, 雜 《説文》『元从一』,●『道立於一,造分天地,化 四上匪 一卦,六爻皆正,故云『剛柔 卦》篇 其説乾之四德 經凡言亨者,皆謂乾坤交也。 變 所 正,坤六爻初三五 化 和 謂 即利,正即 而 成 既 兩 兩 濟定也」。」「 既濟,故 三四易位,成既濟; 日: 既 濟; 貞 元 也。 剛 陰陽交而後亨, 屯 云『各正性命,保 者,天 匪 柔 三爻變, 卦 ΙĘ 正 經 相 具 而 凡言 易。 地 乾 位 四 乾六爻 之始 變坤 無 革 當 德 惟 利 妄 DЦ 者 既 貞

> 位,三爻又變而 三四易位,上爻又變而成既濟, 也。 成 既 濟。 故 皆 臨 言元 升 居 利 Ŧī.

奉 之豫而 者,藏 知 蓍之數,八者,卦之數。 稱艮之隨 晉公子得貞屯、悔豫皆八,乃三爻變,不稱屯 氏筮法,一爻變者爲九六,二爻以上變爲八。 貞夫一』,故卦爻之動,一 7,神以 秋 其論占筮之法曰: 以为内 往爲 稱 知來,知以 外傳無筮得某卦之七者,以七爲 而稱 八, 卦之已成者,故不曰七 穆姜遇艮之八,乃五爻變,不 八,所謂『貞夫一』也。」「七者 藏往。 「《易》稱『天下之 蓍圓 則 知來爲卦之未成 正,兩則惑。 而 神,卦方以 而 京

0

不 丛 説文》之例,凡「从某」之字皆作「从」,不作「從」。 中此類字作「從」者甚多,今皆依《說文》之例改之,下 出校 作從 《説文》: 「元,始也。 从 兀。」又 江藩

之數,未成 卦 也

褅

謂 郊 皥 聖 傳》「不王不禘」,及《詩 \pm 以 德,黄帝 謂之《明堂月令》,今所傳《月令》是也。 相 出 下之大法。 道 云「郊祀天」,是郊 褅 之禘 布政。 則行之南郊。 者行大享之禮於明堂,謂之禘、祖、宗,其 以 人,生有配天之業,●没有配天之祭。 次 乎震」,帝者,五帝也,在太微之中。 録 太祖),以成 下, 》八卷、《禘説》二卷。 者,禘其 因學《易 也」,鄭箋 以 歷 王者承天統物,各於其 土德,少 四 代所禘,太皞 明堂 時,聖人法之,立明堂,爲治天 祖之所 禘、郊、 有 而 稱 云「太祖謂文王」,是祖 皡 Ŧi. 悟明 褅 室四堂,室 以 也。 自出 祖、宗 堂之法,撰《明 長發》「大禘」箋, 金德, 顓 以 大略謂《説 《周 木 故 四 德,炎帝 也 頌 介方以 大祭,而 頭以 以 雝》序 鄭 祭 掛 天,堂 注《大 水 聽 古之 故太 Ŧī. 以 了》「帝 堂 德 事 稱 云 皆 總 火 德 大

有

謂

明堂; 降,地 禘其祖 時,五穀熟,草木茂,羣生咸 董子 行禘祫、序昭穆、謂之太 子之位,行配天之祭,推人道以接 一溯遠 辟 也。 「既濟定 ❷「太廟有八名: Ħ 雍,四 元出,人鬼格。 行饗射,養國老,謂之辟 祖,旁及毁廟 之所自出,故四 劉 天 歆 也。 門有 云「大 地者,先 先儒皆以 太 禘則終王」,是宗 學。 下 肅 祖 夫然 大祭皆蒙禘名。 然清静 之所 廟 - 逮功 潁 明堂 ; 遂, 容 而 告 自 臣。 ^ 陰 朔行 物 雍 ,謂之清 上 出 春 陽 天,而 有 ; 無 也。 聖人 秋 占雲物 和 政 靈 稱 疵 釋 ",謂之 臺 厲 褅 褅 風 天 居 褅 廟 例》 者 也。 所 神 天 禮 同

E

之業 道 業」, 録 》卷六「明堂配天」條亦曰: 殁 原 享配天之祭。」今據改 文誤 作「 惠氏原注作 古之帝王,生有配 又惠氏 明 天

0

中所引亦皆作「類」,今據改 類」原誤作「頭」,惠氏《周易述 》、《明 堂 工大道 録 等

ø

其 望 中 氛 祥 謂 謂 之靈臺; 之太室。 其 總謂之宫。」 一門門 之學,謂 盧 之太學; 植 禮 記 演

禮 堂之制 堂 則設 皆 也 朝 狩 準 注 也 六天 -著論 方 諸 ,亦謂之明堂,荀子所謂「築明 四 同 》亦云: 岳 明 侯」。 方明。❶ 周 處,近 不 之 非 丽 書 則 之,昧 詳 神 覲 訓朝 有 明堂 戰 公侯伯子男。 鄭 而 故虞禋六宗而覲 方 # 或 諸 明。 於古制矣。 褅 氏 殊 時 即 侯 禮 謂 異,分爲三 太 則 齊 方明者, 亦 天之司 於明 廟, 有 廢 與 泰 六宗、方明 堂 \pm 靈臺、辟雍 Ш 盟,非 鄭 二、《儀 放 者 耳。 明 氏 四 堂於 乎明堂 覲 堂 知 岳 禮 而 也 諸 睘 羣 觐 即 寒 晉 侯 事牧,周 乓 古 之 即 自 方 外 諸 或 時 方 以 制 明 明 侯 明 **%** 袁 法

贊化育,與天地參,此明堂配天之義也。

g古義,鍼砭俗説。 又有《易漢學》七卷、《易例》二卷,些

推

信 非 者,妄也。今文《太誓》三篇, 公書》,太史公從安國 合,可決其 真古文。 古文得多十六篇 晚出 十四篇。 也 於《書》有《古文尚書考》二卷,謂 之《太誓》,而 東晉 八僞。 鄭 晚 康 唐 出 成 内 人詆 之二十五 所傳 有 以今文《太誓》爲 問 故 鄭 之二十 九 所 共》 當 其 篇 傳 可 略 四 九 爲 與《 信。 見 篇 篇 張 於《太 漢 霸 唐 即 析 孔 僞 僞 孔 之 尊 亦 中 浩 辟 爲 中

0 錢 生 而省「儀禮」二字,今本《逸 儀 傳爲是,此二字不可省,今據補 棟 及德之方明」句 禮 引 諸 本 此 皆闕。 句 作 然與本文所述 儀 錢 大昕《潛 禮 》朝 周 諸 書 研堂文集》卷三九《惠 侯 則 「方明」無涉 度邑 設 方 明 》有 江 氏 引

堂

明

堂之法

本

於《易》。

^

中

-庸》言

至

一誠

口

以

所

以

净

漢

兀

白

餘

年

廢

無

褅

祀

也

褅

行

於

明

禘

福

爲

宗

廟之

2祭,無

配天之事

此

魏

明

丘之爲禘,而

不

知

爲

明堂六

帝。

 \pm

肅

又

誤

據

不揜 文之同異,辨之尤悉」云。 取 是樂遜《序義》、劉炫《規過》之書出焉。 修,而不著其説,又其持論間 審 語》,純采先 云: 經 其 「嘗見鄭 傳 異 於《春秋》有《左傳補注》六卷,《自序》 效樂、 , 附以 同。 杜 儒之説,末乃下以己意,令學 劉之意,有失必規。 康 先 元凱《春秋 世 成之《周禮》、韋弘嗣之《國 遺 聞,宗韋、鄭之遺,前修 集 與諸儒相遠,於 解 》, 雖 而於古今 根 今刺 本 前 者

祭",「萬者二人」,用吴仁 爲地名,「吴句餘」,用服虔説 説,爲叔敖之兄,「同 賈君爲 里」,用《續漢書》及京相 本,證「亳」爲「京」之譌;「塹防門 二八」,「臧文仲廢六關」,訓「廢」爲「置」, 其注 申生妃: 「秦穆姬 「令尹 屬賈君」,用 盟於亳 萬艾獵 璠 傑説 説 以以 城北」,用 ,「二人」當 ,以爲吴子 唐 二,用《 防 尚 Mi 門、 書説 守 世 之 服 廣 以以 本 爲 廣 餘 虔 里

> 讀如公羊「廢其無聲者」之「廢」。● 未及道也 皆前人所

鄭 氏 言『君出則己人』,今何本 氏《春秋》也。 所定者,嚴氏《春秋》也; 顔氏有所見異辭』云云。僖公三十年,顔 康成注三禮,引隱二年『放於此乎』,隱五 亦 無伐而不言圍者,非 無之。 又言:「《公羊》有嚴、顏二家,蔡邕石 以此知 石經《公羊》末云『桓公二年, 何 取 所 何邵 皆有之。 邑之辭也」。 注者,顏氏本也。 公所注者,顔 又云『 今何 顔 氏 經

0

0

本

所述,皆作「廢其無聲 去其 無」,原誤作「有」。 (有聲者」而誤,江氏襲之未改,今據改 據《公羊》宣公八年傳及惠氏 者」,明此句「有」字, 乃錢 Ł 文

偶誤 不言圍」云云、則何本不當言『有」甚明。」案周説是、今 無」,原誤作 或或 刻 誤。 有」。 何休本爲 周注"「按『有』當作『無』,或 顔氏《春秋》,顔氏既無『伐 江 引

與 年『登戾之』,● 何 氏 異, 與石經 桓 十一年『遷 同。 蓋 鄭 鄭 所 焉 據 而 鄙留」,皆 者 嚴氏

本

也

信矣。 孝公同 卿 魯穀 見,仁者居守,皆本《穀梁》説。 齊湣、襄時人,當秦之惠王,則在 子之於子思,故 著書,❷言天子 弟子,轉 梁子,非親 云:《左氏》傳 春秋 傳魯 楊士勛謂『受經於子夏』。 又云: 梁赤爲《 》善胥命, 隱元年傳:『成人之美,不成人之 時 人申公,申公傳博 相授 也。 受經於子 「應劭《 者 春 ,廟數及賻、 楊 稱門人,則穀梁於子夏,猶 世 秋 而 魏糜信注《穀梁》,以爲 士 ×, 言 風 勛言穀 遭戰國寖微,後百餘 夏矣。 殘 盟 俗 略多 誀 通》稱 士江公。 不 賵、襚、含之義,述 梁 古 所 及三王,諸侯 作 違 穀 按 人親受業者 其言傳孫卿, 傳, 其後。 失。』然 梁 桓 |譚《新 爲子夏門 按 傳 孫 孫 卿 與 則 卿, 卿, 年, 論 相 所 秦 孟 稱 穀

> 惡。』僖二十二年傳: 於 過。』二十三年傳:『以 師。』今皆在《論 經者 記 合者 也 尤 多。 語》 故 中。 鄭 康 一過 不 傳 成 教民 所 日 ௱ 載 : 不 戰 與 \sim 改, 穀梁》, 儀 則 是 是 棄 謂 禮 其 之

廢」; 典. 其 則 於《魯論》見之。 堯曰》數章,全 可 語 日 稽。 二誠 0 其論《論 譏 素絢 無 哉是言』; 『出門如 恒 唐棣, 語》 則『南 書 曰:「宣尼言: **《**鄉 見大賓,使民 訓 逸 於 或 典。 詩 隱 黨》一書,半是 有 可 居 言言。 論君 ,誦, 百· 行 義, 臣 於 『述 如承大祭」, 則 善 則『人言不 官 而 塚 日 人 禮 不作。』 宰,古 吾 爲 經 邦 聞

⁰ 0 作「三」,按「三」當作「五」,或江 義》原文作『五』,亦可 所著書」,指《荀子》也。 著」,原誤作「注」。 五」,原誤作「三」。 周注: 惠氏原文作「著」,是,今據改。 證。 」案周説是,今據改 「隱三年」《師 誤 引,或刻 誤 記 》各 九 經 此 古

下,而 此 任之遺言也。 由 施於人』,管子以爲古語。見《小問》篇。 (周志》也,在《程典》篇 「克己復禮」,左氏以爲古志, 『己所不欲 胥 臣 有其二。、《周志》之遺文也; 其 多 所 聞 安』,此《文 之所 推 此言之,聖人豈 述 陳力就列, 也 ; Ŧ. 官 視 人》之所 其 不 所 空作 能 以, 今《逸周書》,即 者 『参分天 哉 止 記 觀 其 也 "; 勿 周 所 ;

記之。 也。 公所 子之雅言 漢 時 周 謂 作 其 俗儒不信《爾雅 之古訓 之故 論 爾 皆不存 教 訓 雅》 成 ·; 仲 又 王 H 矣。」 謂 Ш :「《釋詁》、《釋訓 故《詩》稱 之詁 式之; 而 訓 子 仲山之古訓,夫 之雅言,門 古 詁 訓 訓 者 是 雅 式 乃 人 言 周

薛 | | | | | 以 又撰《 博 司 略 馬 遺 異 彪 誤,范書 九 聞 、華嶠、 下; 正 經古義》十 俗 行 學。 謝 沈、 而 又以 六 東 張 卷,討 · 禁、袁 觀 范 漢 蔚宗《 記 論 Ш 古 松諸 謝 後 字 承、 漢 古 家

> 卷,世 之注 舊 月,年六十有二。 記 辨証 至邗上,如《雅 録 刊 纂》二十四卷,盛行於世 堂 之書皆亡,●乃 十五卷。 集》,皆先生手定焉 刻。 》二卷、《松 書鈔》、《太平御 》,皆未成 》五卷、《太上感· 山谷,李壁之注荆公詩焉。 無刊 惟《 所有撰述,如王文簡 Ш 本。 書。 海 厓 雨 取《 筆記 經 又有《諸史會最》、《竹 卒於乾隆 堂十種 覽 先生 訓 初 學記 纂》十八 應篇注》二卷,亦 》諸書,作《 》二卷、《松厓 晚 一論者以 **×**, 》、《藝 年, 二十三年 Ш 盧運 卷、《九曜 左詩 公《 後 文 爲 漢 類 使 周 渦 精 文鈔 鈔 書 戊 見 易 於 巡 華 補 曾 寅 南 齋 好 本 任 録 感 延 \overline{H} 漫 筆 事 淵 訓 北

成字學子 口 時 與 號 先 沃 生 \mathbb{H} 友善者,沈 華亭人。 有《學 彤、 沈 福 大 齋集》。 成。 大

■「松」,原誤作「濤」。粤雅堂本等已改正,今據改。

之間 生所 得 錢 徒 經 受業弟 Ŧ 生 之書 爲 少詹 侍 如 F 馬馬 得 空 郎 王 子 者 尤 疏 蘭 爲 盈 融 光 最 勦 深 泉 藏 先 屋 禄 趙 先 拙 襲人言 知 生 充 擬諸 鳴 岐 生,皆 之 一作傳, 名者,余古農、 棟。 盛、 輩 地 漢 不能 錢 儒 高 執 獨 以 論 少詹 者 經 爲 惠 H 及也。」 當 問 蔑 己 氏 : 在 大 難 棄古 有 111 何 宋、 昕、 同宗艮庭 以以 守 邵 儒林 訓 元 戴 古 公、 師 學 以 編 禮 Á 服 之名, 來 修 事 誇 子 而 兩 之。 心 説 慎 先 先

沈

者, 惟 詞 也 陳 四 康 沈 つ章精 方 熙 彤 方、 從 字冠 游 雍 史學,彤 陳 弟 īE. ル 子 間, 雲,一 章 著録 獨以 及 何 一字果 彤 學 者 窮經 最 士: ДЦ 知 焯 堂, П 爲事、核先 名。 以 餘 吴江 制 人。 季 義 方 縣 官 弟 諸 儒 Т. 導 7 之 文 學 中 牛

> 《禮》,著《周 户治 志》,議 周 년 以 同 篇,積算特爲 不 禮》官多 與之辨、官爵數 經, 矻矻終 而 入選。 叙 應博 求 得 其 八是,爲 學宏詞 官 田 九 有 少、 品 禄 精密 年, 人 官 田 禄 文章不 科, 薦 羣經 皆 考》三卷。 且. 恥 》、《公田數 修 以 不 不仕 三禮 奏賦 貴 給之疑 有 詞 撰 及《大 至夜 藻, 遂 大 述。 × 歸 歐 故 * 抒 吴江 禄 清 尤邃 詳 陽 末 心 田 修 及 自 究 數 有 於 成 唐 閉 得

詩

異

而

《士喪禮》、《 惟 乃專 君善者十之七,從其説者十之二三耳。 康 誤》,卷末 後 成、公彦爲宗,兼 有《士冠 惟 攻《士禮》,著有 又以《儀禮 朱子、李 又附 禮》、《 喪 服 如 》古人患 左 派傳》五 圭、 1: 右 采元 昏 《儀禮 異 張 篇 禮》、《公食大 尚 淳、 其 敖繼公之注,然 每 考 難 小 黄 篇 讀, 疏 榦 附 》**,**惜 篇 自 楊 以《 唐賈公彦 未 復 夫 其 監 成 Ŧi. 禮 彤 説 本 沭 刊 以

制

 \equiv

禮小疏》之外,有吴江、震澤二《 集》十二卷。 之分矣。其書傳於世 作矜慎,不 大夫急於成書 春秋左傳 ·有五。 ● - 輕意 小 彤老而無子,窮 疏》, 了, 蹈 下筆,所著 鹵 僅 莽 有 者,《周 滅 數 + 裂 如《 之譏 則 困 官 以以 以 縣 禄 尚 田 者 卒,得年 志》、《果堂 書 視 考》、《 有 小 近 疏 霄 H 儀 壤 +

知 除 也 鄭 爲 經 有 叔 其 注 位 服 嫂 無 則 者 是 乎 藩 因晉成粲之説,而 有 所 而 叔 向 ? 叔嫂之服 服 雖 唯 謂 嫂 在京 不知其二,豈得謂 辨》示予,大笑曰 無 嫂 無 大 無 服,猶 叔 功 服 服 師,有夫己氏 。 **②** 也 乎?」予答 也 一夫 弔 弔 及婦 服 考《奔喪》云 服 曲 己 加 加 人 解《 氏 麻 麻 降 禮 之 問予日 出 「子墨守鄭學, 喪服傳》『夫之 而 袒 袒 家乎?」充宗 日 鄞 無 免, 一免,爲 : : 服 : 萬 既 者 無 據 叔 充 葬 位 麻 服 \wedge 宗 禮 哭 而 嫂 而

> 結 世 見者,當是 降,嫂叔 即 同 於上記注云:『兄 疏 説 而 所 之謬 義 爲 上經,非 叔父母,見於「大功」章。 謂 上經夫之諸祖 Ĭ: ,故不重出。 康 兄弟服,妻降一 成 『夫之所 又 然 不 專 無 夫之從 無 能 記 服。今言從夫降一等,記 以 解、公彦强爲之解。 其不 應 父母,見 賈云:『妻從夫服,其 母之類 弟,猶言族 爲兄弟服,妻 也。 等」,以證 見者。 南 乎?」 彤謂 於「緦麻」章, 歸 夫之昆弟之子 夫之姑 後,讀 親 叔嫂之大功 降 也。」此 予心 姊 等。」 儀 此 其不 兄 條 夫之 禮 族 知 弟 見 總 親 鄭 其

0

0

年六十有五,今據改 彤《墓誌銘》、又卷三三陳 二沈彤《墓誌銘 有五」, 原 》,以 作「六十 及《碑 有 黄中《沈 四 傳 集 卷 據 形傳 一三三沈廷芳撰 載 實 沈

言『嫂叔』,尊嫂也。」今乙正。 「嫂叔」,原誤作「叔嫂」,《奔喪》作「嫂叔」。鄭注:「正

平 己氏 矣。 É 此 功 若夫之從祖父母,夫之從父姊妹之類,皆 夫皆爲之緦,妻皆降而 母、族父母,及夫之從祖 於《小功》章,賈乃遺之。 而 愧 可 從母者,母之女兄弟也,故亦可 不能潛 以 所 降爲總,有若夫之族曾祖 先輩之用心缜密, 折 發 成 乃 心尋 粲之癥結,息充宗之狂 知 果 討傳文及鄭、賈之説,至爲 堂肄《禮》之精審如 烏可及哉 無 姑 至云從母之類,則有 派服,並 姊 妹 父母、族 適 包含於 人者之類 喙 稱 此。 矣。 兄弟。」 其 祖 以 夫 嗟 Ħ. 中 父 小

余古農先生

授 衣 以 也 古文。 四 先 子 先 生 書 諱 生 年十五 蕭 生 五經, 客,字 Ŧi. 歲,父幕 一,通五經,即 夜則課 仲 林,别字古農,吴縣 游 以《文選》 粤 西 知氣理空言 不 歸 及 (唐、宋 1: 顔 布

> 名物 爲 攘善 也。 閉 雅》,及羅 先成《注 書 七史》、《説文解字》、《玉 翻 其 借《左傳 書 無 曰:「子奇人也!」贈以《十三 舍人、 户 有 補 速,曰:「子讀之熟矣乎?」 必徒步往借,雖僕僕 肄 解 以郭璞注《爾 無恥,乃 帙,使先 經 苕溪 經 術, 雅 孫炎、李巡 注 願《爾雅翼》之誤,兼及蔡 史,博覽羣 沈宗伯 别 疏 書 思 採 鈔》八卷,專攻 棚 讀 生背誦,終卷 注 匝 徐 漢、 雅》用 德潛見其 疏 舊注 月 姓 及《太 唐 書。 讀 識 注 五. 畢 先 舊 而 篇 性 疏。 八平御 注 ·, 歸 生。 一六十里,不以 爲 (書,折 陸 癖 之釋。 而 無 曰 一佃《新 其 經 家 覽》諸 古 廣 掩 誤。 書。 日 節 注 貧, 籍 韻 其名,謂 然。」 下 卞《毛詩 疏》、《十 義 書 徐 書中 聞 不 徐 詣 交。 未 徐 大 爲 能 有 於 姓 書 成 埤 犍 之 是 駭 蓄 異 手 訝 棚

生,先生曰:「陸佃、蔡卞乃安石新學,人人年二十二,以《注雅别鈔》就正於松崖先

之矍 辨。 知 其 一然,遂 子 非 讀 不 書 執贄受業,稱弟子焉 足 撰 辨 著 ; 當 羅 務 願 其 非 大者遠 有 宋 大 者 儒 先 亦 生 不 聞 必

中,目 於是 生 以 文達 雖 寺。 \exists 在 水 又 先 代, 疾 徒 深 利 方 能 嘗 生 教 極 寧、 公昀 志 恪 目 視 閱 教 吴縣 居 遂 蒙 讀 然 力 盛 敏 恒 讀 ^ 亭 南 藍 道 公觀 虧 手 館 朱丈文游,藏 時 間 讀 歸,以 林 胡 布 藏 是 損 游 書但 於滋 之間 文 承聞其 時 不見一 編弗輟 皆 存 於 京 恪 想北 經 稱 能 玄 師,與朱學士 蘭 江 公 術 爲「盲 妙 讀 堂 震 高 大 名,延至保定, 教授 斗七 物。 大 日 觀 中 滄 書之富甲於吴門, Ħ 望 字 不 孝 疾 相 先 得 閱 鄉 足, 宿 本 有人傳以坐暗 廉 生。 復 友 徧 里, 而 佛 名 作 善 一笥河先生、 則 讀 己。 筠 年之後, 藏 閉 繼之以 川 舉 咸 司 者 修《畿 Ħ 部 郡 歙 謂 直 於 之 口 以 亦 戴 其 隸 南 授, 夜 書 經 以 學 震 紀 輔 總 Ħ 室 襌 延

> 家,舌有鋒鍔,不 論 先 義 生 詩 風 一、彭 古 發 文 泉 進 詞 湧。 士 相 紹 論 升 家 難 三先 當 汪 者 也 孝 生 薛 廉 家 日 元 亮,先 \equiv 先 鬼 生、 谷 生 子 汪 1 縱 愛 下 横 議 廬

可

徵 人 年 例 意 先 戲 \Box 香草 焉 四 生名 四 呼 侈 十有七。 多 方名彦充校讎之任,有 爲「鬼谷子」。 先 果薦。 生狀 達於 髯 形 於歌 如 貌 金 先 軌 其 奇 壇 生 革 詠 牢 偉 貧 家 騷 因 乾 哀 頂 病 懸 不平之氣, 隆 音微茫, 有 交攻, 鬼 諸 年 谷子 生、一 間 人 肉 再 以 角 詔 像 有 往 娶 山 布 開 疎 騒 往 故 無 陰童 衣 几 眉 人之遺 托 口 子 庫 大 之美 格 鈺 社 館 眼 卒 於 及 中

311

又 作,然久已 悔 有《選音樓詩 其 少 生 平著 作,不以 刊 述 行 其 拾 乃 示 多 岩 别撰《 人。 ·, 干 爾 令文 卷。 《文選 雅 釋 選 先 **×**, ≪ 雜 音 生深 題》三十 義 注 於選學, 雅 亦 别 悔 卷, 鈔 少

三七

若 者 書 庫 是 鉤 於著《鉤 大 一, 贵. H 學 名 ПÍ 有 集 未 經 其 鉤 者 沉 有 沉 付 樓 部 罕 而 沉 而 是 者 弟 E 未 知 哉 未 乎 之後 子朱 沉 之, 鉤 選 當 者。 音 H 則 惟 惟 敬 且 震 戴 皇 ^ 連 然 爲 古 侃 之妄言 震 疾革 沉 足 敬 論論 經 謂 而 利 踵 解 是 ·之時 未 語 噟 寶 鉤 也。 書 鉑 義 鼎 爲 沉 有 疏 以《 枕 誠 **>** 今 鉤 何 已 中 如震言, 核 得 其 Щ 雜 人 秘 考 謂 書 未 題 ^ 其 以 之 出 沉 四

年 吾 采, 涂 急 藩 沉 包五 自 精 欲 饑 因 4 力 成 藩 寒 書,漢、晉、 乾 一十,忽忽老矣,歎治生之難 喪 衰 書,乃 爲 切 隆 之後 矣, 先生受業 の體,不 \pm 汝 午 取 遭 能 四 唐 能 舊 家 足 月,得 三代 專 稿 弟 多 成 志 録 子 故 之, 經注 壹 成 虚 聞之先 奔 心 付 亦 捐 ~,從 之亡 走 梓, 經 症 四 籍 事 生 至 危若 蹈 者 方 之 編 一今歉 \exists ', 本 不 幸 輯 雨 : 朝 習之 欲 雪 彻 \sim 然。 露 ___ 載 盡 今 鉤

罪,有負師訓,能不悲哉」

江艮庭先生

卷 考他 也 註 集 證 得 此 吴 又 不 世 怪 F, 音 漢 事 讀 居 附 年三 經 疏 書 儒 乃 ŦL 休 所 帖 先 遂 :寧之梅 文 前 之説 知 傳 括 牛 補 著《 精 爲 註 後 古 + 庸 諱 誼 研 吴縣 古文 以注 文及 讀《 聲, Ŧī. 劣 述 疏 故 九 田 外 訓 師 Ħ. 尚 本 條 人 皆 尚 編 ŦL 字 後 書 事 甚 以 成《 書 傳 + 遷 識 支 少 鱼哥 口 古 皆晉 考 九篇,漢注 尚 蘇 卷,《 與 離 怪 僞 郡 濤 篆 **>** 安國 書 及 州 字一 古 兄 **ふ**書之。 通 時 後 閻 集 尚 儒 文 震 又 人 改 註 若 與 書 惠 滄 遷 條 所 僞 叔 璩《 今文 經 音 松 不 孝 無 疑 作。 爲不應若 澐。 備 崖 廉 師 疏 錫 僞 古 尚 系 徵 不 百 古文 +文 書 則 於 其 君 類 集 疏 旁 是 先 歸

之原。 也。 兩 京 徵 Ш 始 先生 君 梅 於宋之吴才老,朱子以 所著 出 刊 皆不能 之書, 正 而 經 集 文, 疏 大 乃能 得 成, 其 贵 明 要領 發 其 非 古 作 伏、孔、馬、 注 後, 至 僞 則 之跡 本 吴 皆未 草 朝 廬、 閻 鄭之 之 勦 及 竊 惠 郝

功

臣

平

語,故 文,且 馬 上 不 得,案其 遺文,●記火流 晉僞古文出, 人,遂翕然信奉 有之,漢儒皆誦 召自來,不 説 ,至於王 其 而 馬 反疑 辨《 辯之。 融 文,似若 泰 其僞 屋 雖 一**,**流 誓》 期 則 爲之注,不 穀至之事,且 馬 一,以 以以 習之,馬、鄭皆爲之注。 同 有《泰誓》三篇,世 爲 \exists 淺 融《 時 故寖 雕 爲 : 露。』又云: ; 不 五. 孔 \sim 書敘》曰 泰誓》「今文、古文皆 微 壁古文,因 謀 能 至 而 以以 同 無 無諸 至於亡。」「 疑。 詞 : 穀俱 『八百 傳記 『《泰誓》 及 今姑 目 無 來,舉 火 具 此 所 諸 復 引之 備 觀 爲 巨 自 侯, 於 後 其 録 今 眼 東

> 具 正 正 罪; 於之疆 悉記 神怪 矣,所引《泰誓》而 良。」今之《泰 必克。』《 引《泰誓》曰: 泰 孫 泰 誓》 誓 卿 紂克予, 得 義》。 **>** 略 引《 日 Ы 孟子》引《泰誓》 毋 則 舉 : : 在子 泰 取 Ŧi. 民 誓》, 非 「朕夢協朕 子 事 誓 于 之所 所 殘,殺 以 朕 克 **>** E 不 不 紂, 明 皆 文 : 之,亦 欲 語 在《 考 無 非予 伐 ,天必從 中 獨 此 有 泰 日 卜,襲於休 用 乎 語 夫 : 誓 罪, 可 武 張, 紂 知矣。』馬 我 者 惟 吾 惟 于 之。」《 又《 甚 武 子 見 朕 湯 禮 春 多 惟 祥 書 小 文 有 記 戎 或 秋 傳 子 考 弗 此 光 **>** 説 復 多 無 引 侵 商 引 無

所 傳,故疑之爾 觀, 辯之曰: 原 作 顧 案 周 融 注: 融 之意,以《泰誓》 獨 「顧」江 不 見伏生之《尚 聲原著 作 非 伏 疑 大 生 江

⁰ 引偶 誤或 刻誤。 案周説是,

伏 傳其 有 又 誓》三篇,適 辨 ПП \exists 加 能 傳 生所藏 H 生年老,容有遺忘,自所得二十八篇之外,不 云云,《大傳》既引其文矣,其所 泰誓 《尚 一个古文之異,然則今文《泰誓》同乎 |李顒《集注 \生《書》二十八篇,三分《盤庚》,則爲三十, 一:『施章乃 兩 ŦL 下 記 学 則孔 漢 書 氏 全文,是其不 + 憶其全故 影雖 諸 ·古文經》四十六卷,爲五十七篇。」計 之舊 多 ,使民 氏 儒 出 不 泰 古文亦有 出 備 Ŧī. 文 之二十四篇,才 誓 尚書》,於此《泰誓》 服明上下。」能録 平平, 於伏 十七, 爾。 見今、古文者、未 矣。 維 能記憶之明 《大傳》引《九 生,不得 且《 無 使 几 此篇, 月,太子 漢 民 泰誓》 書 無 謂 安國 Ŧī. 敖。』引《 非 其片語 則 藝文志》云 以 發上 嘗 + 驗 輒 秦火已 共》 且. 不符 不 疑 Л 也。 引孔安 作 ·傳者 $\check{\exists}$ 祭 帝 加《太 古 泰 傳 其 于)前 而 然 文, 告》 子 矣。 數。 畢 蓋 國 則 不 伏 :

> 贵 夫!』然則符瑞之徵,聖人且覬 應,猶 亦録 篇惡 來 期 又可 亦 以『火流』、『穀至』爲神怪 之言曰:『鳳 又若『火流 河出 奔,● 將 通 而 會」, 則疑之,進 論 斥《詩》爲 其文於《本紀》矣,不既信 在 知 圖 龜 乎 其 矣。 帝命率育。』即 · ; 洛 書、 ! 則 可 爲 婁敬 出 信 馬 融 且 雕」、『以穀 書 獨 邪 鳥 圖 誕 退皆無據矣。」 説 ? ,聖人則之。』《論 以 思文》之詩 乎? 之屬 不 其 高帝嘗言之矣,司 若其 至, 此『以穀 後 世 河 得 不然,《 俱 清謂 所 而 不 孔 來 稱『八 不 爲 疑 出 子 俱來」之謂 云 之, 『子所不 幸遇之,而 詩 而 繫 斯 圖, 乎: 語 百諸 有 乃 則 則信 影記 易 吾 符 徵 馬子長 Ŧi. 侯,不 己 貽 語 孔 命之 H 乎 + 融 我 矣 四

□ 「貽」,原誤作「詒」。《思文》及鄭箋皆作「貽」,粤雅

德明 夏 無 疑 篇 既 文,經反 不 力 語 小 丽 尚 厥 泰 是言 侯 哉 賢 可 又出 謂 口 墨 子 • 兆天子爵。」今《盤 而 遞 哉, 》篇 子 堯 履 融 湯誓》有逸文可 有 以 敢 諸 湯 V 遺 湯 不 以 引 引 此 師 》篇 經 以 用 孔 無 誓》 其 獨 任 治天下。」而 湯湯 承 相 湯 玄 與 有 書 壁、今文、古文若合符節 語 此 父言,卑應言。」 猶 況, 誓 未 牡」云云,載 誓 傳 不 傳 也 又案: 敢質 有 **>** 俱 所 然 、《大傳》 不 日 泰誓》 其 其 引 出 則 能 : 庚》、《無 也,謂《 文。 詞 ^ 伏 於 言《湯誓》 0 無 《湯 湯 泰誓》甚 若 伏 生 敠 亦 聿 誓》中 引 香》篇: 此 故 於《墨子 既 逸 生 猶 求 湯 引《 __ 逸》 傳之後 盤 孔 ,況《泰誓 是 誓》爲 元 不 庚》 亦 安 之文, 多 耳 聖, 又《墨 無 具 傳 應 無之。 或 在 . 逸 自 傳 日 與之 夫 僞 而 注《 歐 兼 : 而 伏 子 書則 疑 録 復 而 而 日 若 陽 子 愛 生, 經 皆 奚 戮 論 其 然 云 此 • 0 0 哉 ! 所 故 後 人 灰 無 以 敢 夫

之説 之所 之觀 傳記 無 遺 未 所 爲 張空弮以 燼之餘 諸 及 , 吾 不 謂 文 爲矣、安肯 顧 干 蓋惟 忌,故 也 傳記 殘 聽, 諸 城, 下, 百 闕,傳之者謹 書,夫人 當 將 以 自 所 然, 時 摭 年 有 求 吐 引之語,斯 實 拾 而 火 故 售 故爲此辨。」 其 出 有 典 而 留 其 胸 流」、「 反怪 其 籍 見之矣,苟欲 此 欺 臆 守 事 以 間 於 並 殘 供 穀至」之文。 史官 隙 後 何 其 編 補 不 此 足 世 有 以 綴 敢 又閻、 怪 遺 據事直 而 滋 如 9 出 乎 僞 不 逸 後 彼 神 依 ? 敢 造, 邪 惠 僞 奇 據 補 季 逮 之 孔 以 必 誼 其 議 駭 且. 氏 而 理

,

先 生 精 於 小 學, 以 許叔 重 説 文 解 字 シ

高

湯 原 IE. 。」案周説是,今據改 作 周 注 湯 本

供 原誤 作「龔」 據粤雅堂本改。

見者訝 宗,《 爲 首 先 生平 前 石 北 人所未發。 生 一,以 説 末 宋 其. 不 人小 文》所 「凡某之屬 以 作 説 廂 楷 爲 轉 力 詞 天 書 注 無 又《恒 書 嘗 亦 即 之字,必 以 |著《 符籙,俗 皆從 U 與 Ŧi. 篆 星 人 六 百 書 一説》 往 某」爲「同 書 求假 書之。 几 來 儒 一卷, 説 + 筆 往 借之字 部 札, 往 文不 意 爲 首 非 皆作 相 笑之, 以 建 録。 Á 受」,實 古 代 類 書 之。 喜 而 勒

生云 易》「艮背」 其 藻 鳴 有 撫費公淳首舉 盛、王 而 九 先 o 先 嘉 生 生未 侍 晚 性 慶 之義 年,因 郎 耿 元 嘗 蘭 先 介, 年 泉 以 自 生 性 先 不 詔 私 一,賜 號 不 生、畢 慕 事 開 艮 誻 六品 祭 于 孝 庭,學者 俗 利。 之, 廉 制 動 頂 方 軍沅 所 與 帶。 交游 īF. 以 稱 時 科 當 爲 卒 皆 違 如 取取 艮 车 江. 事 重 Ŧ. 庭 蘇 益 其 光 先 周 主 品品 W_i 禄 重

藩少從古農先生學,先生没後,藩汎濫諸

《易》。 宫 述 駢 曆 生。 Ę 貢 官 子 至 卿,嘉 體 算、 生。 詹 翰 洲 漏 百 大昕 徐 家, 林 天資過 四 文字,當今海 子鏐、字貢庭、名諸 連 史及 頲 讀 世 下 院 慶甲 如 地之學,靡 語書有 最 猶 傳 編 褚部 涉 知名。 其學。 許 人,無書不讀,經、 修。 大海 講論 子 疑義,質之先生,指 氏《説 郎 舉人,乙丑 先 寅 茫 不已,可謂 内學者莫之或先 弟子 廣圻字千 生. 不貫 亮。 文》, 無 老 数十 生。 涯 通, 友 宫 涘。 乃 中 詹 以 又能 誨 里,號 人,元 第 孫 從 别 往 史、小學、天文 人不 沅,字 先 有 來 二人及 先 爲 生 傳 親 畫 澗 和 生 倦 詩 也 教 密 鐵 萱,邑諸 顧 П 受 者 古 之讀 3者,錢 《第,今 授, 君 廣 矣。 文詞 惠 頲 優 圻 每 氏 t

⁰ 今據改 條 九」,原作「八」。 考證, 江 氏卒 於 八嘉 慶 関 爾 四四 昌《江子 年, 實 屏 七 先 生 有 年 九。 譜 八 関 説 四

褚 寅 亮

於世」。 書爲 排 成 之言,其實自 汩。 深 官 通 氏,學者苦注 説 洲 齋、信齋又崇信之,故鄭氏之學,未爲 擊者 · 甚 於 立異,特其巧於立言,含而 經 至 人 ,好爲 經學, 也 至元吴興 樸學,空談義理者不能措辭,而 刑 褚 Н. 是 部 寅 改 蓋君善之意不 員 乾 亮 以 鼠 新 從事 外 隆 經 疏之難 人 注 説,棄古注如 字 敖繼公撰《集説》,雖 郎 + 文, 其玄中 疏 禮 搢 六 而 經 升 曲 年 與 讀, 外,皆自 幾三 就 錢宮詹大 號 丽 召 在 其義,不幾 而 鶴 試 不 + 解 土苴 喜 悟 舉 侣 年。 經 其 逞 不 而 露 私 惟《 昕 平易,乃 至 嘗 字 意 爲 内 於 於 若 有 云 · 專 謂 宗 儀 晦 可 閣 采 無 異 説 無 意 「宋人 庵、 禮 年 鄭 中 義 與 盛 先 所 攻 有 意 長 友。 書, 忌 鄭 儒 不 於 康 行 勉 所 0

觶

敖

憚 乎 著《儀 禮管見 四 卷

者

禮》: 獻,既 티 : -爲衍。 於豐上 射記 言 少者,以是 依 乎 統 東 於門 上。」敖改「東」爲「西」, 其 不 鄉 凡 媵 《大射 駁之日 ,降,袒執弓,反位。」 説 以爵 射》改爲 獻 觚 勝者之弟子,洗 . ', 門在 之最 勝 以 於賓。」 黨, 爵 則 :「勝者之弟子 精 儀 東, 者, 「於右」。 酬 者 *****: 故 亦 則 袒 酬 敖改 如《 不 不得 執弓, 以 以 以觶矣,安 耦 鄉 觚 觶 觶 以 駁之日 左還 飲 敖 升 非 西 駁 酒 以 爲 酌 燕 衍 之日 爲 即 記 Ŀ 觶 文 袒 南 Ŀ 射 射賓 可 也 : 執 也 面 Ŀ 宰 於 破 坐 夫 駁 中 注 北 射 左 觚 位 主 年 旬 爲 燕 奠 鄉 明 面

經、《管見》、《錢序》皆作『媵」。」 媵 原 爲 作 涉 勝 前 引 近 勝 藤 者一、 注 : 一勝 師 案近藤説是 黨」而 承 記 致 誤。 刊 今 儀 作

在

北,下

射

位

在

南

鄉射》、《大射》所同。

但

此 駁之曰: 《鄉飲 緣。 射》次 人也;《 F 酒 非 解 縓 爲 同之,昧 練冠之紕,亦飾以縓 明齊爲 ·文『普薦 其 士禮,安得 冠 有二也。」《士虞禮》: 一爲衍文。 一拜衆賓,衆賓答再拜。」敖改 別射》位 妻縓冠。」 在 就其質言之, 母 有司 於東 福 醴, 在 重,故言其 東、從 酸酒」,亦專言酒,不及 駁之曰:「注明言『有酒 福 徹》之答一拜者,大夫爲祭主也 以 輒删 西 敖改「 西 彼 之别 酒》衆賓答一 一、從福 楅 相例乎 經 日 向 文乎!!特 が矣。」《 縓」爲「練 東, 質 練 ",故《閒傳》云『練冠 白 冠; ; 明 則北 西 妻輕 齊 喪 就 拜者,大夫爲主 則北爲 醙酒。」 敖以 服 爲左。 其紕言之,日 牲 「再」爲「一」。 記 故 醴 饋 *****: 駁之日 無醴」,據 言 右, 食 贵 敖 其 禮 得 公子 比 紕。 ^ 妄 大 醙 縓 丽

> 《三統 羊異 歸。 《公羊》者實違經旨。 爲漢學,孔子作《春秋》,本爲後 學,撰《公羊釋例》三十篇,謂三傳 七。 閏 較 筆記》七卷,藏 史筆記》八卷、《諸子筆記》二卷、《名家文 制,有時王之制,與《 求六扐之數」句,●「六扐」當作「七扐」, 相 餘 、義》二一卷。 Ŧi. 求諸法,作《句股 所 少 術衍》,寅亮校正刊 + 在, 詹服其精審。 五年卒。 加 十得 於家。 又著《十三經筆記》十卷、《 一一句, 周 又 廣問 早年爲《公羊》何 乾隆 禮 因 本誤字,如 素 何邵 四 加 同, 卷。 十年, 王製作, 訾議 + 公言禮 作《 惟《公羊 錢 當 中 周 少 作 病 禮 有 休 月 詹 集 諸 公 殷 加 推 著 相

寅

(亮精天文、曆算之術,尤長於句股

和

[「]中」字不可省也。「中」字,今據補。此爲求「中氣」與「朔望月」之關係,「中月相求」,原闕「中」字,近藤注據錢書、阮元序

或 朝 漢 學 師 承記卷三

甘 泉 江 藩 篡

王 鳴 盛 金 \exists 追

式 度。 榜 學 峻 人 年 嘉 蘇 <u>+</u> =; 皆 署 ,才名藉 定 賞 州 年十七,補 人。 會 \pm 日 試 紫 鳴 其 爲 識 才。 不第,客游 陽 盛 生 甚 四 數 而 書院,院 ,字鳳喈,一 書 百 敏 乾 諸 江 文, 字, 慧。 隆 生,屢試 蘇 + 才氣 蘇 縣 巡 長 四 二年, 州 **�** 歸 撫 字 歲, 馮 浩 安 陳 第 禮堂, 時沈文慤公德潛 隨 瀚 詠 鄉 吴 文 0 王父讀 試 以 大 肅 已 綬、 神 别 公大受, 鄉試,中 有 以 童 字 名 常 Ŧī. 書丹徒 西 目 家 經 熟 之。 莊 風 中 招 副 王

文慤以 翰 下 以 禮 企 晉 與 部 爲 王 侍 及 侍 不下「嘉靖 郎 曹 郎 致 仁 蘭 仕 虎、趙 泉 海 先 七子 内 文哲、 生 英 錢 雋 黄 少詹 之士 文 蓮 大 皆 昕、 相 出 唱 吴内 其 和

門

二十九篇粲然具在, 誓》者實非 晉 文 儒 古 所 爲 宗。 獻 偽 又與 之《 而 惠松崖 精 大誓》 僞 馬、 研 也。 鄭 尚 徵君講經義 固 所 書》,久之,乃信 古文之真 僞 注 知 實孔壁 所從事矣。 而 唐 僞 人 **分**知 之古 辨 所 詁 斥爲 而 訓 東 文 晉之古 也。 必 爲《 尚 以 大 東 漢

修。 内 注 臣 蔣 五禮通考》,屬 閣 特特 官 文恪公溥。 學士兼禮部 公卿 十九 置 明 年,莊 年, 争 等一名,擢 以 充 二十三年,天 禮致之。 福 培 以分修,尤見 侍 大 建 郎 榜 之命。 正 侍講 考官。 以 刑 第二人 學士 部 還京 子 重 侍 未 一, 充 親 一於掌 郎 及第 蕆 有 試 秦 H 事 翰 院 御 講 蕙 史 即 詹 學 授 起 \mathbb{H} 有 諸 居 1: 修 編

與 尋 其. 當 馳 Ť 事 内 驛 涌 艱 濫 歸 用 亦 餘 驛 遂 不 馬,罣 不 龃 復 朝 介不取 出 貴 吏 接 議, 1 居 左 家 蘇 遷 本 州 寒素 光 閶 禄 門 寺 外 賣 卿 文 示

諛

慕

以

白

給

則

也

法,餘 空言 地、 脱 學 七 注 肅 疏 必 史商 審 一 而 惟《 殆 「後案》,以 而 守 職 無益 絶。 家 閉 語、宋 官 事 家 經 詩》、《三禮》及《公羊傳》 権 户 法, 跡 法法亡。 則 典 讀 世 今好古之士,皆知崇注 **>** 之虚 出 章、 一百卷, 亦云 鄭、 諸儒之説、概 書, 於 實,辨紀傳 馬 制 魏晉、未爲 宋 H 師 度, 爲主 元豐 夕探 法。 主於 獨 示不 以《 討。 不 É 校勘 喜 不 . 得 之 醇 唐 新 嘗 取 褒貶 . 異 備 已 貞 義 本 焉。 間 謂 司 猶是漢 觀 文, 1; 最詳 人物, 疏 漢 采 故 取 撰 又撰《 矣, 僞 所 士: 儒 補 諸 撰 孔 説 人 以 īE. 然 於 經 IIII + 經 家 爲 譌 尚 連 Ξ. 經 漢 義

V 有《 蛾 術 編 百 卷, 其目 有 + 説

> 宗盛 自 辨 物 H 卷,古文若干 谿生,謂 録 .遂瞽。 號 博 西 唐 詳 説 説字 沚 中中 明 少陵以後 集 有吴 年 與 ×, 卒 卷。 出 洪 车 興 説 説 入於香 容 七十 醫 刻 地》、 人。 老年 齊、 鍼 之 有 \pm 《説制 山、東坡、晚 説 因 而 手定《 深 通 愈 寧不 書 著 窮 詩集》二十 説 《説 相 書 H 系 年 F. 如 人》、 夜 常 獨 下 不 愛 其 ^ 乃 兀 玉 詩 説 書

子 璞 賞 庭 及 袁 先 不 李子 生家 藩十 爲 去 第 療芸、費子士璣三人而已。」璞園 見 六 歲 嘗 此 子 時, 書, 謂 近日 藩 著《爾 囑 \Box 艮 得 : 庭 見 雅 子 先 好 IE. 門 學 生 字》,光 深 下 招 思之士, 士: 藩 往 禄在 以 金 名 惟 艮 子 濺

二年,春秋七十有六。 六」,原作 並墓誌 銘》、黄 八 文文 相 據錢 《西 今據 莊 大昕《潛研堂文集 居 改 士年 譜 》等 王氏卒於 》卷四 八《王

興 午 譌 人,深於小學,乾隆 經皆有 ·科舉 $\overset{>}{+}$ 府 追 知 七 嘉定諸 府 校 人,治漢《易 卷行 本 生 於 而 世 閉 儀 庚戌成進士,今官浙 門 禮 士: 校 李賡芸、號許 W 璣,吴江 尤 書,不求 精 著 人。 有 聞 達,十 齋, 儀 嘉 禮 江 慶 嘉 嘉 定 戊 IE. \equiv

錢 大 昕 錢 塘 錢 站

家

薛

中 妹 材 之 悟 先 試 壻 於 目 世 悉中 E Á 也 錢 以 書十行 光 時 常 大 典 熟徙 紫 昕 周 侍 禄 (要, 侍 陽書院院長 禮 御 西 俱 字 居嘉 告 沚 × 下。 曉 御 之 徵 以 文 定 歎 年 W_E 先 爲 獻 撫 + 遂 生. 奇 王 通 字辛 爲 Ŧi. 雅 一侍 對 才。 考 一,爲諸 嘉 蔚 御 **>** 楣 定 文 兩 先 乾 峻 人。 介,詢 隆 論 生, 又 生, 檄 十六 號 下 召 西 嘉 有 生 竹 筆 至 池 定 神 而 年, 汀 Ŧ 院 之 人 童 穎

> 天監 之術 角 宗 氏 椒 中 事 諸 吴 書 純 梅 翰 精 法。 皇帝 烺 補 氏 講 用 於推 及 如 時 南 明 遜 西 巡、獻 禮 九 在 謝 人 步 部 章 京 利 以 時 尚 算 師 瑪 賦 爲 來 書 學 竇、 行 與 不 内 , 0 大 在 同 及 湯若 閣 興 及 年 也 召 與 何 歐 長 望 先 試 翰 羅 生論 洲 舉 南 巴 如 人,以· 褚 懷 久 測 李氏 寅 仁諸 領 量 欽 内 弧

 \equiv

全

閣

高

善,尋 修。 乾 學,旁及壬遁太 冠 隆 雲兩 + 先 遷侍 一十三年 是,在 徵 九 年 君 讀。 莊 遊 吴門 ,大考翰詹, 二十八年,又 Z 培 乃 星 時 大 精 命 榜 與 研 成 靡 古 元 以 進 不 和 經 二等 士: 博 義 惠定宇、 以大考 綜 聲 散 而 音 名 館 深 訓 擢 吴 究焉 等三 授 詁 右 江 贊 編 沈

作『吴杉亭』。」案近藤説是,今據改 《墓誌 烺 銘 原 作 》稱 朗 一吴 荀 权_, 近 藤 錢 注 氏 自 朗」爲 訂 年 譜 「烺」 乾 之 誤。 Ŧ 昶

授 年, 名, 1 即 事 庚辰、丙 志》、《天毬 熱河 西、 廣 命入直上 改 擢 東學政。 純 甲午,充 志》、《續 補 侍 皇帝 .戌,充會 講 侍 啚 讀 學士,充 深 一書房,授皇十二子書。 | >, | 皆 學 明年夏,以丁外艱 Ш 知 文獻 ±; 東、 爲 試 預 績 同 湖 通考》、《續 日講起居 纂修之列。 其 7考官。 學之士,官 南、浙 年 冬, 江 主 擢 注 通 歸 考 侍 河 詹事 官。 己 志》、《一 河 南 讀 卯、壬 又奉 南 主 學 府 三十 之年, 一考官。 1: 少 敕 午 統 時 詹 修 七

有 慶 家 疾 官 居狀 九 七。 不 至 年 出 川 先 朝 生 $\dot{+}$ 矣。 品品 淡 貴 可 於名 嘉 以 寓 $\overline{+}$ 慶 歸 書 利, H 四 日敦勸 \mathbb{H} ,卒於紫陽 年,今上親 故 慕 邴 還 奉 曼容 朝 諱 ,婉言 家 之爲 書 政,垂 居 院, 之後 謝 人, 年 之。 詢 Ė 大 嘗 即 + 嘉 昕 引 謂

天之説曰:「《説卦》傳,孔子所作,其言曰:先生深於經史之學,其論《易》先天、後

面,臣 位,必 南矣。 德王 下 不易之位也。 説, 尤爲 미 地、水火、雷風、 文王、孔子之上,毋乃好奇 方士始言之,而 前, 必 艮 震東方 言, 顛 東 IF. 儒 倒 北。 西 位 後 家 出 而 甚 伏 方 非是。 南 儒 與 於伏羲,不當 傳稱『帝 矣, 義 矣 惟 巽 方 而 援 畫 東 ; 不 安得 北 -士 地勢北 天地 卦 坤 見 南 夫天 Ш 面 儒 均 出 以 介 澤, 坤、兑二方。 云定 離 家 未 來,蓋 信 乎震』,是震 定 於離、兑之間 高 尊信 南方, 有 各自 高 如 别 位 位 而尊,地 言《 而 有 乎 乾 已有之。 其説, 川 南 相 而 方位 先 乾 南 語 下 對 誣 西北, 天 坤 兑 東、 本 下 聖人乎 也 傅 欲 圖 君位 北』之説 爲 而 取 巽東 會 伏 亦 無 卑, 者 漢、 IE. 坎 以 北 先 方 義 必 ! 秋 IE. 古 天之 位 駕 宋 唐 南 而 以 位 北 南 之 天 平. 今 初 以 木 西 則

也。「虞仲翔説《易》,專取旁通與之卦:旁論虞氏「之卦」之説曰:之卦,即變卦

壯

來者四:大畜,上四

易也, 睽, 上三易

也;

几

易

也

訟

三易

也

, 巽,二

几

易

也。

自

大

0

也

自

遯

來

者

四

無妄,初三易也;

家

初

解,

初四

易也;

明

夷,二三

易

也,震,二四

易

頤

遯二之上爲大過,大

亦爲

離。

臨

二之上

爲

坎;

遯

初

陰二陽之卦

漸

四易也;

几

易

也

也;

噬嗑,

、遯、否、觀、剥、陰消 損,三上易 豐,二 未濟、二五 初五 八坤,坎 四 j 自 息卦。 以 旅,三 易也; 也。 歸 易 復、 几 兩 與 臨來者四: 妹, 也; 易 離,艮 臨、泰、大壯、夬、陽 爻交易 自 易 五易也 也 三陰三 隨,初上易也; 否來者九: 井, 卦。 也 ; 几 與兑,震與巽,交相 既 ; 易 初 而 皆自 木 濟,二五 陽之卦 得 升,初三易也; 也 Ŧī. 咸,三上易也 ,二上易也; 易也 乾 卦。 益,初 節 7,自泰 坤 涣**,** 二 易 蠱 乾、 來 息 Ŧi. 四 也 卦, 易 易 來 坤 初 而 ; 萃,上 需,五 之五 蒙。 義 頤 也。 於 壯 初 也 矣。 鼎 亦 亦 ; 上之初 觀 艮, 爲 臨 日 爲 故 爲 Ŧi. 几 四易 離 初 大 革。 不從 愚 屯 五三易 之初 大壯 壯 亦爲 之五爲 謂 ; 也; 自 上之 於 鼎 臨 亦 鼎 例 臨 蓋 初 爲 上之二 坎,觀上之二亦爲 離

賁,

一上易也

者

九

恒,初

上

易也

諸

卦又生於消

姤

也;

者,諸:

卦之宗。

變

也;

之卦

則

通

者

1,乾與

初,於蒙曰艮三之二也。 易也, 兑, 五三易 也。 蹇,上三易也 觀 初,於革 不 之 遯 當從遯、 上 臨二之五 來 初之上爲革,大壯 爲 之例,於 蒙, 遯二之五 也 H 大 遯 觀 自 壯 爲 初 屯 Ŧī. 晉, 觀 來, 屯 之上,失 之二 E 來 爲鼎,大 坎 Ŧi. 觀 而 者 仲 二之 亦 上 Ŧi. 几 几 其 翔 之 爲 之 易

本、揚州覆刻 原 作 漠 本誤爲『漢』,他本已改爲『涣』。」案近 近 藤 注 涣』,《 師 承 記 州

二之初,革蓋兑三之二

Ŧī.

四 易未及之。 小 觀 壯 Ŧi. + Á 臨、觀、 二爲師,初之三爲謙,剥上之五爲比,上 而 二卦 二之上,又於坎云觀上之二,於離 一。皆自 之五 一,於中孚曰 過 一种翔於大過仍取大壯五之初,於頤 遯 Ŧī. 豫; 也 例 與 之 爲 於於 坎、 遯、大壯 大 初 紊 姤初之二爲同人,初之三爲履; 大有,上之四爲 而 壯 離、乾 亦 其 頤 今依其例, 仲 來 訟 爲 例 \vdash 朔 、之例。 四之初,於 大 也 晉 所能變。 於謙 過 四之 坤,皆反覆不衰之卦,故别 云剥上之三,蔡景 中 此 理 陰 初,於大過 乎、 小畜 而董之:則復 四 且. 小過 陽之卦, 卦 頤 小 過 亦 、大過、中孚、 日 每 不 晉三之上。 日 卦 云 挂 得 仲 訟三之 當 遯 兼 君 從 各 初 翔 初 取 則 説 臨 之 之 之 夬 臨 生 説 非 តំ

> 也。 睽 睽 本大 又云無妄五之二,亦自紊其例 (壯上之三,而 仲 翔 注 繋 辭 也。 蓋 取

諸

出》三云『嬴其角』,辰上直角 食之象。 云出 上直天漢。 初云『三日不食』,子爲玄枵,虚 『不出門庭』,二亦據初,故云門也。 直危,危爲蓋 者 辰 在子《頤》 論鄭爻辰之例曰 門 黿 屬 交有功」,節 九二辰 雲漢,天河 也。 屋,故有門户之象。 初云『舍爾 可 在寅、泰二云『用 人 初 初 : 也。九三辰 云『同 云『不出 「鄭氏爻辰之例:初 靈龜」,子爲天黿 也。 人於門」,隨 中 户庭」。 也 《節》 九 馮 在 《明 Ŧi. 故 辰 河 辰 九二 子上 有 大 在 寅 初

龜

九

云噬

嗑

上之三、於旅云賁初之四、亦兩

象

易

爲

其注大畜

云萃五之二成

臨

於

豐

取

兩

於豫云復初之四,於比云師二之五,此别

⁰ 君,江 史無傳。」案周説是,今據改 有《易》說爲虞氏所稱引? 「蔡景 引蓋 君」 誤。 原 作 蔡君謨,宋蔡襄之子,在虞翻之後, 君 謹」。 蔡景君 周 注 漢人,在虞翻 錢 氏 原 作 何能

所從 也 翼 其 鶉 上 Η. 辭 É 申 辰在亥,上直營室,營室爲清 小過》初云『飛 六辰 爲 義 尾 影皆 ·, 、《大畜》四云『童牛之牿』,丑上直牽牛 」, 戌上直 虎 革》 出 康 羽 也 也 也 芸工王 乎 ? 成 在 翮 氏 Ŧi. 有 初習京氏《易》,後從馬 小 巳、《小過》上云『飛鳥 解》 有《 云『大人虎變』,● 過六爻,惟 奎, 假 九 隼象也。 周易分野》 上 有 辰 鳥 云『公用 廟」,謂六三也。 以 在 爲 戌,《 凶」、未爲 封 此皆 初 豕 射 上 也。 睽 可 書, 隼 有 \forall 申 廟、萃、涣之《彖 鶉首也。 以爻辰求 上 三, 巳 上 飛 初 Ė 其爻辰 離之」,日爲 季長授 云『見 六 直 鳥之象,此 六 辰 參, 四 直翼 在 六三 之法 費氏 之者 豕 辰 參 也 未, 在 負 爲

學。 何 論 古文尚 以 孔 不 壁書 爲 書》 之注? 增多二 初 得 之屋 + 日 几 壁, 篇, 漢 未 儒 康 成 有 無 能 既 無 師 親 通 之 之 見

0

乎 ? 者, 駿 三十 其 者,康成 自 訓 能 文 然 之書,既無今文可 禮》 本 注 創 詁 安 安國以 相 孔 卞 國 九篇,亦 通者 ,故馬季長 無 通 儀 即 安 相 非 師 大 禮 又 如《禮古經》五十六篇,鄭 或 及衛、賈、馬諸 遠 能 説,故皆亡於永嘉。 義 何能 乃 始 以以 自 以 多 别 故 以 造 無 云『逸 此 以 爲 以 今文讀 流 也, 證 師 無徴 相参攷,雖 古 之説 傳 彼,易 説 文參定, 亦 十六 至 故 以以 不信之説,著於 由 君 之, 今。 也。 篇,絶 皆 先 於 名其 而 闦 通 亦寫定, <u>~</u>左 而 未有 而 伏 成 闡 自 學。 不注 無 逸 氏 生 孔 亦親見之, 東 説 師 惟 氏 書 晋 書 增 若增多 得 此 説 M 文義 之學。 一, 古 古 多之 竹帛 劉 逸 不 也 文 篇 爲 逸 子 今 不

誤,江氏沿誤,今據改。卦。〕案周説是。革九五:「大人虎變,未占有孚。〕錢丘卦。〕案周説是。革九五:「大人虎變,未占有孚。〕錢丘

並 使 出 九篇,予向 九篇已哉? 兼受之,何 安國 悟 "; 乃 及之。 有 【果爲 安國 以 亦 逸 馬、鄭 未 朱文公疑 承 篇 詔 喻其故,今因 作 爲 以 傳 五 前 康 十八篇作傳 則 傳 成不 都 古文者 尉 論 解逸《禮》三 朝 古文逸篇 占,皆 庸 之 語 止 生 畫 $\overline{+}$ + 而 必 夫

秋》三子 藐 於音 復 相 殷、集大命」,漢石經『集』作『 轉 就 俱 救。 『固』音, 昊天,無 故字或數音。 留 爲 與『猶』、『咎』爲韻、《 論 即 示 驚 協 詩》 是 翔 聞 是『 與下句『後』爲 不 讀 之 河上 毛 克鞏』,傳 毛公雖 如『 集』 鳥 傳 就 一之歌 《小旻》『謀夫孔多,是 多 有 相 轉 : "就! 音。 隨 不 平 音 訓 गां 破 ? 《韓詩 ^ 日 音 集。 韻 『鞏』爲 字, 書 : 也。 也 百 就。 》『集』作『就 瀨 病 而 古人音 顧 下 訓 相 《載 膽 固 命 《 吴 之水 憐 **芟**》『 影『克 印 集 <u>*</u> 越 即 日 用 隨 春 達 匪 轉 藐 憂 爲 П 不 義

> 韻, 而《 增」,傳 可 國」,引《詩》 洧》之『溱』,本當作 與 H. 「増」、「 溱』即『潧』 毛 據《 音 有 下 小 與『潧洧』作『溱 詩》作『 句 且」,傳 ·雅》『 詩 遂謂《 溱 云 兹 **>** 以 「室家 增增,衆 聲 溱 詩 之轉音 訓 疑《 爲 相 潧 一者,讀 ~ 『且』爲 韻 溱 近, 説 與 也 溱』,傳亦 無 流洞同 文》 洧 也」,本《 _, 不 『潧』,《 轉 韻 潧 顧 也。 之句 方 可 此, 增 亭 涣 謂《 如 説 林 爾 爲 云『溱 ,是不然矣。 渙兮』 即 魯 文 詩 溱 泥 雅 轉 溱」, 頌 於 • 從 溱 失 以 ***** 是 潧 釋 韻 諧 亦 字 衆 烝 水 訓 世 此 韻 以 徒 出 也 亦 衹 ^ 耳 諧 增 不 鄭 溱 今

書之, 乎 賊 而 ? 懼 亂 乎? 臣 論《春 則《春 不 賊 ·待《春 子 則 秋 秋》以 懼 趙 日 秋 盾 愚 後, 也 崔 孟 嘗疑 亂 杼之倫 ; 子言 賊仍 將 之。 謂 孔 不絶 後 將 史 代 謂 臣 子 於史册 之亂 當 成 古 時 己 春 賊 之亂 直 懼 吾 筆

之義

也

尹

Æ

立

 \pm

子

朝

·; 在

父帥

師

伐

於

餘

丘

戒之。

此

亂

臣

賊

子

無

所容其身

故

曰

懼

宜

遭

變

事

而

不

知

其

權

事

必

有

其

漸

· 聖

人隨

事

爲

之

杜.

也

翬

帥

師

戒

之

子

子者

不

可

以

不

知《

春

秋

 \approx

守

秋

前

有

讒

而

弗

見,

後

有

賊

而

秋

》。」又

-

有國

家

者

二, 不

太

史

公

日

撥

亂

世,

道

以

爲

後

 \pm

法,

防

其

未

孟

子

古

言

 \sim

春

秋

》者,天

未

見

其

能

懼

也。

孟

氏

之言,毋

尹

氏

卒

於

隱

之

策

;

崔

杼

弑

君

而

書

崔

氏

奔

衛

於

宣

之策

此

也。

侯

使

其

弟

年

來

聘,

再

見

無

知

之弑

君

張

本

也

13:

弟

雖

矣。 久 君 用 Щ 滅 私 陽,書之以 之近刑 卓之弑,未 申 能 不 明 不 卒,亦不 而 之强 也 邑也。 孝子 蔡 陳 近 有 生 書 父 īE 世 功 滅 楚之强 小 子子 家 死 也。 7,天 子, 之義 死 君 人也。 人也 力 而 亦 蔡, 書 楚子 親 許 許 非 皆 所 戒 有 葬 孝 了,莫强 楚成 史不 出 止 不幸 獨 惡 特 大都 家 則 也 非 書 虔 師 欒 書 不 書 也 不 爲 由 之事 盜 弑 ·嘗 絶 苑 也。 之, 盈 於虔,伐吴,執 齊 久 商 耦 書 君 弑 於乾 藥, 書 之人 宋 而 而 或 閣 悪其 臣 所 有 蔡 龃 宋公與夷、齊侯光、 襄 或 不歸, 之 弑 丽 非 申 以 失 晉 谿, 公用 而 治 曲 吴子 大惡, 無 漸,人臣 德。 不仁 ·, 戒 責 獻 晉 者 沃,趙鞅 救 書 楚、 略 禍之不 亦尋 鄫 人君之疏 也 餘祭, 於 其 故楚、 也 同 蔡二 子 慶封 而 地, ; 子 弑 , 0 不 且. 有 特 故 者 楚 旋 著 之 戒 蔡 可 晉 奚 君 書 孝 滅 徵 靈 無 踵 役 專 人 齊 之君 大 人 獻 則 之 弑 賴 楚 Ŧ 德 官 之 其 晉 臣 君 之 跙 爲 不 以

> 秦、 之, 亂 修《 之罪 無道 病。 闕 道 深 弑 子 之君,正心修身, 臣 m 也 切 虔 漢 良 春 經皆 之君 賊子之有 ٠, 矣。 愚 ; 不 以 史之職 以 秋》,述王 其 稱 調 書,史之慎 好 先 後 微 臣 也 君 戰 左氏 文以 者 誠 亂 臣 耳 而 不 其賊之有主名者 ! 賊 有道 之罪 弑 (傳))日 見 道 書 非 齊家治國, 不 義 若夫篡 也,非 以 二, 不 晉 所 絶 也 戒 何 謂 侯 所 三。」後 於 足 後 其. 至 以 州 凡 恕 史, 書 弑 世 於弑 義 爲 蒲 臣 弑 也。 儒 各 E 則 由 有 以 俾 之 君 多 成 得 竊 或 F. 誅 其 罪 無 書 以 遇 其 取 家 之人 稱 據 戮 君 名 彻 主 斯 所 之者 弑 君 者 事 爲 名 以 大 語 者, 戒 無 又 有 聖 者 著 臣 而 爲 君 也 以 書 何 消 臣 詬 Y 無 亦 至 而

0 用蔡世 子 江 書偶 原 子以 闕 奪。今據 築 周 防 注 故 補 云。 按 案周説是 宋 又按 襄 公 錢 用 氏 鄫 原書 子 以 祭 Ŧ

能 春 知《春 秋 》之義 秋》。』 見諸 行 事 故 爾 故 日 : 惟 孟 子

始。 者 間 以 其真能安於義命者,十不得 矧 恩,第推夫之親以 妹,夫之兄弟之妻,皆路 聯之,其情易親,至於夫之父母,夫之兄弟 口 倫,亦婦人也,同居 道,不外乎孝弟, 而 先 ,可守從一之貞; 去之義,義合則留 婦人之性,貪而 人合者 乖 \pm 妻之於夫,其 而以人合者, 也 論婦 所 以 人「七出」之説 也 夫父子兄 扶 陽 以 抑 天合 吝,柔 親之,其 而 可 陰, 初 弟,以 否則, 而 孝弟 不合 制以去就之義 固 志 而 者,無所逃 路 而 人也。 不 家 之衰, 日 狠,而 情固 人也,以 寧 則 天合者 道 相 "「七出」之文, 割 去,俾能 得,往 也 所 伉 已不 非有一 自 以 築里姑姊之 儷之愛, 也; 各 於天地之 室家 不 先 相 往 $\bar{\pm}$ 堯舜 私 至於窮 執 有之, 夫婦 屬 日之 之恩 設 其 婦 矣。 爲 姊 之 勿 道 妻

其夫淫 『七出』之法不行, 善婦,不必强 使其過不在婦 弟,其事大。故父母兄 謂全一女子之名,其 婦之再嫁,以 准之古禮,固 傷 制於婦者,隱忍而 不合而 去,去而 錮之,置之必 抑之不已甚乎? 民,恐其孝衰於妻子 於舅姑, 丈夫,亦 骨肉之恩。 嫁,嫁 酌兇悍,寵 更嫁,不 所 讒 間 以 爲 有 而 而留 死 於 保 故 歟,出 仍 可 「餓 之地 叔 兀 謂 嫁 不能 窮,自 去之義, 溺 之,使夫婦之道 妹, 婦。 而 \exists 之失節 死 嬖媵 牝 : mj 事 以 也 歸 事 抑 去,甚至 去婦 雞 爲 嫁於鄉 弟不 後 小; 作 小, 鬱 凌 出 之 世 然 之孽 快 亦 而 亦 之義 司 失 間 可 得 則 使 乎 何必 迫 死 \exists 於 里,猶 聖人 晨 子,不可 節 乖 ! 里 其 罪 而 者有之; 歸 一之婦 非徒 破 H 過 事大』。 束縛之、禁 於父 死者有之。 先 苦 而 熾 在 於女子, 儒 世 不 妻 以 逭 絶 婦 **日**: 夫之 失爲 以 則 戒 失 此 也; 歟 嗣 子 兄 寡 或 愛 全 坊 口

者, 言 事 制 而 二夫, 烈也 禮之意 有 雖 司 事 之斷 而 知 也 君 不 臣 斯 知失婦 之不可 獄 未 者 可 以 道 猶 事 言 者 欲 忠 合之。 君 雖 也 事 而 此 不 知 夫, 未 女之 知 諭 失 未 不 先 臣 口 Ŧ 以 節 可

漢 焉 知 鄭 於天道也』, 與《易》、《 招 濔 史記 春 書 康 損 1 以 秋 成 吉 論 謙 吾 日 傳 注 X 性 馮 説 天道 受益,時 非 ***** 春 禍 與 異 瞽 性 論 亦謂 天 줒 秋 福 傳 也 與 史, 語 無 道 》義 八道 言 ***** ___ 天 吉 親 乃 焉 多 之説 \Box 道 -正 《易》『天 否 IXI 天道』,『天道 知 在 天 常 臣 同 猶 陰 則 天道』、《古文尚 西 日 伏 與 道 陽之道,聖人 言 北 : 自 性 《孟子》云『聖人之 善 七政 性 經經 道 思 與 人一, 詛 虧 惟 天 ()變通 天 天 典言天道 福 皆 盈 道 渞 合 以 善禍 而 此 遠 也 介有 詔 又 之占」, 書 益 道 勅 淫_, 何 所 影滿 人 謙 者, 也 戰 後 别 不 道

> 此 傳 道 或 攻 口 亦 得 家 每 何 漢儒相 獨 丽 輒 陛 由 聞 見 如 下 背 之明 也 意 性 爻 承之説 ; 與 象 時 管 久 天 而 而 以 輅 而 道 任 益 私 别 猶 心 何 遠 心 傳 平. 復 胸 斷 乃 叔 役 決 知 0 俱 機 晉 性 未 苟 不 神 與 嘗 書 取 非 於 天 不 性 史 • 道 有 紀 與 ~, 不 悔 天 膽

謂 子 H 儒 孟 》,於此文未嘗致疑,宋 牛 以 於 子 爲 論《 長 鄒 記者之誤。 孟子》,決 嶧 於《詩》、《書》, 淮 泗之下 汝 曰 漢 : 流 排 岢. 近, 以 淮 漢 不 後 泗 儒 在 能 儒 而 捎 數 讀 乃 注 邠 百 疑之。 之江 卿 禹 里 注 貢 之 間 子 孟

⁰ 今 引 注: 九《魏 别 據改 傳》之例、管輅 二,原 錢 書》, 文爲《三 作 氏 别 《答 列 傳 依上文《後 0 問 國志》卷二九 故 》作 列傳 錢 周 氏原文不 注 漢 管 書 輅 當有《三國志》三字。」又近 管 别 馮 輅 魏 誤 傳》 異 列 志 傳 13 傳 當 》及下 江 管 據 》見《三 藩 輅 改。」 轉 傳 文《晉 引 或 案 志》卷 松 近 書 之 藤 説 紀

則

無

疑

至 淮

泗注江』之文矣。」此先生説

經

指

毗

陵

處,如

知

會稽、山

陰亦

爲江

水所至,

之委也。 海之口,不知 次之,故《老子》以江 何 水,皆先 入江,後入 漢水人江二千餘里,而尚 ! 胸 蓋天下之水,莫大於海 Щ 以 海。 南 海 餘姚 爲 世 徒 百 以 谷 知 北之海,皆 王。 毗 陵 有北 爲 南 而 條 江 江 江 之 之 即 江 人

名,淮口

距

江

П

僅

<u>Ti</u>.

白

里,其

爲

江

之下

流

何

作

通

之名。 以 也。 至會 即 疑。 浙 江 導水之文,初不 江 爲吴松江、錢塘江、浦 與 淮 江 稽 ,吴松、浦陽 泗 或 禹 漢 水 注江之證。 語 Ш 貢 儒 不 () | 云: 》:『吴之與 陰 去 可 爲 古未遠, 源 相 浙 亦 悖 沿于江 而 江 注 注江 也。 得 _ 江 越,三江 其言江 名 浙 而 者,會江 陽 《説文》云:『江 海, 江 江 後 江 者, 者, 注 達於 也。 之下 海 環 源 漸 故皆 以 之。」 錢塘 淮 異 江 流 注 泗 而 也 海, 不 有 江 韋 委 專 江. 即 昭 百 水 與 此 漸

之大略也

謂自惠、戴之學盛行於世,天下學者但 及天文輿地,草木蟲魚,散 經,略涉三史,三史以下,茫然不知,得 駕齋養新録》者,不下數萬言,文多不 儒 也。 乎 至於辨文字之詁訓,考古今之音 ! 所著《二十二史考異》,蓋 見於《文集 有 載 韻 治 爲 謂 + 而

都; 文。 顧 有雪不台; 寧 既有 人謂《 又謂:「史之蕪陋、未有甚於《元 朱錫 石抹 鬯謂: 既 食貨》、《選 有完者 也先矣,而 列 都 傳 矣, 舉》二志『皆案 既 有 又有 愐 速不台矣, 又 石 有完者 抹 史》者。 问 牘 都 辛 而 拔 又 ;

⁰ 號 者 校勘記: F 都一 都 」字,原 傳文云『賜號拔都兒』、『完者都』爲 補『都』字。」案所補是、今從之。 「《雪樓集》卷六《林國宣 闕。 案中華 十書局 校點 武 本《元史》卷 公神道 名『拔都』其 碑 EE

附 傳 之事 不 列 邁 亦 世 太 穢 未習 草澤迂生,不諳 兒 金 四 禮》、《樂》、《兵》、《刑》諸 傑、 缺 於《懷 Ė 傳 一尚 祖 之傳矣,而 史之譏 華、烏傷二公,本非 塔赤、忽 1,所以 兒兒 之 , , 而 公主者,魯、昌、趙、鄆 功 倒刺沙,泰定之元輔, 重 臣 傳 又 地 塔察兒、 都 一,首 況 别 一復 理 傳 刺 動 有《昂 志》 者, 而 成 推 又别 出 筆 又 載 而 書之期,又 掌故,於蒙古 兩 如 和禮霍 即 四 别 吉兒傳》; 順 人,既 V 昂 爲 譌 傑 有《 别 帝 立 吉 史才,所選史官, 傳。 有 事 兒 重 即 孫,至元之良 附 而 僅 己 志 假 喜 Sp[最 不 書於杭忽思、 赤 皆乖 附 二條,餘 ·, 皆 而 以 重喜已附 傳 著 老 · 及 語 术 於《也 \gg 史皆失其 時 温 魯 言 缺 謬之甚 而 一之傳 日,猶 文字, 歲 傳 RH 順 鄆 乎! 亦 蒲 术 帝 或 臣 於《塔 缺 獨 又皆 譚 魯 甘 之傳 不 素 者。」 直 傳 漏 缺 朝 旭 脱 浴 己 免 所 1 如 Ø 0 小 宗 功 ZII] 從 后

朝。 又朱 説、筆記、 Ξ, 令,改爲《元詩 术 木 莊 此皆謬 吾 華 氏 懿 段直 所未及 也 黎 皇 而 ; 后, 爲 張 戾之 金石 韋 澤州 卒 糾 子 益 顯 良 者 紀 都 於仁宗朝, 碑 長 來 然。 事 也。 版 從木華黎之弟帶孫 官 歸 9 重 其 大 因 修 搜 他 在 元 元 羅 太 未 事 帥 史,後恐有 祖 元 嘗 跡 察罕, 朝,非 人詩文集 舛 尊 誤 爲 皇 世 非 如 違 祖 太 大 非

生平著述傳 於世者、《 潛 研 堂文集 * Ħ. +

阿

E

附

其父《資榮傳

》, 而

又

分别

有

冷譚

澄

傳

此

長

官。」

歸。」 术 問》、《廿二史考異》卷一〇〇皆作 帥 澤」原 因 察罕 錢 句 原 氏原文引作「張子良 非 意明 作 闕 後論 因阿朮」,與原意大乖,今據 「深」。 晰 案《元 功行賞 江氏脱上「 《元史》卷 史 分土世守 張 因」字 來歸 子 一九二《段 良 傳》: 命直 則 澤」, 因 元 成 佩 直 帥 今 張 因 一傳》、 金符, 察 據 子 元 改。 罕 良 帥 錢 來歸 非 阿 《段 氏《答 因 朮 直 來

先生 爲 戴 東 及宋、元金石 通 文 如 卷、《詩集》十卷、●《二十二史考異》一 元史氏族表》三卷、《元詩紀事》、《補元 卷《利集》六卷《貞集》六卷、《 經目 一十卷《養新餘録》三卷、《日記 代儒宗 原 編 第二人。」蓋 氏 志》六卷。 唐、宋、元、明詩文集、小説、筆記,自秦、漢 研堂 不專攻 修震 學究天人,博綜 之學,以 族、皆 服虔 而 誳 金石文跋 也 嘗 亦瞠 於 研 謂 肄經 \Box 文字,皇朝 精 先生 藝, 以 東 人曰:「當代學者,吾以 乎後矣,況不及賈、服者哉! 究 過 漢儒 原 尾 而 爲宗,不讀 理,不習 耳 不專治 毅 群 無 • 元集》六卷《亨集》七 而醫 擬之, 籍,自 然以 藝不 典章 於心。」先生有焉。 第一人 盡 . 精 在 開 十駕齋養 制 漢 功。 經, 高 或 抄》三卷、《補 度,滿洲、蒙 以 密之下, 經 以 而 É 後 古人云 來,蔚 史 無 書 居 之外, 百 新 曉 史藝 經 ; 録 卷 即 微 然 若 然 不 :

> 廬。 塾皆諸 章,可謂 補表》八卷而 侗,子東壁、 六 品品 淹貫經史,著書滿 先生之弟大昭,從子塘、坫、 生 頂 東南之望 戴。 東塾 己。 東 垣 嘉慶元年, 矣。 門 舉 家,刊 羣從,皆治 大 昭 繹、 字 應 行 晦 孝廉 者 侗、東 之, 惟《後 古學,能 東 方 垣、 ĪĒ. 字 漢 東

賜

賞。 舉 淪、 均,試歸 體 江南 詩、爲王 汪納青、王鶴谿、王 塘 塘字學淵,一 鄉 慊 肆 試。 然不足,不欲 一光禄 力 於經 明 西 年,汪 字禹美,爲諸 莊 史之學。 Ŧ. 以 如洋榜成 耿 侍 詩 仲 郎 名 乾 相 蘭 隆 唱 生 泉 及 進士,需次 和 時 几 選 先 + 爲 拔 生 與 四 古 諸 所 成 激 今 澱

堂詩 今據《嘉定錢大昕全集》本所據版本卷 族 表》三卷 據 錢 》十卷 大 昕 趙 《潛 《詩 之謙 研堂全集》及錢 續集 本 》十卷、《日 鍾 校 本 皆 氏其他刻 記抄》三 補 明 數補 卷 卷、《補 本 錢 氏《 元史氏 不

當

字、律吕、推步之學,尤有神 府學教授。 得 知縣 自 公務多暇,專志 以不習吏 事 就 撰述,於聲音、 教職 解,著《律 選 授 吕 江 考 文 寧 乾州 故、 中

官家言、皆究其原本,而 《律書》「上九,商八,羽七,角六,宫五,徵九」 以 他 書 疏 通 證 明 之。

又著《史記三書釋

疑

》,於律

曆

天

又 數語,注家皆不能曉,小司馬 淮 八以《 南 淮 子》、《太玄經》證之,始信 南 天 文 訓》 篇,多《 疑其數錯 其 確 周 不可 官 塘塘 馮 據

相 補注》三卷,以闡 :》、《保章》遺法,高氏注闕略,罕所證明,作 其旨。 晚年讀《春秋左 補 杜 氏 氏

之闕 經傳 卷,皆行於世。 17,精 É 糾其謬。 心 有 得 卒年 作《古義》若干卷,以 其所 五 一十有六。 作古文曰《 述古編

四

隆 於 审 小 學,游 午, **站字獻之**,少 中 京 副 師 榜,遂 朱 而 笥 至關 穎 河 敏, 先 中 有過 生 在 延 畢 爲 人 、之資。 巡 H 撫 客。 沅 幕 乾 精

> 《十經文字通正書》十四卷、《 十六卷。 表》一卷、《 輿 與 州判 地之學。 歙 方子雲、陽 7,得末疾歸,卒於蘇 車 制 後就 考》一 湖 職 卷、《 洪 州 院吉、 判 論 監 《新斠 州。 語 孫 修 後 星 注 著有《詩音 陜 録 衍 地 西 討 理 Ŧi. 城 卷、 論 訓

縣沿革 雲縣 勿使蠟 起矣。 述。 督 其 原 之命,日 晚 稿 年,右 時, 書 知 獻之以《史記 必 如 獻之工於小篆,不在李陽冰、 重其學品,親 寄 三十 洪 縣,獲譴 以 山川 體偏枯,左手作篆,尤精 公璧云。 子 覆 塞外 也 年精力,盡 車 所在。 焉 謪 後 嘗注《 不 !」是時 塞外,戍滿 注》付公,泣 江 能 兵部 至 都 事 於此 回 史記》,詳於 韋 剞 侍 待 榻 佩 劂 書,惟 郎松筠 問 金 南還,公知書城 郎 疾,索 書 當録 日 有伊 城 世 世 明 徐鉉之下 爲 音 爲 公憐之, 犁將 坫 未 陝 人 訓 廣 副 藏 疾 刊 Ħ 及 西 重 不 著 凌 總 郡 弆

國朝漢學師承記卷四

甘泉江藩纂

王蘭泉先生 袁廷檮

有 於杭 浦 始 同 逾 又字琴德 人。 遷 六 兩 異 4 江 州 旬 先 穴。 森 靈 考 南 牛 蘭 士毅 其 隱 松 諱 茁 森若巨 寺 昶 江 至冬,陸 先世 学,字 府青 夢 枝 字 L 竹 鴻遠, : 居 德 浦 贈 狀。 太 浙 甫 縣 H 夫 以 江. 西 年 號 之 及 士. 蘭 人孕 珠 夏 四 述 蘭 即 街 + 畚 唱 明 溪 男不 紫 角 Ŧi. H ; 燕 鎮 高 其 字 育 () 遂爲 無 棲 市 祖 子,禱 蘭 蘭 於 懋 長 而 楹 忠 泉 歸 尺 錢 青

太

夫

八人生先

生,咸

以

爲

蘭

微燕

兆

也

勞毀瘠 後 張 F 文 詞 弱 八人學。 詞 炎《 一人也 三體 蔣恭棐、 娓 先 Ш 居 年二十 娓 生. 中白雲詞》, 唐 是 生 不 喪 詩 楊繩 年, 倦。 而 讀 開 得韓、 丁 爲 武見先生詩 禮》,不作 年 敏 + 外 讀 演 几 柳 八, 艱 而 説 Ŧi. 文集、《 , 先生侍 應學 歲 愛之,乃 楊 詩 時 用 文 文。 使 修 歸 謂 能 試 服 疾 肆 宋文 震 廿 背 翼 H 力 111 以 誦 憲 游 於 集 第 史 周 古 哀 彈 伯

詩, 是潛 真 曹學士來 書 人各寄《相 、企晉、錢少 迦 歸 稱 見 愚 肄業紫 心 爲 爲院 經 而 吴 術 心 殷 憶 中 長,選 陽 折 詹 詩》一首,一 講 E 七子」。 書 曉 求 附 海 院 微、 聲 先 番 黄 音 舶 生 時 芳 贈 訓 及 從 流 上. 亭 光 時傳 故 書 \pm 傳 惠 禄 沙 之學。 光 徵 於 日 寺 陽 爲 沈 本 禄 君 少 藝林 **令** 尚書, 鳳 定 卿 文 大 是 宇 喈、吴舍 趙 學 蓮 時 升之、 游, 事 又每 頭 七人 沈 默 於 尚

沙、薌 會。 江 年 刑 州 徵 課 堂亭榭花木之勝 病 戌 ·, 授 定 部 ,盧運使屬撰《紅 西 其 逝 Ŧi. 成 司 子及孫 、哭泣 Ш 日 乾 一等第一,授 二十二年, 生 林三公皆以 刑 禮 進 東司 潞、 隆 郎 與 部 通 士: + 中 趙文哲 盡 汪 考 浙 主事 八年 與 禮 部 **%** 歸 江 高宗 程 司 曹 班 , 充方略 ·癸酉 明 坐言語 十三年, 或 編 内閣 兩 員 棣 候 明 年, 橋 純 修 士待之。 淮 外。 選 年, 小 張 皇 午 鄉 鹽 中書。 游 志》 秦 貢 不 帝 試 館收掌官。 橋 運 三十二年, Ш 兩 密 尚 都 生 中 南 使 以 左 馬 淮 罷 二十九 几 書 式 盧 供 巡 是 歸 記 運 司 職 職 科 蕙 見 歲 篠 獻 知 使 溧 爲 曾 陸 + \mathbb{H} 仍 園、 賦 年 提 陞 三十 文 九 聘 太 延 陽、 琯、 行 • 平. 留 酒 行 刑 先 夫 先 年 在 授 之 弟 事 部 南 Ш 揚 生 人 生 甲 0 事 福 頃 詔 殿

爲 兵 部 時 緬 尚 甸 書、 未 定 靖 邊 詔 右 以 副 伊 將 犁 軍 將 軍 總 文 督 成 雲 公阿 南 桂

> 降。 土 土. 代之,奏留先生佐籌善後 酋 州 地,又侵據 隨 移 司索諾 司澤旺之子僧格桑指沃 懵駁乞降,經 之,得旨命大學士 許 試 之。 師 三十六年,文 讀 文成,文勤公阿 往 赴 卷 几 三十四 木 師 几 Ш 明 亦 Ш 是 軍 IE. 併 誉 以 奏請 略 土 革 年 知 辦 司 成 屬 什 文 先 克 事 以 濃 罷 先 忠 咱 敦子 , 旋 成 生 先 生 勇 等 用 殺 事 出 學 生 草 公傅 寨 日 授 理 也。 其 萬 問 一行 咒詛 檄 ; 吏 藩 會 土 仞 經 0 諭 恒 部 奉 院 而 文勤 司 關 川 濟 懵 爲 考 旨 尚 金 發 111 駁 經 住 請 功 賞 兵 書 爲 1 \prod 小 略 騰 以 允 司 給 佔 先 命 應 金 温 越 主 生 温 襲 其 其 福 緬 Ш

十九 爲「二十九」之誤, 九 ……十月,充方略 年 原作「二」。 月, 今據 清 嚴 館 刑 榮《 收 部 水 掌 Ш 庵 官 東 先生 司 此 年 主 可 譜 事 + 乾 隆

「寨」,諸本皆作「塞」,形近而誤,今據文意改。

壟之賊 杰 兵 舟 克。 賊 其 訟 其 事 兵,文成 H 不攻 (衆。 月 · 全 無 路 罪 ili 耳 詔 则 繼 乃 寨 出 僧 軍 罷 戰 者。 日 賊 以 時 先 大兵 格 一皆 奏 五岱 亦 生 子 兵三 南 三十 後 桑 賊 没。 震 請 , 0 路 進 遣 刻 金 從 必 駭 以 T. 111 總 命 Ł 討 X 潛 文 爲 無 上 無 先 · 克 賊 遣 督 成 文 年 訴 師 夾 備 一削 守 牛 ·, 參 桂 成 由 沃 參 督 渡 攻 斑 志 從 桂 乃 格六古來援,琮 林 往 H 將 兵, 溪 之策 替 斕 林 建 統 北 詛 破 薛 大 Ш 遂 緣 先 職 兵 策 害 Ш 琮 其 臣 據 生 次 潛 山 木 破 狀 趣文 從 栅 既 Ŧī. 達 大 達 而 師 雅 斯 黑 行 先 岱 當 克 烏 兵 鳥, 襲 F 斯 成督 龍 生作 鼠 美諾 安, 至 大 之,於十 底 翁 築 援 溝 久 温 達 雨 古 南 絶 不 經 卡 代 谁 檄 福 雪 烏 僧 阚 路 糧 郭 能 鰦 統 許 攻 斥

深 明 大 先 八義,勖 是 足, 文成 以 奏 殫 先 1 生 軍 係 事。 獨 子 今從 母: 年 軍 七十 己 Ŧi. 餘 年

格

桑

遁

金

III

矣, 金 察 董 小 軍 次 海 甲 辔 陞 兵 m 温 當 領 百]1] 奪 天 金 蘭 由 部 哈 用 請 四 弼 隊 既 察 隘 111 福 噶 H 尚 或 量 代代之。 傍、俄 + 人,盡 得 大兵 大 赴 自 書 興 Ш 出 加 臣 美諾 [空喀 餘 水 果 由 攻 拔 兵 死 進 奎 人 毅公 空 坡。 反 克 擢 拒 潰 討 林 移 三十八年, 喀 率衆犯 其 西 兵 於 戰 遂 豐昇 金 未幾,哈國 温 至是, 文 地、先侵登達、占固 色木 分 山 木][[自 福 成 峰, 果 寇登春、 額 亥 議 當 死 與 則 木, 得 又 與 至 噶 焉。 從 分三路 參 隘 參 旨 寅 克 攻 師 誊 興 П 參 贊 以 八 戰 兩 六 明 由 拒 殺 病 將劉 舒 吏 卦 大 失 月 美 賊 亮 賊 没,奉旨 常 部 温 碉 利 碉 + 諾 由 輝 日 往 員 福 白 H 進 當 + 祖 提 綽 賊 外 海 龃 而 也 噶 餘 率 督 冬 蘭 煽 將 以 斯 郎

⁰ 絶 琮 原 桂 作 綜 清 皆 作 列 一琮 傳 與 此 清 「綜」字與下文「綜 史 稿

+ 晨 當 沃 接 H 行 夕 H 噶 月八 四 得 乃 賊 不 警 Ŧi. 進 死 口 討 日 報 者 白 守 里, 大 甚 而 大 姑 路 衆, 兵 夜 詔 從 草 請 旨 至 畏 其 奏治 詢 大 往 請 當 板板 問 視 噶 徹 文 無 師 昭 兵,乞降。 師 書 虚 乃 僧 至 H 恒 西 格 翁 徹 行 古 桑 先 夜 復 壟 4: 文 是 不 0 竄 成 馳 寐。 時 人 馬 奏 知

金

Ш

H

而

小

金

Ш

悉

平

獻

兩

金

111

蕩

平.

Ŧ

土

是 及 雍 克 遜 成 按 美 人 移 姑 勒 克 覆 事 諾 中 大營 奏, 人 烏 爾 經 ZII] 喇 啟 一 ĴΠ 宗, 畫 嘛 行 青 韋 得 於 寺 九 賊 奉旨 旨 П 詔 抵 時 年, 噶 巢。 取 京 擢 令 谷 在 喇 之。 具 赴 噶 分 河 補 吏 依 <u>+</u> 兵 奏。 部 軍 西 吏 (三路 金 部 誉 几 郎 即 月, 路 111 上 視 刮 文 中 月 斷 賊 耳 嘉 克 選 0 合 狀 厓 不 刑 索 之, 則 攻 司 四 能 諾 知 部 朗 几 郎 + 有 軍 侍 先 歸 木 + 噶 中 年 旨 之母 牘 郎 生 克 來 <u>Ŧ</u>i. 年,三 垂: 皆 袁 從 下 下 降 八 月 間 四 先 守 師 月, 於 倉 厭 克 文 生 侗 Á

赦

御

至

妹 餘 率 楚 兵 合 其 克 得 攻,索 等 兄 什 齎 爽 相 安 印 爾 繼 木 諾 出 投 瓦 楚 降 木 沃 出 及 兄 雜 大 僧 莎 爾 頭 格 羅 月, 人 桑 弟 奔 丹 已 合 斯 出 巴 病 丹 攻 達 訛 巴 克、 死 益 雜 急, 妻 索 並 鏀 索 等 巴 諾 以 底 首 木

路

明

木

作《 月二 暇 · 磔 午 良 几 馬 + 鄉 門受俘, 先 裔 死 上 九 生 之樂 駕 吟 從 縣 日 詠 幸 首 征 · 穹 訊 黄 上 九 稿 於 遣 新 廬 宴 年 街 瀛 皇 莊 公百 畢 臺 子 郊 雖 讀 是 賜 獻 勞 羽 以 日 無 白 書 俘 逆 用 幸 金 旁 太 酋兄 戎 H 紫 緞 廟 午 服 廢 兀 光 弟 然 行 也 閣 Ŧi. 朝 罪 禮 磨 賜 月 珠 在 凱 盾 宴, 朔 荷 不 之 几 旋

鍾 清 校 爾壟」急言之則 此譯音 稿》改。 「翁 古爾 有緩急 塱_ 「翁古壟」。 非必作 古 原作 爾 壟 翁 「翁古爾壟」 即 本卷中 古壟」, 翁 古 壟 據 前 故不必改 《大清 文即 緩 稱 言 統 則 古 志》、

史, 能 有 允其 治言 年 川 政 行 包 充 -, 至乾 旨 十三 盡 總 萬 使 走。 績 又有旨 心修官 餘 古 授 奏 先 計 著 奉 牛 江 喪 里 年 命 占 副 隆 陞 禮 JЦ 在 纂《 西 使。 : 授 及 授 H 四 + 軍 按 吏 河 府 金 干 + 鴻 因《 奉 Ŧi. 機 部 察 几 南 州 $\dot{\equiv}$ JII 臚 諱 年 久, 四 使 + = 郎 大 縣 寺 布 方 年 年 家 中 清 隨 多 增 略 政 卿 平. 居 旋 年 Ŧ 聞 補 置 鴐 使 定 時 賞 $\dot{\equiv}$ T 昶 統 南 舊 授 改 充總修官 淮 戴 月, 内 ∵志≫ 建 户 巡 事 都 析 噶 久 花 宗 艱 察 部 者 擢 爾 在 請 變 翎 成 院 多 祠 尚 大 П 軍 П 連 留 於 左 書 在 籍 部 理 誉 置 次 命 内 雍 梁 副 尋 軍 家 治 寺 嘉 用 重 公國 都 IE. 著 拓 擢 機 塾 喪 興 修 卿 ŀ 御 地 川 诵 處 有

安 人 \mathbb{H} 按 察 \overline{H} 服 使。 累 四 渾 補 四 授 倡 + 直 復 九 隸 新 年 按 教 Ħ 察 使 肅 糾 木 衆 古 原 攻 抵 屬 破 任 鹽 西 茶 改 安 授 廳 州 П 西 LI

教

族

X

子

弟

此, JII 三十 堯、 城 白 孫 Ŧi. 肅 兵 武 武 SIT 内 受 者 有 六 自 几 渾 令通 賊 其 提 外,聲 名。 站 兵 戕 有 十 二 都 者 勢 督 地 死 七 司 去, 判 恐 其 乃 出口 П 路, 名 又益 黄 勢 餘 張 前 П 塔 長 員, 兵 語 「, 共 秉 稍 黨 各 匪 具. П 武 诵 以 壯 哲 乃 竄 奏, 張 以 匪 宜 勢 經 民 百二十名。 率 借 兵 馬 文 益 君兵五十 教 百三十 奉 領 慶 兵 明 役 心 命 弱 旨 主 以 等 於 乃 心 數 往 之 來,椎 以 總 安 所 走 人 禦, 賊 稱 74 名, 守之。 兵 居 會 名,合參將 又 安 也 乃 丽 寧, 提 牛 走 П Ę 州 至 德 督 享之,分 安 總 厞 提 武 距 長 未 調 定 得 盤 督 之 督 武 陝 幾 去, 之 通 兵 聚 又 孫 李 西 官 撥 於 調 Ħ 受 存 長 長 侍 \mathbb{H}

勢 城 七 爲 大 百 熾 防 人 時 禦計 距 駐 副 都 高 Ę 統 廟 數堞 武 明 Ш 不 善、 及 擊 分分 參將 \equiv 賊 人, 白 失 籍 里。 孫受以 利 城 外 先 人没 民 滿 生 强 乃 漢 於 壯 試 兵 随 者 炮 Ŧ. **》**》 識 賊

米,悉 李 蘭 諸 Ŧ 未 往 復 備 其 也 泰 百 大 命 小, 告 德 習 可 察 皆 臣 不 軍 Ħ 興 大 塹 用 ZII] 領兵 魁 率兵邀 學士 攻 地 肅 調 都 填 敢 兵 會 拉 具 如 以 門, 利 以 剿 赴 統 馬 犯 陝 隆 要 善 無 有 甘 從 团 海 太 遂 急 四 西 斷 險 德 而 缺 Ŧ. 肅 河 蘭 截 桂 與 原 長 娃 出 緑 賊 形 旺 南 察 賊 民 石 總 敷 武 户 誉 等 殪 長 水 勢 親 領 來 城 峯 首 恃 倫 椎 兵 武, 皆 部 駐 無 道 及 班 將 京 協 馬 П 以 富 泰 採 算。 防 就 尚 巴 兵 攻 守 賊 從 匪 不 文熹率 敏 代 軍 往 擒 Ŧi. 書 從 爾統 賊 勢 隴 合兵 之。 莽古 恐 泰 來 凡 於是 千 福 之 Ш 餘 蹙, 州 統 自 刀 名之外,調 康 蒙 西 (據隘 黨 策 至 衆 邠、 兵 賚 會 若 矛 欲 [H] 安、 來 古 悉平。 長 降 敷 統 也 炮石 乾 渾 復 突 兵 寧 先 領 倫 寧 Τ. 以 張 韋 歸 見 生 — 干 夏 部 侍 守 賊 泰 永 燈 而 文 出 長 是 富 恐 Ш 亦 總 兵 尚 知 壽 燭 衛 慶、 武 役 海 西 敏 其 調 Ŧi. 書 兵 内 上 有 皆 油

> 飛 約 兵二 又 書 以 以 千,京兵二 萬 萬 無一 計 計 舛誤。 0 先 而 生 銀 T. 不 、錢、火 ·, 絡 奏上 攜 繹 胥吏,不藉 ,有旨嘉 藥、鎗 過 長 武 炮 許 車 需 賓 裝 車 僚 駝 輛 草 載 馬 者 騾 檄

獲, \equiv 部 疲 京 景 商 因 戕 洛, 憊 侍 年 師 事 蓮 Ŧi. 奏言 知 + 郎 竣, 邏 請 即 得旨 調 縣 緝 命 人 伊 改 江 孫 年, Ŧi. 都 陽 京 人 西 派 岳 + 京。 奉 接 河 陛 往 布 職 灝 Ŧi. 占 壤 南 見。 政 督 年 逸 授 陛 湖、 伊 使 温 緝 去。 陽 見 雲 隨 旨 未 陜,恐 時,奏 縣 南 幾 駕 乃 Ŧī. 不 巡 民 布 赴 東 + 許,乃之任 景蓮等 撫 秦 由 政 商 巡 几 肝 畢 某 熊 使, 年 州 氣 耳 沅 等 П 不調 奉旨 仍 獲 檄 諸 搜 秦 **令** 州 + 捕 Ш 授 某 督 Ŧī. 遁 不 餘 口

刑

+

神

解

捕

李

人

⁰ Ŧ 萬 計 計 清 嚴 榮 述 庵 先 生年 譜 》卷 K 隆 四 九

六八

分 明 家 青 湘 讞 V V 郵 淵 得 命 别 縣 州 鄉 П 縣 旨 定 審 曲. 堤 縣 賄 京 Ė 擬 鞫 湖 史 Т. 民 冒 又 命 陳 奏 偷 北 童 海 江 命 與 聞 應 高 減 陵 倚 童 百 兵 門 土 城 縣 道 及 奉 兵 部 方 控 縣 捎 揭 自 長 部 尚 案。 科 書 學 州 允 沙 書 侍 市 派 $\dot{\equiv}$ 行 書 勒 慶桂 郎 訊 收 斂 控 吏 買 吉 畢 漕 錢 書 假 常 慶, 往 事 折 吏 V 印 平. 江 色 馳 何 命 重 倉 南 案。 發 驛 良 微 訊 穀 摺 弼 鞧 湖 事 口 事 起 修 湖 鞫 南 案。 行 竣 方 定 永 南 高

貴 隋 14 理 偷 亦 皆 介子 駕 任 減 具. 光 封 幸 之。 奏 情 禄 是 擯斥,忤當 方 跡 品 大 年 \overline{H} 夫, 純純 臺 理 П 其 至 草 勘 皇 殘 妣 荆 率 方 帝 皆 損 家 月 担 州 軸 į 處 淵 旨, 飾 旬 充 方 品 應 堤 家 萬 順 賠 夫 落 遂乞假 T. 天 淵 人, 壽 補 甘. 時 鄉 堤 者 職 先 恩 按 試 Т. 南 屬 生 詔 尚 册 主 歸 Ŧī. 知 暨 晉 有終 考 未 丈 + 府 鄒 封 官 修 量, Ł 張 夫 年 補 馬 有 方 無 人 代

> 寒, 之志 隆 見 來,輦下諸 冬, 時 宜 矣。 竢 H 跋 春 鑒 涉 融 其 <u>一</u> 千 公飛 \mathbb{H} 老 П 籍 病 里 札 上 告 召 以 精 見 知 原 神 大 品 疲 乃 臣 休 茶 克 致 H 詢 動 就 傳 王 履 昶 諭 道 盤 何 歲 跚 暮 時 以 苦 召 届 不

旦 役。 遝 稱 騷 得 沚 續 壇 皆知名 =0 癸未充 錢 歸 己 詩 通 先 門 竹 卯 生以文學受純 酒 \mathbf{H} 館 人 汀 士。 飛 後 著 會 庚 方 兩 騰 試 略 辰 録 往 在京 先 壬: 口 館 望之者若 者 來 生 考官, 數 旲 午充 師 艤 通 百 皇帝 門 時 舟 鑑 及壬 順 É 與 神 賓 輯 特 天 有 朱 仙 公 覽 從 子 鄉 達 笥 然 隄 益 南 之知 主 試 河先 皆 下 盛 \mp 試 口 預 北 考 順 朋 與 生互 纂 所 官 天, 簪 Ŧ. 修 以 雜 西 之 主 所 之 開 辛

⁰ 遝 逻 幽 原 雅 作 堂 還 本 等 皆 已 嚴 譜 改 IE 卷 下 乾 隆 六 作 朋 簪

件。 几 者 意 浙 明 皆 年 日 年 楠 行 獻 歲 歸 人 木 豊稔 詩 宴 + 政 鳩 千叟宴 六章 年乙卯 杖、 遂 舉 狀 詣 行 奉旨 綢 奏對 禮 千 闕 ·, 先 緞 於 叟 刻 生 裝 稱 寧 宴, 召 人《 旨 年 錦 壽 見 詔 七 大 時 宫 燕 中 于 二 嘉 毯 集 詢 外 慶 宴 筆 問 元 臣 中 畢 墨 舊 年 Ι. 純 等 賜 事 逾 皇 īE. + + 玉 月 及 七 帝 六 如 初 江 + 以

詣 几 畢,又諭 省 臨 月 觀 吏治 \equiv + 德 嘉 殿 月 = 民 慶 凡有欲言, 前 H 情 初 四 百 敬 年 與 謁 H 正 日 III 梓 月, 期 召 宫 可 楚 見 滿 太 繕寫 寇 河,詢 遂 Ŀ 具. 盜 陳 皇 奏 密 問 未 數 П 帝 封 歷 平 事 籍 升 以 官 ·之故。 遐 上 進。 始 命 末 留 明 奏 及 都 覽 日 對 外 哭

刊

H

辭

出

都,主

一婁東

書

院

講

席

府 辛 趙 酉 宜 ,六十年 先 喜 生 以 請 辛 重 矣 。 西 游 年 洋宫 江 補 蘇 博 學 率 士 新 政 弟 錢 弟 子 , 至 樾、 子 祇 松 一嘉 謁 江 慶 文 六 府 廟 知 年

程

車

家 行 洲 撫 釋 年 奠禮 請 八 + 主 有三 宴 敷 於 文 曲 書 水 院 遠 主 講 時 席 沅 者 侍 郎 年 元 爲 卒 浙

於

江

《易》。 録》二 卷、《 志》、《 卷、 平著 炳著當: 文則 金 或 記 雜 行 ^ 石 朝 征 \forall 志 述 以 先 於 續 陝 卷、《使楚 粹 詞 代,求 韓、 詩宗 緬 世 甚 生天資 卷、《 修 編 西 綜 富 紀 卷、《 西 \simeq 柳 舊 V 聞 杜 其 兀 : 之古 之筆 湖 案 重 少陵、 過 《 春 百六十卷、《 未 + 化成編 豫 游 志 叢 刊 1 發 卷、《 人 \forall 滇 章 融堂 談 行 卷、《 中 服 玉 於學 詔 行 》、《雲南 \forall 青 者 溪 蜀 紀 程 詩 亦 鄭 卷、 浦 湖 生 程 記 徼 無 則《 之藴 文 豈 明 縣 海 而 紀 易得 所 ^ 集 銅 詞 臺懷 參 滇 志 詩 聞 不 卷、 卷、《 線》 政 以 \approx 行 傳 窺 者 功 几 全 韓 隨 H Ť 二 + 哉 業 雪 太 卷、 商 書 JU 尤 筆 録 八 文 柳 鴻 洛 倉 + 邃 卷、 ^ > 屬 再 州 生 於

卷。 卷、《 所 注》。 丽 表 專 攻 其 青 識 楬 毁 未 浦 謂 櫫 漢學者。 成 詩 之楬 取 傳 書 者, 周 櫫」之意。 禮 + 則 皆藏於家 ·六卷、《 • ~ 職 羣 經 金 蓋 学注 天下 楬 以 櫫 漢 今時 \approx 學爲 書 ^ 院 Ż Ŧi. 志 表 書 代 識 有 中 +

背

造

然

謂 識 不 飾 而 \Box 南 游 鹽 輕清 笥 門 者 失 赤 者若 還 許 白 粘 者 河 下 非 明 至武 魔」。 命 1 鶩岩 師 土 之。 者 流 後 從 時 通 太丘 皆 先 先 儒 湛 以 皆 林 提 今 蟻 生 生 不 至吏 Ħ 在 謁 道 乃 何 因 先 唱 游 通 ī 泉, 門 廣 補 袁 經 風 牛 垂 先 (骨之子,負 痛 下 藩 於 大令枚以 史、觕 富 雅 = 以 牛 0 詆 人心學術 以以 + 商 Ŧi. 謂 於 簡 嘉 车 大 賈, 七 今日殆有 齋 萬 知文 慶 言 隱 松 唐 四 論 販 詩 詩 多 書 義 年 之人 爲 學 哉 然 鳴 院, 宗 藩 從 者 争 談 樹 江. 甚 之講 V. 藝, 敵 浙 從 從 焉 能 而 H 門 間 容 昔 經 京 用 江 比 名 户 學, 默 言 蒙 年 朌 師 韻 浙 之 從

江.

謗 師 不 答。 立 語 異 搆 是時 也 怨 幾 依 削 草 著 附 録 木之輩 之籍 然 聞 而 子 藩 言 終不忍 大怒,

七〇

察使。 及 弆 廷 稽 之後,爲吴下 君 士,癸丑殿試,授庶吉 法書、名畫、 之。 0 **,** 標,字又愷, \mp 敦元,字金溪,乾 君 先 有水石 蓄書 紹 生弟子 君 蘭 萬 博 之勝 字畹馨 卷, 金 中 望 通 字壽 石 經 族。 皆 以 碑 隆 傳 又 1,癸丑 宋 經 版 爲 癸卯 階,吴縣 得 士,今官刑 饒 槧 術 貯 先 於 元 當代聞 稱 舉 進 世 資 刻 於 者三人: 人, 庚戌 所 1: 人 Ŧī. 秘 築 藏 硯 也 官 部 人。 笈 Ŧī. /\ 0 樓 至 郎 精 硯 袁 明 袁 開 † 中 福 中 抄 爲 於 六 1 建 式 化 俊 以 樓 楓 舍 按 進 戴 又 會

楓 慶二年夏「又愷移歸 江 夜 泊 當 爲 》詩 楓 而 橋 承 之 楓 誤。 橋 楓橋舊居 之 楓 名。 橋 錢 本 大 名 昕《 封 橋 Ŧ 硯 大 樓 唐 記 張 繼

雲爲 年 其 無 霍 接 於 袁 爲 之 得 春 四 口 一,急人 四 事 是 虚 不 紅 大 沚 文 邑 秋 洞 :暇 + **\$** 酒 俗 H 几 先 鈕 佳 蕙 庭 僧 矣。 方 枚、 之會 生 布 Ш 之 日 暑 種 名 七 小 壽 衣 徐 難 Ŧ. 段 熱 招 之 石 後 流 階 非 尚 蘭 雲間 大 階 徒 搆 時 坐 江. 性 石 書 莫 **\$** 泉 步 前 錢 精 觀 是 好 健 不 先 懋 顧 汪 Ш 察 中 竹 舍 讀 名 庵 拏 堂 生 秀 布 中 於 頡 汀 落 書, 其 留 舟 \equiv 往 才 衣 雲 浙 先生主 得 乃 寓 Ť 室 植 過 來 黑 不 之西 延 痢 於 奔走 公, 里、 訪 吴 莊 \vdash 治 之康 下 金 , 詩 F 紅 溪, 生 紫 亦 戈 胡 疾 氏 江 蕙 産 皆 陽 Ш 酒 時 上 E 屬 聽 Ш 死 賓 浙 講 流 主 相 舍 舍 Ħ. 壽 濤 房 於 間 館 其 席 連 過 小 元 喜 階 閣 家 從 · 王 家 謹 蓮 董 頡 歲 揮 應 遇 下

合 館 於 壽 康 藩 與 階 Ш 壽 無 蹤 階 書 跡 少 不 最 百 窺 密 里 精 閈 談 於 論 後 讎 經 攜 校 史, 家 邃 邗 有 深小 上 水 乳 壽 學。 之 階

有

磔, 首 證 經 命。 又云 相 云。既 其 有『命』字。 本 將 命 檢 猶 應。 也 皆 論 黜 誥 敘 字。 有 視 _ 無 殷 黑出 大 獨 故 摩 _ 且. 字 誥 下 殷 命』 言 特 此 未 作 案 既 本 命 敘 黑出 敘 言 盡 近 : 字 移 字 有 $\stackrel{\vee}{=}$ 朏 ^ Œ 見 殷 之 第 微 將 之 命 則 ^ 殷 義 命 錢 詩 字, 朏 二行 子 誥 此 旁 命 云 者 少 殷 之 • 必 猶 也 後 詹《 朏 字 之末 命」云 命 翻 \Box 留 0 摩 又云 具 退 譜 敘 唐 據 改 將 殷 命 存 \forall 矣 **>** 石 此 : 及 正 -朏 君 經 字 且. 此 大 義 而 則 证 殷 居 致 摩 右 第 取 顧 引 庚 命 īE 官 尚 異 改 偏 微 舊 之 此 =義 敘 之 行 之 藏 子 命 則 云 本 之 明 波 實 之 敘 皆 有 石

别 華 嗙」, 於 者 其 謂 轔 可 論 此 之爲 馬 爲 説 相 月 文 治 如 令 解 牆 説 字 有 菊 $\stackrel{\cdot}{\approx}$ 淮 有 之爲 轔 南 黄 以 宋 華 大 秋 蔡 菊、 之 華 舞 蘧 嗙 轔 日 麥 喻 : 字 也 以 也 秋

篇》、《 字與 同,説 則 文『豕』亦作『不』,●見九篇《豕部》,此『己亥』 同日 褌』,● 書者當 『三』字之誤 與『三豕』之所由誤也。 不當 本作『盡』,誤也。」「不,古文亥,❸爲豕, 侯』,皆七言 日 『牡』,與《爾雅》合。 畫」,❷《血部》曰『盡,氣液 二淮 叔 句。 家 重 云牝矣。」「液,盡也」曰:「『盡 廣韻》並 解當 : 「汲古閣 南宋蔡舞嗙 歐 云『與 依 同」,轉寫譌 陽 李 文 云『古文亥,亥爲豕,小 詢 耳。 也。 善 義 (豕同』者,何解乎?」著 引《 引《凡 作『津』者,假借 讀 『亥』、『豕』古 初印 之,今本剜 喻』七言句 磨,麋牝 凡 脱 上文曰 將》 耳。 將 本篆文 **>** 所謂 日 H 字字 者 『黄 也』,小徐本、《 『麎、牝麋』,則塵 改 也、蓋 鐘 與 誤 通 如此,各本 篆 文 \Box 磬 潤 豕 徐本如 用 者,『己』與 體 本 : 竽 同』者 纖 字。 作 同 書甚多, 宋 笙 美 三當 字, 此。 與豕 筑 宜 今毛 本 r, 古 ()) 篇 皆 讀 故 玉 作 作 坎 製

> 本,散 皆未編 失 輯,其 無 存 矣。 子椎 今記 魯,不能 藩之所 讀 聞 父 書, 者 略 所 有 數 稿

語 ,

以

見梗

概

云。

賈, 拔俗,亦當代之畸士焉。 校》三十卷、《説文 無 非 書 石名 不 讀,亦 樹 玉. 深 吴縣 新附考》 小學。 人。 七卷。 著 家 有 洞 庭 説 詩 Ш 文清 文 解 隱 峭 字 於

朱笥 河 先生

先生諱筠,字竹君, 一字美叔, 號 河。

禅 諸 本皆 作「禪」,今據《文選》李善注改。

亦誤 津),非从律。」李説是。 盡」原作 今皆據改 "盆」。 初刻本李慈銘批 説 文 血 部 校曰:「 》亦 作 盡从事(音

⁰ 8 「不」、《説文》九篇《豕部》作「豕」。 不」、《說文》作「好」。

歌 其 文 莊 劉 弟 正 作 西 後 大 Œ 侍 文 兄 公 盩 官 不絶,於是京 詩 興 先 郎 定公綸、程文恭公景伊 奇 珪 公飲,試以《崑田 同 厔 中 家 文 人。 存 其才,爲之延譽。 縣 書 浙 讀 人 知 之 與及其弟學士培因 科 祖 泮 書 氣 縣 登 蕭 中 宫,學使吕 口 浩 俊 Ш 書。 師 卧 瀚 先生年十三,通 有 湖 曾 老 起, 父文炳,大興 南 祖 競 雙 手 宿 長 必 玉 爽」之目 見之 熾 鈔 京 陽 名 歌 默 、錢文敏 兆 試 》,詩成 ,設筵招 四 始 咋 尹 誦 以 居 111 舌。 七經。 武 ^ 諸 雞 珙 京 鵬 進 常諸 公維 鳴 生 縣 師 翼 先 蔣 與 不 知 + 生及 公歎 炳 摶 弟 官 遂 城 릲 縣 激 風 文 Ŧi. 陝 爲

外 徧 方 成 略 游 艱 進 館 天下名山,已乞假 ,哀毁骨立 士,選庶吉 年二十五 纂修 官。 乾 士。 辛巳,充會 先 降 生 癸 T 矣,上 本 酉 **H**. 無 , 散 中式舉 宦 試 一召見 館 情 同 授 考 文 服 人。 官 編 IE. 翼 後, 修 明 旋 詢 介充 年, 欲 T

> 官。 閣 擢 先生 實 刻 奉 科 是 事 缺 許 命 學 年 順 翰 無 也 日 - , 授 贊 : 氏《説文解 是 爲 士 天 林 不答,既 疾,恐上 秋 文正 院 福 批 鄉 編 奉 試 本 侍 建 修 善。 告之 事 司 讀 鄉 無 命 而 再 考官。 下, 充己 學士, 定 試 字 詰 視 囅 明 翰 崇而 學 正 額 問 然 年 安徽 林 一考官, 不 大 日 充 \mathbb{H} 爲之叙 三十 汝 院 會 日 兄 敢 取 考翰 €一汝敗 以以 試 講 當 充 四 欺 假 起 同 古 罔 辛 年 補 詹 呈 叙 考官。 ';强 學 居 官 卯 我 歸 日 教 御 注 會 派 不 爲弟 清興矣。」 試二 士子 官 試 協 似 庚 司 戊 起。 辦 汝 等, 寅 子 考 内 兄 重

字》十 舉 詳,惟曰 孝 廉 漢 四 汝 篇 : 再 南 <u>二</u> 五. 遷除 召 本 陵 書召 經 洨 許 無 長 君慎,范蔚宗《儒 陵 雙 萬 卒 許 歲 於 叔 里公乘 家 重。 作 爲 許 郡 林 説 沖 功 傳 1 文 書 解

■ 「囅」,原作「輾」。 粤雅堂本等改作「囅」,是,今據改。

闕。 等, 慎 間 臣 言 父故 前 通 以 以 建 人,考之於達,作《説 先 文 太 光 詔 帝 字 書校 尉 元 詔 未 年九月己亥朔二十 南 侍 定, 書 閣 中 東 祭 未 騎 觀 酒 奏 都 教 慎 上。 尉 文解字》凡 小 本 曹 今病 黄 從 逵, 門 Ħ 逵 戊 受 修 孟生、李熹 遣 午上。」 十 古 理 臣 學 Ħ. 舊 齎 卷。 文。 詣 博

在 次 知 初 生 諸 詔 在 幽 古文尚 許 爲 庚子 八 列 儒 逵 辛 在 微 年 Ŧ 人 君 西 徐 永 -,歲 也。 校 乘 選 講 鍇 資辛 也 元 '書》、《毛詩》,「皆拜逵所選弟子及門 書 \mp 北 Ħ 高 木 在 按《 按《賈 徐 東 或 宫 才 一癸未 敦 建 觀 白 鍇 郎 生 《逵傳 之年, 教 虎 \Box 一,受《左 光 也。 逵傳》: 朝 觀、 小 : 元 * 夕受業 黄門等,當 孟 年,安帝之十五 本書 南 和 逵以 陬之月, 傳 宫 帝 肅宗「建 以《穀 三雲臺 許 **煮** 永 永元 [君《自 元 門 在 + 署 朔 八年自 梁 · 章 初 日 八 叙 春 帝 據 年 甲 年 元 年 之建 秋 年, 申 此 左 歲 詔 歲

> 二十一年,當安帝之建光 於 書 口口 中 病 考見 達作 在 沂 郎 家, 署 將 如 此 復 書成,乃令子 書,正 此 據 爲 此 侍 中 當 知 騎 達爲 許 都 君 沖 尉 侍 本 上之 中 元 從 内 年,歲 之後 逵受 備 也 帷 几 學 在 幄 其 年。 辛 始 其 兼 西 考 末 其 領 之 略 君 後 秘

籀。 如 孔 中 鄉 學篇》、黄門 大 律,至以字斷 經 で、董 子、 史 車 壁 諠 府 恐巧説衰辭,使學者疑。 籀《大篆》十五篇 虚 楚 稱 仲 令趙 造 莊 秦之隸 舒、 不 Ξ 侍 高《爰歷 可 京 法。 郎 知 左氏、 房、衛 書 揚 之 皆 爲 雄 書 倉 篇 不 韓 宏 ; 訓 合 頡 × 派 非 數 纂 大 孔 時 相 日 + 篇 淮 書 中 氏 李 於是依 諸 家之説 ; 南 **\$** 斯 古 諸 生 子、 胡 文 倉 競 H 1: 司 謬 頡 據 狂. 説 又 敬 然 馬 雜 字 篇 宣 於 尉 後 相 博 采 Ŧ 中 説 解

成之。

夫

許

君之爲

書也,一

日

世

人

詭

更

IE.

文,

後學小生,區 盡 之下,猶 不知 月之麗天,江 可 解 而 又 亦 日 不 可 二必 問 必 以 聞 明者之有所述, 遵 窺 河之由 唨 蓋 舊 見三古制 見,不得而妄議已。 文 其 地。 而 發 揮 不 其或文奥言微,不 穿鑿」,又曰「 六 作之意者,固 書之指 師者之有所授, · 使 若日 非 百 世 其

音 引而 《叙》曰:「其建首也,立一爲端。 從字體,便於檢 部,一字不 爲之推原偏旁所以相次之故,使五 作《繫傳》,有《部叙》二卷,本《易·叙 大要,約有四端:一曰部分之屬 韻 譜 申之,以 》作,而 ⊟ : 紊。 究 「書不 部分紛然,自 今起 討,實昧 萬原,畢終於亥。」 東 盡言,言不盡意。」陳其 既 形聲。 疑 亂 韻 其 書, 自李燾之《五 、例矣。 而不 據 是 而 形 白 比 卦 以 聯 可 四十 類 傳 徐 亂 又 鍇

而今同一首者、「奉」、「奏」、「春」、「秦」、「泰」、一曰字體之精而不可易。夫篆本異文,

滋,自 識 「匈」已从「勹」而又从「肉」,「州」已从 是也 「負」、半譌也;「羼」之爲「舜」、「盍」之爲 並二字以 「土」,「蜀」从「虫」而加「虫」,又重其从:此 又从「水」,既 遂當「气」,於是有俗「餼」字,以「萎飼」之 「壺」、「四」之爲「曲」、「齎」之爲「爵」、全譌 有俗「餒」字: 也。以「气化」之气當「乞」,而「氣牽」之「氣 而改从「戎」,「賴」之「从貝 「菱」當「婑」,而「饑餧」之「餧」當「菱」,於是 從」、「趛」、「徒」是也。 ; 隸一變之、楷再變之、而字體莫之辨 篆本 譌 一字 同 重 文, 此 其 者 因 一 字 類;「

「

」

从

「

上

」

而 而今異所从者,「急」、 也。 「賊」之「从戈則聲」, 从者失从,滋 以 刺聲」,而 譌 數字 者 Щ 改 者 也 又 而 从

聲」,玉篇「囱」、「窗」同。《考工記•匠人》一曰音聲之原可以知。「農」之「從晨囱

絜 時。 注: 賓 也 其 來、奴代反。 音弋多反 从 而 或」「从戈今聲」, 適 勿 啻」與「商」同文,「摘」與 摘」之「从手啻聲」,陟 JЦ 載 波 X 能 子 旁 「今豎 一省乃 徐 絜 乃 手 龃 能」之足 网 禍 兹等 徐 F 世 得 仇, 夾窗 適, 得 訓 《楚辭》:「 聲」,非 鍇 推 角 角 室 聲. 詁 《詩》:「其 以 以 移 稼 4 仰 似 學 之遺 人入又。 爲 爲 非 穤 也 也。 也 窗 多 乙非 也 鹿」,「从 世 殺 匪 口 ^ 皆 也 懈 夫聖人者不凝滯於 書 阚 此 與 音 革 以 移」之「从禾多聲」,古 濁 湛 雅 「適」 酌 音聲之可 反,去聲則 補 聲, 门,何 不 徐 恩」,徐 移 肉 *****: 日 彼 當作 鉉 西 疑 不淈 樂、各奏爾 乙聲」,古音 一聲不 同 康 等 伯 易 皆 象 聲。 爵 鍇 以 據 形 既 戡 踴 其 相 陟 以 以 者 《詩 爲 茲 絜 泥 非 沂 真 爲 也 其 當 奏 而 反。 戡 能 物 也 郭 爾 牛 从 奴 非 揚 當

矣」。 鎏。 也,爲 周 甲, 處子 又 水 世 冊 浸 訓 梁經。」 履 刺 縞 西 也。 大 普 猶 波 也 石 也 至 所 衣 翌 王 八 沓 嬔「从女監聲」, 溼。」 也。 渡 則 扒 謂 四 綼 一得 國 水也。 切 沓。」 | 溼,荆 水水 廣 鎏 或 畤 詩 巾 鄭 ^ 也 言 韻》: 宜 此 ***** 西 界 周 邊 謂 注 呭 則 屬 鱦 州 祭 禮 綼, 極 石 四 此 呭 汃 非 在 \approx 黽」,繩 深 荆 其 極。」汃 浸 訓 水 也 先 則 多言 州 也。 从 彼 話之可 名 春 中 府 \pm 垗 也 過 糸 淇 砅 秋 也 在 \sim 巾 論 之道 亦 ,「从水 傳》 Ŧi. 卑 厲 季 也 職 切, 也。 語 此 爲 聲」, 據 不 帝 」,蒙 Ē 砅 方氏》:「豫州 春 非 鼀。 者 沓 於 當 西 也 秋 八 也 **念孟** 也 沓 梁 作 方 四 未 引。」「闕 傳》: 小 从 楚子 鼀 郊。」 嫁 而言, 極 邠 語 人 子 水 黽,詹諸 遠之國 爾 女 ***** 多 窮 除 从 西 垗 雅 所 翌 沓 修 極之 斯 道 亦 石 邠 服 沓 Ш 之 梁 其 涂 畔 此 燃

詈」,「勞」爲「火燒門」,「宰」爲「辠人在屋 必 執 耕 守井」。 衣耕」,「弔」爲「人持弓會毆禽」,「辱」爲「失 之字「如畫狗」,「有」曰「不宜有」,「寢」爲 爲「居」,「辞」从「辛」爲「辠」,「威」爲「姑」, 恐瞽説附聲,信近疑遠,是不可以不辨。 業,學者所宗,而於是書亦有不盡然之言,竊 者,或摘其一文,或泥 絜之,文字之事,加 廬」,「暜」爲「日無色」,「貉」之言「惡」,「犬」 如所舉 量與撼,要無足論。 也」爲「女陰」,「殹」爲「擊聲」,「困」爲「故 非 事」,「冥」爲「十六日月始虧」,「刑」爲「刀 ·時」,「臾」爲「束縛捽抴」,「罰」爲「持刀駡 許君之所創作。 部 以 「秦」从「禾」以「地宜禾」,「宋」从「木」 凡此諸説,皆始造文字,取用 屬之,❶體以别之,音以審之,訓 諸 惟近日 書契代遠,難 其 蔑 矣。 一説,歷代以 顧 後之非毀許 氏炎武脩紹絕 以 强 有故, 來,不 説, 「解 今 下 以 君

《敘》,豈得以勦説穿鑿,横暴先儒乎!復不當删。是以觀象、闕文之訓,明著於

舉一,去都即鄙耶! 之《詩》具在,衆音雜陳,殊形備視,豈容廢百之《詩》具在,衆音雜陳,殊形備視,豈容廢百二家。 至若江别氾洍,舄殊掔己,逑救各引,載

之」者,謬矣。 當「由」,以「絻」當「免」,此説 聲」,❷「勉」之「从力免聲」,具著於篇 也。「瀏」之「从水劉聲」,「紬」之「从糸 之例,「从某」者有其部也,「某聲」者有 書闕有間,傳寫者之過,謂 又言,别指 一字,以 鎦 二當 别指一字以 亦 非 劉,以 按 其字 曳 乃 本 當 由 知 書

[「]糸」,原作「絲」。朱氏原文作「糸」。又《説文·糸部》,「以」,原作「之」,據粤雅堂本改,較之上下文義更勝。

[「]紬,大絲繒也。从糸由聲。」今據改。

浪 澤,在昆 也。 記 非「參」、「商」亦不 也 書《敘》「尉律,學僮 也。 釋文 前 不 未之聞 「僮子」之「僮」「从人」,皋人爲奴者 「童」。至「僮」之字、《國語》「使童子備 費 即即 事 民 · 當 」改爲 樂書》: ·古人往 訓「參」爲 ·曾子問 |用。|「用」不當爲「卜中」乎 爲法古 記 「童」爲「男有辠」,按《易》「喪其 如《 侖下」之例, Ĕ 韋 「粊」,訓 水 昭 往 子 部》「河 使僮男、僮女七 一商 「今人 》注作「粊誓」,粊音 注: 隋 事 知 星,乃 爲「惡米」,按 十七七 博徴 也 、與居 明「參」與 水, 易》曰 僮, 僮蒙 其引 不 連 出 己上 一, 古 大 焞 拘 人 齊之郭氏及樂 十人俱歌。」本 書 不 煌 拘 一商一同 是 陸 Ĩ ! 亦同。 與與 讀 達 塞 1祕,鄭 興 德 \sim へ稽 正作「童」 多商 説 也。」《 外 費 童僕」作 明 神物,以 爲 忧 〈誓》之 當 官 君 經 星, 星, 居 泑 知 Φ m 說 典.

之, 凡 徐 魏太和初公卿奏於文「文武爲斌」,古未 文武之字,經 壬東聲」,非「千里 水」耶? 戼 上」,非「十日卜」,又可據 草」爲「菫」,「十 里草,何青青? 人』。」於篆「貨」或 文有金刀,改爲 正六書。《後漢 金 斌」字。 顧 鉉 聲 刀」,謂 用韶學者 E 列之俗 所 戼, 《五行 按「彬」「从多从林」,爲 許 説 古 皆 君 書 典 西 脱 是 志》: 書 闕 日ト 貨泉,或以貨泉字爲『白 十日日 不足以 一; 戼 其 也, 近 • 草」; 如,不知 文,按 光武紀論 非 「獻帝 「真人」,「泉」豈 爲「卓」。 又 ト,不得生。」以 戼 爲 山 「早」字 以 也 許 據 所 劉 初, 僮謡 爲 君 從,無 魏 》: 三 王 |字「从 證 按「重」字「从 讖 病 以 一文質 爲「日 乎? 記 疑 以 得 素 日 輒 漢 莽 刀 下筆 T. 一: 子 爲「白 附 備 在 嘗 又 平. 以 从 水 口 ? 無 援 里 直. 疏 甲 錢 以 金

時上詔求遺書,先生上言: 伏見皇上稽

至

一援《

《莽傳》及《

讖

記

以

「劉」之字爲「丣

俾資 逸 乃 得 宜選 文之闕 命 書 右 失,併令各州縣 ²擇寫· 纂輯 Ŧi. 甄 文, 録。 白 勤 而 餘 入於著録 四庫 前 求 部 奏人,上 明 墳 次 全. \wedge 典。 永 第 書》,於《永 所 樂大典 刊 嘉之,下 有鐘 請 又請 布 訪 鼎 天 流 立 下 樂 碑 中 傳 軍 校 碣 遺 海 書 大 機 古 之官 典 悉 書, 内 大 書 臣 拓 有 實 中 以 1,參考 進 議 僅 先 採 廣 呈, 行 存 生. 輯 蓺

啟

心之也

事。 館 見 庫 得 緩 校 稿 緩 正 無 是 酌 + 而 本 又 往 「朱筠 先 -,披 時 》處 辨 Ė 奏 見 生 請 經 」其秋, 金壇 行 禮 覈 執 文字 倣 學 走。 辨 翰 漢 掌院 問 先 析 林 熹 以某 又 生 尚 勒 平、 故 苦往 命 爲 友 優 石 事 總 某 總 生欠考事, 唐 太 加 裁 辦《 公强 復 總 學。 開 恩授 之煩,欲 裁、 成 又 日 先 直 下 奉 故 纂 編 生見之,先 軍 舊 部 旨 事 修, 修 機 聞 議 相 先 擇 》纂 在 甚 見 生 凡 候 儒 嚴 於 就 修 朕 館 兀 臣

> 朱 生 筠 持 纂 論 修 侃 不 直 一,不 勤 上 稍 下。 \vdash : 金 命 壇 蔣 憾 賜 之, 棨 間 趣 之。 爲 Ŀ. 而

雪某 京,卒於家。 生爲 以以 生冤 己亥八月,特旨 經學六書 攝令某坐 , 閩 年五十有二。 中 訓 士: 以 士; 人至 殺 人, 命 П 今 講 先 鍛 稱 指 生 鍊 畫 督 道 成 學 之。 獄 無 發其 福 倦 任 建。 容。 滿 奸, 有 П 至

某

閩

不

-之罪

焉

先生之學,可 漢儒 法,而参以 子百家,而不 通鑑》諸書,皆考其是非,證 不取 先生博聞 韓、蘇; 宋、元諸家之説 謂 爲異説 宏覽,於學 地 負 詩 海 歌 所 涵 出 惑。 淵 無 入唐、宋,不名 ; 渟嶽 所 古文 其 ^ + 不 同 峙 七 異 通 以 矣 史 班、 汎 説 馬 濫 涑 經 爲 水

鐫 巉 巖, 石 而 先生性 不通 F 樵 愛山 性 徑 又 水,探 喜 攀 飲 藤 附 黄 至 葛, Ш 連 武 舉 必 數 登 夷之勝 + 其 觥 巓 不 題 峭 亂 名 壁

震、 芳、 存 爲 羅 牛 别 天 扭 爲 諸 英 邪 下 戰 禮 汪 景 俊 紹 # 中 īF. 事 分 明 部 附 時 曹 猫 松平 願 慷 郎 如 白 於 谣 中 中 大 慨 以 比 雜 t_{\square} 牛 皆 激 執 不 任 理 李 LI 此 昂 牛 弟 見 兀 寺 大 諧 元 無 傲 子 先 椿 卿 禮 笑。 聞 間 不 禮 生 陸 者 皆 范 言 羣 爲 每 錫 悚 所 孟 天 恨 熊、 洒 好 然 取 博 陽 下 酣 雌 屬 + 吏 湖 + 激 耳 黄 屢 部 디 孫 世 仰 揚 埶 人 主 主 呂 觀 慕 物 文 清 時 戴 洪 事 察 丰 柄 濁 編 程 議 君 星 在 采, 先 稚 衍 晉 搜 分 修 論

落

蕭

然遠

矣

足 書 室 以 創. 數 天 者 善 詣 食 行 下 先 萬 \vdash I 之, 生 權 卷 才 椒 提 人 貴 詩 寒者 花 確 倡 門 學 文之可 吟 版 風 士; 衣 舫 惟 Ý 雅 之, 與 字 從 亂 喜 振 好 T 之 有 草 子, 拔 友 卷 者 廣 不 單 爲 及 廈 除 如 終 寒, 門 人 歸 T 年 雜 稱 弟 間 雖 市 吟 花 道 子 之 後 嘯 滿 不 考 所 概 生. 其 徑 絶 古 居 小 中 口 聚 講 之 是 子

> 學 死 生 釃 功 每 名 酒 酒 利 闌 盡 鈍 燈 醉 灺 而 何 時 른 足 介 嘗 藩 意 謂 年 哉 藩 + \exists 六, 先 即 吾. 生 受 之 儕 襟 當 知 於 期 以 樂 先 磊

子 是 鼒 地 知 陽 弟 定 李 É 官 舉 非 字 及 府 本 威 湖 子 讀 乾 ¥ 陰 字 山 以 子 洪 未 書 隆 陽 尊 畏 孫 亮 通 嘉 見 LY Ŧi. 好 戊 吾, Ŧi. 星 吉、 經 第 卷 慶 淹 即 古 申 長 行 衍 著 己 深 通 能 孫 之學, 字伯 科 錫 者 精 未 經 人 戊 於 分 星 舉 卣 於 進 史, 及 戌 六 黑 衍 淵 興 ^ 書 士: 第 靡 進 府 É 左 凡 化 偃 之學 讀 不 士: 候 學 氏 學 辨 任 今官 師 今官 貫 書 選 生 春 術 昭 大 *, 武 串 今官 破 直 ; 之 秋 億 翰 聾 椿 萬 Ш 隸 次 有 \forall 異 林 也 乾 卷 廣 東 錫 全 龍 州 百 能 院 隆 東 説 糧 椒 庚, 溪 訓 世 緣 侍 乾 論 内 廉 文 渞 旲 李 其 詁 讀 隆 午 事 字 説 州 解 鼒 威 學 學 旲 <u>Ŧ</u>: 之 舉 罷 踵 府 少

望

風

有

士。任君大椿别見。

武億

足 皆 誦 喜 父 逝 讀 讀 紹 流 不 書 周 武 血 億,字 輟 時 殷地,終不 维 伊 年十 正 洛 斯 癸卯 虚 七 朽 溢 谷,先 木 廬 喪 進 廢讀 ·, 焚 父。 舍 士。 世 毁 火 也 由 十九 官至吏 圮 以 懷 架薦 禦 慶 母 母 寒,斧 軍 部 處 孟 籍 郎 洿 遷 傷 生母 中 泥 偃 指 中 師。 少 及 郭

立

品、爲善士

民 革 我 庚子 有 辛亥,選 除 煮 懼 人 糯 民 雷 賄 年 會試 米 供 擊 以 二十二,人 Ш 煤 二 千 汁 我 東 中式,賜 爲 炭 也 博 - 金者, 土 及 _0 Ш 玻 暇 饋 縣 學。 璃 里 日 同 作 馬 訟 進 召 乾 草 士: 無 釵 耆 隆 $\overline{\nabla}$ 留 出 珥 老 不 庚 諸 牘 瓶 身 問 聞雷 寅 禱 盎 秕 以 土 燈 政 舉 俗 雨 知 毬 聲 即 利 縣 鄉 霧 博 乎 降 用 試 病 於 Ш !

> 書 民 貢 乾 市 遂爲 院 請 隆 及 中 於大吏, 立程 婦 葉, 例 孺 每每 課 有 嬉 力 教 好 戲 歲 白 事 之物 諸 按 者 生 其 額 一,親 害, 爲 徵 不 山 Ź, 往 遂 足 東 講 不 民 以 洲 學 人 苦其 供 撫 貢。 玩 勵 擾。 取 好 以 以 創 之式 讀 人土 範 乃 泉 爲

境 俗 解 邑 者,第 演演 其 僧 説, 君承 尼 傅奕、韓 至署,諭 聞 然感其 笥 絃 河 歌 先 愈之言 之聲,不 誠、皆蓄髮還 生之 以 佛 反覆: 學, 爲 聞 異 痛 梵唄之音矣 端 醫 詆 俗。 喻 害 氏 人 於是 僧 心 尼 13 人 壞 雖 檄 其 不 風 合

尺, 跡之。 德等 妄 人言 横 指 持器械拒 乾 行 揮 於 Ш 隆 如 州 東 壬 是 意 縣 子, 反 副 莫 捕 賊 頭 至 大學 "役不 敢 王 博 目 一倫 誰 杜 山 士: 未 何 敢 一, 宿 成德、 和 死 心前,君 珅 君 逆 密遣 兼 率 旅 曹 步 手 役 飲 君 番 軍 撲 往 博 錫 役 之仆, 統 收 等 手 几 之, 領 持 + 出 成 鐵 蹤 聞

中 報 吉 責 者 委員 官 暗 誰 伏 奈 H 以 官 H 歸 罷 慶 役 無 傳 我 不 ? 地 大 歸 龃 無 之不 望 呼 大 罪 謁 絡 時 省 何 謹 君 H 問 縣 風 中 見, 府 Ш ! 成 繹 \Box 牌 不 我 還 謹 直 民 承 東 杖 德 於 相 1 文 邪 成 是 吅 汝 旨 巡 書 聞 之日 尚 道 明言 吾 能 德 而 不 好 首 撫 其 **\$** 倔 易 皆 · 等 陰 等 奉 知 乞 吉 去 訪 事 立 駕 强 以任 謂 爲 始 法。 奉 縣 問 慶, 所 劾 丽 說 不 留 武 扶 牌 一古 武 懼 提 之。 至 虚 不 於 服 畏 鹵 我 老 **\$** 役 吾 督 性 報 實。 跪 大 咸 勢 莽 好 攜 地 府 通 出 行 和 有 府 吅 闆 一名,此 官 知 幼 也。 揭 牌 牌 杖 禍 司 命 珅 有 前 苴 首 不 汝 緝 擲 笑 協 役 一,空言 府 口 數 求 吉 封 等 容於輿 聞 測 緝 要 於 \Box 猧 佐 吉 Ŧ + 去。 還 慶 騒 犯 堂 此言 其. : 劉 將 人 慶 汝 其 以 擾 人 脛 上 大 走 是 累 其 來 人 汝 論 奏, 疏 狀 省 暴 經 事 濫 爲 : 即 E 始 瞋 何

有

將 + 撫 暇 請 捐 所 X 而 諮 九 原 知 時 秀 主 復 Ŧi. 忸 考 Н 任 嘉 水 東 於 廢 部 校 員 慶 昌 權 Ŧ 和 事 Ш 引 古 復 珅 勢, 几 啟 可 也 東 見 年 起 書 爲 文 總 博 會 -, 天子 並 而 用 偃 書 吏 Ш 將 相 君 將 者 師 院 部 縣 得 先 革 令, 講 事 甚 親 覲 知 職 有 席 政 歡 縣 遂 駁 月 原 以 73 不 歸 以 武 之, 案 博 和 挈 死 寒 億 復 杳 珅 與 君 Ш 矣 其 衆 作 奏 伏 事 復 至 行 事 口 ; + 辜 出 單 商 都 得 文 遂 也 Ш 榷 下 年 豫 敕 詔 寢 之計 政 月 省 Ŧi. 吏 各 後 爲 事 洲 + 部 舉 故 乃 謀

守 量 義 通 異 ×, ≪ 證 義 鑑 牛 君 鄭 \approx 補 生 平. 皆 ^ 志》等 遺 偃 而 深 能 \approx 師 狀 於 쁄 金 貌 經 誦 箴 石 魁 史, 膏 記 梧 所 肓 \approx 七 著 有 經 校 書 ^ 兼 注 起 定 有 人之力 疏、 廢 Ŧī. 經 經 疾 \equiv 讀 里 \forall 史、 考 兼 義 ^ 發 涑 駁 異 人 之 黑 水

慶

以 韜 杏 摸 至 字 童 一; 如 袁 歸 慕 拓 君 童 誌 莊 好 與 或 嵩 君 收 童 去 Щ 服 不 長 君 藏 、泰岱 所 能 其 碑 居 精 施 尺 樹 版 四 氈 審 · 遇 名 有 君 + 椎 鈺 有 餘 於是 餘 者 考 者 石 里, 訂 重 必 刻 酷 口 秦 幾 民 手 捫苔剔 嗜 修 漢 家 百 録 翠 掘 以 偃 斤 墨 本 井 來 師 蘚 君 0 得 游 金 縣 肩 晉 偃 盡 歷 石 志 之 劉 師 心 所 文

陽 大 乎 不 酒 飽 客 慟 ? 斗, 能 湖 傾 而 $\overline{+}$ 歸 洪 已。」乃 性 及湯 對 比 度 亮 善 至 隣 歲, 偕 吉 哭, 驚問 晚 餅 飲 : 稚 遺 何 館 於天 兪 哭 存、 師 以 以 笥 笥 飥 破 \vdash 河 黄 橋 諸 河 彘 岑 : 師 師 景 酒 物。 師 肩 寂 亦 家 樓 仁. 大 醉 ? \Box 仲 笑 君 除 飽 遇 : 則 閉 雞 君 而 夕 君 矣 哭 流 去。 户 \exists 師 鶩 招 ! 寓 : 更 恣 謂 蒙蒙 之人 啖, 庚子 H 有 乃 但 君 下 他 放 古 食 求 \vdash ·,貧 年 聲 求 盡 醉 酒

> 事 君 乃 者 盡 \vdash 動念,不覺 ___ : 行 今 數 駭 Ħ 盏 不 事 子 而 之 通 後 幸 不 散 唐 經 愧 叨 去 忽 術 衢 涕 左 循 也 而 第 藩 右 泣 吏。 能 ! 嘗 顧 隨 而 爲 印门 盼 古 藩 之矣。」 稚 循 之日 與 人云 哭 存、 吏者,蓋有之矣, 君 聲 : 藩 仲 交 大 垂 戲 則 何 作 以 之 寥 爲 經 樓 + 落 日 如 術 中 年 不 此 飾 飲 偶 君 我 吏 核 酒

洪 亮 吉 張惠言 臧琳

未之見

也

承 間 生六 縣 自 塾 0 重 不 水水 斷 歸 歲 祖 洪 亮 公案,贅 而 漿不 日: 年 吉 孤 氏 ; 八, 入口 篝 字 依 燈 於 君 外 杖 課 武 祖 直 家 讀 進 讀 妣 而 趙 趙 機 書 後 字 氏 及 聲 起 稚 穎 祖 軋 悟 存 至 相 軋 異 君 + 繼 先 與 常 四 籍 下 世 書 兒 歲, 世 陽 聲 居 湖 君 晚 歙 相

朱笥 爲 家 觀 時 和 學, 爲 居 察 幕 孫 與 念 下 河 附 洪。 時 孫 孫 士: 先 生 譽 汪 君 多 生,受業爲 與 通 星 明 百 儒 目 衍 經 邑 戴 爲 相 中 黄 觀 皆 編 洪 弟子, 秀 摩,學 修 通 黄 才 震 古 景 心。邵 義, 先 益 後 生 進 乃 學 謁 爲 延 土 立 時 詩 安 之校 云日 志 微 人 歌 窮 涵 又 學 相 三 王 文。 經 H 使 唱

文端 榜。 得 肉 滅 告者,大慟,失足 性 視 里 含斂 公杰幕 几 乾 中 始 隆 + 稱 啜 爲 爲 粥 終天之恨 中 年 + 孝子。 居 九 得 13: 海水水 苫 年 猝 病 枕 甲 耗 病 遂 出 遇 午 卒 一, 不 馳 絶 汲 科 者 時 歸 粒 人 中 在 里 救 内 本 門。 甦。 浙 或 不 省 喻 江 飲 既 有 學 鄉 以 酒 毁 以 以 使 試 食 不 不 死 Ŧ 副

充 \overline{H} 國 年 中 康 几 館 成 + 纂修 石 \overline{T}_{1} 年 韞 庚子 官 玉 榜 科 明 年 第 中 又 式 充 人 順 石 及 天 經收掌 第 舉 授 編 詳 Ŧi. 修 覆 +

> 之不 勤 爲 例,文端 例 官 大怒,謂 不然,文端 屬 行 藩 藩 也 是 命 呈之,公是其 久 時 藩 藩 矣。 館 不能與之争 勘 與 總 定, 君 裁 互. 駮其 \pm 相 説。 文 標 秕謬 也 端 榜 彭 公 文勤 者 後 第 嗟 數 文 乎. 主 + 勤 君 ! 其 手 條 自 事 定 首 作 道 文 凡 以 條

於部 購 充斥 臆 争 即 上 書 説 知 經 拜 議,不 空言, 好古 房 貴 Ŧi. 題 史、 行 州 + 爲《征 走。 學 通 七 行 君 絶 政 年 典、文選諸 之 無 邪 \equiv 之命。 王: 教 嘉 師 教 年 子 慶 法, 也 疏 科, Œ 元 宜 月, 黔 年, 奏 書置 充 易 君指 省 陳 大 順 鄭 充 僻 澔 考 各 天 陳 咸 玄 遠, 翰 禮 府 鄉 時 安 注 詹 宫 記 書 試 無 事 以 , 直 注 院 總 試 書 口 時 >, **0** 裁, 籍, 考 ±: 黔 書 教 官 爲 無 厞 在 格

0

改用鄭康成注摺子》等皆作「溡」,是,今據改。「溡」,原作「灏」。洪亮吉《卷施閣文甲集》卷九《請禮》

狂 隱 有 期 君 又 功 在 知 去 不 師 官 容 友 者,乃 於 前 時 論 時 引 適 事 弟 疾 歸 靄吉卒於家 扼 腕 歎 息, o 皆 以 以 古 爲

第 君 撓 呈 故 故 吉 減 屈 翰 上. 正 矣 死 御 大 膝 林 相 1: 公珪 -福 覽 開 求 郡 又 王大 和 今 發 書 次日 擢 珅 言 與 薦 王 1 昨 伊 上 無 臣 有旨 同 擅 所 路 親 君 犁 日 成 奏 趙 ·, 復 等 羅 政 權 過 館 親 念 事 而 擬 列 ,修《高 議 時 繁 武 君 念 \pm 之責 赴 革 陳 達 以 中 費, 論 送 進 及 在 奏 都 職 大 外 不合,將乞 朱 至 趙 西 官 者 州 審 因 不 官 宗 與 廣 君 文 清選 皆 市 縣 擬 敬 修《 图 陳 正 純 寧 懷 無 供 皇 律 上 時 今 門 玉 或 實 經 對 劉 億 外, 日 負 帝 政 假 置 執 或 簿 録 相 念念 或 致 數 實 贄門 之計 歸 詔 重 握手黯 時 或 者 録 千 虚 辟, 矣,念 獄 權 在 詞 几 言 教 \forall 藏 下 之, 慰 有旨 色不 玉 + 習 帑 身 朱 然 之, 門 進 餘 或 謂 居 今 庶 文 ;

實

論

沛

軍

飭

不行

意

而

君 奏請 神 氣 俟 Á 君 若。 至 斃 將 以 抵 法 戍 所 先 發 某 後 將 聞 軍 有 妄 測 旨 聖 申

於其 念君 r, 鉗 右 》,言「亮吉原 流 足啟沃 御 以 主 示 Ŧi. 製《得 П 以 直 年 不 而 作 雨 朕 言 JU 敢 久 ; 良 月 心 雨 獲 繋 復言 朱 規, _ 罪 詩 書 獄 京 文 "**,** 文 以 並 無 中 īE. 師 紀 勸 其 將 違 亢 奏 子 請 早 言 礙 其 事 釋 稱 釋 之 事 書 П 安 之, Ŀ. 句 者 裝 0 又 南 大 又不 製《 是 潢 黎 有 久 册 日 氏 成 愛君之誠 不 《導言 大 া 卷, 雨 亮 甘 ; 臣 吉 常 納 霖 Ŀ 減 置 獲 諫 乃 忠 釋

過 君 講 君 以 學 六 問 年 字 歸 者 里 無 虚 雖 日 蒙 編 +管 而 年 江 常 左 州 名 流

咎

座

0

靄 於里 原 作 藹 今 據 0 改 《日譜 》嘉 慶三年: Œ 月十二日, 吉

八六

今稱 率 有 紬 可 公頁 勘 + 捐 不 不 衰 資 成災,饑 四。 賑 + 濟 ñ 四 所 民 年 活 剥 Ħ. 樹 飢 月十二日, 皮 民 以 數 食, + 萬 君 以 邑 請 疾 當 終, 至 事

得

年

六

+

有

志 卷、《 音 傳 詩 以 生平 詁 文 窮 四 《弟子 中 日 》二十卷、《公羊穀梁古義》二卷、《 好 君 卷、《比雅》十二卷、《六書轉 ?學,嘗 未嘗用 著 性 ·六國 職箋 書, 伉 直 舉 疆 老 彼 釋》一 · 荀 域記 而 疾 教 子 不 悪 語 **∀**, 卷、《 倦。 語 如 撰著 仇 乾 爲 深 隆 補 人戒 自 嫉浮 行 府 謂 於 或 廳 有 不 世者 屠 州 晉 暇 注 能 氏之説 縣 書 日」,所 録 容 : 漢 志 地 》八 物。 左 理 魏

藩 於 治 遇君 史 诵 學 鐴 君 於宣 在 而 畢 修 尤 城 尚 陝 精 論《説 書 西 地 沅 河 理 幕 沿 南 文 中 各 革 解 最 州 所 字》五 久, 在 縣 預修《 志 龍 嘉 六 慶 宋 是 (甲」之 四 以 元 年 資 深

≪ 詩

文集》若干

卷。

致 復 答 疑 都 言 鄧 岸 指 説 偶 如 相見 爲 艾 梁武 傷 無 Ш 及 摘 及「冕旒」 而 字,恐激君之怒耳 輿 友道 無 石 之證 此 其 鄧 矣。 鼈 縣, 此 事 之護 用 艾 當當 也。 城白 事 事 能 事 君 今作君傳, 字不合; 者, 前矣。」 譌 樂 在 不悲哉 云 君 水陂事,不 舛。 一六合。 灑 史本之《元 在 忽寓 灑 江. 君 君 都, Ŧ 君 書於藩 愠 · 贵 断 潸然淚 藩 i, 出 藩 見 龂 又 見於史而 知 示 和 反 謂 於 又 强 所作 益 覆 據《 郡 色。 謂 下, 辩 太平 增其怒,遂不 辨 縣 輿 文 古 自 藩 大 論 志 縣 已,並 ·寰宇記 選 悔 文, \Box 藩 實 : × 在 注 談 藩 贵 藩 不 未 江. 赤 次 君 口 又

與 君 同 時 爲 漢學者,孫 君 淵 如 之外,有

⁰ 德 諱 也 初 自罹於谷 刻 本 此 後 句 來刻 而 下 得以 至 本皆 下 終 段 心老家 君 性 袁 优 直 皆 前 出 尚 自 有 皇 4 圣 成 識 思

晋 式舉 章。 趙君 消息》二卷、《儀 修,卒於官。 學深思,無 館纂修官、武英殿協修官。 訓詁之學,今官 榜,較刊《 人,授内閣 三人焉: 卿,傳其學。 人,嘉慶己未成進 懷 爲 玉,字億 武 淮 書 中書,出 爲 進 南子》、《一切經音義》,深於聲 著有 不 莊 張惠言,字皋文,乾 禮圖》六卷。 · 讀 陜 孫, 君炘,字虚 **層** 西 肄經,深於詩故, 爲 、易虞氏義》九卷、《虞氏 乾 Щ 字味 士,改庶吉士,充 州 東青州府 知 辛酉,散館,授 辛,庚 州 庵,乾隆戊子 其甥董士錫,字 0 隆 子 同 兼 召 爲 丙 知 實 試 午 Τ. 武 編 録 文 舉 音 副 中 好 進

字》。 雜 以 百 明 經 》三十卷,太原閻 氏之書,教人先 康熙時,又有 티 : 鍵户著述,世 不識字,何以 臧 琳者, 以 百 **愛爾** 詩爲之叙,玄孫鏞 無 讀 武進諸 知 雅 書 者。 \forall 許 不 著有《 生,博 通 氏 訓 説 詁 經 綜 文 刊 義 何 解 經

> 行之。 拔貢 否乎 遠超孫、洪。』」由是學 「段大令懋堂致書學士 生 ? 鏞字在東,盧紹弓學士之弟子,自 丁 又 有 卯 劉君 舉 人,淹 逢禄 通 宗字申: 士 日 經傳,著《春 益 『高 敬 甫,嘉慶辛 異 足臧 之。 君 秋 然 酉 平 學 識 選 ? 云

釋例》。

「乾」,原空闕,今據粤雅堂本等補之。

0

或 朝漢學師承記卷五

之廣

無博

討,從吉、

凶、軍、賓、嘉

五禮之次,

名曰《禮經綱

目》,數易稿而後定。

甘 泉 江 藩篡

永

江

經藝。 俗學。 膳 諷 禮》,求之有 生。 誦 江 閉户 六十二,爲歲貢生。 年二十一,爲縣學生。 永,字慎修,婺源人。 一日,見明丘濬《大學衍 授徒, 書家,得 束脩 寫 所 本《周 盡 少就外傅、爲 禮》白 三十四 以 義補》引《 購 文, 書, 」,●補 朝 遂 通 周 廩 夕 111

深於禮 解 》,未成 永 好 以 學深思,長 而 朱子晚 卒,黄榦纂續,❷缺 年治禮 於步 算、鍾 ,爲《儀 (漏浸多,乃 律、 禮 聲 經 韻 傳 爲 尤 通

均 H 輪、 平行於黄道,是爲 其論宣城梅氏 高 衝之差 而 生 所言歲實消長之誤 盈 恒 氣 縮, 恒 謂之視行。 歲 實,

策幾 氣,而 之策,以 損 多 以 者,日之實體所至, 衝 》寡,且 也。 爲 視行加減 何,少於朔策幾何 縮 歲實消 當以恒者爲率,隨其 末盈 一歲歲 求定朔定望,而 初之端,歲 平行,故定氣 不同, 長可勿論。 而 而平行者,本輪之心也。 恒 有 俱 此 氣 推 時刻,多寡不同; 猶之月有 不計 月 恒 移,故定氣 時 與 歲實,終 之高 也。 彼 月, 因有本輪 平. 衝 古 以 多 朔 時 視行 平 於 算 無增 刻 曰 之 高 定 朔 望

0 0 作「三十四歲」,他傳記與《年譜 黄幹」,原作「黄幹」,今改之。 原 作「二」。 王 一
利 融 》亦同。 文 Ŧī 五《墓

則、南 端 是 爲 譜 合之以 姑 律 上 州 意 在 後 洗 知 大 短 宫 鳩 可 111 亦聲 者 丁,黄 古 聲 推 大 絃 以 所 論 仲 管 者 用 論 謂 清 鍾 鍾 律 大 而 《韓 調 無 其 律 黄 黄 太 絃 自然,古今不 在 瑟之法 (濁聲, , 論 蕤賓, 律 射 鍾 日 起 子 簇 第 爲 而 清 :「黄鐘之宫, 調 聲 H 應 小 及武 聲 外儲 畢 絃 律 下宫,蓋 鐘 聲 古 用 , 黄 是 曲 相 樂 半 王 IE. 也 用 篇》曰 生 鍾 雖 琴家 用 而 之 黄 異 全 者 詭 鈞 居 大 律 四 鐘 唐 理 而 始 之 其 之宫 小 吕 :『夫瑟以 樂, Œ 長 時 黄 明 居 也。 絃 辭 法 宫 者 ^ 鍾 大 太簇、 也 夷 風 以 既 調 用 半 絃。」 爲 則 雅 林 Ė, 或 諷 其 律 律 黄 無 十 鍾 語 夾 清 世 此 然 小 而 本 鍾 射 冷 鐘 聲 皆 夷 絃 詩 大 大 遺 不 即 \Box

淺。 顧 氏 爲 論 尤 書 聲 精 以 韻 然 正 \Box 顧 顧 氏 氏 古 分十部之疏,而 考古之功多,審 韻 起 於吴才老, 分平、上、 音 而 之 崑 功 Ш

> 侵, 之 去三 虞。」永之説, 以 顧 也 未之審也。 之當分爲二,考之《三百 寒,又分之以 分之以 後當分十有 Œ 氏 ; 自 又分 聲皆· 音 未 侵 審 近 屬 以 以 + = 侯、 出 後 也 屬 蕭至豪四韻 蓋 屬 九 侯、 四 部 顧 出 覃 欲 韻 真 韻 入 人 氏 幽, 彌 至 顧 以 爲二 諄 不 縫 鹽, 聲 氏 侈 在《三 之 其 八部。 斂 之讀 未 也 篇 屬 而 審 缺 當 之 添 也 白 真 顧 分 知 而 用 如今音者,一 篇》 以 虞屬 氏 嚴 爲 也 韻 轉 後 亦 亦 畫 其 又 + 魚、模,又 畫 先 然, 之。 分 讀 猶 有 然, 屬 以 以 顧 几 真 侯 部 從 屬 而 氏 韻

來 例 爲 變,言人人殊。 序 次, 否, 居 也 内 故 易 卦 凡 挂 日 變 • 日 也 小 當 彖》 來、 ; 於 往 \Box 言 \Box 辨 反 往、日 大來』, 下、日 往 之日 卦 來 取 Ŀ 上、日 之。 反 \Box \sim 下 者 一大往 者,後 周 否 進、 自 易 反 反 小 E 爲 儒 來」, 以 卦之外 升者 泰 謂 反 是 泰 對 之 挂 其 卦 反

反卦之内卦往居外卦也。」

增又損 管仲 業。』 作二 歸 以 E 武 H 軍 此 也。 H \overline{H} 一,旋 子 一於農 其 外 取 旧 一、公與國 爭 此 其 Ė 軍 爲 參國、 辨之曰 更 有 後 作 農 也。 ', 作 農 乘之父兄子 無 歸 儒 所 兵 텕 六軍 不從 者治 謂 公, 言 養 뒖 「楚國 農民 三軍 子、 伍 蓋除 古者 子 兵之費 鄙之法,齊三 無 叔 「考之春秋 軍 \mathbb{H} 高 弟 荆 ; 古 以 田 孫 之證 供 子 寓 其 者 又作 P 在 新 税, 分率之, 氏 弟 軍 税 兵 īfii 安 安 軍 八於農 兵之壯 不不 臣 盡 也。 籍, 晉之始 三行,作 似 舉 無 其 用 征 一,商 後 時 以 使之歸農;若 帥 子 之; 魯之作 屢 軍 兵農 世 隸 井 Щ 而 者 弟 農 易 之軍 出 鄙 於 \mathbb{H} 復 五. 孟氏 惟 也; 前 T 軍 之士 師 處 廢 軍 賈 固 制 以 軍 田 之 旅 而 ; 父兄,兵 軍 7; 取 軍 平 已分矣。 其父兄 農 鄉十 既 兵 巾 半 屯 也 農 敗 其 既 不 軍 舍 焉_,), 季 田 其. 既 有 始 隨 盡 鄉 與 Щ

> 野 戒 爲 邑,豈嘗 二,二子各一,皆 之老 曰 通 農者, 都 : 或 處 三,吾 之農 車,令癸巳至,此 者 之父兄子 也 使 出 固不爲兵也 通 猶 \mathbb{H} 皆 或 不 税 其 弟 之農 足。』三 盡 素 也 自 征 在 盡 又兵 仍 之而 軍 其 屬 家 然 籍 後 常 己 雖 歸 貢 舍 哉 專 隸 近 之君 於公。 或 之 亦 軍 卒 都 陽 惟 之證 乘 故 若 季 虎 食 哀 <u>Ŧ</u>: E 其 民 其 辰 采 公 之 擇 非

學補 + 至 法 擇言》八卷、《深衣考誤》一 几 要》六卷、《儀 川 卷、《 權 解 八卷、《律 聲. <u>*</u> 論 度 卒 切 ×, 鄉 年 卷、《 韻 八 黨 恒 表 中 吕 + 圖 七 巡 氣 西 禮釋宫增 闡 考》 有 注 政衍》、《金水二 合法擬草》各 卷、《音學辨 微 曆 + $\overset{\circ}{+}$ 辨 卷、《 所 卷、《 注》 著 卷、《禮 歲 古 書 春 微》 實 卷、 韻 星發微 秋 消 卷,《近 標 周 長 地 經 卷,《 準 禮 禮 辨 理 綱 疑 記 六 考 目 思 推 訓 義 卷 實 曆 冬 録 北 義 舉

集 注 $\overline{+}$ 四卷、《 讀書隨筆》十二卷、《 四 書 典

林 洒 十 卷

之也。 爲問 義,勸 以 諸 之人不 者,永力辭之。 帝崇獎實學,命大 數年,程、吴二君皆没 義,永是以有《周 學,見永,即 荆溪吴編修紱 德瑛之招 先,人多化之。 備 臣 聞 參 ,從容答之。 永爲人和易近 鄉 有 是時,三禮館 訂 知 人輸穀,立義 也; 有 禮經 没 以所 饑 後 饉 深於《三禮 綱 當 嘗援《春 游京 疑《 云。 禮疑義舉要》之作也。● 苞負 臣 朝 目 年, 人,處里黨以孝悌 士冠禮》、《士 ***** 廷 舉 嘗 師 總裁方侍郎 一書, 倉,行之三十 氣不 詔修《音 開 永家 經 一至江 以 秋 術 》,質以《周 服, 同 傳 禮 檄 之 居 郡 義 儒 下 寂 永哂 西,應學 豐 韻 程 郡 疏 , 有 然, 昏 苞自 述 年 編 之而 縣 館 禮 年 微 值 補 修 人 仁 官》 纂 薦 録 數 負 純 恂 使 敗 讓 已 刑 疑 送 修 其 永 皇 後 事 延 金 鄉 之 爲

> 部尚 有永 類,所以文恭知永爲學者而 京 書 書,以《推步法解》全篇 書秦文恭公蕙 師 ,文恭公延之修《 種 進呈,貯 館 田請 以 備 於朝 Ŧi. 採 禮 載 擇 2,令督 有是請 通 人《觀象授 考》, 蓋 戴 臣 也 戴 編 取 君 修 所 著 攜

在

韻

美之辭 天 人,而永 帖括之士竊 稱 地 其學自 擬者其 考永學行 以 漢 然 明 所 經 人不祥」飲 其 經終老於家, 乃 著《 師 唾 鄭 餘 鄉 康 代 黨 取 成後 通 圖 高 儒 考》、《 第 岢. 戴 罕 《傳 掇 其 君 巍 四 》所 儔 爲 科 書 謂 兀 作 者 典 行 數 志 林 非 百 溢 與

金 榜

金 榜 字字 輔之,一字蘂中,又字 檠 齋, 歙

0 義 原 闕 ,今據上文補

九

第 授 不 徉 休 縣 有 敢雜 :寧戴 林 一人 内 根 人。 下 閣 柢 及第, 以 言 編 江. 中 著書 後人之説 慎 書 無 震 修之高 自 授 在 枝 娱。 修 軍 葉 親 撰 機 也 弟子。 專治 可謂 處 散 乾 行 承 謹守 館 三禮 隆 走 師 少 後 Z 有 友 繩 以以 乾 西 之訓 即 過 墨之儒 隆 召 乞假 高密爲宗, 人 、之資 Ŧ: 試 所以 舉 歸 辰 矣 以 徜 學 與

通 乃 戴 學《小 君 東 司 原 徒》 以《司 Ě 卒、羨 馬 法 卒以釋之。 賦 出 車 徒 二法 曰 : 難

民,而 見,其 调 又云:「凡國之大事,致 地,家五人,可任 H. 三人,中地,家六人,可任也者二家 家 追 胥。 周 制 夏 人,以 官 有 知 其 Ī 常諸 小 數。 卒 其 司 司 以 餘 徒 也者家 馬 F. 起 爲 職 地,家七 職 軍 羡 亡,周 : 旅 二人。 民 惟 有 均 \coprod 大故,致餘 人,可 羨 人 + 與 凡起徒 卒 軍 地 追 以 賦 胥 以 任 五人;下 作 莫可 稽 竭 也 役, 田 子。 者 其 作 役, 家 考 無 人

> 其一,其大法也。 此正、羨二卒,以《司馬法》計之,率十人而賦

成,成 二人, 戈楯具 乘 者 爲 馬 丘,丘十六井,有 者三百 人。」蓋家計 十人。十成 乘,士百人,徒二百 通 畝 里,萬井,三萬家,革車百 馬馬 丘 也 + 爲 百 4 兀 Щ 爲 司馬 百井,三百家,革車一 几 賦 人; 馬,三十家,士 夫,夫三爲屋,屋三爲 几 云:「九 几 法》一云: 丘 而 4 可任者一人;一成三百家,可 備 爲終,終千井,三千家, 所 革 爲 + ,謂之乘馬。」甸 謂 車一乘,士徒凡三十人。 甸 戎 夫 頭 凡 爲 馬一匹,牛 人。 甸 「六尺爲 一人,徒二人。 起 井 甲 六 '; 四 徒 十終 乘,士千 + ± 役,毋 乘,士十 四 井 井,井 步, 爲 井 Ė 六十四 爲 ·, 步 ·, 出 過 同 頭,是 邑, 步 人,徒 家 人,徒 百 + 革 通 卒 長 口 四 爲 轂 邑爲 + \Box 方 車 畝 通 兀 任 Ŧ. 爲 通

使之

相

保

相

受

相

共,

人

爲

伍

人

爲

聯

;

族

師

激職

日

日

鄉

合

州

黨

族

閭

民,大故致

餘子」,爲

徒

稽

民

數

而

辨其

可

任

也。

自

均均

土

地

至

 \mathbb{H}

追

胥竭作」,

亦

非

竭

作

五人,十賦一爲通正、羨之卒。 人,凡七百二十人,出長轂 : 「五家 一人爲徒役。其云「 家三人,二家五 小司 受田二百 几 者之事 與 + 以 此 與 家一人」,不言 比 閭 追 而 爲 役 徒 家三人二人爲 爲 追 之聯,與其民 胥 賦 爲 或 比 臨 胥 正卒; 竭 <u>,</u> 族 ,十家爲 竭 事 事徵調之事 下云「大 八十八家, 作 作」,爲 八 : 者 甲士三人 後 人,家 間 士 可可 聯 法 小 也 師 爲 人之 事 羨 小 田 可 聯。 任 Ŧi. 職 卒 與 致 司 司 任 前 計 之。 之卒固已二十一萬。」始盡役其家之正 秦謂 什 車 事 其什 速之功,故不能 出 定乎里,軍 任 與 七十二家,亦 日 制 馬 兀 年 : 共 牛、車 民 者 伍 賦 「公車 ·「作丘 一,使之 乘,士十人,徒二十人」數合。 人爲卒,班 遺 其 七十 之 伍 丘十六井,通上、中、下 + 意。 用,故云「不得 成 臨 - 辇、兵 萬家。」彼 干乘, 法。 淄 賦 政 相 甲」,説者 管子 之中七 家 成 一爲卒,爰使其居者,相 安相受,以 器 孫 孟 出 乎 公徒三萬 諸 治 充 武 堅 郊。 齊 以 用 王. 萬户 言 所 人 謂 八家 物,是 操 制 謂 作 爲 其 , 下 比 内 此 卒。 制 興 隨 賦 者 追 政, 爲 甸 與《司 户 地二 師 士 時 出 也 是猶 胥之事 周 所 至 + 鄉 苟 寄

者、蒙

Ŀ

可

任

也

者

人」省文,非

謂家作

徒

凡

起

徒

役,毋

過

者二家

者其

軍

吏,所謂「惟

田

乘,步卒七十二人,亦

可

任

者二家五

上、中、下

地

率之,定

法

家

可

任

者一人,十

賦

卒,

t

家

相

略

具

周

萬

不

得

操

以

地

與

民

與

共

其

明

男子

臨

淄

戰

或

時

蘇

而

當一,爲

賦

使丘

 \wedge

春

秋

》成

馬

法

 \leq

革

合,以

求

欲

詩

頌

魯

僖

+

Ŧi.

始

家

軍

令,卒

伍

引 卒 表 裏,轉 管 而 子》釋之, 禍 茫 戀 然莫辨 亟 矣。 而 ~, 於《 儒 者 矣其 司 於 馬 周 惑 法 官 力 血 軍 賦 洁 0 官 往 更 往 相 雜

T

Ŧī.

千 封 DU 賦 志 川 斥、 貢 爲 也 百 H F Ŧ 六千 萬 里 井 賦 甸 野 謂 城 \Box 甸 白 兀 井 提 池 定 小 出 凡 JЦ 縣 几 九 排 兵 剖 戎 #1 兵 税 甸 一夫爲 + 邑 H 車 徒》 車 都 白 馬 賦 爲 斂 居 六 井 百 萬 萬 叮 六 者 縣 之 井 里, 職 袁 百 井 乘 二, 出 T. 戎 + 乘。」今即 事 四 \Box 定 囿、 里 DЦ 提 馬 兀 几 調 _ 賦 縣 井 挂 井, 几 出 提 此 術 法 丘 之定 爲 爲 乃 + 百 賦 路 封 蓋 經 車 謂 都 邑 經 萬 兀 六 萬 權 È. T. 之甸 數 同 Ŧ + 井 以 土 四 井 輿 於 兵 乘 也 之 六 任 品 地 川 於 任 定 車 ; 内, 除 百 萬 爲 此 地 地 甸 天 古 出 白 而 井 111 丘 井 事 出 子 令 之 賦 乘 者 井 \wedge JII 賦 畿 定 刑 言 뒖 戎 六 牧 而 JU 六 成 9 馬 方 萬 出 沈 乘 法 **令** 丘 其

> 之 君 緣 民 其 之職 日 造 率 爲 四 + 說 邊 力 設 法 百 室 都 白 地 中 都 也 數 鄙 或 具. 畮 井 而 必 者 年 里 之五 當 計 制之,不易 於 百 再 更 則 計 六 公 凡 治 是。 之, 易 爲 百 有 及 旬 造 均 溝 洫 里 之 井 治 奇 凡 都 用 人》 至 Ŧī. 僅 地 牧 洫 + 都 爲 鄙 塗 於 之法 家 均 之 里 日 之 賦 甸 川 治 ^ 三百 制 一, 皆 地 匠 治 其 \mathbb{H} 法 者 Ŧ. 澮 其 如 家 無 力 人》 備 百 澮 之説 九 掌 而 畮 地 此 年 徴 白 於 + 爲 非 其 後 域 公 爲 畮 豐 古 事 1 縣 鄭 旬 甸 溝 井 唐 榜 Щi 年 制 於 者 君 用 出 洫 中 官 溝 謂 易 公 官 釋 小 也 \mathbb{H} 封 ·, 之 旬 造 大 下 + 其 司 之。 H 税 地 司 如 用 其 都 司 制 徒 有 地

鄭

謂

用

 \equiv

險

鄙

家

以

徒

爲

通

經

^{● 「}令賦」,原誤作「合賦」,今據《禮箋》改。● 「軍賦」,原誤作「軍數」,今據《禮箋》改。

不以 賦 法 土 又 宜 九 凡 法 夫 地 \wedge 鄉 之 司 爲 或 孟 不 爲 遂 中 險 子 宜 馬 口 井」之法、《遂人》有 都 * 法》丘 城 夷 井 鄙 是 郭 請 異 者 異 形 小 宫 野 制 乘之制不合。《 濟 室 司 九 廣 以《 審 差 徒 狹 矣。 多, 實 而 遂 異 與 助 數 人》 塗 遂 + 巷 或 因 法 人 又 中 地 夫有 小司 聯 廣, 什 而 勢 事 地 而 徒 於《 溝 通 使 無 制 ~ 職 遂 自 之 其 曠

官》, 遺 諸 害 人 宋 也 以 唐 \pm 爲 禮 辨之日 安 乃 石 新 泉 竊 莽 府 其 之 \approx 説 制 以 爲 或 青 劉 服 苗 歆 爲 法 取 之息」,元、 乃《 以 周 羼 人《 禮 类 周 明

之,以 鄭 吏也 息 司 使 農 民 泉 或 與 云 府》「凡民之貸者、與 服 弗 之 利, 爲之息」。 「貨 别 其 以 者, 貸 其 民 所賈 謂 注云 之 從 物, 之 官 或 借 定 其 所 本 其 有 有 賈 出 賈 司 可 爲 也 以 其 辨 息 與 故 所 而 之。 也。 有 屬 授

> 之税爲 之。 之 與國 二者皆恤 鄭 貸 葛 假令其 之貸者」,對 其 人以賈,與 \mathbb{H} ____ 受市之徵 耡 説 則 以 於 而 此貸 人爲 榜謂 治 是 或 粟、 貸 以 息, 也 産 萬 服 或 絲 屋 於國 貸。 一業者, ; 商 泉 事 後鄭 出絲絮, 布 Ŀ 凡民之貸」者 葛 以 粟、 下「有 之税 阜 者 償。」玄謂 經 爲 人者,不令出 貨,泉 閒 周 説 或 但 則 以 職。 爲 服 栗, 官 是 司」言之謂 計 徵 期 則 息 爲之息」, 也 • 府之 贏 出 布 以 其 凡 也 旅 以以 所 息 斂 絲 用 謂 以 泉 師 職 得 Ŧi. 市 絮 市 於 或 粟, 府, 息,爲 受息, 之民, 從官借 也 白 職 之 之徵 償 或 服 以 市官、 滯 春 云 其 ; 事 爲 其言「 王. 貨 其 頒 布貸 其 泉 無 受 之 於國 本 賈, 之屬 莽 同 無 而 過 袁 息。 或 掌 府 時 義。 秋 凡 歲 出 所 聚 於 服 廛 不 取 斂 野 得 民 賈 以 先 什 民 之 以 絺 事

● 「市」,原誤作「布」,今據粤雅堂本改。

鄭 誤 息 是 服 賦 焉 本 皆 得 農 贏 國 合爲 爲 之言,贊 也 以 視 者 以 民 力 與 法 之息 待 指 $\widetilde{\mathbb{H}}$ 受 ; 賈 出 下 職 賈 Ē 所 民 税 息 \mathbb{H} 爲 者 幣 事 之膳 受市 Л 國 口 爲 者, 줆 龃 職 計 至 貸 貨 或 差,是 服 其 ? 辨 之。 所 謂 之徵 財 服」是也 官 事 之法 息 依 收 者, 之餘 經 之財 財 或 如 托 後 謂 者 言 布 以 以 泉 此 令以 儒 然則 納 財 權 以 泉 用 外府 府 以 凡 下 税 大 子 布 取 或 以 或 經 或 府 同 具 母: ·經歲 行 服 決 文 賈 或 職之。 事 V 焉 貨 之 其 爲 行 所 人 以 之 二文 以 財 之息 利 終 奸。 之」,後 貸 貨 云 財 或 者, 泉 相 納 其 物 則 闘 用 爰 服 聯 甘. 有 據 以 取 爲 計 爲 市 鄭 輕 ^ 餘 屬 息 之 或 之 具. 貸 釋 朝 所 重

褅 大 八於方 見於鄭 V 澤 論 褅 君 跙 祭 1釋《周 宗 궁 廟 褅 天祭 官 其 經 祖 莫 • 之 大司 大 所 於 樂》。 自 景 出 F 後 地 儒 者 祭 習 皆 莫

芝

事上 宗 其言 合。 握 廟 其 郊 古 知宗 自 不 烝 之文 之牛 牲 過 廟之祭。 射 之粢盛 ~ 能 一、王后 帝 天 一神 把握。」 其 廟 天 魯 述 上,與《 合; 地之祭名 角 牛 有 子 郊 其 語 握 禘 親 義 *****: 刲 必 ^ 又 與 或 表 王 春 自 楚 羊 疑 與《 宗宗 日 記 語》「天子 制 褅 天 擊 語 舂 褅 褅 周 : 影天 或 廟 》「祭天 子 郊 著於 豕 **>** 非 其 「天子 語 語 之盛, 粢 日 祭 **>** 夫 子 禘 人 ; 天 褅 烝 此 人 親 親 諸 褅 郊 監 地之牛 地 郊 褅 嘗 王 必 矣 春 耕 侯 郊 之名 不 九 郊 后 自 繭 褅 粢 對 宗 之 调 御 之 親 栗、 春 郊 盛 角 文 廟 事 事 繭 繅 使 其 惟 之事 之 秬 繭 栗 烝 明 必 潔 其 盛 鄭 則 栗, 鬯, 嘗 禘 自 服 烝 奉 有 君 宗 文 把 非 又 嘗 射 褅 全 識

祀 郊 E 《大宗伯》「 帝 唐 人歲 及 兀 有 時 事 以 迎 於 禋 氣 天 祀 於 者,冬至 祀 四 昊天上 郊 兆 褅 祀 帝」、《司 昊 五. 帝 天 凡 啟 熱

蟄 報 周 郊。 日 唐 也 冬至禘昊天,《 至 設 張 Ŧī. 語 凡 昊天」與「 祀 大報 之始 IIII 郊 天 帝 禘 氈 》是以言「周 重 昊 郊」言之,故 此 天 而 昊 一帟、重 案,設皇邸 · 景 郊 則 典 天 之 冬至圜 主 郊 天 以太 特 瑞 天 Ŀ 鍾 月 日 日 以 案 而 牲 上 帝 爲宫 而 以 嚳 主 皥、 配 帝 四 丘 至 \Box 或 人禘嚳 至。」《祭 配, 明 則 日 圭 以 丁,黄 ; 謂之 炎帝、 之 語 殊。 Ē 服 陽氣 也。」又曰: 有 月 祀 啟 褅 》謂 鍾 大 0 郊 邸 Ŧī. \sim 蟄 帝 而 始 爲 之祭 以以 裘 黄帝、 通 禮 義 帝 掌 之禘,《 新 郊 郊 郊 角 與 ,則張 得 家 **>** 而 次》「大旅 用 稷 E 祀 大 日 也 冕 郊 事 舊 天,旅 Ŧī. ^ 0 帝 少 :「郊之祭,大 順 戴記 簇 大 名 説 郊之用 帝 迎 皥 以 祀 大次、小次, JЦ 爲 司 也 長 稷 之 殊。 Ŧī. 時 E 言 樂》 上帝, 徴 顓 日 西己 而 通 帝 迎 帝 辛 對 頊 之至 姑 , ~ H 其冬 用 謂 亦 職 氣 也, 西己 洗 啟 辛 以 之 魯 則 祀 明 如

禘、宗廟之禘區

别

不

疑

之樂。 以 樂六變, 爲 引《祭法 日 譽配之,又言 至 类 羽 一於圜 靁 舞 鄭 則 鼓 君 丘 周 靁 天 冬 釋 奏之,是 神皆 人 鞀 H 天 人 禘 至 神、 孤 鬼 嚳 降, 一,於 竹 則 而 地 著 之管, 可 地 主 郊 元 啟 得 上 人 后 稷 蟄 二,謂 之 稷。 雲 而 而 鬼三大祭爲 禮 睘 和 郊, 矣。」 之瑟 既 此 丘 於 祭 無 奏 琴,《 經言 之。 買 天 此 睘 降 丘 褅 之 若 丘 神 冬

不毁 大祖 之, 小記》 之所 以 云: 大司 后 而 稷始 自 其 禮,王 樂》宗 與 立 曰:「王者禘 釋《喪 出 親 下 四 封 廟 Ŧi. 以 文王 廟。 者 廟之中 几 服 廟 其 始 而 小 而 祖 漢 受 二武 七。」然則周 記》及《大傳 遞 配 其祖 禮 韋 命, 毁。 之」,又以 王 玄 人 諸 一受命 之所 成 鬼之文 周 侯 等 之所 始 而 自 Щ * E 人祖文、武, Ξ, 封 褅 出 違 + 之君 以 異。 爲 几 以 是以三 者 七 郊 人 其 褅 廟 稷 皆 奏 祖 喪 其 廟 祖 爲 議 服 西己 與 祖

尸 公羊 明各 主 經 子 於 祖 主 孫 主 又 太 謂 世 之 一,陳於 祖 0 日 傳之言 六 室 所 廟 以以 出 昭 一曾子 P , · 祭於 , 是 逸 傳 此 禮 西己 自 其 在 共 丽 之,皆 禘 出 **>** 禮 太太祖 獻 親 昭 : 衵 其 問 祭之 逸《禮》 È 袷 鄭 昭 廟 共 配 治祭 牢 稷 禘 廟 毁 注 大 H 之而 ; 111 故 故 也 見 廟 者 굸 尸 如 未 事 七 穆 111 有 褅 惟 於 之主, 穆尸 毁 稷 者 廟 立 不 於 七 后 共 穆 遷 七尸 逸 周 廟 爲 几 毁,又下 無 何 禰 稷 主 戸 共 之禮 公 ~ 之主 太祖 之文。 ? 廟 厂,則 升,合食 虚 尸 廟 經 牢。 於 制 發 主 **>** 太 稱 尸 一、又曰 也 大 禮 者。 皆 廟,立 0 給之遷主 の爵 孝子 廟 祝 褅 袷 虚 之 《禮 升, 不受 祝 逸 其 詞 時 主 巾 毁 而 而 也。 文 詞 一毀廟 親 稱 合 器 者 廟 立 二 禮 立 文、 旅 世 稱 廟 孝 惟 毁 昭 \leq 食 之 ^ 無 孝子, 室、 春 几 武 主 子 穆二 周 廟 尸 祫 於 褅 P _ 0 之 武 此 旅 祭 太 之 秋 立 孝 之 於 所

> 見之文, 之 不 俱 以 秋 不 天 祭 子 及遷 禘 傳 王 惟 有 禮 不 褅 \vdash 廟 祀 褅 廟 褅 世 可考 之主,諸 周 魯 名 得 公 有 褅 如 及其 天 以 禘 祭 此 祭 别 樂」,《 明 禮 侯 始 於 有 其 盛 祖 則 祫 褅 禮 事 之 有 明 名 樂 殷 袷 所 褅 堂 與 以 無 自 郊 位 故 時 别 禘 出 褅 名 故記 祭 於 季 袷 大 凡 郊 殊 夏 祭。 祭皆 大 六 \Box 宗 褅 其 月 禮 春 散 廟 袷

指 年, 稼 秬 育 其 誕 履 天帝 穡 維 而 香 后 時 帝 之 秠 論 始 稷 E 維 武 而言。 功 感 帝 升 之 維 后 敏 也 生帝 歆享之也。 穡 稷 糜 歆 Ŀ 維芑」, 言后 若如 一, 后 帝 有 \exists 攸 日 居 相 : 介 稷 載 傳 《生民 メ感 歆 之 攸 燔 釋帝 三,言 道, 止 或 神 載 \Box 靈 》之詩 烈 稷 載 爲高 \Box 后 之 帝 爲 震 稷 以 氣 辛氏 天 誕 載 或 肇 圃 具 而 所 降 夙 曰 矣。 祀 嗣 牛 之帝 助 嘉 F. 以 歲 載 巾 帝 種 祈 以 牛 詩 則 皆 豐 成 維 載 \vdash \vdash

謂 武 以 義。 及其 及其 靈 事 乃 祀 大遠 從 而 曰 稷之肇祀。 下 王者禘 受 其 禮 郊 : 擇 爲 經 於 人太祖 命 高祖 廟 祖 祀 於 帝 而絶不 元 喪 夫 嚴 真之隘 郊 之禘 稱 配之,而 日 感 事 而見於天, 服 郊 其 百 王 。」是爲尊 而 情乎? 生 ; 大夫士 小 祀 祈 祖之所自 王 後 及於祭感 今由《 帝 記 與 與 之祀 后 穀 巷」、「寘之平林 耕。二夫曰「 四 立 稷,以 祭 **∀**: 説 于 親 四 生民》之詩繹之,鄭 因 天 Ŀ 周 非 事 者尊 有 以生子,此 廟 廟 \pm 無 ·, 故 帝 無 人祈穀之郊, 出, 生者, 大事,省於其君,干給 祈 對言 _0 者 浩 <u>`</u>, 據 統 農 以 不 則 禘 上,卑者尊統下 祈 其 事 春 百 蓋 爲 以 其 H. 但《月令》「孟 」、「寒冰 詩 秋 七 后 穀 也 祖 也 褅 祖 亦 廟。 表 傳 稷始封,文、 配 _, ⊟ 之所 嚳 何足 之; 》 孟 先代之神 是 實 大傳 郊 二條皆 故 君 本 稷,禮 自 稱 諸 祈 啟 獻 謂 於 不 出 \leq 異 之 農 侯 春 Д. : 盩 子 郊 后

> 家或 則 悉信 祈 穀 混 亦非 又 褅 蒙 於郊,未嘗 不 褅 信 名 亦 矣。 非。」 混 故 郊 斯 於禘 鄭 言 志 也 敢 答 如 援 趙 鄭 以 商 君 爲 説 治

手 定 藩 《禮箋》十卷,未 不 其 論三 以 爲 然。 江 世 年老, 儒 幾 多是之,獨 卒。 得髀 痛 疾 王 卧 光 床 禄 蓆 西 뱹 沚

與

經之大法。

此

其説之尤著者

戴 震

章 • 書, 何 之?」師曰 子述之? 仁,父弁,皆不仕。 時 問 過目 人?」曰:「南宋。」又問 戴震,字慎修,一 其 成誦 師 日 又 : 何 塾 以 子朱子 此 一師 知 君年十歲 何 授 字 爲 以 以《大學章句》右 云 曾 東 知 爾。」又 原 子之意 爲 乃能言,就 休 孔 子 寧人。 問:「 曾 而 之 子 門 言 何 朱 人 而 傅 祖 經 子 記 時 曾 讀 寧

0

略舉 然?」 許 義 氏《説 ,於是十三經盡 傳注 「幾二千年。」曰:「 師 \exists 文解字》令檢閱之,學之三年, 示 訓 能答。 東周 解之,意 `。」又問:「周去宋幾何時 通矣。 讀 書 不 然則子朱子何 釋。 二字必 師 求 惡 其 其 義 煩 以 通 乃 塾 知 ? 其 其 取 師

郎 注 家 者。」 算 歸 冠 H 江 小《句 屢 君慎 中 召 ,年甫二十,同 「今之定 君 數 南 隨 徵 父客 讀 事 修 爲 股 而 來 君 其 之比 日 割 學 ,皆引爲 書 歙 南 睘 Ė 11. 恨 見 見 豐, 較,言 進。 記 也 縣 君, 不 》, 流 積 ! 課 程 忘 識 著《考工記圖 疑 學 中 目 年 其 年交 傳 其. 十有餘 爲 允 <u>:</u> + 所 童 入,江 浙 儒 恂 以 於 東 者 八, 然。 邵 西。 年, 見奇 南 武。 |》、《屈 補 惠定宇、沈 天台 江. 而 縣 之。 日, 君 未 自 學 0 剖 邵 驚 齊 原 舉 生。 侍 賦 喜 曆 時 析 武

乾隆二十七年壬午,舉於鄉。策蹇至京

於官 廷對 禮 師,困 官。三十九年乙未,特命 府 生 編 孫 高 舉 文恭公纂《五 粥 占皆 志 部 修鳴盛、青 郵 君名、文恭 獲交於錢 享年 授 **%** 不第。 王 時館 與之定交,從 於逆旅,人皆以 文 三十八年,奉 翰 肅 <u>Ŧ</u>i. 閣 林 後朱 公安國 + 延 少詹 禮 院 浦 通 有 人 之,纂《 庶吉 \pm 通 方 Ŧi. 考》, 蘭 如 大 此 言,請 伯 士。 泉 河 昕 狂 召 海 珪 稱 先 觀 求 間 君 生目之,幾 充 與 内 招 生、 几 精 紀庶子昀、 象 至 几 爲天 會 之 知 十二年五 於 授 家 試 庫 大 游 東 推 時 塾課 全 興 下奇才 原 中 岩 步者,少詹 朱 式 書 氏 修 不 嘉 者 館 矣。 笥 其 類 能 月, 汾 定 子 纂 河 可 供 卦 試 先 卒 修 州 念 王. 後 饘

之文,一再讀之,涣然冰釋。其學長於考辨,生平無嗜好,惟喜讀書,詞義鉤棘難通

^{■「}恂」,原作「洵」,今改之。恂字慄也,號燕侯,休寧

復 得 位 之書爵 凡 者 解 猛 而 V. 春 r, 諸侯 稱 之日 稱 書 與 書 其夏、秋已兩 秋 義, 鄭 E 王子矣。」 \pm 爵 故 忽 : 昭 目 書 猶 初 故 百 公二十二 卒稱 世 \pm \pm 列 若 $\widetilde{\pm}$ 以 子 畿 猛 或 創 人 或 \pm 之 與 之 書 獲 與 正 氏 子 辭 鄭 書 Ŧ. 列 其 ,若 及 年 忽 忽, 其 或 復 非 參 猛 未 或 先 書 「十月,王子 或 皆 天 互考之,確 」,説者莫得 即 IE. 人,同爲微者 也 子之號 以 書天王 其 位 0 或 而 號 \pm 氏 出 \vdash 子 者 奔, 王 不 《 春 猛 猶 也 猛 不 其 可 未 列 歸 卒。 解 秋 易 得 Ŧ. 即 \pm 或 不

規 也 極 極 Œ 樞 北 北 冬至 ,左旋之樞 璿 周 極 極璿 璣 者、《魯論》之北辰,今人 髀》言 夜 之中」,後 璣者,今人所謂 半, 北 在 北 極 極 正 人多 璿 璿 北 璣 璣 極 疑 四 下 黄 其 每 游 畫 道 説 是 所 夜 極 又言 爲 環 謂 也 解 北 之 赤 之 游 而 IE. 道 \Box IE. 所 北 北 成 極 :

> 傳 以 歲 又 東游 過 至 西 游 所 極 進 也。 齊 几 夜 游 所 極 ; 度, H 至 游 七 所 半. 所 極 秋 極 加 所 柳 日 政 ; 漸 起 0 ; 分 H 卯 極 : 加 進 IE. 又進 夜半,爲 此 加 午 之 蓋 也 至 北 0 璿 之 設 西 時 几 子 至夏至夜半,爲 一之時, 璣 時 璿 分周 虞 位 在 之 璣 西 夏 在 ; 正 以 之一,則 書 游 畫 在 北 正 H 擬 所 *****: 夜 正 北 極 四 黄 極 左 北 之 極 游 道 在 旋 極 之 左 春 此 南 所 極,世 璿 之右,是 上; 分夜 是 璿 極 游 璣 周 是 璣 爲 也 所 半, 玉 失 爲 東 而 極 衡 其 爲 又 南 游

於 止 矩 而 日 九 尊 無 信 九八十一。』 今人 例 線比 西 可 髀》云: 所 術 比 例之術 者 用 矣。 輒 角 買 云 必 皆勾 角 出 勾 八 以 線 中 於 股 法 股 之法 方,方 不 無 御 法 能 之, 直 也。 御 角 出 本 使 三角 於矩 出 成 則 於 不 勾 勾 股 應 矩 折 股 乎

郭注 子閒 殊 表 用 思」之「休」。《釋木》「桑柳 月條桑」之「條」。 此。 一, 代, 充 己而 也。 」,今《孔傳》猶 居》皆訓 己 嘗 書》「 不知 其考證 《釋言》「庥, 也」,六 删 謂 節 儒 光 不 者 其 被 「横」爲「充」。 經 全 治 通 然 川 ポ 訓 經, 悟多如 無「桄」字, 《莊子》云「已而 表 「光」爲「充」,文譌 當從《 廕 疏 宜. 自 也」,即《詩》「不 又 此 漢 名 **H**. 爾 釋 書》引爲「横 鄭 疏 條」,即《詩》「 雅 詁 横」、「桄」 注 漏 | 樂記 始 爲 解「 如《釋言 知 111 而 己 者 影、《孔 口 古 所 義 被 , 香虫 爲 休 傳 通 不 川

事 舉水名; 南 云『過某縣』者 經文每 丁, 其 宋 時 水 Ē 事 經 一水云『某水 注 然。 皆 注 則 注 統統 兼 君 譌 之 及 獨 舛多矣,王 溷 所 尋 縣 於 納 其 出 而 經 羣 某 義 言 者 Ш 例, 郡 伯 縣一, 注 故 品 則 厚 則 須 而 經 引 此 詳 重 别之云: 注 經 下不 言 舉 之淆 文 所 事 四 逕 經

> 城 失,至 詩、 治 校 委 逕。 本,海 HH 顧 善 經 君 景 故 以是推之, 長 無言 内 始 範、 有 作 始 釐 故 注 胡 復 正 縣 城者 時 朏 見此書之真 之。 而 明 經注之淆 縣 也。 再 雖 今武 邑 \equiv 善 經例 流 見 讀 英 移, 者 者可 面 古 殿 云『過』, 目 是 書 所 經 焉 Œ. 以 刊 據 猶 也。 多 當 未 即 注 稱 閻 時 悟 例 用 白 故 縣 其 斯 云

經之難 其辭, 者,辭 行, 典 銷 》至 『 乃 則 雎 嘗 崇而 也; 掩 由 論 辭 卷不能 雖 往,不 學云:「經之至者,道 命 所 以 羲和』, 通 以 事 卒業。 知 其 成 古音音 道,乃 必 辭者,字也。 不 綜 知 誦 其 徒 可得之。」又云: H 全 周 强 月 而 南 以 星 覈 也; 協 必 辰 之。 韻 之 由 所 召 字 所 南 以 則 誦 以 己 以 明 治 道 龃 自 運 堯 通

改

^{● 「}知」,初刻本及他本皆作「之」,今據《莊子·養生主

以

譯

西

域

釋氏之言。

釋氏之徒,群

習其法

叔

然創

立

翻

語

厥

後

考

經

論

韻

悉

用

之,晉人

未

始

相

離

聲

與

音又經緯

衡

從宜辨。

魏

有

孫

失讀。 等制 誦 古 已迷 ,則《禹 禮,先《 於 貢》職 其 士 方 冠 禮 方 莫 Ш 辨 不 鎮 其 知 JII 用 占 澤 者 不 春 知 宫 鍾 大 記 之宫 憶 也

龉

秋》列 知古今推步之長, 古今地方沿革 室、 衣服 國 疆 域 會盟 則 攻 、戰之地,失其 如《 夏書》之『辰不 處 所 集 不 於

成以 文尚 房」,魯太史引以爲 為周 書》繫之季秋 正十月,劉原父以 ; 正 小 陽之月 雅『十月之交』,鄭 爲夏正 孟 夏,東晉《 + 月 古 康 ;

《春秋傳》兩記『日 今之真僞,❶辨箋解之得失,決魯曆 上考,曲合其 而 卒 南 達 其 至』,歷 __<u>.</u> 代 儒 史 者 志 至 何 載 朔 以 步 之當 算 識 家 古

狀 文 否? 不知少廣旁要,則《考工》之器,不 類 而 則 推 其制。 比 興 之意 不知 乖 鳥 獸、 六 書之學, 詁 蟲 魚、草木之 訓、 名 能 音 聲 大 號

> 律 失傳 竊 爲 之後,不 四 己 寸 管 有 Ŧi. 日 謂 分,爲起律之本。 言 追 來 Ŧi. 溯 自 聲 未 西 + = 失 域 傳之先,宜 ; 律, 儒 宫 者 學者蔽 數 位 典, 乎 乎 中 其 不 於 説 鍾 能 黄

之多鑿 也。

蔽 凡 失,而 無 Щ 不 無 去私,而 氣 能 者 良, 生於其心,必發於 蔽 心 明 不 又訓學者二: 蔽 而 求 知 異氏之學,主 問學以 廉 憯 生於知之失。 之性, 諸 潔 不畏 事 而 情 去蔽 丽 流 明。 以 無喜 於 H 主以 其 其 静 刻 私 無 事。 意 以 怒哀樂之常, 異 私 見,信 爲 日 ^ 氏 忠信 矣,尚 記 私 至。 蔽 尚 **>** 者逞己 爲 無 日 而 君子 私 不 : 義 欲 止 生 能 理 於明 夫 應 以 强 君 於 一、公而 無 縱欲 感 民 欲 恕 子 善。 有 起 之 以 尚

爲

⁰ 識」,是,今從改 識 初 刻 本 與 他 本 皆 作 職 譚 大 臨 批 校 本 改

是 飲 害 子 使 於 德 知 杰 平. 分 喜 分。 是 物 Щ 有 得 以 之自 入 由 情 食 必 #1 美 15 怒 平 而 貴 各 烹 其 也 然,天下之 與 哀 既 者 生 有 動 於 斯 養 治 平 盡 乏 得 也 養 智 樂 有 欲 養 防 而 然 極 自 也 是 (之道, 存乎 其 गां 欲 ; 雖 其 備 111 後 致,存 性 非 慘 性 情 矣, 愚 情 m 之微 1 一者自 舒 二者 之極 之微 必 氣 與 絶 能 各 於是乎 紨 分。 血 明 平 欲 情 遂 舉 形 於 氣 致 而 然之符, 巧 於欲 使 亦 欲 去 矣 其 焉 巧 既 得 其 是 者 智, É 存 者也 欲 有 智, 其 有 問 於 以 也, 然 乎 君 凡 欲 情 聲 養 學 充 貴 美惡 道 勿 ; 智 子之治天下 之符,精之以 天下 宰 有 有 ; 色 也 塞 悖 平 義 雖 感 者 御 情 性之徵 血 臭 仁 擴 於 是 弱 眷 也,聖 之事舉 通之道 之 氣 矣 味 義 道 非 充 夫 必 其 方, 於於 心 而 谒 義 强 而 10 於 知 愛畏 人之 君子 欲 賢 \oplus 好 是 ; 知 存 也 矣 情 底 Ž 10 君 之 惡 斯 平. 於

> 之人, 作 爲 獨 以 謂 獨 冥冥,不 無 事 致 (虞其) 學, 也。 ", 致 之, 邪 也 忠 居 思 以 同 中 以 敬 履 偏 若 然 和 虞其僞 道 而 且. 所 其謬。 反 在 智 爲 明 而 不 公言言 / 求諸 乎 肆 之謂 一, 不 統 歸 之善 達 ; 戒 以 以 私 禮 六經。 必 信 義 疏 虞 不 心 敬 精 在 其 爲 口 蔽 平. 動 必 乎 義 宗, 疏 謂 者 所 此《 正 止 至仁、 戒 ; 至 施 應 也 探 懼 原善》之書 而 事 善 之 禮 之茫 要 至 矣。 去僞 君 謂 盡 於 而 子 竭 恕 茫 致 倫 動 之 夫 在 所 索索 中 所 以 天 乎 正 未 馴 能 和 慎 以 之 理 下 應 之 而 而

考》十 割 證 記 聲類 睘 》十三卷、《原 啚 記 》二卷、《孟 其 卷、《 表 所 Ť 撰 卷、《 屈 -卷、《 述, 原 善 有《 策 子 賦 儀 ***** 字 算 注 毛 禮 義 卷、《原 鄭 正 四 疏 誤 詩 卷、 卷、 證 考 象》 ^ 正 聲 卷、《 九 卷、《方 韻 四 章 卷、《 考 卷、 爾 補 雅 ^ 啚 几 勾 文字 考 股 疏

刊行之。十四卷、《文集》十卷、皆曲阜孔户部繼涵爲卷、《戴氏水經注》四十卷、《直隸河渠書》六卷、《古曆考》二卷、《曆問》二卷、《水地》一

乎 ! 日 : : 命小 久之。 時人皆謂君若不死,必充纂修官 · 瑞持 戴震 君没後十餘年,高 君以庶吉士得邀特達之知,可謂稽古 君 尚 所 在 校《 否?」對 水 經 廟 日 注 : 「已死。」上歎 校 \approx 刊石經。 問 南 書 房諸 日, 嗟 惜 臣

州校官。 龍 泉,乾隆丙午舉人。 田,又字易疇,歙人。 義》,皆未刊行 鄭、方二人事蹟,不得其詳。 同時學者,郡人鄭牧、方矩、程瑶田、汪 著有《 通藝録 著有《毛詩申成》、《毛詩 乾隆 》行於世。 庚 辰 舉人。 瑶田 汪龍 1,字易 , 字 太倉 盩

親受業者,高郵王念孫,字懷祖,乾隆乙

及第。今官翰林院侍講學士,能世其學。子引之,字伯申,嘉慶己未姚文田榜以第三人永定河道。精於訓詁,著有《廣雅疏證》十卷。未進士。授庶吉士,散館,改主事。官至直隸

録》四卷、《説文解字注》三十二卷。●義,深於小學,著書滿家,刊行者惟《詩經小學乾隆庚辰舉人。官四川巫山縣知縣。講求古段大令玉裁,字若膺,一字懋堂,金壇人。

部祠祭司 齋,仁和人。以懋堂爲師,能 子之禮者也。 友,而問學焉。 侍御大椿、洪舍人榜、汪孝廉 《國語 盧學士文弨、紀相國昀、邵學士晉涵、任 韋昭 郎 注 中 疏 懋堂大令之婿曰 孔檢討廣森, 嘉 慶 丙 辰進士。 元亮,皆同 則 傳其 龔麗 姻 婭 (學,著 正,號 今官禮 而 志之 執 有 闇 弟

❶ 「三十二」,原爲空格,據粤雅堂本補。

一〇六

國朝漢學師承記卷六

隆

戊

午,

中

式

順

天

舉

人。

壬戌,考授

内

閣

中

甘泉江藩篡

文弨

盧

學宏 原 弨 其 長 家學,又 更 不爲 爲 生 先 號 桑 詞 自 而 弓父,抱 盧 科 調 篤 文 餘 得 異 不第。 實, 弨 姚 元 外 説 遷 弢 經經 主 所 少不好 字 杭 甫 父之緒 其 惑 紹 母馮,馮 州。 婿,師 堂 弓, 顔 弄, 初 父存心,恩貢 號 論 也 名 事 以讀 磯 景 嗣宗,爲錢 已知 人稱 之 ; 漁, 山 書爲 公之女也。 又 學之所 於是學 H 號 抱 事。 生 經 檠 塘 一,應 向 先 齋 縣 有 既 矣。 生。 文 學 本 禀 博 晚

生

員,繼

由

餘

姚

祖

籍

改今名,援例

人

監

乾

考官。 院 隆 事 林 書 左中允洊 ,年七十有九 乙卯 院 不合例 壬: 編 旋命提督 申 十一月二十八 修 部 至 恩 翰 1 議 科 林 Η. 左遷。 秦 湖 院 。 命 大 廣 侍 士: 學政。 上 讀 日, 明年乞假養 書 榜 學士,充乙 房 第三人及第 卒於常 戊子,以 行 走, 州 西西 由 親 龍 學政 廣 左 歸 城 東 春 授 書 乾 IE. 坊 翰

《宋史》、《金史》、《新唐書》、《列子》、《 《春秋繁露》、 《經典釋文》、《逸周 取《易》《 外傳》、《 子》、《方言》、《釋名》、《 精 老不衰。 於 讎 紹弓官京師 校。 顔 禮》注 所校 氏 歸 ^ 家 白 田 之書、《大戴 疏、《 訓 虎 後 與 <u>二</u>十 通 吕 東原 書》、《 封 **∀**, 氏 一賈 氏 餘 交善, 讀 日 誼 聞 年, 孟子音義 禮 書 氏 新 見 記 記 書》、 春 勤 始潛 記 \approx 影諸 秋 事 × 丹 心 左 魏 申 書。 獨 鉛 漢 傳 書》、 韓 斷 垂 荀 又 詩

Ш 群 新 札 序 記 補 新 龍城 論 抱 諸 札記》,刊 經堂文集》三十 本 脱 漏 行於世 者 薈萃 四 卷,及《鍾 書 名 日

紀昀

統具

大奏稿,

得旨減釋爲

民

道,天 忘。 能 申 善行;父容舒 公乃 見 夜夢火光 獻 物 夜 紀 縣 雨 比比 坐 靈 昀 則 人 暗 字曉 物 知識 窪 也 託 室 人 中 内 生 樓 官姚 漸 汪 世 嵐 也 中而公生,火光遂隱,人 開 爲 洋成巨浸,夜 ,一字春 光 安太 Ħ 河 少 爍 間 即 而 守。 爍 著 斂 奇 帜, 如 穎 姓 河 電 晚 讀 有 間 光 祖 年自 書過 火 爲 天 不 光 九 申 燭 號 H 河 以 而 不 天 故 有 石

内 進 鄉 +: 試 年二十四,乾 IE 庶吉士 考官 庚辰 散 隆 館 1 , 充會試 授 卯 科 編 解元。 修 司 ,考官。 己 甲戌, 卯 充 辛 E Ш 成

> 侍讀 子。 官, 戍 年,丁父憂。 京 所 察, 命 學士。 戊子,授貴 時,遺 提 以 道 督 戍 府 緣事 福 服闋 單 記 建 州 1 名。 罣 學 都 , 充 日 講 五 誤, 政。 勾 年 \pm 發 知 内 午, 於 烏 府 積 起 癸 充 魯木 至六千人,爲 以 居 未 順 注 兀 授 天 齊效力。 品品 官, 侍 鄉 留 擢 試 讀 左 司 都 至 庶 明 考

南 武 尚 試 又 侍 學士,充文 亥,擢詹事,旋晉内閣學士。 讀 1、命爲 漕 會 書 貢 轉 郎 舉。 萬 試 ,充經筵講官。 左 辛 仍 侍 卯, 石 IE. 兼 兀 一考官。 乙巳,晉左 郎 設 直 淵 庫 召 + 閣 累 全 還 甲 事 敝 直 書 ·, 授 壬子 辰 賑 閣 館 充 充 戊申,賜紫禁城 改任 編 都 饑 事 總 修。 畿 會 御 纂 全活 H 不 輔 史。 試 官。 講 \equiv 開 壬寅,授兵部 水 副 無 起居 缺 十 災,奏 丙 考 丙 算 八 午 官 申 乃 注 年, 騎馬, 異 請 轉 嘉 知 授 數 武 慶 截 禮 侍 擢 也 留 充 右 部 會 讀 己 侍

一〇八

年 充 擂 方 辰 試 充 正 會 一考官 試 īĒ. 考官 轉 兵 部 尚 書 己未

終其 奉旨 或 旨 勘 難 寧 與 膝 誓 受汙 珍玩 生 等 7 支 未 調 明 賊 監 禮 、賜之。 事 情 議 被 狂 癸亥六 血 志 不 事 部 奏: 汙 哉 賊 形 紀 强 血 屈 者 出 的 姦 有 請 抗 Щ 見 月, 是 書 略 學 被 如 紮 請 餘 旨 節 戕 年, 示 Ŧi. 問 協 殺 縛 以 IXI 敕 年 定 被 者 品 日 辦 淹 者 手 把 奏: 八 奪 交 殺 1,卒於 别 甚 例 通 大學士,加 持, 大 旬 在 者 爲 體 量 無 學 報 兩 開 無 辨 雖 婦 出 旌 子 子 位 人以 + 秩,上 異。 可 理 使 女猝 表。 力 旌 旌 0 九 跪 四 表。」 年八 1 卿 太 Z 拜 如 遭 臣 遣 由 庫 飭 子 H. 忠 科 强 大學 交各 翰 顯 謂 官 全 可謂 + 臣 少 IF. 道 暴, 書》, 林 係 捍 有 保 月 公議 烈 洊 督 士保 之屈 鱪 刃 捆 1 1: 管 歷 始 奉 撫 弱 捐 縛 方

> 奏。」 員 綸 任 恩 賞 閣 内 前 賜祭葬 (陀羅 晉 處 往 分, 錫 賜 經 宫 奠, 一,予謚 被 悉 銜 派 子 並 開 遽 文 當 散 達 復 聞 庫 秩 溘 大 銀 應 逝 臣 \mp i 得 德 百 深 通 卹 兩 爲 帶 典 經 軫 口 理 惜 查 侍 喪 例 衛 具 十 加

要》 概 録 年 稽 孝 評 手 書之謬。 而 0 間 ,緒之上,可 公 思 論 有陳 所 有撰 之, 抉 大 公於書無 書, 序 而 奥 作 亞 乃 <u></u>四 闡 Ė 經 述,今藏 又好爲 一之稱 戴 名 出出 史 庫 謂 氏 言 子 所不 詞 全書 考 通 也。 稗 集 然 明 於家, 儒 Τ. ·通,尤 官 驟 理 矣。 提 以 記 公 小 聞 正 及 要 啚 是 説 其 識 簡 深 胸 醫 生 序 以 語 漢 懷 而 1 明 力 **>** 精 世 **%**易 嬾 坦 在 詞 目 近 力 無 篇 率 録 於 曲 於 \mp 傳 粹 著 之 詼 仲 者 以 性 皆 力 書 於 類 見 好 出 闢 梗 提 调 滑 其 阮 公 啚

戴君東原,始爲《考工記》作圖也,圖後

īF.

卿

服

官

五.

+

餘

載

本

车

Œ

月,

甫

經

擢

襄

中允 也。 又越 余删 君 口 而 附 一,奇 以 歎 \Box 半. 不憾已。 出 戴 取 其 是 君 載,書成,仍名曰《考工記圖》,從其始 先、 説 書 書以 語 誠 而 後鄭 欲 子 無 奇 示 Ė 付 注 書 注,而 齊 一昔丁 之 也。」今再 學士次風 梓,遲 乾 隆 自 卯、 定其説 Z 之半 亥 遇子奇之,是書 戊辰 先生,學士 夏, 載, 以 間 余 戴 2、先師 爲 初 君 補 識 乃 注。 見 爲 程 戴

早,而 篇、《 考證 遺 義 爲 經 ~,發 雖 阚 戴 漢以 獨 難 君 雅》等皆 於《考工 明 ,要得其詳 深 降 獨 明 儒 多。 古 者 有 記 人 所 撰 詩 小 則 不 則 著。 學, 三百》、《尚 止 能 日 矣。 及。 : 故 自 是 其考證 以 以 亞 爲恐 是求之聖 於經 書》二十八 制 成書太 也 度、 字

之「軹」、「轛」二名溷 轂 末之「軹」, 余以 戴 君之説 明其當 與昔 作 淆,今字書併「 朝,不 儒 舊 訓, · 得 參 互 與《 軒 輿 校 字 覈。 無

許叔 於《輿 當 等, 三面材 戴 儒 之。 「戈」「胡」「句倨外 正」、「衡任 地」,前 證 四,正其當爲「三鍰」。 弓之膠不得 尺,字譌「八」爲「六」。《弓人》「膠三鋝」, 寸, 此不 君 兔 也 已莫之是正者。 綆寸,合左右凡二尺,則 兩 \sim 重 韋 乃曰:「《輈人》言『軫間』,左右名軫 宜 人 》, 車 轅 後左 一加 軸 ,輢式之所樹」。 説 與『己倨』、『己句』字 人》 之間 韋 」,鄭以 文解字》及東萊 軫 今《輈 發 右 過兩,有十銖二十五分銖之十 與 徹 其 六尺,旁 通 (轐」,『 意 廣六尺」, 當朝 名 博 人》爲 也。 後鄭 軫 爲 與 之 弓 加 此皆《記》文之誤, 若輢 戴 謂「軫, 之, 胡 衡 證 長 輻 君 稱 以 上. 也。」《 庇 内 殆 式 乃 而 證 大車之徹 義 下。 鬲 軫」,「 之 六 日 謂 非 有 長 輿後横木 寸, 鍰 所 朝 : 輈 也 車 戴 鋝 樹 人》 君 此 爲 軫 輻 廣 數 鄭 鄭 宜 爲 輿 方 亦 廣 當 \exists 同 下 引 以 之 F 任 漢 相

0

字 四 亦 至 鍾 턥 所 猶 也。 大 戴 其旋,設 劍 有 從 蓋 八傳》 舞 長 無 握 夫 半 援 君 史記 中 蓋 龃 之 + 文,鄭 之下, 寸。 斂 戟 也。 乃 中 Ė 是 胡 鍾 作『饌』,數小 一之直 六。 刺 Н 閷 羡之 其 後 其 爲 百 》作『率』、《漢 中 刺 長 : (莖,設其 以 以 稍 鍾 羽』之屬 故 戴 盲 連 六 短 刃 鍰 度,不當 爲 大之」。 Ę 名 寸· 。 君 援 内 無 通 十六。 後, 之假借 與 名 乃 爲 文 準 長 鼓 刺 (後), 曰 : 與 異 諸 尺有 戴 間 鄭 大 書》作『 直 戴君 在 義 劍 句 與枝 君 舞 六等, 字作 氏 相 鄭 刃, · 鍾 首 股 則 者 鍾 既 訓「設」爲 懸,合爲 日 長之數。」玉 後, 對 出之援同長七寸 灋, 寸也。」 \Box É 其 『垸』,鋝 通 未及, 賈 選』,伏生《尚 :「不當與『 而 稱 : 謂 長 銑 1 銑 戈 合 矣。」 覆 尺有二 間 至 劍 舞 一,未 桃 環, 鉦 八 「大」,謂 之假 脩 鍾 公彦云 廣 氏 援, 在 案 É 之 六 鉦 刀口 寸, 爲 廣 設 以 鉦 人 借 間 鉦 爲 戟 然 書

> 補 定 如 刺兵欲 承 其 棗 宛 Œ. 栗,莫詳 鄭 有 蟺 無 氏 几 之 鯔, 注 周 蟺 者 而 其: 精 鄭 轉 局 制 皆訓 掉 足。 審 戴 也 類 之爲 君 加 廬 蜎 引 此 人 摇 「掉」, 棜禁及 掉 句 戴 也 兵 漢 君 欲 小 其 讀 無 方 所 彈 案, 彈 以

其辭 度之 之制 三朝 圭、《 鳥 是書之爲治 寒暑進退、晝 旟 但存 之屬、《梓人》質處、《車 大 \equiv 他 匠人》「爲 申 若 門,宗廟 井 暨 因 \mathbb{H} 所 其 經 嘉 夜永 溝 是。 禮 量 所 洫 社 規 樂 取 論 之法, 短之理, 文 稷 識 益 之器 黄鍾之宫, 略 景」, 所 古 在 鉅 觸 昭 ·, 詳 論 又於《輈 辯 事 然 人》大車、羊 然 天子諸侯之宫 地 廣 明 戴 復 與 因《 義 堂 君 見 天 不 俾 个 玉 於今兹。 體 喜 與 古 人》「土 龍 相 ·車之 夾室 馳 人制 旂 應、 騁

^{●「}之」,原作「少」,今據改。
卷上補注皆作「之」,今據改。
卷工記●

其 端 引 誠 等 大 得 伸 圖 要 指 不 論著之體矣。 以 具。 執 以 待後學治古文者之致 爲之序 舊 其 聞,沾 言 \exists 首 余獨 沾 然 思 慮 動 而 守 其 口 章 喙 得 句之 也 思 者 口 是 儒 微 也 以 不 見 論 知 斯 其

:

老 館 卯 記 碑 授編 疾 科 版文字,著有《經 舉 百 於 時 人,壬 修。 學士 世 翁 君覃谿者 歸 官 翁 申 至 田 君 恩 内 名 科 義 閣 方 考補 成 學 綱 亦 進 士: 爲 **≫**′ 士, 大 兼禮部 漢學, 興 兩 授 人。 漢 庶 侍 收藏 金 吉 乾 石 郎 士 隆 文字 金 散 大 石 T

邵 涵

生 向 而 榮 康 穎 邵 異 晉 熙 涵 少 壬: 字 多 辰 與 疾 進 桐 士 左 號二 目 父 微 佳 雲, 告 鈗 ; 餘 然 增 姚 讀 廣 人 書 生 也 + 行 君 祖

> 官 修。 修 會試 舉 並 1 至 下 除 四 侍 後 第 翰 庫 典 終 講 御 林 全 試 身 學 試 賜 院 書 者 不 士兼文淵閣 翰 庶 忘。 \forall 進 錢 詹 吉 +: 金 先 1, 士, 充纂 乾 壇 出 生 列二 身。 首 隆 竹 以 汀 Z 直 等, 乾隆 畧 君 酉 也 修 事 名 官 遷 中 人 三十八 越 右 式 告,召 逾 中允 本 年 年,授 省 年, ', 禮 赴 鄉 編 洊 娲 詔 部 試

嘗 别 家之注 爲《正 ,皆舍邢 謂 爾爾 於 書 ; 義 雅》 有 無 而 》,兼采舍人、樊光、 乃六藝之津 所 未詳者, 宗邵 不 讀 矣 而 摭 非 他 梁, 法 書 之 一補之。 而 李巡 書 邢 疏 不 淺 陳 今之 孫 陋 於 炎 側 學 諸 乃

寧宗 間 龜 五代史》, 論《宋 諸 以後 在 書 四 史》 補 又不 庫 之, 乃會粹編 紀 館 如 傳 由 時,《 南 是《 前 永 薛 渡 次,其 樂 朝之觕 史》 後 大 不 復 闕 典 如 備 傳 者 東 載 以 都 微 有 竹 ^ 特 汀 册 薛 有 事 先 府 居 法 洂 生 元 正

學師 承 記

宋人筆記 不 克、李燾、李心傳、 詳 即 褒 撰《南 貶 亦 失 都 陳 其 事 均、 食。 略 劉 **>** 以 君 時 續 聞 舉 \pm 而 所 善之, 偁 撰 之書 之 書 取 詞 及 能

簡

事增,正史不及也

中。」百不失 Ŧ 皇 孟子述義》、《穀梁 》,皆實 計 一朝 總裁問 君嘗預修國史,館 大臣 事 謚 ,求是,爲 一,咸 以 迹録 某 訝 事 正 學者有益之書 以 · 答 中 輶 義 爲 \Box 神 收 軒 》、《韓詩 : 貯 人焉 日記》、《 在 先 某 朝 内 撰 册 史 南 傳 述 册 第 江 攷 又 幾 以 文 × 有 數 自

游 品 出 奄 要之門,所以 於正 寺亂 習 也 君 聞 在 中之外。 政及唐、 君 蕺 日 少 Ш 下, 從 迥 南 魯 Ш 迎翔清 教 雷 自 陰 授授 之説,於 王 君 劉 生 署二十餘 謝 本末,從容 文 徒 世,而 蔚 以 豹 自 明 君、 .給,足 年, 季 南 黨 談 江 童 而 一之文 論 禍 君 不 官 往 緣 止 詣 起 獻 往 樹 權 四

任 大 椿

之學。 《子田詩 東 監 之。 諸 甲 卷、《字 原 察 第 生 同 御 乾 時,與同 任大椿,字幼植,一 著 名進 林考逸》八卷、《 舉 史。 隆 集》四 有《弁 於 庚 鄉,於是習聞 士,授禮部 辰 充四庫全書館 邑侍鷺 . 卷。 科 服 舉 釋例》十卷、《 人。]1] 主 0 朝 字子 小學鉤沈》二十 事 詩 其論 三十 纂修官。 轉 歌 Ď, 説,究 深 郎 川 唱 興化人。 年 和 衣 中 釋例 己 心 藝林 子 陝 Н. 漢 田 西 卷、 儒 爲 與 道 稱

口 . 有 歸安丁 小疋名杰者, 謂曾 著

0 及卷 辰。 任氏《墓誌铭》、《 庚辰」 案諸説皆是,今據改。 七《選舉 原 作 表 「壬午」。 咸 豐 皆記任 重 姚 修 鼐 興 氏 惜 化縣志》卷八《任大椿 中 抱軒 舉 爲 文集》卷 乾 二十五年庚 所 撰

子田 署其 林 考 似 名 逸》一書,稿 非 作 竊 書編告同 人書者。 本 存 人, 今其 子 田 處 族 時 子 弟 傳 兆 以 田 麟 爲 竊 又采 笑。 其 書 獲 然 而

百

Ŧi.

+

餘條,爲《考逸補

正影云。

二條。 收」一條在五月,又 IE. 「主夫出火」一條在三月,●又移「時 嘗注《夏小正》,本鄭 兆 王光 麟 字字 禄禮 文田 堂 震 序,以 爲 澤籍 補入「采芑」、「雞 爲「確當絕 仲師《 諸 生, 周 薦 官 舉 有見稊始 倫 注 孝 始 也 》,移 廉 乳 方

閣 己 疑義 庵,十三經義 西恩 學 弟子中 士 吅 兼 科 之, 禮 胡 應答 以 部 長 疏 侍 龄 經 皆能 無 郎 術 榜 滯 著者 以 闇誦,不 義 第二人及第。 乾隆 Щ 陽 遺 丙 汪 一字,舉經史 午 廷 珍,字 科舉人, 今官内 瑟

己 覽 西 群 恩科 籍 胡 長 , 説 第 龄 經 ,字西庚,一字印渚 以 人及第。 康 成爲 宗。 今官兵部 乾 隆 通 侍 癸 州 卯 郎 舉 博

洪 榜

人。 科舉 則伯 皃 召 曰:「詞霏玉屑, Ŧī. 試。 卒年三十有 人。 知 優於仲。」朴授 **,**補 洪榜,字汝登,一 於文 邑庠 梁文定公國治 丙 定, 申, 生。 應天 乃 Ŧī. 從 乾 中書 則 津 遊 隆 字初 弟 召 至 Z 而 勝 時 試 晉 酉 於兄; 榜 爲 選拔 第 旋 安徽 未 歙 獲 中 一, 授 縣 雋 文抱風 學使,評 與兄 乾 人 然以 中 隆 也 書 戊 朴 文 舍 子 其 口

賦

應

+

於 因 鄭 經 學。 榜少 康 成 與 著 易 同 有 費》 郡 明 戴 作 象 君 ^ 東 述贊》二卷, 未成 原、 金君 書, 終於 輔 其 之交,粹 解 益 周

0 夫」原作 序》皆作「夫」,今據改 「火」、《大戴 記》、 任 氏 《夏 小 IE 注》、 Ξ

章

釋 蓋 字 撰 病 義 録 + 沭 E 易 H 公諸 中 篇 典 其 其 永 四 每 又 ·舉 多 (書宗江 詁 切 . 聲 書 字之上, 初 以 当皆 所 字 訓 後》、 均 詩 堂讀 字 著 本 六 留 和 經 未 母 畀之火, 百 兩 表》五 古 戴二家之説 卒業 心 書 「 見 、 「 春 漢,行 奇 以 + 義 記》、 秋 遁 定 有 録 一卷、《示 公公羊 有 之 六 × 喉、 唯《 \sim 溪」等 文 初 術 唐 如 詩 吻、 是 新 傳 堂 而 易 先 以 兒 經 書 安 字 例 加詳 舌、 隨 古 秦。 其 釋 切 大 增 注 × 筆 義 典 術 語 齿、 好 補 於 焉 **∀**, \ll 録 又 犯 論 紀 百 唇 廣 明 造 許 語 \equiv 卷。 麗 平. 儀 ^ 聲 Ŧi. 韻 物 古 生 + 氏 禮 書 音。 学之 忌 均 著 久 經 義 + 巡 九 江

榜 鄉 孟 以 里 子 爲 爲 字 人 生 功 義 平 律 不 疏 身 學 在 證 問問 以 禹 之道 Œ 下。 當 待 時 撰 服 讀 人 膺 以 者 東 戴 誠 不 原 氏 能 氏 以 通 行狀》, 孝 戴 其 友 氏 義 著 所 載 惟 作 於

刊

行

今行 君 其 必 與 載 意 口 彭 也 謂 狀 戴 進 衛 素 氏 士: 藩 戸木 道 可 是 載 之 傳 時 此 · 書 》, 儒 者 在 書 不 矣!」今録 旲 笥 乃 在 下 河 東 此 見 師 _0 原 其 見 榜 子 其 之, 書 乃 中 文 上 歎 立 日 於 删 書 \vdash 左, 之, 辨 可 論 文 洪 非

家 筆 卓 指 辭 者 更 士: 志 先 日 法, 一, 加 示 於 大 : 絶 書 其 牛 在 程、 \leq 略 退 墓 行 洪 其 漢 以 有 念 此 可 石 實 榜 學 所 朱之外 西襄 閣 = 不 頓 自 立 俾 嘲 下 必 頃 首 説, 榜 漢,宋學自宋,今既 其 · 今 爲 其 奪 載 承 笥 聞 復 遺 不 面 彼 河 命 有 性 孤 得 謂 學 諭 與 先 唯 與 中 論 者宗, 復 程 此 生 唯 以 天 V. 説 有 ; 閣 朱 狀 道 稽 惕 平 異 其 F 大 非 ? 不 中 首 同 於 賢 漫 可 所 閣 尊 謂 戴 前 疑 詳度數, 載 得 下 云 重 V. 經 氏 者 於 之門, 爾 不不 聞 答 身 生 緣 所 具 者 彭 貴 隙 制 敢 狀 口 何 精 奮 其 行 傳 進 求 戴 晑

恐閣 以 知 學 揜 訓 無 表 德 而 所 辭 故 者 曾 乃 F 至 章 長 尚 仰 戴 以 不 無 其 未 氏 彼 見 溢 可 盡 之意, 吃吃, 閣 美, 復 或 察戴 涉 下 謂 及 論 稽 儒 氏 使 有 性 學之嚴 所 古 生 冷榜 调 命 以 守 口 辭 日. 之旨,反 論 殘 勉 得罪,不可 述之心, 而 制 蓋 謂 爲 閣 辭 是 之慎 淵 述 下 聖 之旨 與 所 淵 賢 以 榜 單 短 不 終 所 然 出 道 口 以

賢 行 豈 之 以 釋 説 陸 了**,** 立 學。 卓 獨 老、 Ξ. 耳 而 絶 陽 夫 身 釋之似 之失耳 非 朱 戴 閣 巾 爲 制 闢 氏《 下謂程、朱大賢,立身 儒 大 行 老 唯 書 賢,立身制 卓絶 與 亂 ; 其 釋 非 彭 援 周、孔之真,而 如 也 進 正 周、孔之言入老、 是 即 士書》,非 陸 闢 使 老、 王 王 行 夫後之學者實爲老、 後 釋 卓 也, 儒 亦 絶 難 皆附 小 闢 大 制 程、 陸、 生 賢 老、釋之邪 行 釋之 \overrightarrow{y} 於程、朱 朱 閉 王 卓 也 身 亦 絶 一, 正 教 不 大 制 ;

> 書,非 此 之言 其 事 者 雖 乃 敢 老、釋者、幸漢、唐之儒 少 ',繆戾 解 雖 周 謂 過 道 昭 皆 周、 孔 如 先儒 人 昭 寧 故 此 者, 甚 之微 孔 如 疑 爲 不 所 明 知 彼 不 周、孔 口 異 則 抵 矣 是過 必急急然 哉 同, 目 以 又 排 强 不 附 者,特老、 非 是 通 不 則 援 況 緣 過 敢 何 程、 周 隙 正 抵 使 也 以 疑 之 朱 西襄 而 程 孔之書具 生 釋之粗 程、朱; 嘲 也 排之矣。 た、朱 以 一於其 誠 , 使 非 而 然 前 小 老 老 欲 則 聞 而 3、發於 在 奪 釋 後 釋。 戴 其 今論 其 ·, 苟 彼 學 之 氏 精 才 得 其 智 與 者 彼

異,凡 爲 爲 著 心,亦不 書立 賈、馬、服、鄭之學者 漢 學,心性之説 至 以 説 謂 自宋 勸學立教 者多 治經之士, 以後 及之。 丽 興 賈、 른 宜 也 其 亦不 馬、 有 辭 周 惟 家 雖 末 服 得 老 法 殊 諸 聃 詳。 鄭 子 非 其 及秦、 莊 所 爲 意 夫言 周 不 宋 究 之書 詳 學, 漢 性 無 大 今 即

六

結 者 異 其 矣,然 旨, 有 以 不 V 力 盛 學 乃 二氏 外 合 本深 有 ,則又專 渞 可 闢 盛 而 求之《易》、 有 緣 之非 柳子 佛、 其 不 也 也 m 興, 沖 斥 而 飾 之返其 水於老 可 者 遺 書 ...虚 老,作 而 未 其 解。 歷 其 厚之徒, 本 之説、真宰之名,不 用 此 往 敢 諸 説 一、釋 中, 唐 淺 ПП 説 往 性 大大 魏 以人 佛 爲 之 於是讀《易》、《論 其 妄 工其説 論 譬之知石 與《易》、 情 Ŧ. 書 末 暢 時 無 謂 語 原 出,後之學者 氏 而 儒 流 玄風。 佛氏 足 草韓 道 復其 逮 之注 書 人 亦 道 而 宋 》等書, 也。 中 \wedge 雜 氏所罪 之説 論 而 所 初。 之 與 譯 於二 士, 唐傅 不 謂 語》合, 初 何氏 者 至乎昌黎韓 寄於事,不由 人 知韞 使學者 亦 魏、晉之間 家, 行,往 者其 雜 易 語》書者,或 此 適 奕曾言 人既 之集 以 論 此 往 於 不 玉. 老、 迹 此 紛 則 執 龃 昭 論 深, 解 也, 彼 其 紜 官 是 孔 然 莊 時 語 氏 其 其 説 古 其 子 忿 則 知 事 之 此 爲 於

> 乎老、 之辭。 戴 之,亦知 亦 默 明 言 無 書釋《論》、《孟》矣。 此 亂 氏 精 往 之矣; 不 氏 而 性 是 弊 周 者 作《六一 往先從事 弊,而 矣 可 了; 孔 己 日 以 釋之旨。 所 以 而 彻 深,至於姚 戴 之真 謂 説《易》、《 如 默 其 今學 居士 氏 理 其 所 而 於二氏, 如 之非 (), 識 道 説 以 己 使 集序》 使其 者束髮受書,言理言道 之果 心 也。 賈、 爲 者憂之」 江 私 性 論 理 彼賈、 因 王氏 馬、 於其學, 説之果是,則 之云,則 語 非 前 道 日 即 》之書。 心 之二説 服、 則 也。 以 新學 之學行 性之説 馬、服、 其有 治 鄭 皆 而 經 以 生於 宋 榜之非 閣 六經 是 者 佛、 得 者,往 鄭,當 煕 將 則 以 於二 下 古 是 寧 老之似 荷 孔、 從 直 眉 不 時 言 以 氏 私 而 往 Ш 時 口 以 後 於 孟 佛 則 發 雜 之 以 蓋 心

之不 可學 至於 前 聞 至。 道 之名 如 閣 不 下以 可 輕 此 爲慮 以 許 此 其 猶 猶 聖 腎

之間 曰《孟 之學者,無馳 之學,其 莫備於其論《孟 乎後儒之見也 夫高談深遠者謂之知道,不言而 聞 之義 也 表 之 心必自! 道學。 揚之者,亦 道 子字 訓 在是矣。 ,孔子稱 故 有 及夫治 戴 義 圃 功 此 氏 已矣,度數 心 於六經、孔、孟之言甚大,使 疏 古 始 證》焉 於 雖然,安可以自 子》之書,而 曰「古之賢 不在 經訓 戴 孟 也 高 氏 子 妙,而 是 謂「 所 者 耳。 惟閣 也。 不 謂之儒 而 聖 已矣。 道 人。 然則 明察於人倫 下 人 所以名其書者, 一**,** 而 夫 裁 人倫之至」,首 戴 林 棄乎哉 察馬 非言性 榜 躬行者謂之 夫聖賢 要之, 氏 所 明 論 望 性 性 戴 命之 庶 於 道 不 道 後 物 氏 閣 者 若 可 身不 卯 得 以 學 礙。 議敘 優 解 貢 哉 及

謂

未

陽

旨

府 戌 成 知 府。 進士 榜弟 梧,字 ,授庶吉 博古通今,兼工 桐 士,散 生 克乾 館 隆 詞 庚子 授 翰 編 召 修 官官 試 中 至 書 沂 州 庚

榜 同 邑有 汪萊者,字孝嬰,藩之密 友 也

> 其義。 十三 ×, 南 秦 生。 惟 相 刊 尤 以 經注 人有 善 九 顧 見 行 教官 大學 韶 於 曆 君 疏 以 噫 立 世 算 千里與 》皆 用 士: 疑 ! 天 通 能 選 與元 禄 義 元 過 中 背 康 石 問 孝嬰二人而已, 矣。 西 薦 誦 埭 法 和 者 修《國 之 如 縣 不 李 然 觸 術 流 訓 合, 尚 今之學者,大 類 著 水,而 導。 之鋭 史 遂 旁通 天文志 有 如 深 論 又能 略 寇 於經 烏 衡 開 仇 口 齋 方 無 心 學, 多 江 算 終 題 窒 通

通 經 舉 於鄉,辛未成進 達 孝嬰之友有歙 史,工詩古文,亦瓌奇之士 人羅 士,選 子 信 庶 吉 者,名永符。 1; 也 善讀 1

人 亦歙 及 第,授 人 洪瑩,字賓華 也。 修 撰 ·, 甲 淹 通經史,五經皆有撰述, 子舉人,己巳恩 科 第

汪 元 亮

年。 作 君 君 經 古文而已。 第,以教授 王: 結 諸 易 车 以 養及六書之學。 詩 生時 作 所 -, 與 孝廉 疇, 社 汪 時 有著述, 於城 元 戴君東 有文譽 論 不 **然終**,命 元亮,字 字 生 省 詩 東, 徒 文 人 於疾 也 自 原 明之,一 睥 事 則 與 C給,從 夫 同舉於鄉,相親 睨 推 平生論學,則 同 作 日 1 餘子,不可 郡 古 夕 時 少 農 游 字竹 余古農 ПЦ 皆投諸 時 者 師 駡 得 多 香 元 狂 掇 師 纏 屢 推 火,僅 善,乃 疾, 科 上 綿 <u></u> 東 薛 和 第 一公車 幾 忽 原 人。 香 去 存 己 及 究 乾 聞 + 詩 忽 不 程 心 降 而 爲 師

廣 森 李文藻 桂馥

孔

扶 有 幾,居大母與父喪,竟以哀毀卒。 淡於世情,陳 卯,成進士,官檢 曲 阜人。 Ŧi. 病 奔走 孔 廣 森,字 江、淮、河、洛 年 十七,中 情 歸 衆 討。 養。 仲,一字 乾 旋 忽遭 間, 隆 T 戊 撝 卒 内 家 約, 子科舉 卒 艱 難 無 爲 又字顨 服 卒年三十 歡 翼 訟 悰。 所 補 官 未 辛

氏 文,汪明經 秋》之學。 遺書 少受經於東原氏,爲《三 $\dot{\Box}$ 中、孫觀察星衍亟稱之。 能 作篆隸, 書人 能品。 禮》及《公羊 尤 其序《 Т. 駢 戴 體 春

開 經, 坐侍中於 著學官者凡十 緬 惟 樂遊 重席 講 藝, ·四家 訪 時 太傅 則 ,説「稽古」者 玉 於 羊 石 既 渠; 遠, 成 金 元 數萬 虎 H 初 談

帖括 也。 字。 好 黄 聖 義 敠 蓋 缺 廢 不 ?學,信 能 鄭 文, 原 之 末士 之詞 其 至若五 夫 是 法, 可 Ŧī. 屏 悉 農 君 學 視 以 授 而 明 更 之 晚 有 月 祖 受, 好 疇 經,原 後 獄 註 之 是 出 之前 優 古 本屬參 克 定。 淮 儒 六沴之徵,定君 劣者,時 非 惟 庚言、紹彼 縦 ; 南 師 求青 漢 於 南 横 特 博 沿 戴君見之已。 商 或 異 ± 以 紫。 士之傳 之 也 ; 浮 説 苟 腐 後 敘 ; 屠 通 先民之作。 儒 但 别 其 經 葉。 經, 不 炫 創 遵 陽武; 三科 世 有 能 視 先 干 甲 顯 皆 北 年,未睽 改經天之 天; 令, 漢 晦 能 方 者,數 戎 致 相 敏 粗 謬 顛 馬 用 仍 驪 倒 昌 而 知 七 精 式

之書 燼 黄 州 序 乃 而 君 小 猥 或 以 僅 序 有 誤 梅 存 航 白 援 姚 頭之字。 篇 售僞, 伊 月 舊名 訓 采 \ll 孔、蔡謬悠。 北 《古文》一卷,衹 滋 豐 斗。 元 刑 年 Œ 正 遘 一謨、攝 月 妄云 之 赤 眉 疑 出 壁 而 ; 下 强 \Box 歷 西

> 爲《尚· 翦 市 執 除 本 周 假 書義考》未 自 官 託 兩 \approx 折 非 推 衷 ; Ŧi. 群 議 成, 服 淆 瓜 ,成《堯 驪 朝 步 Ш 之 驟 典 解 良 Ŧi. Ξ, 無 卷。 譬之争 目 是。 録 四 年 是 鄭

之刺。 貽玖; 嬰。 是觴 未成,成《周 或云 多識 莫不假聲 源 又 何必 爲《毛鄭詩考正 以 於牟、 託 之 要 欲 諸 所 南 聞 色之音 資 四 妙 注 Ŧi. 河, 也。 ; 文 際, 鄭 或 南 以 ; 雖 尚 箋 云 **>** 意 交扈羅 其 論 四 破字,每 一造諸 逆志。 卷。 篇 卷, 四家。 冠 别 東 鴛,實爲 以 爲《 海 誠古 敘 毫采 毛 詩 傳 然 擇 訓 於 孤 陳 嗣 焉 之所 轅 行 音

德 東觀 耳. 喪服 相 明 參 中文,遂分《 君之人 釋文》,彈求 廁 檢 經之傳。 頗 書局 有 整 淹禮 也, 豕亥之差 齊 爲《 西 儀禮 京 削 康 乃 容 IE. 成 取 史, 夙 期 誤 忠甫 長 復 衍 鴻 善 卷。 之條 都 識 徐 之 誤 生 舊 ×, 退

杰 有 嫁 甬 朝 Ŧi. 多稽 爲。 女之器,未 **塗** 首 五等琮 # 鄭 奠水 列 桑未 諶、 鎰 將 斤 巾 幽 無 璜 車 懸 有 鎛 競 之 心 ; 則。 之篇 孰 爽。 所 皆 槐 九 辨營 畫績,梁、 _ 真 ; 里 經 備 尋 爲《考工 博空,椎 九 筵 單于 丘 遺 緯 之夕 既 事 度, 營國 聶 職 賄 記 成 之所 漢 啚 遂 劍 以 穹蓋 有 之銘,何 知洛 没。 至 方 更釐 卷 肆 ; 星 大 縣 邑 Ŧī. 弓 不 嘗 夫 舞 之 溝 之

溯 備 魯 次 削 齊、秦委武,莫識 增 禘 分 以 卷,冠其《文集 焉 嫌 於 布。 冰 於積 || 者冕 道 Ŧ. 繢 芾 旒 學 繡 水,示 形 服 起 璪 連 以 周 तां 飾 帶, 稱名,殷、夏圜 祭, 》十卷之首 壇 儒 丹 祭海 饗 制 林 雞 弁服 之祝。 帝,大裘降 衰, 異 於先 於直方 以 性 朝 河 理 等威 章 賱 祭則 ; 爲《 一,焉能 繁露之華; 而 屨 昭 《學禮 衣 曲 焉 色從裳 文質 考據 純 臺 篇 絶 朝

且夫一陰一陽之爲道,見仁見知之爲

訓 醇。 明 性 注 卷、《孟 彝攸好; 寂 理 者先。 具. 各一 誦《 即 通 其説 靈 稱 於六 周 子字 卷。 孔提可 希 空空,其 豈有 雅 聖。 則 籍之爲學,辨 義 君之學術,此其 教 師 略窺 疏證 信 案,漢學非 木之箋。 智 見 洛 者 語 小小小。 》三卷、《大 黨之 得 録, 於 所 便 謂 盡 萬 譌 蓋 詡 謂 大端 學 善 繹 事 知 受中 遺 八學 ※ 爲《 疑 之 鄭 天 歟 象 爲 君 孟 ; 《原善》 自 芒 中 氏 生 解 理 天, 秉 庸 質 之未 斥 則 補 之 陽 謂 悟

朝; 絶代離詞 奇編,不 藝之鈐鍵。」虎闈 首基之文, 景純 下席 皆轉 有云:《 而 注之指 問 觀 小學 於 古。 爾 Ŧi. 雅 *,未束 歸,亦《凡 始。 故 》者,九 辨 髮 至 言 一於殊 之 而 流 將》之墜緒 知 樂 之津 書; 對對 方 别 涉 於三 豹鼠

解 字》。 書教 若乃部分平仄,母 有六,最 夥 諧 聲。 别 叔 見 重 溪。 無 雙, 官 家 惟 恨 傳 爲《

爾雅文字考》十卷、《方言

疏

證》十三

引墨。 之新 信。 發周、沈之舊聞 狹,羊戎之所 古 君 人韻 爲《聲韻 審 其 緩 自 清 了; 止 爲 ; 濁 (考 || 四 上協《詩 屬 導 天 椎 子 以 卷、《聲類 輪 源 聖 ; 》、《騒 哲 後 流 世 梁 表 旁通 》,採顧、江 音繁,實 武之所 $\overset{\odot}{+}$ 反 卷。 紐 精 不

雅 湘水搴芳,續榛苓之逸響。 愛三 爲《屈 於是 (招))附 間。 辨 原賦 以 韻之餘 而 爲 注 不 娀 洲四 可。 臺訪 留留 卷 核之《漢志》,名從主 觀 女,近窈窕之遺聲; 白 叔師 氏 注 研 音之下 而未詳

記 何 元 方,輒 商 能 晦 高 爲《九 以之存疑,季 讀宅柳之經; 而 積 自 薄 耳 矩之言 疇 九九之賤技。 聽 人分散,鄒 章補圖》一 下士,穴見 ,八線西 未 通 大失居。 以之强 卷、《原象》一卷、《古曆 曉 哨壺: 小 倨 來, 儒 句 斗 五 不 説 竊 何 九章中落, 師 知 能 ,律管徑 未知 氏 治 Ŧi. 旁要之 Ŀ Ŧi. 紀步, ー 輿 之 之 開 昧

考》二卷、《曆問》二

圖。 卷、《 詩 絡 》,即 《直隸》 酈元故籍,證其 昔趙 爲《戴 涉七 河 商 渠書》六十四卷 難《 氏 州 禮》,先 水經注》四 之地。 緜 求 君 褫 Ŧi. Ш +; 服 崑渤 Ш 卷、《 之方; 能 説 水 今流,條 、地記》 郡 景 縣 伯 其 成

脈

書,逸《 計。 之陵,通德人亡,不待嗟蛇之歲。 車方 下安輪 道, 師 雖 無年,三歲之瓊瑰已夢。 命曹襃以 ; 復辨 可謂 賜 上 豈謂陰堂告祲,圓 嗚 禮 蔡 呼 於 卿 於 深矣。 | 難 定 通 訟 都 1 Ŧī. 儀; 更; 侯 尉, 闕、《公羊》未必 君 其 向使壽之以 之著書, 西 置立。 授梯 君 大予將 行受業 Ŀ 几 從 石 而太 於鴻 清明卷 成 可謂 鐫 游,録 名。 則 Ш 詔 臚。 年,行 能 博矣; 郡將,北 宋 何 佚,長封下 牒 明; 然而《太玄》 登 湯 雍 庶 經 其 既 宫 而 子 君 多 之寫 貴 所 持 未 駿 於 面 節 建 馬 移 萬 定 輜 稱

絶學 覆 其 部 (有補。 ',倘 終遇 百 相 悲懷逝者,延佇將 載 譚 而 都 重 養 興 陳 謨, 戴 氏 彌 來 遺書》,於 尊 伏 勝。 鄭 鄉

矣 ! 則於 集》二卷。 古 廣 森深 也 ·有《大戴禮記注》十三卷、《儀 於 世 戴 人 徒 氏 之學,故能 賞 其 文 河詞 之工 義 探 一,抑 其 鄭 原 堂 亦 文 末 言

之婿。 進士。❶ 廣 森之叔 涵字 繼 官 涵 至户 葒 深 也 谷, 於《三禮 部 乾 郎 隆 中。 庚 辰 其 校 科 子 刊 舉 廣 微 根 0 波 辛 榭 東 卯 叢 原 成

明 記 茝 文藻天資俊 年 畹 補 篇,仿《赤 ് **ദ** 百 成 邑 時 進士。 戸産 先 有 生。 世 朗 李 自 南 ,年十三,從父遠 壁賦》,見者 久之,謁 乾 棗 磵 隆 强 者,名文藻,字素伯 遷 己 選 益 卯 廣 都,遂 以 中 東 爲 式 恩平 遊 神童。 本 爲 曹家亭,作 省 益 縣 <u>二</u> 十 知 舉 都 縣 字

0

去手。 善 觀 文藻哭之慟。 世 官 \equiv 椎 巖 僕,忘其名, 有 年 俗之學。 拓 政 俸 崖、 績 又 滿 攜紙 石 好 粤人至今稱之。 擢 「壁,必 聚 碑 墨 桂 生平 大 書數萬卷,手自讎 版 以 林 拓 從,有 文字, 停 府 樂道人善、表章潛德。 摩 驂 口 崖 所得, 搜 知 游 刻 討 歷 石,失足墮 未 性 所 及一 盡 好 有 至, 拓之。 僕 校,丹鉛 博覽,不 年 劉 學官、寺 卒。 福 又有 死, 者, 爲 不 如 居

0

0

是,今據改 成進士,官户 誤。 辛卯」,原作「辛巳」。 方綱 撰 部 墓 河 南司 誌銘 主事兼理軍 近 『君 藤注: 以 乾 「一辛巳」爲 需 隆 局 庚辰舉 事。』」案近 『辛卯』

裁 廣根」,原作「廣栻」。 亦謂 一涵有子五人: 考見《近 根 又爲吾 藤 廣村、 注》,今據改 師 之婿 廣 據翁 根 方 廣 綱 故 休 所 東原之婿 廣 撰 閑 孔 廣 涵 當 椎。 確 爲 又 誌 段 銘 玉

誌銘》作「茝畹」。今據改。「茝畹」,原作「茝晚」。錢大昕《潛研堂文集》卷四三公

里目 德州 君慎 濟 陽張處士稷若、元 修 爲 梁 癡), 訪 鴻 人,文藻 翥 其遺書刊行之,名曰 , 窮老 篤學,月必 一見奇之,爲之延譽,遂 和 惠徵君定宇、婺源 誦 |《貸園 九 經 一叢書 過, 知 鄉 江

Ш

左之翹楚也

世

重其技 解字 補 四 雲 科 義 南 舉 曲 阜 證》五十卷、《札樸》十 , 擬之文三橋 人, 庚戌 永 平 桂馥,字未谷, 縣 知 成 縣 進 士; 云。 卒於官。 亦深小學。 選教 所著有 卷。 、授、保 Ι. 許 篆 氏《説 刻 舉 乾隆己 知 世 縣 文 人

事。 沂 懿 111 行 摽 著 字 近 竊 有 恂 日 ⁽山 膚 九 Ш 淺 棲 左學者,以 海 者 霞 經 **岢** 注 口 》,乃實 同 嘉慶己未進士。 郝 日 君 圃 事求是之學,若 懿 莊 行 哉 爲 巨 擘 官主 焉

尚 藩言之。 書》。 棲 霞 趙 後 又 君 有 晤 牟 萊 北 廷 陽 嵐 趙 相 乾隆 字, 字 君 曾, 默 己 始 酉 人, 覃谿 - 舉 知 其治《今文 人,分發江 學 士: 爲

爲《今文尚書》、《三禮》、《左氏春秋》之學,亦蘇以知縣用。性好古錢及金石文字。治經,

稱之。 外 理之説 當 談 中,故不爲皮傅之言也。 候 時 其《雪帆 補 裔 以 又有 同 Ш 俗 後見所著《雪帆雜著》一 知 Щ, 不 濟 吏目之,失許 雜著》,金溪曰 在 瞭 寧進 深 朏 如 於興 明、 指 士許 地之學,亡友凌君 掌 祖 `, 蓋 君 禹 君矣。 鴻 之下。 在 : 几 磐字 京 方 許君曾官 師 經 册,皆 漸 其 與 緯 逵者 論 戴 君 洞 辨 内 次 金 徹 駁 仲 安 地 揮 溪 地 徽 胸 及 呕

397

其所 生。 謂 發。 好學篤古,尤邃 通 人矣。 喜爲 作 所 又有 《釋稷》 有 詩,與 膠州 著述,秘不示人,於趙 王夏,字 於經,其持 高密詩 篇,穿穴經傳,義 蜀子,號 人李少寉 論多發 君 大村。 兄弟 明 北 前 詞 嵐 人所未 ·友善。 達, 處 邑諸 見 口

國朝漢學師承記卷七

甘泉江藩纂

厚耀

陳

歸 背尺寸, 算 年 曆學,召見 里。 ●遂通 丙 戌 陳 進 厚 厚耀 耀 士 中西之術。 試 一, 學 字 具劄 以三角形,令求 問問 泗 源 進呈,稱旨。 淹 通, 李 泰 從 相 州 人。 或 梅 徵 光 中線 旋 君 康 地 以 薦 熙 文 省 鼎 V 四 厚 親 問 耀 受 + 乞 曆 弧 Ŧi. 通

算 至 密雲,),問: 戊子,特 命寫 知此 命 筆 法否 來京。 算 ? 力 進呈。 對 己 丑. 日 : 五月, 少 皇上 頃 駕 出 此 幸 法精 御 熱 書 河 妙 筆

> 間 得 徑 周 百 百 爲 不 所 測 能 其 簡 里,地 地 尺 測 景 測 細 便, 地 六十度,依周尺每度二百五十里,今尺二 高、❷映小爲大之異故也。」又問:「地 準,以地 徑 地周 之法。 長 北 睘 推之,地徑二萬 心 臣 貫想, 短 二萬二千九百一 極 出 周 法 用用 九萬里,今尺七萬二千里。 出 何 上有朦氣差,以人目視之,有 不 幾 若餘節氣,又有 地高 書 檢八綫表,可得 以 可 何? 待 用 對 下否?」對 朕 以 地 問。」 Ŀ 四 ^ 徑 諭 千,以密率推之,當 周 十八里有奇。」上復 幾 次 \exists 髀 何?」奏云:「依 加 : 日 曰:「若 算 高度,此乃 減之法。 一, 又 經 朕 問 將 曾言之。 教 日 將 以 汝 : 二分 儀 韋 周 升 然 卑 器 亦 汝 汝

- ●「梅徵君鼎」,即「梅文鼎」,今據補「文」字。
- 0 方爲完備, 升卑爲 「升卑爲 高 高」, 江 原 氏删省不當,今據補之。 方與下文「映小爲大」 作 卑 高」。 《召 對紀言》與《疇 相 對 FI. 人傳》皆 語

紀》: 故 間 有 地 知 其 差 西 何 皆 爲 以 睘 言 與 見 繞 睘 其 Н. 地 形 東 睘 调 相 西 也 合 測 ? 唐 故 景 對 益 有 几 知 匝 時 \Box 其 差 皆 : 爲 生 \sim 南 睘 協 職 北 所 方 測 居 外 星

觀 甚 齋 時 去 景 虚 不 蘇 一,厚耀 詳 御 幾 擬 必 是 州 珰 何 前 法 用 何 府 時 帝 難 之法。 寫 厚 法 教 1 陳 王大 隨點之, 反 耀 示。 綫 授 列 覆 厚 以 表 儀 並, 事 耀 E 又 0 13: 未 器 奈 求 及 從 E 命 年 踰 即 指 天象樂律 何 容 用 高 年, 至 以 召 示, 不 勿 諭 規 座 西 至 召 講 尺 日 旁 洋 上 忍 西 人 書 : 隨 定 \Box 離 煖 南 \sim Ш 啚 意 位 嘗 : 閣 堯 書 即][乃 作 法、 召 此 房 典 形 就 詢 兩 人 得 開 法 教 問 至 敬 點 兩 其 方 職 於 家 得 淵 授 問 點 法 精 世 徧 鑒 人 相 紙 測 得

科 中 從 至 傳 熱 旨 河 命 : 賦 上 ^ 泉 道 源 汝 石 學 壁 問 詩 好 授 授 汝 中 京 書

> 喪。 原 院 甲 瓜 法。 易 書 在 算 梅 官 百 官 午 菓 折 尚 修 於蒙養 法 瑴 文算指》、 使 等 致 撰 服 中 瑴 近 成 汝 1 將 克什。 × 充 翼 仕 日 成 算 内 老 就 字 齋, 至, 精 戊 晉 艱 學 13: IF. 典、 准 命 戌 或 E. 甚 喜 賜 於 癸巳 嘉 西 會 子 問 深, 彼 也 賜 向 量 算 洋 試 監 ___ 矣。 帑 曾 算 今命 書 儀 法 同 司 : 又 銀,著 受 指 成, 考官 器 業,擢 原 諭 乃 教 汝 **≫**, 來 本 命 特 厚 金 於 知 江 × 京, 幾 厚 耀 授 扇 汝 陳 左 蘇 己 《 算 何原 耀 翰 祖 厚 \exists 與 亥, 諭 松 織 林 : **今** 耀 汝 德 造 花 法 瑴 告 本 院 否 纂 口 兼 經 成 汝 汝 石 **≫**, 病 編 翰 紀 要 修 嘗 硯 並 祖 修 周 林 其 及 修 若 他 算

孔 子家 所 著 語 書 注 有 \approx \wedge 春 左 秋 傳 戰 分 或 類 異 **×**, 辭 禮記 \forall Ŧī. 分類

二六

諸説,❷以 預《長 引漢、晉、隋、唐、宋、元諸 十七史正 長曆》十卷,乃《左傳分類》中一 及曆》而 證 譌 作。 推步之異。 》及天文曆算諸 其凡有四: 又引《春秋屬 史志 一曰《曆 書。 及朱載 門,爲 堉 證 賢辛 曆 補 》議 杜 書 備 杜 之。 朔 日

秋

考證。 預論 春秋曆考》一條 日月差謬一條爲注 曰《古曆》,古以 亦《唐志》所 疏 + 所 九 未 無、人大衍 年 ·録、尤足以 爲 一 章 一 |暦 資

十二公,積而成 後以《春秋》十二公紀年横 章之首,推合周 表,以求 曆正月朔旦冬至,前列 香元。 列爲四章。 三日《曆 算法, 縦 編 列

説 之大小,而以 舉《春秋》二百四十二年,一 而 考辨之。 經傳干支爲證 四曰《曆存》,以古術 一一推 佐、皆 其 述 朔 推 隱 杜 里 公元 預 及 之 月

> 較《長 秋世 裨。 耀 朔 因退一月就之,定隱公元年 月之戊申又不能合。 年八月之庚辰、三年 精 里 治《春 族 於 蓋隱公元年以前 食、桓公三年七 (曆)實 曆 譜》一卷,亦《左傳分類》之一門也。 法, 與 秋》者,不可少此編矣。 (退兩 杜 視預 曆 月。 相 爲 符 密,於考證之學尤爲 十二月之 月壬辰 故 · 非 推至僖公五 且隱公三年二月 不復 失一閏, Œ 朔 續) 庚戌、 月 日 載 食, 爲 年 乃 焉 又有《春 止 庚 多 亦 几 辰 里 蓋 以 皆 己 年 與 朔, 失 有 厚 F 巳

閨

';以

經

傳干支排次知之,厚耀

則

謂

如

預之

0

古

術

所

推

之上年十

月

朔

謂

元

年

-之前

失

年

正

月

庚

戌

朔

杜

預《長

及曆》則

爲

辛巳

朔

乃

⁰ 曆 曆」等同; 清高宗諱 層」 存」、「曆法」等字之「曆」,原文又皆作 原文作「術」。 與陳氏原書相 而改,粤雅堂本已皆 又「曆證」、 此段中下文之「長曆」、「古 「曆書」、「曆元」、 符 改作「麻」,今皆從之改爲 一周 律」。 曆」、 曆」、 皆 曆 爲 游

^{」,}初刻 本及他本皆誤作「戴」,今改

程 晉 芳

售。 吏 由 趙 徧 Ш 部 中 觀 陽 此 書。 饒 員 乾 察翼、蔣編 名 性又好客,延 程 外 隆 晉 H 於貲。 芳, -+ 郎 後 高 + 而 字 與 七年 年,始成 家 修《 喜讀 修 魚 H 士: 攬 門 -, 高宗: 四 銓 替 四 書,蓄書 庫 爲 方 矣。 進 全書 字 純 詩 名 ±; 蕺 皇 流 歌 累 Ŧi. 袁 \leq 改 帝 唱 ,與袁大令枚、 試 萬 欽 主 江 南 和 南 卷,丹黄 命 事 巡 都 北 無 改 人。 召 閳 虚 翰 旋 · 不 試 日 林 授 皆 家

則 事 有 坐 則 譽 君 此 掀 生. 無 貧 髯大笑,少所容貸。 而 否 不 頎長,美鬚髯, 也。 能 供 不 饘 善 善 粥 以以 生, 至責 酒 至於 家 酣 户 耳 事 剥 熱,縱 獎 皆委之僕 掖 啄之聲 後進 論 時 院

編

修

乞假 不 游 西 耳 安,卒於巡 而 君 案 撫 畢 沅 若 署 中

絶

於

伏

著

書

無

事

者

然

後

釋 旨 君 東 原游,乃治經,究心 君始爲古文詞,及官 尚 勉 書 行 一今文釋 齋 文 集》 義 **∀**, 十 訓 卷、 左傳 京 詁 師 ^ 翼 蕺 與與 著 疏 袁 笥 有 詩 河 禮 周 集 師 記 易 \forall 集 戴 知

賈 田 祖

+

卷。

惑。 多所瞻 卒。 達,於釋老、神 膳 上,朱墨爛然。 生。 伯兄有 藩 賈 涉。 Ľ 田 乾 隆 友 祖 錮 喜《左氏 一字稻 汪 四十二年,試 怪、 疾, 明經· 善爲詩,所作三千餘篇 陰陽、 喜怒 孫、號禮 中 春 誌 秋》,未嘗去手,旁行 失中, 拘 其 忌 墓 於 畊 及宋 泰 君 一,稱 高 州 事 郵 儒 之,曲 田 病 道 州 祖 經 學 人 好 宿 得 性 無 學, 其 明 而 廩 所 斜

二七

或

朝

漢學

師

承記

卷七

歟 也 欲 云 矜立. 一旁 藩 然明 名節 行 龃 未 陽 斜 識 湖 經 Ŀ 猛 其 不 洪 志疾 小輕許. 一者, 豈 稚 存,同 亦 邪」云云、蓋 人,其言可 未 \coprod 讀 里 祖 其 李 爲 所 ·惇、王念孫 信 著 春 力行篤學之士 也 書。 秋 **>** 之 ^ 墓 友善 表 記 學

李 惇

試 於 義 怕 念 梅 於 兼 心孫、汪 親 國 有 怕 氏 詩 Ŧi. 一、父佩 及《 爲 退 書 李 爲 惇 讓 春 君 棺 至 盡 試 不不 一斂,送 中 秋 字 玉 死 涌 之 成 一,皆 友善, 與 其 不 前 裕,一 變。 人 紨 傳 夕, 有 歸 較 之學。 其家。 力倡 篤 執 久 與 ; 行 字孝臣 友 木 然 百 古學。 賈 諸 遇 郡 晚 君 容 \mathbb{H} 生 友 劉 好 治 甫 高 一,以 祖 朋 君 君 曆 經 稱 郵 死 患 内 台 算 通 高 其 州 難 性 拱、 敏 勇 君 人。 第 得 淳篤 於 \pm 將 則 不 盲 尤 爲 君 深 祖 人 貢 尚 城

義,有過賁、育、非虚語也。

嫉。 令。 宿 雌 侍 進 H 耶 貢 黄 郎 + !」後得 君 予 萋 人 墉 乾 嘗 物, 降 菲 注 督 生 謂 之言, 選 四 學 與 謹 人 知 + 江 末疾 111 厚, \vdash 縣 JЦ 蘇 無 侍 年 : 、終於家。 襆被. 亦 忤,然忌其 郎 延之主 己亥, 爲 容 輕 世 甫 南 信 恃 人 中 歸 一暨陽 讒言,竟 所 才 年五 式 不 學者,於 忌, 傲 (舉人。 書 能 物, + 贵. 院 家 下 宜 命 食。 明 宫 逐 侍 君 爲 年 客 坐 時 郎 時 \Box 笙 所 之 前 不 謝 成

辨 輪 成 君 日 豪 王. 時 藩 飲 间 子 豈 子 大 憶昔 議 雍 非 年 取 車氏 果 有 少, 好 淳 史 論 之説, 年 過人之資。 文核 史 儒 所 君 事 哉 謂 往 詆 淺 1 之, 君 -江 訶 正 陰,留 朗 少 古人, 人 援 字不 誦 頃 若 八心,息 儒 史文, 不 宿 人墨 又 君從 誤 作 藩 \exists 邪 也 往 之論 家 聖 容 説」,荷 往 證 若 謂 藩 與 達 論 不 夫 君 藩 獲 日 不 佛 交 可 攻 然 \vdash 力 不 氏 康 於 燭 明

不聞規過之言,徒增放誕之行,可悲也夫!之後,二十餘年,藩坎坷日甚,而情性益戾,闢之,是無是非之心矣。」嗚呼! 自君謝世

識 補 《大功章爛簡文》、《明堂考辨》、《考工車 縢 考》、《歷代官制考》、《 小》、《讀史碎 》、《大誥》、《康誥》三篇、《毛詩三 《説文引書字異考》、《渾天圖 君 所著有《ト 金》、❶《詩文集》,藏於家。 筮 一論》、《 左傳 通釋》、《杜 尚 書 古文説》 説 條 氏 羣 辨 長 曆 制 金 經

江德量

諸生。 府,有 版 恂,字于九,號蔗畦,拔貢生。 文字,考核精詳。 江 政聲。 讀書好古,爲聲音訓詁之學。 德量,字成嘉,一字秋史,儀徵人。 伯父昱,字賓谷,號松 長於詩。 官至安慶府 著有《瀟 泉, 又 湘 好 江. 父 聽 碑 都 知

雨録》二卷、《韻歧》五卷、《松泉集》六卷。

古錢。 道。 未 二人及第。 西 郡 」,選拔 成 汪明經容甫爲文字交,其學益 德量精於小學,收藏碑版、法 耐 德量少承家學,勵志肄經。 卒。 著有《泉志》三十卷,又撰《廣雅 貢 生。 授 編修、改御 己亥舉人, 庚子 史,歷 掌 汪 進 既 書、名畫、 浙 如 長, 洋 乾 江 疏》, 隆 江 榜 與 西 同

汪中

祖 鎬 京 汪 始遷 中字 容 揚 甫 州 遂 先 爲 世 江. 居 都 歙 之古 父一元,邑 唐 里。 曾

碎金」,今據補。
「史」,原闕。焦循《雕菰樓集》卷二一《李孝臣先生傳》,「史」,原闕。焦循《雕菰樓集》卷二一《李孝臣先生傳》,

0

遺 子 親 增 附 大 史 LI 培 百 書 総 生 牛 觸 家 督 力 饔 H 不 學 及 君 飧 成 長 能 牛 於 汀 誦 就 是 + 冬 蘇 霧 遂 外 博 歲 夜 書 試 爲 綜 傅 藉 而 於 通 典 讀 孤 射 薪 市 人 籍 雁 13: IIII 焉。 龃 家 賦 团 諳 氏 書 夙 **>** 授 究 年 晋 第 日 貧 以《 儒 處 供 + 黑 13: 小 爨 得 人學 鄒 給 學 李 經 借 × 侍 耳 閱 以 緝 爲 郎 無 經 川 養 屨

虎 先 戚 紹 馮 直 深 \vdash 少 弓 文、 牛 觀 : 州 加 歡 察 禮 時 吾 16 Ŧ 皆 沈 廷 杭 異 侍 招 爲 弗 按 歎 太 派 察 延 郎 至 所 逮 世 史 幕 譽 蘭 廷 百 作 人 批 111 芳主樂 泉 中 郡 詩 之不 駿 然 先 沈 文 禮 年三十 主 □ 生、 太守 爲 知 安 必 儀 老 錢 上 定 屬 悼 家 講 業 少詹 客。 君 書 貧 賦 席 富 客 院 視 命 游 中 竹 聞 百 朱 草 之不 見 年 時 於 君 汀 學 外 君 乏 議 使 君 盧 鄭 偶 嗣 論 製 代 學 笥 楷 僑 述 著 戚 善 歎 + 河 州 寓

> 俗 弔 子 黄 以 祖 爲 文 譏 *>*′ ≪ 刺 當 狐 世 父 之盜 矣 頌 \forall 以 寫 懷 自 傷

> > 而

寫 文 考, 往 T 述 子 與 以 北 世 鼓 謂 蘇 ___ 傳 投 也 餘 揚 禮 試 侍 雞 面 所 絶 選 之, 文文 言 州 犬 又 誦 世 郎 事 取 乾 意 拔 聲, 日 侍 割 典. 降 之矣。」 +: 多 貢 博 命 仕 : 其 君 試 郎 據 曰 四 微 心 生 作 不 進 文章 之 感 旋 江 : + 予之先容 怦 載 載 「若能 每 琴 洂 奉 知 南 容 籍 怦 乾 爲 試 臺 遇 命 甫 年 動 死 後 思 隆 人 貫 之 銘 督 以 别 1 節 受 畢 得 Ŧī. 所 串 恩,上 夜 學 勞心 甫 之人, 學 置 酉 尚 君 + 重 史 不 浙 甫 書 爲 於 如 事 以 成 謝 江. 故 榜 書 年 容 脱 選 此 沅 寐 爵 侍 作 天 首 侍 稿 開 君 丙 病 甫 署 切 郎 是 地 二, 不 廣 府 往 郎 午 怔 名 ; 學當 塘 好 間 以 陵 謁 湖 忡 以 諸 督 事 有 請 知 朱 不 對 學 北 時 生 學 者 數 君 執 文 與 聞 益 前 争 君 之 爲 弟 IE. 朝 則 江 不 重 准

者。 子 集 氏 絀 定 千 版,當從 畫像》,因署其堂曰 大 也 九 餘 成 中 亭林 ; 胡 專 西 焉 沈 射 朏 治 推 淪 始 陽 明、 步 漢《易》者 擬 之緒 闦 湖 作《六儒 惠 至梅氏 其 項氏 通 端 定字、戴 ; 儒 墓得《 問 ()而精; 河、洛 頌 惠 如 禮 ×, 氏 顧 東 漢石闕 未 也 寧 啚 原 力攻古文者 成 ; 皆 書,至胡 及東 閻 繼 孔子見 好 白 金 原 往 氏 開 出 石 老 閻 碑 Mi 而 來 梅

事

之,終身稱

道

弗

衰

焉

君治

經宗漢學,

謂

或

朝

諸

儒

崛起,接二

元,世 東嶽 言世多淫 福 地元、人鬼,今合而爲 者,必痛 又不喜宋儒 祠 禱者, 輒 君 一俗必求 地 性 詆之。 元 祀,尤 情 也; 性 伉 罵 其 命之學。 直 每謂人曰:「《周禮》:天神、 不休,聆者掩耳疾走,而 人以實之, 豈不大愚乎 爲惑人心,害政 先聖先 一,不信 釋老 師 0 朱子之外,有舉其名), 人 如文昌,天神也 陰陽 鬼 事。 也。 神 怪 見 天 _! ___ 之説 神 君益 人 邀 且 地

> 自 輩 授易疇、王 肆 臨 不 知古 喜。 , 豈屑屑駡之哉! 譏 李進 彈 於時流 今者,惟恐莠 士: 人 孝臣 觀察懷祖 或 規 不 諸 之,則 輕許 君 然錢 子,或 孔 亂 可, \Box 苗 檢 有 以 討 爾 少詹事 盛名於世者,必 吾 衆 師 、仲、劉 若 事 所 之,或 竹汀、 方 駡 苞 者 訓 I, 皆 導端 袁 程 以 枚 友 教 非

誼 子之慕。 寢,滌腧 瀡 ,一飯之恩,終身不忘也 之奉,嘗稱貸 事母至孝,家 之事, 吁 1 不任 以 叮 供。 無 謂 僕 儋 孝 婢 13: 石 矣。 疾 儲,而參朮之進 無 篤,侍疾,晝夜 愁苦之容, 生 平. 篤 師 友 有 ~,滫 不

《廣陵通 物有 稿 刊行之。 未 成,後乃以撰著之文分爲《述學》内外 係於學者,分别部 君中年輯三代學制,及文字訓詁 典》,藏於家 又采揚 州 故 實,始春秋至楊吴,作 居 ,爲《述學》 制 書, 度 屬 名

LI 乾 T 盧 往 不 世 能 耳 歸 學 降 卯 浙 能 + É 其 科 大 給 名 + 江 Ŧi 唐 君 舉 借 卒 抱 + 甘. 夫 而 延 人 年 生 經 九 白 書 木 君 蘇差 能 Ŧi. 年 乏, 坎 讎 命 鑒 鮑 使 + 對 軻 弘 讀 别 士 因 於 素 煅 不 父 書 以 卒 校 U 不 0 書 風 遇 書 文、 於 勘 知 以 子 1,長於考據 流 學 西 文 世 至 爲 喜 梁 者 宗 湖 之 問問 晚 君 孫 君 閣 皆 之 好 年, 名 謀 字, 字 玉 葛 ^ 真 重 生 川 繩 有 孟 嶺 龍 君 計 嗟 傳 經 庫 蘇 慈, 園 之學 者 夫 其 紀 全 使 藉 鮮 僧 學。 嘉 其. 書 全 此 矣。 舍 慶 ПП 當 邨 稍 德

韓 術 眩 藩 矣。 爲 見 \Box 歐 贈 沂 藩 子 7,不爲 以 子 日 弱 漢 藩 年 患 於學 冠 富 怔 知 時 魏 徘 忡 志 11 無 即 徊 六 强 位 所 光 與 朝 布 搆 景 不 君 何 爲 策 窺, 之 思 定交,日 不 省 則。 作。 爲 而 則 君 此 君 獨 藩 尤 之 絶 善 水 不 相 最 教 學 動 能 渦 重 屬 力 從。 m 明 君 文 LI 1 丽 文 了; 土 嘗 君 梅 章 Ħ 酷 苴 Ż 謂 15 氏 量

愛其《自序》一首,今録於左。文曰

矜。 嫌 斯 亮 軌 無 口 勞舉 擯 惟 節 几 喻 異、後 斥 余玄髮 天 慷 昔 我 例 至 慨 牛 劉 商 率 非 之 孝 世 未 瞿 靡 誦 標 性 由 艾, 生 樂 自 其 而 子 言 序 野 行 力 生 而 性 可 悲之。 平 博 雖 經 難 之故 -,以 極 情 馴 口 羣 符 遺 爲 嘗 猶 書 麋 曩 比 綜 可 凡 鹿 哲 文藻 洂 言 平 同 此 敬 未足 原 遊,不 儿 秀 通 之遺 科 出 名 夫

於乞火 水。 棲 水 余 家 豕 久 渞 尋 此 劉寶。 極 歷 轗 孝標 飽 H 艱 軻 無 家 百 傷 屯 嬰 構 時 余幼 余受詐 心 也 年 釁 生 非 失 於 此 罹 孝 待, 悲 渞 蒸 興公, 窮 標 則 棃。 百 盡 罰 藐 自 恨 也 是 少至 多 勃 蹀 春 流 能 此 谿 躞 孝 朝 離 長, 累 鄙 標 東 秋 百 歲 事 戚 悍 西 タ 托 也 戚 足 終 登 賃 里 在 無 沙 成 春牧 煩言 孝 Ш 標 溝 臨

矌 夙 攖 無罪 羸 魚 疾 信慮 嗟 其 損 不 天 瞑 年。 桐 余藥 枝 惟 裹 餘 舅 半. 心 生 ۰, • 鬼 負 伯 薪 在 永

几

序

非

我

此

几

可

也

書,倡 替,顧 陽 禮 客。 著 安 陵之上 棲 華之宫,置酒 異 孝標身 端居 成 有餘 塵 絶, 也 俗, 雖 Ŧi. 類 孝標 優 景無儔。 間 淪 孝標 車 車 苑》之編 遺 降志辱 司 訊 - , 數窮 生 道 耳 世。 生自將 兄典方州 不 倦 重 顈 未 睢陽 通。 遊 藉 義 生, 身。 鴻冥 覆 白 白 輕 梁、楚,兩 之苑。 家, 里 屋 瓿 甚 國門 此二異 丽 乞食 一之長, 蟬 望 藜 當 餘 Ę 期 羹 蜕,物外天全。 長 時 實 口 裾 功 光 白璧黄金,尊 卿 交 餓 縣 也。 屢 再 饋 以 事 在 恨 高 隕 鴟 曳。 命之士 英 上,參朝 都 而 壁。 不 齌 之餘,寄 孝標高 \pm 不 人争寫。 同 學士之選, 余 此 祭。 余衰宗零 時,子雲 簪 作 異 列 此 余 蹈 苞 筆 爲 賦 命 也 者, 余 東 卑 東 苴 E 章 傭

> 才蹈 也 見 命 知 赤 荆 孝 後 П 標 世 燒 棘 履 已生。 城 昔 道 貞 聞 咲 此 吉 其 娲 Ŧī. 嗁 語 不 異 顔 Ŧ 今 ٠, و 也 世 無 盡 議 其 成 事 皋 0 余 狀 天 此 讒 四 跬 異 北 司

瞑意: 焉。 在 尚 ? 有 倦,聊 天衢。 余於孝標,抑 寔 嗟夫! 命 復書之。」 不 秋荼 可 敬通 之甘,或云 勞 又不逮。 窮矣,孝標比 者 自 歌 是 如 非 知 薺 求 之,則 九 傾 淵之下, 我 聽 加酷 辰 H 安

於孝標。 嗟 跡 乎 衰 類 祚 浮 1 藩 屠 薄,養姪 自 劉子之遇 鉢 以 遭家難後,十口 藩 盂 較之,豈 爲 求 一,酷 食。 兒。 於敬 耳 脾 知 睨 之家,無一金之産。 熱 九 通 紈 酒 淵 袴,儒 酣 之下,尚 容 甫 長 之 歌 冠誤身。 阨 當 有 甚 哭。

●「咲」,諸本皆作「关」。今據文義改。
●裏」,諸本皆作「裹」。今據文義改。藥裏,猶藥袋也。

泉;食荼之甘,勝於嘗膽者哉!

顧问 九节 一顧鳳毛

宗 宗, 達史。 科 韻 經。 六 於《毛詩》、《三禮》。 純 副 考》、《入聲韻 年辛丑 號 著有《毛 榜 皇 顧 小謝 文子之學,母 帝 九 卒 一,成 苞,字文子, 南 年二十七。 巡 詩 亦 進 受經 考》。 集解 召 ±; 試 之教 **∀**′ 母任,子田之祖 於 未 乾 興化人。 欽 祖 幾 董 隆 取 也。 母。 卒。 子 川 十九 求 等。 文子乾隆 年 子 雨 博 考》、《 + 鳳 年 聞 後 毛, 姑 甲 强 中 辰, 記 楚 戊 字 通 四 通 申 高 詞 Ŧi 招 + Ę 經

劉台拱

劉台拱,字端臨。先世自蘇州遷居寶

傳

小

·記》三卷、《古文集》一

卷。

君

勤

於讀

情, 心 少 舉 爲 子 里,每年必 不 應 失恃 0 人。 頌》, 好 邑庠生。 卧病不起。 體夙 父世 弄 屢試 斐然成章 事 就 清羸 喜 迎二親 塾 繼 禮部 <u>一</u> 十 讀 官 母 疊 卒年 靖 書 鍾 不 遭 至 一不離 江 · 中 觀者稱 第, 如 學署 Ŧi. 大 縣 母。 + 故 乾 銓 訓 有 飯 授 隆 几 導。 奉 爲 丹 席。 Ŧi. 丹 三十五 神 疏 養 徒 徒 童。 君 食 無 去 九 縣 淡 生 缺 寶 歲 年 訓 年十六, 而 應 導。 得 哀 辛 作 岐 毁 親 卯 嶷 百 调 歡 科 顔 君

卷、《 君 中 踐爲主,子孫 漢學,不 道 一、朱止 學問 自 荷 繩 君六世祖 子 淹 雜 泉之緒 通 然與 補 以 ,尤邃於經 註 宋 世 人游 永澄 **>** 論 儒 傳 之説 卷、《 深 其 問問 處 學。 研 解 漢學拾 未嘗 學於蕺 程 著 至 經 朱 有《 君,又 一字 之行 專 遺 論 Ė Щ 及 ',以 訓 語 習 以 道 駢 詁 卷、 聖 聞 躬 學也 枝 一賢之 \pm 行 **>** 本 經 子 實

嫩於著述,不似今人鹵莽成書,動輒盈尺也。

鍾褱

生 論 侍 考古録》四 漢 祭法考》諸 平篤 務 郎 儒 元、 鍾 考》, 求 實, 褱, 焦 於 較 字 敦 是 孝 書。 保 陸 善 廉 其, 元 行 君 循 舉 朗 淡 相 優貢 交 所 然 字鼓崖 善 游 載 無 生卒。 中 共 增多 稱 欲 爲 爲 H 以 經 + 沅 君 學, 泉 讀 餘 人。 侍 子。 書 日 郎 爲 嘗 夕 爲 又 與 樂。 討 刻 有 阮 撰

徐 復

南 鄉 心仲 徐復,字 乃 互. 少 鄉 孤 心 也 仲 喜 有 讀 江 子弟 書。 都 讀 其 兄 書 本農 使 者 之牧, 家 必 子 群 乃 起 所 棄 譁 居

> 時,即 循憇寺 \equiv 法》,不 其所 攜 友 4 補 奇之,爲 餬 論 北 角之正 婦 人 諸 而 \Box 語 齊 以 江 生,遂從 逃, 暇 執 疏 書 然矣。 ·能答, 中, 城, 都 算書 之延 證 則 至 黄 弧、 與 誦 郡 與 見 君承吉同 友 藩 譽 讀 垂 藩 以 事 其 西 後得 「,於是 人 爲之序。 弧 册 爲 於 所 僧 所 恒 講 來 賃 寺 恥 經史之學。 誦之五 達 虚 次 論 (之屋 中 爲 日 寓,黄君 形、矢較 損 相 典 爲 不 鄉 質問 語 疾, 衣 經及 僧 塾 寢 未 衡 購 危 童 畢 宇 供 算 篤 諸 未 詰 甲 所 子 而 相 書 灑 法, 時 及 以 寅 作 師 H 逝 望 掃 歸 ^ 省 制 九 皆能 之役 猶 焦 年, 試 未 著 章 手 薄 時 有 執 弧 君 算 與 廉 以

忽 豪 \vdash 妾, 舉 君没而 止 汝 而 異 何 婦 常, 人? 不 後 行 知 無子,婦 也 狀 敢 聲 買 誆 音 我 以 歸 宛 妻 上 南 爲 如 塚, 鄉 妾乎 心 其 仲 賺 至豪 指 兄 鬻 婦 豪 家 爲 遂 大 呼 婦 土

之所 歟 兄 其 全 刎 地 六極之備,天之困通人,若此之酷耶 (兄惡心 死,其 妻之節 居 , 其 爲,天實爲之也 城 嗚呼 兄 中 遁 兄至今無 ·, 不 一仲不 去。 ! 而 不禍 食兄之粟。 君生 ·務農而 俄 頃 其兄, 豈 恙 示 也。 能 婦 讀 叨 醒 書,疾之如 其 先 一不欲 一第之榮,而 遽 # 死 人 也,能 有 傷 廚 良 手 取 仇 1 田 足 爲 廚 白 之情 其兄 乃 身 厲 刀自 畝 罹 澼 以

汪 光 爔

老宿 戴 生。 事 編 竹 名 修 其 汪 論 汀 東 先 光 爲 原 人 爔 巧 莫逆交。 及 韡 字 潛 Ξ 懷 志讀 晉 巓 部 蕃, 泉 郎 書 晉蕃 先 諱 號 博 生、 松 芝泉 通 少 崖 王 承 巡 光 與 史。 庭 儀 禄 惠 訓 徴 徵 嘗 西 縣 習 著 沚 君 廩 聞 棟、 荑 錢 諸 膳

稗釋》

篇,其説

曰 :

> 穀。 引《左傳》杜注 武 毛, 也。 章:「自牧歸荑。」傳云:「荑,茅之始生。」《碩 「一名白蕢。」《 草,其實可食。」按「荑」之説凡五 也、莁荑也。」《廣韻 稗 釋文》引《字林 荑,草名也。 《爾 三十一年,「 , 秕也。」《 實似蕡,害稼。」《 「稗」之説 <u>一</u> 五. 戴 孟 《侗《六 「手如 穀 子 * 雖 書 廣 Ŧi. 美,種 凡 柔 玉 云「草之似穀者」 陳 《韻》: 故 穀 = 一篇 》: 荑。」 留 雅 ***** × 之不 雨 章 後 《説文》: 傳 穀,形 「稗,稻 不 ٠: 漢 稗 「荑,茅 「莁荑, 蔱 荑秀。」《詩 云「如荑之新 成, 示不 書 葉 别 純 如 • 則 如 名。」《玉 也。 「稗, 禾别也。 始 是 稗 光 似 不 荑 生。 蘠 力 實 活 稻 又 如 稗 《説文》: 。」注云: 紀 稗 荑 節 又荑桑 静女》 生 草 稗 間 趙 李 建 似 是 注 無

按《説文》:「蕛,苵也。」《爾雅》「蕛苵」注云:但「荑稗」之「荑」,當爲「蕛」而非「荑」。

也。

秕

禾而别」是也 爲「禾别」者,以 米,小米也。」李云:「稊,草也。」則蕛之實可 天地之爲稊米也」。 云:「本又作稊稗。」然《爾雅釋文》云「蕛又 ,不成穀也。」「 《孟子》言五穀不熟,而 也。 訓,以「稗」爲「秕」者,乃俗 」,引《莊子》云「道在稊 釋文》作「苐薜」,李云:「二草名。」 廣韻》又誤以爲「稻」。 是「蕛苵」之「蕛」,不得「莁荑」之「荑」 《説文・禾部》無「稊」字,或缺耳。 作「稊稗」,或作「苐 稗, 秋 且《莊 布 水 地 》篇「蕛米之在 其形 字 • 生, 玉篇》誤 稗」無「秕 穢草。」則蕛之狀 似禾 知 《釋文》引司馬 北 而别於禾,徐曰「似 游》又 以 爲 薜」,斷不 稗」是也。 比以蕛稗者,取 太倉」, 訓,「秕」亦 秕 説文》: 云:「道在 解,非 《説 又云 云: 作 則「蕛 可 文》 「稻, 古訓 二知 「荑 識 稗 稊 無 又 蕛 荑,木 則《大戴 别之名。 「荑」。 文》引鄭 梯, 穉也。 枯楊生稊 又辨

明矣。

稗」或

作稊

稗」。

荑」,而不作「柳稊」矣。 「生荑」之「荑」不得 月》章:「猗彼女桑。」傳云:「女桑,荑桑也。」 稌也。 」亦 誤爲「稊」,則「稊稗」之「稊」亦不得訛 疏云:「取《周易》『枯楊生荑』之義。」亦作 「蕛」、「荑」二字似 荑」,而不作「稊」。 更生 但篆文二字相近,或傳寫之錯 禮 氏《易注》云: 若稻 無「稗」訓,唯其 」,李氏《易傳》引虞翻《易注 • 夏 一**,** 山 楊葉未舒。」則字本 榆 則 小正》「柳 何 實。」 미 别 可 通 矣。 見 則字 非 枯 凡 異於稻 或 稊」,亦當作「柳 也。 木更生皆爲 又 謂 疑 作 無 按《詩 · 作 稊。 ··; 所 姑、 荑」。 耳 以有 Ш · | | | | | | 大 《釋 荑 榆 過 禾

稗。』

其類

考。

蕛

似

子

丁卯秋八月,應省試歸,病 深,文多不載。 惠 氏 《易爻辰 晉 蕃 夙 患 圖》之謬,予服 哮疾, 復作,遂卒,年四 羸 瘦骨立 其

海 云。 續 有 英 阮 梅 集 叔 病 亨 中 尚 刻 手 其 批 遺 稿 大 人《 戴 禮 瀛 舟筆 文 談 選 影不 淮 置

靈

李 鍾 泗

循 賣 春 X 秋 所 稱 1 甘. 作 . 揚 李 撰《規 書 文 州 鍾 精 市 泗 妙詳 ·, 遂 ··, 字 規 覽 過 濱 居 即 博 石。 甘 能 泉。 而藩未之見 闇 書 其 先 誦 抑 濱 阜寧人,父 劉 石 治 申 讀 經 也 杜 書, 深 於《 性 焦 善記 世 左 孝 璉 廉 H

石 缸 所 賈 其 歸 聰 濱 之器 (者責之,濱石大哭。 謂 穎 石 其 小 我 13: 忽 孤 \Box 棄 · , 從 僧 而 汝 黄大令洙 學賈, 此 值 子 能 賈 黄君 讀,不 日 者 讀 孫 誤 兀 適過之, 謝 碎 能 子 肆 賈, 書 乃 中 攜 黄 而 玻 \vdash 使 濱 璃 君

> 於鄉, 之賈, 難 後 黄 河,補 發 君 \vdash 其 人所 邑 何 庠 學 哉 未 益 ? 生、文名大著。 第 發。 進。 從 母 我 \exists 赴禮部試不第,殁於京 嘗從藩 讀 : 何 家 問《 脩 貧 嘉 脯 《喪禮》 慶六年辛 不 爲 能 学,往 供 脩 西 年 覆 脯 師 問 之 舉

淩 廷 堪

焉。 文焻 詞 綜 君十二歲,即 ,字燦然,自 淩廷堪, 唐 詩 字次仲, 别 . 歙遷 裁 棄 集 書 於 \leq 「學賈, 字 海 攜 仲 州 歸 之板 学, 偶 就 在 歙 燈 浦 友 人也 下 場 人家 讀 **湾** 家 父 遂 見

0 是 海 近 本, 緒 時 續 藤 粤 故 注: 所 英 有此 雅堂 刊 靈 集》一十 Ш 此 句, 本 西 下『阮梅 等 今據以 書 皆無 九字 局 本 是 叔 補 倣 爲《師 句, 亨刻 此 鍾 改 承 其 校 刊 記 遺 本 之 稿 》揚 以 跡 州 Ш 顯 刊本 瀛 然。 西 舟筆 書 一案 所 局 刊 本 近 爲 説 淮

詩

不

孝

中

至

字句 揚 之,告之板 能 州 詩 於 違 及 是時 南 礙 長 北 者 短 蒲 鹺 從 曲 句 場 而 大使 使 事 能 浙 置 讎 分 人 湯 詞 校 别 張 某 曲 宫 賓 得 館 調 某 鶴 脩 者 敬 見 檢 脯 基 禮 其 校 以 之, 詩 於 詞 自 詞 此 給 曲 激 也 中 君 大 之 君 至 奇

个客形

江.

爲

華

氏

贅

婿。

與

黄

明

經

文

暘

則

瓶

疾 郎 經,是 至 Ħ 跪 學署,先 戌 翁 順 交, ~,成 一; 而 終於歙 徽 以 天 覃 明 州 請 谿 副 進 經勉君 時 妻 服 依 學 榜 意 士。 俟 亦 年已二 翼 程 ±, 貢 13: 承 相 復 君 銓授 生。 笑 君 志 爲 乃 繼 麗 病 乃 , 得 爲 + 舉子業,始學作 究 殂 仲 時 起。 寧 浙 己 謝 心 Ŧī. 親 或 麗 江 西 矣。 經 麗 歡 子 巡 仲 母: 府 · 中 史之學。 仲 心。 教 然 没 撫 以 後 贈 式 授。 師 遊 哀 以 延 []: 身, 本 禮 紫團 之 毁 京 八 偶 · 省 舉 迎 事 居恒 課 骨 乾 師 股 不 之。 生. 受業 · 懌 文,讀 手 子 隆 立 母 不樂。 · 告 戊 阮 煎 得 必 \pm 申 湯 侍 長 末 至 庚 於 Ŧi.

> 後 卿 藥 君 嘉 卒。 之 ; 錦 流 其 爲 嘉 歟 死 錦 也 君之承 兄嘉錫 君 經 無 紀 重 子 其 在 孫 喪。 應 海 州 繼 擬 聞 兄 之古 計 子 嘉 以 錦 次 子 嘉 其 范 錦 先

完元 音,苟 焉。 詁、九章、八綫,皆 摘 ·, 惟 ·臣、汪 分 餘 於潛心讀 瀉 無 句 史》姓 近時 亦 唐 史不習,大事本 君 水 錢 問 尋 不 讀 宋 君容 竹汀、邵二 以 纖 例 講 主 氏 書 門 三代制 悉不 析 史之人, 更不 ,有詰之者,從 學者,喜講 破 户 甫及君三人而 家, 辭, 萬 專 誤。 卷,肄 聞 而 度,五 造 澐兩 論 嚴 末,名 者 其 聲 地 於律 經 六書,孜孜於一字 冰 極 先 韻 理 禮 能 · 邃 釋。 生,友 而 容 臣 之 沿 大 多 른 應答, 抉 於《 行 協 革 端 今人之詞 得 至 業,談 其 朋 士: 也 對 於聲 其 官 奥。 則 中 如 禮 偶 茫 於 制 先進之 數家 則 論 之工 變 音、 詩 於 李 披 時 置 史, 也 君 珍 若 訓 文

顨 得 字不合者 「軒之上,而 漢魏之醇粹,有 1,必指 111 人 摘 不 六朝之流 之。 知 也 雅 善屬 美,在 文, 胡 尤 穉 T 駢 威 孔 體

卷、《校禮堂文集》三十六卷、《詩 原》六卷、《元遺 拾 訪 牛 恂 例》十三卷。 梅 一,精研 残稿,假居 君遺書,無 恂君子也。 邊 弟子 字小芸,從君受《士禮 吹 章句 笛 中最 譜 不 所得,又北 小芸好學深思,不以 》二卷, 僧 宣城 著 Ш 寺, · 墮 者 年 師 張 輯 譜》二卷、《 : 將 承。 君 儀 録 謀 走 其 徵 以 剞 海 聞 (錦,字 歸。 阮 \approx 劂 州 君 君 於 校 充渠新書 没 可 集》十四 得《 褧 刻《禮 常 徒 才地 謂 敗 伯 生, 燕 不 簏 北 矜物 樂 負 廩 字 中 至 經 卷、 \leq 師 考 牅 歙 膳 釋 壽

故 mi 懷 鄉 實同 方之禮 嗟 平 旅 ,付於戚 君 殯 冷 宦 亦 無 牛 牛 人 家 ; 昌 之 É 黎 極 頭 之文,編 哀 乏 世 嗣 己 煩 雖 李 然 死

曆

無

漢。 斯 又不 幸中之幸 巾

《 鬼 導,精 黄子 卷, 也。 授編修。 綿 見人謙益 君子,以及宋君守端、 微》 算 導。 知 生,江 君 初 谷子 以 無 者 湖 (、高郵州人。 援寓 伯元、 君久客 於聲音、訓詁 校 四 邃深經籍, 注 所不精。 卷。 都人。乾隆癸卯 讎 嘉 理 讀 公之例 不 一》、盧 楊 爲 慶 堂 自 書 揚 子保,字定之,廪 事 君 辛 滿 名 好 州 重 記 貞 西舉 亦 古, 循 丹黄 乾隆 淡於仕 元《列子 尤長於《詩》,著 如 之學。 古、 於 絶 所 劉 郡 黄 秦君敦 不 字 居 T, 君 П 進,閉 君 去 人之末云。 「端臨、 里 不談 Ŧī. 酉 敦夫名恩 舉 聲 注 手 春 堂, 笥 拔 音 人, 夫、 萃科 學問 谷 膳 户 仙 校 江 汪 訓 隸 著書 1 館 有 焦君 生. 皆 刻 都 君 詁 韻 1,是以 未進 蓄 復, 陶 守端 候 韓 選 君 容 т, Т. 天文、 理堂 之友 | 甫諸 弘 書 選 詩 儒 士。 家 字 世 景 萬 訓 内 學 名

澹

傳

訓

沅

算學》、《北 有 撰 述。 湖 刊行者,《 小 志》。 羣 經 室 啚 考 理 堂

傳》等書。 校勘記》、《曾子注》、《論 午舉人,己酉進士。 今官詹事 考工車制 伯元名元,一字芸臺,儀徵人。 府 考》、《石 少 詹事 經校勘 0 授編修,官至浙 於 學 語 記》、《十三經 論仁論》、《疇 無 所 不 通 江 乾 巡 著 隆 注 撫 疏 有 丙

士:

也。

疑

周

廢 將軍 П 籍, 之裔也。 貞吉名 日 讀 大壯 古 以 經 世 • 注 襲 字竹 疏,尤精於曆算、 起家,官安徽參將 廬, 甘泉 人。 律 昭 吕 武 病

辨 漢 西 午科 中 儒之學,篤志 ,補興安縣知縣,今罷官 西之異同。 解 春 元、乙丑 谷名承吉, 研 成 又 工 究, 進 字 士。 謙 得 詩 牧, 古 其 以 歸。 精 文 江 知 微 都 自 天資 縣 人。 用,分 出 通 機 曆 過人,爲 嘉 杼, 算 發 慶 能 廣 戊 空

> 詩 無 文者-依 傍, 也 寓 神 明 於 規 矩 之中 不 屑 爲 世

> > 俗

之

所 官經》,時 當 又有 疑, 儀徵許 不 有 疑 所 所 得,著《周 珩 不 者, 當 字楚生。 疑 禮 亦 獻 近 疑》七卷, 時 能 有 詩 心 之 能 讀

四

或 朝 漢 (學師 承記 是卷八

甘 泉 江 藩 篡

苗 宗 羲

之虞。 年十 戕 長 畢,夜分伏枕 害清 子 唭 黄宗 也 宗 流 補 義,字 羲 生 忠端 博 奉 鳴 而 + 養 岐 太 鳴 弟 遭 哭,不 嶷, 沖 羅 \pm 子 父 織 負。 餘 垂 死 及 ·敢令堂上知 姚 髫 母, 時 詔 人, 讀 魏 獄 以 書, 忠端公尊 忠賢 孝 有 不 聞 覆 世 事 弄 巢 國 舉 讀 素之 毁 · 業。 柄 書 卵

祭葬 削 逆 奄已 蔭 思宗即 子。 死,有 位 乃 詔 攜 詣 卹 鐵 闕 死 錐 謝 奄 ,草疏入京訟 恩 難 疏 者, 贈官 請 誅 曹欽 三品 冤。 程 子 至

> 其 從 純 實 谏 李 元 在 (手,幾 論 對簿 非 即 末 É 究 則 實 如 問 硃 減 奏 實 訴 親 成 蓋 Ė 人 稱 所 爲 丙 Ŧ. 時, 覆宗 忠 作 宗義 斬 崇 孝定 寅 高 端 「李實今日 又陰致宗 出 禎 黨 煦 乃 社 削 時 謂 所 皇 元 禍 尚 籍 逆 欽 當 顯 袖 后 年 之首 不 奄 程 純 乃 錐 Ŧī. 與謀 外 免誅 取 已人 義 與 錐 欽 甥 月 者 猶 其 三千 逆 顈 程 逆 也 能 印 會 逆案, 律 奄 純 奉 況 百 公行 信 訊 金、求、 有 搆 奄 後 科 得 流 空本 許 議 難 旨 之外 而 旨 Щ 賄 以 顯 親 論 勿質。 忠良 李實辨 滿 · 填 寫 賂 謀逆 之條 純 劾 親 刑 體 其 盡 部 乎 崔 而 論 辨 故 原 死 顯 應 作 李

然 中 難 寅 詞 羲 墨 疏 卒 雖 之 貴 子 一宗義 一禍 思宗 足 弟,設祭詔 質由 信 哉 歎 與 (!)於 、吴江 日 空本 : 獄 填 對 周 忠 中 寫 簿 延 門,哭 臣 時 祚 得 孤 亦 減 光 子 聲 以 死 Ш 錐 如 朕 夏 錐 雷 獄 心 承 之。 成, 聞 爲 錐 牢 之 於 偕 然 惻 禁 子 丙 百

獄 葉 京 師 中 者。 歐 顔 文仲、 應 思宗 元 胸 應時 憫 拔 其 其 忠孝,不 而 斃,二人乃 鬚 歸, 之罪 焚 而 斃諸 也。 祭之忠端 宗義 君子 木 在 於

貴

主

前

乃

治葬

事

宗 説 餘 周 靡 義 爲 不 史及 人,共侍講 親教之、皆成 究 弟宗炎字晦木,宗會字 師 父冤既白之後,日夕 心 白 乃從之遊。 焉。 家、 席,力排 九流、 忠端 儒 遺 天文、曆算、道 者 又約 命 陶 以 奭 吴 ·讀書,十三經、二十 龄 蕺 澤望,並 越 援 Щ 中 儒 劉 繒 學者 忠 藏、 人釋之邪 負異才, 正 佛 六十 公宗 藏

帶。 仍 以 廷諸 以 退 沅 清 閒 大 至陽 崇禎 臣,或薦霍 鋮 H 議 久,亦 爲 羨 中, 乃 援, 出 以 復 Ш 相 奄 大 維 用 附 黨 鋮 特 涓 華、呂純 和 又 觀 起 人,逆 矣。 熾 望 馬 士: 南中,必 即 黨咸冀録 如 獨 英 東 南 或 爲 林 都 請 鳳 中 生他變,作 太學諸 復涿 督 如 用, 錢 謙 士: 州 而 生 益 英 冠 在

> 推宗 子弟 南都 池 羲,縉紳 首 吴 防亂揭文》。 推 應 箕、 無 錫 則 蕪湖 顧 推 端 周 沈士 宜 文公之孫杲,❷ 儀 興 部鐮 柱 陳貞慧、寧國沈 ò 大鉞 共 議 銜 署 被難 之。 名, 壽民、 諸 東 林

宗義 遂 鋮 力辭 者,都御史祁 有 與杲 驟 奄黨者 憂 不 起,遂按 壬午入京,陽 並 國勢難支,之南 就,遂南 逮 糾 劉忠介公及三弟子。❸ 駕 彪佳、給事中章正宸 揭 帖 歸 未出 羨 白 甲 欲 四 而大兵至 都 申 薦宗義 + 之難 上 書 欲盡 爲 赧 而 得 中 與宗羲也 禍 Ŧ. 殺 書 立 作 之。 一國,大 舍 弟 同 子 時 邑

0

0

0

柱」, 阮大鉞 原 傳 作 》等皆作「柱」,今據改 桂」,黄宗羲《思舊録》、《明史 吴 箕

端文 一文端 原作「文端」。 今乙正 之。 此 指顧 憲成 顧 氏 謚 日 端

乾隆四十年, 介上, 原誤作 正 清廷賜 溢益日 劉 宗 「忠介」。 周 卒 後 門 今據改 人 私 謚 H 正

之。 宗 之。 縱 事 參 所 嘉 軍 書 節 īE 重 中 義 兵 績 居 江 江 是 大 不不 之鄉 梧 等交章 \Box 總 上 而 守 南 Ŧ 兵 掠 兵 守。 年 都 + 許 人呼 監 大噪 也。 陳 歸 乘 Ŧ 作 爲 或 授職 宗義 梧 論 命 亂 職 之日 國 宗義 É 薦 孫 監 有 以 方 保 踉 方司 糾 嘉 嘉 或 濟 欲 īE. 改 世 黄 民 請 蹌 興 績 私 罷 監 魯 中 忠 員 竹 如 П 之 何 察御 元 Œ 行 誉。 熊 外。 唐 浦 乍 浙 致 罪 中 縣 年 李 汝 子 Ŧ 東 浦 之有 官 史, 事 大 黄 尋 泌 弟 霖 衆 以安 浮 竹 以 故 數 以 統 時 怒, 集 仍 海 柯 事 浦 百 曆 兵民 忠 兼 諸 是 至 者 夏 人 旅 監 介 職 賊 誉 餘 卿 之 頒 撃 或 宗 己 方 布 隨 者 也。 姚 師 之 從 殺 司 孫 羲 諸 死 衣

朝 \vdash 臣 皆 馬 非 言 + 殺 官 英 士: 誅 南 英 中 時 脱 也 能 走, 汝 使 在 霖 其 方 恐 立 或 其 功 安 挾 自 或 贖 安 欲 。」宗羲 爲 患 朝

浙

東

事 義 中 績 萬 羲 西 來 至 放 不 慚 兵 \Box 0 軍 合軍 進之 自 有 日 之衆,豈 船 沉 於 也,諸軍 謝 獨 故 奮 功 伐 舟 陳 公力 「若封 過 (策,孫 諸 ,得三千人。 者 不 鼓, 決 ,

宗羲深結之,

使之仁 恒 焉 乏 軍 ! 戰 ·大驚 能 意 不 但 食 與之仁有 以 請 嘉 遺 能 久 在 由 不 廷 伯 署 績 守 É 赭 書 殺 得 爲 以 乎 耳 守 Ш 總 則 議 謂 正 將 所 隙 也 直 兵 或 欲 其 中,之仁從子 軍 部 春 皆 趨 \pm 柱 封 不 總 一之仁 卒盡 秋 蕞 浙 益 以 .當 兵張 不 從 之孔 爾 西 横 伯 殺 能 不 其 付 宗 日 也 支 以 或 而 請 且. 之, 府 : 子 餉 私 柱 義言 何 H 也 0 與 諸 意 之 汝 以 以 於 贵. 又 以 浮 撓 力 待 於 供 公 霖 \pm 江 能 而 忠 嘉 軍 正 請 後 海 何 + 中 大 加

查職方繼佐軍亂,披髮夜走,投宗義,拜

俄 爵 强 史。 宗 節 消 方 涵 百 不 乍 湖 武 以 海 於 莫 端 死 制 羲 得 而 息 餘 浦 軍 床 使 招 駐 之。 大 如 時 1: 人。 走 前 下 來 口 爲 擾 吴 之 約 潭 兵 赴 人 方 \pm 行 會 中 崇 總 Ш 扈 Ш 韋 之,晉 翊 發 己 駐 几 復 宗 豪 師 中 從 德 尚 諸 健 使 \mathcal{H} 軍 明 議 羲 烽 傑,百 乃 民 計 孫 寶 誉 跳 拜 議 杖 出 再 火 聞 結 心 左 司 爽 以 Ш 由 舉 民 戒 錫 撫 城 谝 監 王 僉 卿 Ш 爲 捍 里 寨 海 寺 潛 部 其 中 浙 或 室 都 寨 内 一之内 朱 諸 而 海 寧 衆 焚 危 下 西 應 微 者 在 御 É 王 大 誉 上 以 其 無 甚 史, 亦 海 服 定、 古 正 遂 官 **华** 取 太 寨 妄 朝 莫 會 上 潛 中 司 宗 會 殘 再 兵 僕 動 海 酒 臣 部 如 軍 繼 蕩 出 大 晉 乃 兵 義 鹽 部 寺 日 皆 翊 將 湖 潰 佐 兵 與 部 欲 從 言 左 至 卿 主 以 茅 救 於 E 西 宜 諸 副 都 下 訪 至 大 事 陳 爲 至 翰 江 戒 行 優 都 御 監 者 誉 不 直 吴 潛 嚴 上 得 其 之 御 史 汪 遵 太 或 Ŧī. 抵 乃 夫 渡

> 羅 免。 兵 巴 無 曆 援 時 熊汝 法 與 而 尚 霖 已 書 劉 旲 中 鍾 藻 絲 坐 錢 舡 肅 中 樂 講 皆 學 死 宗 推 義 算

> > 歐

失

别 0 0 請 召 上 詔 宗 宗 宗義 於 變 : 宗 羲 姓 凡 波 羲 之從 羲 副 名 前 濤 聞 歸 賦 馮 之, 中 明 Ľ 京 遺 式 恐 鍾 也 第 是 孽 微 母 縊 乞 年 不 13: **>** 棹 氏 師 之 順 氏 監 \equiv 罹 章 H 尚 命 或 板 罪 本 以 居 者 曲 舡 故 感 之 陳 健 送 録 里 將 情 長 跳 =其 士 監 崎 至 + 家 章 島 翁 或 里 乃 \Box 皇 外 州 不 得 П 以 帝

列 涉 卿 者 是 即 而 時 行 江 大 湖 翦 帥 俠 除 治 士 宗 浙 多 羲 東 來 雖 凡 投 杜 得 止 門 名 息 馮 籍 景 侍 與 郎 然 海 位 京 E 第 在 有

甬

得

復

哭

請

聞

下

宗 隅 鄞 與 谱 西 名 結 草草 宗 京 使 遷 龃 寒 第 義 馮 籵 大 間 計 屢 交 海 名 侍 奥 帥 漫瀕 荷 脱 通 告 郎 即 活 遣 之。 於 捕 有 警 並 宗 X 危 者 狀 「、令爲 縣 羲 DП 慈 益 被被 然猶 诵 出 水 舊 急。 衢 獲 部 搜 寨 之 挾帛 刑 宗 捕 主 備 大 有 沈 義 有 1 帥 乃 而 書 爾 竄 H 戀 習 挈 不 緒 矣,宗 招 匿 於 間 眷 · 克。 婺 難 草 大 其 屬 作 中 莽 帥 事 伏 義 弟 鎮 者 宗 宗 處 潛 東 牽 將 首 海 連 徙 至 炎 義

求 謂 心 經 復 復 鬼 於 讀 先 爲 根 嘗 心 書 窮 根 蕺 追 诒 謂 海 不 經 柢 勝 Ш 則 名 明 氛 或 譜 經 V 束 從 靖 X 無 爲 狱 書 講 後 Ľ. 書 以 僞 所 不 學, 諸 院 聖 儒 證 讀 LI 之會, 矣 斯 巡 襲 祖 但 理 語 宗 仁 世 從 之 故 録 義 皇 從之講 乃 事 變; 受 之糟 始 帝 不 於 其 奉 如 讀 爲 游 教 粕 天 13: 學 書 于 談 之仁, 者 返 者 不 多 儒 里 不 學 以 數 而 門, 隋 者 不 不 又 六 白

> 講 南 當 學 之 時 有 不 南 爲 姚 障 江. 霧 西 之言 曲 之 其 稱 學 盛 行 曲 於 東

李

中

孚

也

老,託 子。 及 寢。 撫 義,乃與 朝 有 不 監 對 不 方 鄞 器 實 藹 口 以 修 Ы 出 宗 之意。 中 致 禮 處 録 未幾,有 先 康 明 孤 義 事 了,乃請 + 敦 煕 以 \approx 是 於尚 前 史》。 萬 者 遣 戊 戲 詩 復 大 將 宗宗 午, 答 斯 付 方藹 寄 嫻 父, 理 詔 迫 詔 宗 同 宗 中 元 於 羲 命 寺 先 詔 下 參 商 遂 館 羲 義 Ϋ́ 掌 葉 以 浙 評 生 徵 訂 於宗 得 爲 書 故 方 母: 事 爲 慫 博 江 史 \equiv 元 世 藹 日 老 學 巡 興 謝 思 事 方 羲 年 文 家 及老 : 與 撫 化 疊 之, 鴻 門 藹 又 食 子 百 李 儒 Ш 昔 斯 薇 與 宗 延 就 弟 院 病 清 矣 同 陳 盟 元 家 掌 家 學 義 爵辛 顔 宗 百 庶 首 文 羲 院 紗 士: 次 色不 徵 有 常 又 陽 其 子 所 羲 方 徐 韻 學 錫 之弟 詔 薦 Щ 百 著 藹 + 事 答 士: 元 壞 家 遂 書 督 文 葉 知

今吾遺子從公,可以置我矣。」

書,但 異 年 不 衣 力 勦 儒 慎 家空談性 ┆ Ħ 端 鉢 . 乃 排 絶 7 獨 之説 佛 爲 爲 晦 佛 鯨 宗羲之學,出 肆 身 姚 ,爲之反 異姓之臣,反爲 跡 鯤 氏 宗,實踐 則宗 謾 江. 雖 者 也 命 之諍 駡 , 久之或 有 不 能 宋 乃 譬 託 學。 覆 中 論 子 爲 閱 如 而 於 辨 其 訓 也。 主,不 用 逃者 佛 蕺 嗣 又謂 論 窾 詁 兵,不深入其險, 藏 異氏之子。」弟宗會 法 Ш 要。 又以 , 教學者 極 , 亦 雖 Ŀ 恣言 昔賢闢 言其 堂,宗羲 深 或 南 不容少寬假 姚 明 難 心 宋 江 不可。 説 其 性,墮 佛 之派 時 以 説 經 不不 後 曰 遺 則 蓋 老 不 宗 講 然以 所 檢 人 焉 禪 於 晚 是 以 以 能 佛 漢 學

尊 雲 侯 朝 人 一人之外 宗 尚 宗 義 每 在 性 獄 宴 皆 中 耿 以 直 而 有 妓 於 放 侑 微 友朋 誕 辭 酒 如 中,多不 此 宗 在 乎 南 義 ! 都 \Box 吾輩 時 少 可 朝 見 不言 宗 歸 周 之 德 囊

> 宗義 皆歎 是損 亦 冠之列,不 夫人 若是 爲 友 \Box 圃 矣。」 也。」 至 不 論 姚 耐 以 乃 或 孝 寂 爲 知 及選 日 寞, 錫 金 其 : 嘗 人者,原 論 則 明 侯 仕 亦 文,或謂 生 金,元 (嚴,亦 何 性 所 其 不 不 未嘗 遺 心 耐 當 至 Щ 也 寂 黑出 耶 不 終 寞。 ..! 時 方 恕 置 夫 域文 也 朝 之 \vdash 南

《大學》、《 是書。 者、截 問《尚 案 蕺 方位 所 元儒 律 **学**百 著 Ш 吕 有 之説, 圖 平 爲 學案》。 新 書》而答之者。《 生勤 説之非; 管 孟. 四 明 義 中 + 子 而 儒 集 》二卷, 庸 於著述,年逾八十,尚矻矻不休 吹 師 四 爲 學案》六十二卷、《宋 諸 Ź, 卷、《 説 《授書 易學象數 解 書 知 少 四 弘光 十· 二 獨 時 卷, 隨 故 無《 春 取 筆》 名 紀 大 論》六卷 律 餘 秋 孟 蕺 年 之 日 師 姚 一卷,則閻 子 × Ш 四 食 竹 説 ×, 有 清 卷、《 曆 管 辨辨 儒 以 肉 舊 論 學案》、 河、 隆 若 明 聞 語 乃 孔 武 中 於 著 匀 洛 璩

卷、《 JЦ 缺 游 書 卷、《 百 法 卷、《大 卷 記 紀 續 姚 西 四 [卷、《撰 糾 - 乞師 八十二卷, 亂》 年 江 宋 . 曆 明 南 又 贛 **×** 逸 文 勾 思 假 夏 Ш 一卷、《 有《 雷 統 記》一卷、《 州 詩 廬 股 舊 鑑 考 寨紀 如 卷、 杖 文 曆 失 》、《元 圖 游 録 今 功《 集》 案 《永 一卷、《 推》 事 É 録 説 賜 × 與 水 一卷、《 幸 紀 + 四 $\check{+}$ 著 × 姓 經 曆 姚 卷、《 文 存 **>** 卷《 本 舟 卷、《 五 \approx П 病 紀 年 開 江 抄 録 末 ^ Ш 曆 海 卷 外 朝 年 榻 譜 方 蜀 瑣 JЦ $\stackrel{\cdot}{\gg}$ 興 隨 假 授 外 × 或 也 集》 命 Ш 事 以 明 廢 如 筆 卷。 痛 史 時 算》、 紹 集》四卷、《 \approx 卷、 補 Ш 明 哭 可 曆 武 卷、《 吕、 志 授 夷 記 姚 《汰 ^ ^ 假 事 互. 卷、《氣 卷、《沙定 \forall 時 魯 待 測 明 **>** 蘇 江 紀 相 如 一卷、《 吾 員 曆 紀 訪 存 文 臺 **>** 文 \forall 參 詩 要》 故 年 悔 録 海 録 家 巖 略 運 īE. 卷、 V 曆》 ***** 集 卷、 之 諸 算 四 洲 Н 紀 ;

> 又 崑 得 几 欲 卷 Ш 几 修 + 顧 又分爲《 卷。 宋 絳 史而 見 而 明 南 未成,僅 歎 夷 雷 \exists 留 文定》、《 : 書》 存 代 叢 卷,言 南 之 H 雷 治 補 文約》,合之 遺》三 \pm 可 復 佐 之略 也

變,然 記 皋 足 唐 前 而 論 預 \approx 羽 以 己 以 字 古 修 -; 史, 宗義 蓋 掃 後 華 文 睎 而 悲 所 沂 如 \Box 唐 文 而 髮 不 平. 皋 人 以 章 史局 以 口 集 規 古 羽 原 唐 一之美 後字質。 變者 之身世 橅字 曠 文 以 遇 注《冬青 野 自 前 惡 有 句 句 命, 雖 一蒼涼 之陋 不 大 自 短 Ŧ 有 唐 與 事 唐 古 樹 習矣。 唐 亦 焉 以 志 疑 以 如 引 於《 後、爲 前 以 事 以 後 其 如 自 明 日 必 ^ 句 所 高 晚 傷 西 史》, 也 咨 文之一 長; 變者, 年,愛謝 Ш 歟 臺 之。 深 慟 此 唐 雖 大 詞 哭 其 未 論

石 篇,援 床 不 康 煕 趙 用 戊 邠 棺 辰 卿 槨 冬,營 之例 子 弟 生 毋 疑 壙 得 之, 於 違 忠 作 命 端 葬 墓 自 制 側 以 或 身 中 間 遭

葬。 或 被 難 卒 期 年 褥 於速朽,不 八 即 十 以 有 所 六。 服 欲 門生私 角 顯 巾 言 深 也。 謚 衣 斂,遂不 \exists 卒之日 一文孝, 棺 學者 遺 命 而

顧炎武

稱

爲

南

雷

先

生

云。

吉,早 生 郎 弟 復 有 Ŧi. 人,學者稱爲亭林 百 生 濟 歸 代 Τ. 炎武 應, 左贊善紹芳及 科 時 吴下, 顧 卒,聘 刑 給 曲 炎 科 同 生 武, 事 吴郡徙 給事 遂爲 應 而 王氏,未婚 中 之 本 雙瞳 中。 崑 廣 仲 名 徐 Ш 先生。 子, 或 東 子,中 絳, 州 濟 人。 按 子生紹 守 即 生兵部侍郎 Z 察使 南宋 節,以 炎武 白 其 西 顧 . 邊 先 芾 改 時 氏 司 黑,見者異之。 炎武爲之後。 也 世 名 僉 遷 爲 在 紹芳生官 炎 事 海 江 紹 章志,●侍 明 門, 武, 溱, 東 芾 IE 望 字 溱之 生 德 己 族, 而 寧 同 廕 間

> 言後 之目 讀 郎 沆 鶚 東,授炎武 兵,奉故鄖 楊永言之辟,與 矣,設有大故 避 姑 里 兵 請 孝 召,炎武念母氏 死之,炎武 中 書 常熟,謂 曾 人勿事二姓。 歸 旌 目十行, 母 於 莊 斷 朝 王,養炎武 善 兵 撫 指 必必 部 炎武曰 報 與 司 Ŧ 療 莊 司 可。 性 遊 嘉定諸 姑 永 死。」是時,炎武方應崑 耿介, 未葬,辭 務 脱 復 疾 祚 次年, : 於 Z 社 走。 以 我 事 襁 西之夏, 崇禎 , 生吴其沆、 從 絶 相 不 褓 閩 母王 雖婦 不 示 夏文忠 傳 克,永言 中 赴 中 九 與 有 使 氏 年 母 世人交,獨 撫 至 不 歸 育 公於 王年六十, 歸 然受國 直 一,以 食 奇 遁 守 莊 指 卒 去, 節 顧 職 吴 共 Ш 王 怪 其 恩 遺 起 方 江 **�** 與

次年,幾豫吴勝兆之禍。葬事畢,將之

望《亭林先生神道表》等皆作「章志」。今據改。「章志」,原作「廣志」。《明史》卷二○八《顧濟傳》、全祖

0

Ŧī.

0

曹, 數 見 沿 姓 海 怨 商 益 П 路 $\dot{\Box}$ 聞 74 庭 不 其 名 賈 之, 炎 1 可, 江 舍 東 \mathcal{T}_{1} 持之甚 謙 Щ 以 罪 武 爲 Y 謙 戊 謁 Ш 渞 由 急 繫 益 T 而 帶, 沉之水。 蔣 久 澤 戌, 孝. 益 之 梗 · 金 嘉 恐 欲 識 索 不 Ш 陵 溥 聞 急。 以 不 禾 失 炎 奴 遍 賄 兵 刺 歸 傭 者, 之 前 觀 竄 武 家 遂 事 還, 備 太 遊 日 恩欲告 北 投 京 故 機 自 守,告 Ш 11 使 甲 甚 思之婿 : 不 庚 身 行 Ш 口 稱 相 者,爲之愬冤, 午 都 乃 危 寅 · 得, 2, 墾田 之勝。 · 遂 門 里 文 寍 急。 私 炎 炎 謁 豪 僑 貞 下 有 人 某 之 列 書 武 武 家 居 長 公 怨 而 於章丘 何 金 揭 有 通 通 復 有 神 陵 家 振 後 其 文 炎 陵 爲 刺 海 海 列 投 以 許 欲 飛 卞 於 武 求 與 世 謁 之, 里 Ш 陷 下 之子 乃 Ę. 其 也 不 之。 通 救 几 豪 之, 僕 下 孝 É 事 呕 繫 認 衢 其 於 啚 陸 陵, Ш 遂 禽 之訟 僞 謀 孝 谝 錈 時 寓 以 炎 人 而 下。 之, 恩 解 報 陵 游 戀 作 謙 武 知 記 洞 有 自

之。 皆 爲 復 游 年 旧 4 走 其 陵, 者 馳 生 者 北 羊 從 文 至 所 主 經 赴 取 從 親 以 謁 次 其 T 寒 榆 詩 Ш 輯 復 道 此 往 年 上 祭。 林 思 始 左, 詞 歸 Ш 則 策 歷 忠 陵 立 悖 再 東 江 馬 自 使 下 節 業 攢 往 康 六 逆, 謁 人 南 門 往 解 請 録 宫 代 熙 謁 京 欲 不 之。 + 來 繫 人 孝 州 甲 案 由 師。 、掌之。 足懷矣 居 \equiv 勘 河 指 墾 陵 辰 多 太 代 陵 北 獄 爲 \mathbb{H} 株 萊 原 諸 釋 北 李 與 東 炎 而 連 黄培之奴 邊 大 李 T 每 大 游 武 復 \Box 念 塞者 篤 ; 未, 言 大 至 作。 然 口 : 入京 江. 又 爲 馬 篤 以 會 又 南 之淮 以 使 + 告急 苦 伏 稽 人 炎 百 師 Ш 姜元 餘 吴 吾 弱 波 謁 活 其 水 澤 年 人 Ŀ Ŧi. 於 次 攢 聞 地 又北 有 \coprod 陳 衡 中 謁 有 年 之, 未 有 疇 告 次 思 力 濟

0 衡 諸 ·據改 本 皆 作 銜 然 諸 家 所 編 顧 氏 譜

茗,故有此 不肉不茗可也。」蓋以蒺藜苗佐餐,以子待 晨 Ш 出 警,入山守險,不十里之遥。若志在四方,一 户 持 史築 夕 關 而 清 日 門,亦 能 議 又餌 齋 巳,六謁 見天下之人,聞天下之事 徧 延 而 有建瓴之勢。」乃定居焉。 觀 沙苑蒺藜 華 之,炎武 四 陰綰 方 思陵,後始卜居華陰。 惟 轂 置 而 歸 秦 田 甘之,曰:「啖此久, 河 人慕經學,重 五十畝 之口,雖足不 於 0 華下,供 一 旦 王徵 處 嘗謂 有 出 君

速我 之,乃貽 作書及門人之在 公!」戊午,詞 館 事 「先生盍 死! 朝 以 廷 書葉學士 書 開 次年,大修《明史》, 招 明 亦聽 科 史館,大學士孝感熊公賜 炎武,答曰 韶下,諸公争欲致之,炎 京 人一 訒 師 庵 者曰 薦? 清 以 : : 薦 身殉 而 刀 願 諸 不出,其名 得免。 繩 以 公又欲 具 在 死 履 無 或 武 薦 謝 主

> 衍 年,卒於華陰,年六十有九。 矣。」庚申, 雲霄。 耒,收其遺書,序而 南 炎 欲見知 愈高矣。」笑曰 吾大夫,未見 曰:「昔歲 元文兄弟,炎武之甥也。 拒之,以明吾節,則吾未之聞矣。] 崑 人之失所 生爲後。 歸 武 爲 振其困乏。 於 思歸尼父之轅,恐近伯鸞之灶。 買 人? 天也 孤 其妻没於家,寄詩 田 門人奉 生,飄摇風雨 君子,徘 置宅, 拒 從 :「此所謂釣名者也。 若曰 至是,一 傳之。 喪歸葬,高弟子吴江 而 盍 徊 亦 終,之死 ൬ 渭 令人强 門 不 尚書乾學未遇 ;]1] 往。 今兹親 鼎 無子,自 以以 輓之而 貴,以書迎之 靡慝,其 委禽 畢餘 或 串 叩之, 己。 Ш 立從子 焉 今夫婦 年, 日. 崛 相 心 而 時 潘 次 足 答 猶 起 或 力

正》二十卷、《古音表》二卷、《韻補正》一卷、論》三卷、《詩本音》十卷、《易音》三卷、《唐韻撰述之書,有《左傳杜解補正》三卷、《音

未 十卷,《天 誉 成 平二 記》六 州 下 地 郡 卷、《 名 或 記 利 石 病 經 卷、《 書》 考》 》及《肇 求 卷、《 古 録 域 H 志》二書 知 卷、 録 $\stackrel{\cdot}{=}$ ^ 金

事 用 者 天 即 呼 朝 下 老 發 騾 酌 實 蓋 圖 書 兵 載 炎 肇 古 炎 録 經 武 檢 書 詪 通 武 》、公移、 勘 留 卒 É 志 歷 一今,旁推 周 隋 心 朝 謁 削 其. 經 流 中 其 專 所 西 至 世 邸 籍 曲 論 著《天下 北 之 互. 西 報 折, LI Ш 紨 證 北 垂 之類有關 及 111 ,不爲空談 伌 游 小 與平 要 + 寒 郡 説 歷 阨 年 或 東 所 H 筆 邊 於 利 邊 所 南 至 記 朝 防 病 寒 聞 海 期 **`** 以 戰 政 書 亭 唨 不 於 守 民 明 · 合, 障 之 致 # + 聚 必 馬

招 請 逼 講 迫 學 晚 後幾 者 年 篤 致 謝 M 志六經, 死 近 雖 H 精 \Box 威 研 武 曲 深 不 究。 以 屈 誰 然 學 居 得 華 而 陰 名 名之 遂 有

皆

怒

Ħ

擊

·, 故

能言之了

Ť

力

「博 也。 餘 其 由 威 天 斗 作《 事 乎 爲 派 教 哉 儀 地 平 傳 ! 者,不足 累 我以文,約之以 原道》、 之中 ! 之則以 横渠、藍 後敘》,而 不 近 有 則 肅, 來 在 求 E 以 講 方將 錯 爲 文者,告之曰 甚 定 生 諫 學之師 田 也。 矣。 中 一,所 命 佛 之教, 論 賦 切 骨 謂 韓文公起 學, 況 禮」, ^ 諛 表》、《 專 茅 命 然 東 墓之文 以 日 也 鴟》 則 林 以 : 而 禮 : 平. 君 覆 聚 劉康公亦 之不 爲 文不 是 諸 子 淮 八 轍 示 徒 先。 以 代 爲 君 西 作 立 歸 有 有 暇, 學 之衰 碑 ··, 豈 幟 孔 舅 進 動 於 云『民 爲 何 子 學 舍 於 作 不 巡 <u>~</u> ~,若 問 禮 嘗 之 張 禮 誠 術 此 其 餘 而 義 旧 政 者 何 Ш 中

居 北 炎 武 + 生 嘗 性 謂 兀 傲 人 不不 \Box 諧 性 於 不 世 能 舟 身 行 本 食 南

好

之病。 義,好 洲 子 行 納 H, 曰:「古人飲酒,卜 而 ,雖以 者乎 賄 ,至於論 喜餐麥跨鞍。」又謂:「 無 二者,皆 行小 所 嘗至京 苦節 用 ·慧。___ 心 經評史,亦不苟同 其 推 ; 夜 狷 師 時 南 百 行之; 豈有正 介 泉、二曲 人 方之人,群居終日 東 畫不ト 嫉 謂 海 俗 其 兩 如 評 北方之人,飽 學 以以 夜。 此 論 也 ± 經 切 人君子, 延 世 於 中 世之學 間 之 司 南北學者 夜 · 言 惟 時 飲 淫 推 諸 食終 而 不 怒 奔 黎 夜 及 君

子 明 百 之,於是承學之士, 注 不爲之傳 代, 疏 節 胡 甫 者。 有 朏 \Box 於 明 贵 : 自 性 諸 記成之後,客 黎洲 非 理 君 數 , 汩 子, 知 典 起 習古 於制 皆 而 而 推 忘 振 義 有 其 挹 經 其 問 義 祖 南 無 頹 於子 歟 矣。 雷 波 ? 人知 崑 日 所 亭 Ш 以 林 讀 閻 今 繼 古 有

子 日 黎洲 乃 蕺 Ш 之學,矯 良知之弊,

辨

劉

以 依違之言 之室,但 非 ,以朱子 實踐爲主,亭林乃文清之裔,辨陸、王 以 一,豈真 漢 爲宗。 學爲 知 灼 故 不 見者哉 可 兩 廢 家之學,皆深入宋儒 耳。 多騎牆之見, 之

《左傳》杜注之遺。 知《尚 藻釋瞽宗之奠,乃木本 豪傑之士 思見用於當世,垂 四 "; 非 向, 同 大端 摘 書釋地》曲 風,二君實啟 句 客曰:「二君 於 有 書》古文之僞; 之世 ,疏於末 此 心 耶 軒 則 ? 士 輊 從 護 也 節 者乎?」 或 寬 紫陽, 哉 ·· 贵 以 一勳名於來葉,讀 朝諸 假之條 之。 能爲舉 1 瓌異之質,負 若抱 水 朏 儒 顧 菜 然 明《洪 源之意也。 氏 瓜 黄 究 # 殘 於 審 祭 氏 守 六 不 彼 古 飲 範正 爲 闢 經 缺 則 食 韻 奥旨 之時 啚 之俗 經 書 嚴 之 論》直 之人,芹 書 世之才, 論 況若 踰 微,補 之謬, 與與 謂 道,重 儒 閑 之 璩 非

漢

子 Ė: 甲 申、乙酉之變,二君策名 於波

章

在

之傳哉 室之頑民,當名 黨人,猶效西 夫故土焦原、横 烏合之衆,當王者之師,未有不 命 浪 强挽人心。 礪 灘 之上, [臺之慟 竄 發 編熏胥之條,豈 流 身 蛙黽之怒,奮螳螂 於 毒浪之後,尚自負東林之 哭,雖前 榛 莽窮 谷之中 朝之遺老,實周 能 敗者矣。 入《儒林 之臂 不 順 逮 以 天

林; 蹟 以 主併爲 鑑輯 且. 未有之寬仁厚 化育之功,體 宋史》甲 ,祁、熊之流 祁 招之使 中 覧 》, 漏網長鯨,亦復 彪 客曰:「 人住、熊 竊 戌、乙亥之例,大書 Z 據 來。 酉 《續 固 生 開 澤 也。 所 成之 哉 元 編 也。 年 以 皆 今子不尊聖人至公之心 礻 响 突 德,不但 有 我高宗純 子之説 黜 濡 即 韋 10列 留 欽 江 猛 都 海。 定 傳 獸 不 也。 而 位 皇帝《 加 明 得 特 號,唐、 此 以 史》, 以 我 核二君 書 伊 誅 矣。 祖 御 古 遁 亦 桂 宗 以 跡 批 事 是 倣 來 抑 參 通 Ш

> 而 爲 子 拘 Ē 牽之論, 何 所 見之不 廣 耶

實,爲書一卷,附於册後。 噫 吾過矣。」 退 而 輯 君

事

汪 跋

禮,損 論。 焉。 白 爲 疏 品 堂、宗廟、辟雍之儀,天子廣集衆儒 六經,憲章四代,先王製作之精 年矣。 束之高閣。 家之言。 爲二,度數、文爲,棄若弁髦,箋傳、注 自後儒 末學膚受,後世 古者國 益古今之宜, 以 家有巡守、封 讀 綴 又其甚者,肆 書 \pm 推所學以合於 爲 肅 一滋惑。 翫物 之卮 禪、朝聘、 喪志,義 詞, 其 經學浸微,蓋 創獲之見,著 義,可攷 棄鄭 世 理、典 講 燕饗、 用 君 之 根 議 而 奥 章 七 知 底 典 明 其 西

漢 孔 梅定· 或 》, 戴 朝 九 漢 定 東 學昌 原 曆 集諸 算 明, 胡 儒之大成,裒然著述,顯 超 朏 軼 明 前 辨 古 易 圖 閻 惠定宇 白 詩 駁 述 僞

> 是而 根據 時文爲古文,三禮之學,等之自 舉世沿習 章,金石之學,貫穿勃穴,靡 人導之於前,錢曉徵及先君子繼之於後, 於當代。 他 河 千古一 非,自 漢 肆 古文詞支離 以宋,比 意 顓門之學,於斯爲盛。 譏 時 非大儒、孰 图 彈 也。 諸 識 春 譬 其 牴牾 若夫 秋 如 非。 之調 秦、楚之 有能辨之者 矯誣之學, 體 如 例 汪 人。 破 鈍 不 無 壞。 惡 翁 通 鄶 道 至若經史詞 莠 震 擅 私 方靈 以 ; 亂 造 驚 則 \pm 下 苗 典 耳 皐以 H ; 顧 故, Η, 似 田 毛 口 寧

謂

可 其 爲 聞 《漢 人,先生名 見日 馬子長《 吾鄉江先生,博覽羣籍,通知作者之意, 學師 廣,義據斯嚴,彙論 承 史記》、班孟堅《漢書》之例,撰 記 Ш **>** 之業,固 書。 異 當 時 經 坿 采 生授受之情,輯 此 之柱 不朽。 下, 或 傳 次 如 之

0 此 題 原無

識先生以爲知言不也。● 命跋尾,不獲固辭,謹以所聞,質諸坐右,未 先輝暎者也。喜孫奉手受教,服膺有年,被 測之見,尤可 《敘傳》 七日、後學汪喜孫識。 二篇, 與顧寧人、錢曉徵及先君子 列 於卷後, 亦足 嘉慶十有七年五月 屏 後 儒 擬 議 後 規

「識」、初刻本及粤雅堂本等皆作「職」、今據文意改。

或 朝 經 師 經義

甘 泉江

易

藩纂

也。 壽《易 非 何子 京 施 易》。 孟 氏 讎 本以古字,號《 氏《易》 然 學。 也 莊 魯 **>** 則京生之學 ,子莊之後,有施、孟、梁丘之學。 商瞿子木受《易》於孔子,五傳至 延壽嘗從孟 即 孟 孟 京氏,京房 明 氏 孟喜也; 矣。 學 ,實出 翟牧、 古文易》, 喜問《易》,喜死,房 又 也,從 梁丘,梁丘賀也 有 費 於焦贛,長 É 氏《易》。 生 梁 無章句,徒 不 人 肯, 焦 於災異 費 延 皆 氏 以 日 壽 又有 齊 施 以 名 非 延 學 田

《易》。 於國 后, 祚《周易 主 言 《彖》、《象》、《繋辭》、《文言》解 氏 元、扶 ൬ \coprod 氏 咎」、「悔亡」,惟費氏 帝 爽,並傳 田 高 王 何《易 博 出 同 何 時 立施、孟、 弼 學 氏 ±; 1 經校 時,其《易》亦無章句,專 大義 風 劉 費、高二《易》,民間傳之,後漢 將軍, 微 集解》博採諸儒之説,如 》,是爲 費 向 而漢、晉 馬 矣。 至南 楊氏字叔 施、孟、梁 典 氏 融 略 傳至 校書,考《易》, 同 梁丘 永嘉 齊 易 河 高氏《易》。 , ~ 諸 **%** 南 惟 相 以來,鄭 元, 之《易》,元帝又立 儒之注皆亡。 易 É. 鄭 京 沛 經與古文同。 》用 衆、 之《易經 氏 田 1 人 爲 何之弟子 北 將 鄭 高 異。 玄、王 以 軍,丁 義。 漢 相, 海 説 説上 爲 初, 鄭玄、 >,或 陰陽災異, 治 孟 又 諸 隋、 弼二注, 寬也。 惟 也。 以 喜、京房、 立《易》 家 下 易》 脱 唐 唐 費 京 潁 中 説 經。 去「 李 始 氏 京 與 兆 官 JII 古 皆 一帝 氏 受 專 興 无 列 É 費 荀 成 陳 文 祖

例,藉 先 理 存 馬 爻辰、交互、消 學, 儒 融 古義, 古 此 鄭 玄 結 可 於 棄如 以 人 荀 是 心 推 爽 卦 息、升降、納 土梗矣 或或 . 尋。 氣、 劉 詆 表、 無 六 爲 日 如 宋 穿鑿,或斥爲 七 王、韓清談,程、朱 衷、 甲之變,半見等 分、 虞翻 游 歸 陸 邪 飛 績 伏、 説, 略

闢 陳 秋 爲祖 稱 疏 人 子之言,可 《易》以 (易))自 冻搏之 復 其 發 \pm 陳 流 輔 摶 日 明 夫《易》爲 圖 哉 漢 商 來,傳授不 嗣 Ŧ ,於是三聖之《易》,昌 康 者。 時 輔 瞿 注 節 以 嗣、韓 之説 育 師 或 之學,而 謂 如黄宗羲之《易學象數論》, 下筮之書,秦火未燔。 説 當當 初 之穿鑿,謂之邪 ,孔子之言 老儒,亦有 康伯之書行,二千 絶。 無 及東吴惠 浮 以 則 義 納 漢 甲 黄宗炎之《周 儒 攻 明 氏 也 動 之説, 爻爲 於 \pm 起 説 弼 # 嗟 Щ 之注 僞 哉 乎. · 贵 導 餘 以 商 年 其 非 商 瞿 源 易 ∇ 墼 受 雖 T. 無 蓋 孔 瞿

> 書,不登兹録 對 蕪 秋占筮 合附會, 士: 象 口 也。 詞 謂 辭 易之外,又增移易爲 不 但以變易、 遺餘 書》、《易小帖》 惟 不 啚 毛 顧 書 奇龄《 力 義 辨 矣。 理, 惑 《仲氏易》、《推 交易爲 然 務 亦 不宗 四書, 求 文 力 詞 伏 \pm 闢 漢 勝 羲之《易》,反易 、周公之《易》,牽 頗宗舊旨,不雜 學 宋 耐 皆 易始 人 己。 啚 非 末》、《春 書 凡 篤 之 此 信之 説 諸

《易音》三卷顧 定字撰 循 氏義》九卷、《虞氏消 卷、《易例》二卷、《周 ± 易圖 一奇撰 撰 明辨》十 《周易述》二十三卷、《易漢學 易述贊 炎 · 卷胡渭撰 武 》二卷洪榜 易本 息》二卷 0 ^ 易學 義 撰 易説》六卷惠 辨 <u>。</u> 四 張 證 Ťi. 周 + 易 卷 卷惠 沙八 虞 焦

■ 此條底本無,粤雅堂本等有之,今據補。

《洛誥》,十九《多士》,二十《無逸》,二十一 刑》、二十六《文侯之命》,二十七《粊誓》,二 十八《秦誓》。又河内女子得《泰誓》一篇獻 四《顧命》合《康王之誥》爲一篇,二十五《吕 範》,十二《金縢》,十三《大誥》,十四《康誥》, 誓》,五《湯誓》,六《盤庚》,七《高宗肜日》,八 十五《酒誥》,十六《梓材》,十七《召誥》,十八 子序之, 遭秦滅 西伯茲 君奭》,二十二《多方》,二十三《立政》,二十 皋陶謨》合《益稷》爲一篇,三《禹貢》,四《甘 一十八篇: 爲古文,孔安 尚書》有二: 黎》,九《微子》,十《坶誓》,十一《洪 <u>~</u> 學。 堯 國所傳也。 典》合《 一爲今文,伏生所授也 至漢,唯 舜 書本有 典》爲 濟 南伏 一篇 百篇,孔 生口 傳 ;

> 家,訖漢東京,相傳不絶,是爲《今文尚書》。 爲小夏侯之學。 夏侯都尉,受業於張生,以授族子始昌,始昌 傳族子勝,爲大夏侯之學, 勝授從子建 至曾孫歐陽高,謂之《尚書》歐陽之學。 篇,以授同郡張 生授同 之,共二十九篇。伏生作《尚書傳》四十 郡 兒寬,寬授歐陽生之子,世 生,張 於是有歐陽、大、小夏侯三 生授千乘歐 陽 世 生 一傳之, 歐 又有 别

之二十四篇者,分《九共》爲九篇也。 事,不得列於學官,故稱逸《書》,亦稱《 十四、《旅奏》十五、《霁命》十六。 訓》十一、《肆命》十二、《原命》十三、《武 七、《湯誥》八、《咸有一德》九、《典寶》十、《伊 禹謨》四、《棄稷》五、《五子之歌》六、《胤 六篇:《舜典》一、《汩作》二、《九共》三、《大 書》,孔安國以今文字讀之,皆起,增多一十 漢武帝時,魯恭王壞孔子宅,得《古文尚 鄭 遭 康成謂 中古 巫 成》 征》

以 磐、楊 楷 巡、 之。 無 儒 多之一 張 林 僖 文》。 逸 仴 诵 桑 生 今文 其 之注 者, 注 解 重 杜 恭 欽 授 馬 得 文,其 林《 釋 伏 師 袓 後漢賈 胡 其 安 融 西 倫 へ讀 十六篇, 生 · 賈 成、 也 承, 八傳 泰書》者也 既 州《 或 、張楷、孫 亦 之,校 所 説 所 又 無 傳 後 逵之訓 哀 常 之者,都尉 《徽受業於 傳 桼 游 也,世 逸 以 其 師 授 時 書》, 之二十八 馬 謂 其 馬 學。 而 説 徐 劉 融 期 (文字, 無考 之逸 者,不 敖、敖 融 1,是爲《古文尚 馬 傳 耳. 亦 白 之門,乃 鄭君 굸 涂 朝朝朝 融 相考證,以授衛宏, 其 父子 習古文。 也。 惲, 篇 授 書 習 學。 之傳,康成之注,亦 敢 絶 康 其 强 其. 無 校理 \pm 傳子 其 授 淵 成,先受古 尹 爲 旬 師 璜 膠 後、《武成》亡 逸 源 之 讀 説 又有 敏 逵。 十六 秘 書》。 於孔 涂 東 書》者 解 而 書, 唐 惲 庸 蓋 扶 又 른 篇 氏、又 防 生 然增 皆 安 則 文 風 有 惲 非 皆 或 張 於 徐 漢 杜 周 見 授 孔 庸

> 於建 乎 注 永嘉 》引《胤征》,《 有 存 武 之際。 者,故 師 資 道 康 至 喪,二京 典 成 東 寶 注 漢 注 書,間 之末,《 逸 引《 典 (),咸 伊訓》之類。 引 胤 之, 就 征 滅亡。 如 ^ 伊 禹 訓 迄 貢

猶

二 十 十《咸 + 獒》、十九《微 誓 中 文二十五 文尚 訓》、七《太甲上》、八《太甲 陽 孔 三《胤征》、四《仲虺之誥》、五《 ·》、十三《説 中》、十六《泰誓下》、十七《武 臧 傳《古文尚 一《周官》、二十二《君 四《君牙》、二十五《冏 曹 書》授扶 江 有 左 曹授 一中興 篇 德 命 汝 風 書》,自 子之命》、二十《蔡仲之命》、二 × 元 下》、十四《泰 南 蘇 + ^ 大 帝 梅 愉 愉 云一晉 時 禹 賾 説 謨 陳 授 豫 命 中 賾 太保 章 命》,是爲 天 》、二十三《畢 上》、十二《説 誓 水 所 内 湯誥》、六《伊 梁 公鄭 史 成》、十八《旅 九《太甲下 上 上》、十 五子 柳 書 梅 沖 爲《古文 , 柳 賾,奏上 之歌 增多 五 授 命》、 泰 命 城

矣。 書乎 篇 之半 而 見之, 豈有 書》及《百 + 取 博 玄德 尚 稽 航 畢命 白 爲 反 土 几 古 市 兩 取 成帝 ·爲《舜 自 升 得《舜 篇 帝 ,駁之,遂不行。 孔 · 諸 漢書 篇 此 爲《 其 聞 舜 爲 歆 書》, \forall 篇 以後、《正義 兩 説 時 乃 日 八孔傳 撰 向 張 典》,此又僞中之僞也。 典 則 • 悉孔 篇 乎 劉 命 重 儒 《三統曆》,述《伊 明 霸 又取 逸《 \leq 一篇 向 ! 以 華 林 知 **%** 僞 劉 書》 位 協 以古文校之,非是, 其 傳》先述孔壁逸《 壁古文,豈 沖 造 此 向 奏 齊 二十八 於 僞, 遠 非《百 説 》大行, 父子 至唐孔穎達爲《正義 建武中,吴姚方興 上,比馬、鄭注多「 帝 之説,可 反斥 霸 而 濬 撰《 領校 僞 兩 哲 (字,乃 有 造 而 鄭氏 別録 影明 文 訓》、《 馬、鄭 歆 祕 者 謂 明 矣。 書時 亦 書》, 分《 游 》, 所 時 温 乃《 知 武 之注 遂 梁 談 恭 述之二 堯 其 且《 介於大 成 百 無 取 皆 後 朏 武 允 日 僞 典 皆 敘 若 根 霸 得 逸 爲 其 兩 寒

是

雖

Ļ, 廬、郝京山 至宋,吴棫、朱子始 一、梅鷟 也。 然皆· 疑 未 其 有 僞,繼之者吴草 能 抉 其 (奥,探

其

藴

始昌 之謬 馬、 干 知 著 以 鄭之學 黜之。 一之《洪 僞《古文》, 有餘家,不知僞《古文》、僞《孔 録 逮 而 或 闢 如 朝 復 漢學 範 胡 閻 五. 顯 朏 氏、 於 行 Ŧī. 而 明《 不 傳 世 行 惠 洪範 矣。 知《五行傳》之不 家亦 災 氏 異之説 出 出 Œ 或 於伏 論 而 朝 僞 注 生也 是 雖 古 傳》者 不 力 尚 文寖 知 攻 書》者, 口 夏 朏 啚 闢 微 明 概 侯 書

不

Ŧi.

卷江 攷》二卷惠定字 指 集 撰 古文尚 注音 艮 尚 庭 疏》十二卷、《 書 卷 書 後 疏 圖 案》三 證》八卷閻 撰 卷胡 《 尚 + 一尚 卷 書 渭 若璩 書 \pm 撰 攷 鳴 經 撰 辨》 盛 師 ^ 撰 古 系 四 ^ 文尚 禹 卷宋 表 尚 貢 書 書 錐 鑒

詩

(詩)省

魯、

韓、

毛

四

家,

皆

出

於子

夏。

子 列 克,克傳魯人 小 毛公、爲《詩 韓 故以教 倉子,薛倉子授帛妙子,帛妙子授 魯人申 漢 韓 齊 學推《 、於學。」一云:「子夏傳曾 ·毛公爲 傳 詩》。 書 詩 趙 徐整云: ,無傳,疑者則闕 ·培公受《詩》於浮 儒 詩》之意,作《内 齊人轅 河 孫 毛詩》者, 林 間 故 卿 孟 傳》云: 「子夏授高 訓 獻 子,孫 仲子,孟仲子 固 傳 \pm 生. 》於家,以授 博 作 出 卿 「毛公,趙 士; É 丘伯 號 詩 子 》、《外傳》萬 毛公, 行子,高 以 傳》, 傳 Ы 申,申 不 傳 ,以《詩 魯 1《魯詩 在 根牟子, 趙 號 人,治詩,爲 人 河 漢 人 河間 大毛公。」 · 傳 間 行 朝,故 小 言 經》爲 魏 子 獻 齊 毛公。 人大 根 人 授 燕 詩 Ŧ 號 李 牟 不 薛 好 人 訓 \vdash

> 鄭。 鄭、 是《毛 非 衆、賈 授 河 延 鄭 年 間 謝 王肅三家同 王、鄭 Ŧ. 授 獻 曼 〈逵傳《 傳》大行 虢 \pm 卿 基駁王 徐 博 。三三説 网 毛 敖 1: 家,互 詩 異,而 侕 申 敖 授 鄭 不 授 同 相 家 馬 ; 百 或 九 掊 朋 孫 廢 融 貫 江. 擊,皆本《毛 於王,陳 未 矣。 毓 作 長 陳 知 注 爲 卿 俠 孰 魏 《詩 鄭玄作箋, 長 是。 王 統 或 評 卿 肅 又 云: 傳 授 後 難 又述毛 延 漢 孫 陳 年 於 申 鄭 俠

攻《小 者, 爲 裨 昌之《詩論》、王柏之《詩疑 人,若毛傳、 異端 益,專務 有之自歐 自漢及五代,未有 序》 邪 説 者不一其 新 鄭箋, 可 陽 奇 彻 修《詩 而已。 則棄之如 人,攻《 修開 本義》始,於經 不 本毛公而 》,變本 糞 大 妄 土矣。 序》者 **亂** 之端 加 别 厲 不 至 義 爲 「斥之 於於 一其 之説 程 毫 大 是 無

齡之《通義》, 或 朝 崇 尚 雖 實 力駁 (學,稽 廢 序 古 之 之非 1: 崛 而 起 又 採 然 歐 朱 陽 鶴

删 雖宗鄭 修、蘇 改 佛 作 鶴 果之文莫能救之」。 魚諸器」,謂 至 魚以陸《疏》爲 毛詩 稽古編 西 謂 其貌,未 説 網網 汰之例 罟。 解 孔 與 類釋》, 美人」, 轍 學, 經 口 子抑 吕 里 吁 有 晉 訓 + 「廣殺物 祖 陳 明 ! 則 多鑿空之言,非專門之學, 藐 詁 宋 卷, 則 謙 目 盛 啟 \equiv 間 可 之説 張 皇 可 惠 源 稱 音 往 謂 命、恬 妄下斷語,謂 徵 膽若此者也。 謂 商 而 往 以《爾雅》爲主,草 怪 佛 蓋 專門名家矣。 君 獨 榷 有之,然皆 誕 教 定定字 聖於西方」; 好博 不知 不 東 毛 經之談 流,始於 詩 呕 怪 而 稱 非 「庖犠 不 襲其説 顧震 之。 啟 矣! 純 大覺 周 然 源 解 者 亦在 必 滄 代 而 木 其 又 也 之 不 緣 捕 著 而 解 蟲 以 書

禮

徐

卷戴震 詩説 ***** 撰 《 詩 卷惠 本 周 音》十 惕撰 卷顧炎武撰 毛 鄭 詩 考正 《詩 音 几

坫

序》云 撰; 篇,謂之《大戴 生傳《士禮》十 而字多異。 篇、《 ; 劇獻 此 》也。」《禮記》者,本孔子門徒 李 生善爲 金,不得,取《考工記》以補之, 氏 記,後 秦氏坑儒 王 緇 之。 周禮》六篇。 上 制 衣》,公孫 戴 容。 《古文禮》 周 徳删《 人各有 或 曰 : 漢 官》五 《禮》; 景帝 七篇 時 禮 博 古 尼 經》缺 時 損益。 即 篇, 戴聖 河 禮 1: 子 其 Ŧi. 河 今之《儀禮 ***** 所 間 制 + + 失《冬官》 删《大戴禮》爲 間 爲。 獻 六篇 壞。 ; 七 百 ^ ^ 獻 \pm 篇 中 月令 四篇爲 E 陳 開 與 、《記》百三十 漢 共 庸 好古, 高 興, 邵 即 獻 撰 \approx __. ×, 也 今之《 篇 書 堂 所 子 周 吕 八 魯 之路 生同 聞, 得《 思 乃 禮 四 不 高 而 周 古 購 Ŧi. 論 韋 所 以 魯 堂

禮

千

有

作

爲

禮 授 聖、 禮 官 授 所 Fr. 於 F 百 力. 橋 經 夏侯敬 餘 異 篇 卿 蕭 世 號《后 慶 奮 周 杜 普 即 附 是 傳 + 其《 楊榮。 官 子 授 爲 今 戴 《禮記 了, 又 蒼 餘 由 春 古 之《禮 聖 東 篇 授受源 是 曲 小 受業 傳 禮 篇 海 以 臺 禮 戴 》者,馬 新 族 經 章, 孟 記 付 記》 禮 有 於 莽 子 卿, 流 》, 授 書館 Ŧī. 大、 去其 歆 時 咸 也 也 + 卿 融 小 後 授 名 劉 聞 六 繁 授 大戴 傳《 戴、 漢 盧 鄭 歆 慶 人 篇 百 重 爲 馬 植 通 氏 圃 爲 慶 禮 逸《禮 郡 授徐 及 蒼 父子。 或 漢 融 鄭 曲 經 所 氏 后 傳 師 及 康 之學。 臺 良 蒼 敘 盧 者 戴 + **%** 成 \forall 始 及 略 植 此 德、 七 蒼 其 V 魯 考 小 É 而 篇, È 1: 説 諸 周 戴 普 戴 瑕 瑕 行

指 無 41 摘 理 可 其 置 學 Á ', 不 好 喙 晉及唐 引 暇 然 識 深 必 緯 、《三禮》皆 究 欲 而 名 攻 己。 物 擊 度 漢 南 用 數 儒 宋 鄭 以後,始 乃 所 注 於《 以 於 至 周 改 宋 禮 禮 鼠 儒 經 中 松平 潛

> **奉** 奥,宋 取 雖 義 鄭 則 説 巧 文, 疑 焉; 矣。 深 專 於 注 秋》皆以宋 起 喪 補 於 於《禮經》, 用 求 矣。 儒 亡 服 方苞 至 注 勝 是談 之 傳》非 畏 或 疏 延 説 於是 其 畫 朝 祐 難 興 削 至 儒 禮 子 然或 科 矣。 如 更不 讀 郝 陳 新 記 夏 舉之制 萬 敬 澔 説 **>** 所 别 取古 ^ 者 足 斯 之《 乃 與 作 士: 無 道 大、 爲 注 一禮》十 皆 異 注 臆 矣 而 疏 蔡 趨 集 易 説 斷 注 或 相 德 渗 説 參妄説 參 文 七 晉 显有 至 **>** 篇 奇 隱 詩 敖 惟《 而 龄 盛 書 》、《書》、 攻 繼 不 文 之《吾 禮記 鄭 白 問 不 公始 詞 氏 古 無 從 古

卷、 卷惠定 例 撰 儀 周 \sim $\check{+}$ 禮 官 **^** 石 考工 鄭 卷 宇 禄 經 任 撰 注 \coprod 正 大椿 記 句 考 誤 讀 》三卷 圖 撰 唐 禮 卷張 車 疑 沈 卷 彤 卷 制 義 戴 阚 撰 考 震 舉 岐 監 撰 撰 要 褅 本 卷錢 ^ ^ 七 IE. 祫 弁 儀 卷江 誤 説 坫 禮 服 撰 小 釋 永

考誤》 惠言撰 椿 惠定宇撰 衣 江 疏 正 撰 永撰 考》 譌》十七卷金日追 卷沈彤 卷江永撰 卷黄宗義撰 禮經釋例》十三卷凌廷堪撰 儀 \wedge 禮 禮 撰 記 管見》四 訓 儀 義擇言》八 撰 禮 深衣釋例》三卷任 ^ 明 卷褚寅亮撰 釋 《儀 堂大道 宫 譜 禮 啚 增 卷、《深 録 注 义 **>** 卷張 儀 《深 衣 卷 卷 禮 大

附三禮總義:

十五卷江永撰 《禮箋》十卷金榜撰《禮説》十四卷惠士奇撰 《禮經綱目》八

用服氏注,後專用

杜氏

前

諸家之注廢

春 秋

高、 録 無 穀梁 書 孔 子作《春秋》,爲之傳者,左丘 皆 赤 及 不 鄒 顯 氏 於 世。 夾 氏。 傳 於 鄒 世 氏 者 無 ,左氏、公、 師 明、公羊 夾 氏 有

《左氏》學。 《左氏》,歆授賈 《公羊》、《穀梁》不如《左氏》四十 傳其子 作《左氏 授賈護,護授陳欽。 傳尹更始,更始傳其 公,買公傳少子長 況傳張蒼,蒼傳賈誼 穀三家。 上《左氏》,乃立於學官,遂盛行。 期 訓 グ;期 丘 詁》,於是 至和帝元興十一年,鄭興父子奏 明 傳鐸 作傳 徽,徽傳子 卿 椒 長卿 子 劉 以 館傳至 椒椒 鄭 歆 咸 授 衆、 從 傳 曾 及 傳 尹 虞 翟 馬 申 逵。 其孫 張 咸 卿 方 融、 敞 申 及翟 進 逵受詔, 事奏之,又 卿 江左中興 及 嘉 傳 服 ,嘉傳 胡 張 吴 傳 虔皆 方進 禹,禹 起,起 常 荀 爲 列 受 貫

顔之學。 宏、宏授嚴彭祖、 大、嬴公、段仲温、吕步舒 (穀梁)者, 瑕丘江公受於魯申公, 其學寖微 傳《公羊》者,胡 數傳至 孫寶、後 顔安樂,由是《公羊》有 毋 生 漢 ,嬴公授 董 何 仲 休爲之注。 舒 ,仲舒傳褚 孟 卿及 傳

六六

事 爲 望之等多從《穀梁 望之等 + 選 千 最 姓 惟 + 博士 Ť 郎 皆從 餘 復 秋 篤 榮 -秋,傳 以與《 歲 十人從千秋受。 死 廣、浩星公二人受焉。 大 宣帝 廣受《穀梁》,千秋 皆 韶劉向受《穀梁》,欲令助之。 (公羊)家並 73 議 其 明 徵 即 殿中,平《公羊 學,又授《左氏 習 周 位,聞 慶、 乃 />>, 由 召 T 説 衛 會千 五. 姓 是大盛 上 太 經 待 子 又 善《穀梁》説 秋 傳 :沿 名 蔡千 事 好《穀梁》, 病 ,使卒授 》,爲 儒 浩星公,爲 死,徵江 穀梁》同 太子 秋、 又 有 章 周 太傅 旬 尹 + 慶、 更始 江 公孫 後 乃 異。 丁 蕭 博 詔 Ŧi. 又 學 書 亦 顧 元

助 氏 啖、趙之子孫 美 陸 學大行,二家鮮習之者 至 一大 淳 一隋時, 始 廢 厄 而 彻 傳 穀 談 梁》 有 經 宋 用 而 諸 范 儒 傳 甯 之説《 注 束 至 唐 置 春秋 是 高 趙 時, 閣 匡、 皆 春 账 左

卷,

繼之者唐

固

縻信

賈、服 之書 章,治《左氏》,《公》、《穀》竟爲 括,不值一噱 氏。 ,不敢著録,餘倣 表之,甚 云孔君廣森,深於《公羊》之學。 爲 或 ; 藍 朝 而 震滄之《大 本 鶴 爲《左氏》之學者,吴江 至 龄 且. 如 矣。 雜 江 不 取 湖 知 此 兹不 事 邵 著 紨 寶、王 表》 士之書, 書 著録。 之體 雖 樵 精 絶 之説 宋 然 學。 以 有 朱 以 七言 實 然 不 氏、 後 以 而 未 阮 必 貴 見 君 爲 表 宛 不 無 其 者 伯 文 歌 採 斯 錫

永撰 疏》 曆》十卷、《 緯》十二卷《附 左傳 左傳補注 卷 杜 沈形 解補 》六卷惠定字撰 春 撰 正 秋 録 世 春 八卷 族 卷顧炎武撰 秋 譜 地 馬 **>** 理 騙 一考實》 撰 卷 春 陳 秋 厚 春 左 左 깿 耀 傳 傳 秋 小 事 長

附 傳 總

春 秋説》十五卷惠士奇撰 玄就《 從,號 孔安國 夏侯建,又從庸生、王吉受《齊論》,擇善 道》二篇,凡二十二篇,其二十篇 侯建、蕭 者、龔奮、夏侯勝、韋賢、賢弟玄成、 云: 充宗、膠東庸生。《古論語 於《魯論》。 論 或弟子相與言 篇,有兩《子張》,篇 語》、《齊論語》、《古論語》三家。 「仲弓、子夏等所撰定。」漢興,傳 日《張 論 魯 爲傳,馬融亦注之。 望之。 語 論 **> >** 傳之者,王吉、王 侯論 者,孔子應答弟子及時 張、包、 而 《 齊 製包 接 論 聞 周之篇章,考之《齊》、 一咸、周 次與《齊》、《 夫子之語 語 W 則 張禹受《魯論》於 氏 出 有《問 一卿、貢 並 ŦĹ 爲 中章句 也 壁中,二十 魯》 傳《魯 章 禹、五 \pm 扶 人所言 鄭 句 **>**,</br> (卿、夏 者《魯 不 頗 康 司 論 鹿 鄭 丽 多 知 成

撰

於此。 及《禮記》中之《中庸》、《大學》二篇合爲 《古》,爲之注焉。 書,盛行於世。 注亡矣。 陳,鄭、何 至南宋,朱子始以《論 並立於學官。 凡 四 魏 書 何 類 晏 唐 及經 又 則 爲 專 總義類 用 語》、《孟 集 何注 解 皆 而 子 四 附 鄭

卷劉台 考》十卷江永撰 卷、《 几 書 四 ^ 論語 拱 四書釋地》一卷、《 釋地又續》二卷、《 書釋 撰 後 地 録 餘 <u>*</u> 論 \sim 孟. 卷錢坫撰 子 卷閻 字 四書釋地續》 几 義 若 . . . 書 疏 ^ 璩 釋 論 證 撰 地 語 **>** 三卷 三續》二 駢 鄉 枝 黨 戴 啚 震

441

附 經 總 義

鉤 撰 九經誤字》一 沉》三十卷余古農撰 六卷惠定字撰 經義 雑記 卷顧炎武撰 羣 卷 經 臧 經讀考異義 補 琳 義 撰 九 \forall Ŧi. 合古 經 卷江 古義 經 證 解 永

或

朝

經

師

經義日

録

□卷武億撰 《經傳小記》三卷劉台拱撰

爾雅

小 犍 公作 璞注,而 足,叔孫通 爲 舍人、 爾 《釋言 各家 雅 ,皆附於後。 所益,梁文所 劉 之注 歆、樊光、李 以 書 1,張 下,或言仲尼所 俱亡。 揖 云: 補。」漢儒 凡《 巡、孫 \sim 方言》、《釋名 釋詁 炎。 增, 爲 此學者 後用 子夏所 篇 郭 周

大椿 名補遺》 證》十三 《小學鉤沉》二十卷、《字 爾 雅 撰 正 卷戴震撰 義》二十 説 一卷、《續釋 文解字義證 卷 邵 **^** 釋 名》 名 晉 林考逸》八 疏 涵 五十卷桂 撰 卷江 證 一人 《方言 艮 、卷、《 拉馥 庭 卷任 撰 撰 釋 疏

附音韻

别

雅

Ŧi.

卷

吴

玉

搢

捏

表》十 兒切 辨 標準》四卷、《 表》二卷、《韻 音 微》一卷江 論》 語 ·卷戴震撰 卷、 卷洪榜 永撰 四 補 <u></u> | 聲切 唐 ^ 正 JЦ 韻 聲 聲 正 韻 卷顧 均 韻 **>** 表》 送考》四 和 炎武 表 + 四 \(\int\) 卷、 卷 卷、《 卷、《示 \sim 音 聲 古 古 類 學 韻

樂

校 《樂章》。 成 鏘 漢 壞樂微。 氏不相遠,内史丞王定傳之,以授常山 書 興,制 帝 鼓 舞 時 古者六籍、五 得《樂記》二十三篇, 禹 氏 而 武帝時 迨秦燔 爲謁 以 不 能 雅 樂聲 者 言 書,而樂之遺籍, 河 經,禮、 其 獻《記》二十 律 間 義 獻 世爲 樂並 王 其 與 作《 後 樂官 禹 不 重。 樂 樂 四 同, 掃地 記 人寶 卷。 能記 周 其 衰,禮 \pm 盡 公獻 道 劉 與 其 禹 矣。 制 寖 向 鉧

偉 類 千餘年之墜緒,彰明宇宙,不 儒 微 者,求周尺漢尺之遺,尋審律審音之旨, 十 以以 業哉 蔚 起,搜 篇 魏 附卷末。 已不復 以後 若 討 斯之 舊 得 典 聞 章 雖樂 類 於是遂 廢 不 棄, 制 미 即 爲 泯 云亡,而 誠繼 絶 滅 班 學。 志 因 往 **>** 别 開 論 所 或 來之 立 俾 音 朝 載 諸 律

原》六卷凌廷堪撰 撰 律吕新 ^ 律 吕考文》六卷錢 論 》二卷、《 律 吕 塘撰 闡 微 $\overset{>}{+}$ 燕 卷江 樂 考 永

經 中 實學者,得所取資 例,作《 之書,倣唐陸元 紨 所 載 家大 而 經師 諸 不 醇 人 家 者,乃 既 經 撰 義 述, 爲《漢學師 朗《 目 取 ,尋其宗旨 有 録 經 其 不 典 專 盡 卷,附 釋 論 承 嗣 文》傳 記》之後, 經 經 庶不致混 紨 心傳者 於記 而 注 後, 姓 本 有 復 莠於 氏 俾 漢 雖 以 之 學 治 器 傳

> 鈞 録 ; 苗 昧,著其 爲 者,不著録。 不 言 古 著録 謹 棄取也。 不 不 以 · 著 關 識 , 砆 ; 録 乎 義 其 爲 一,書已行於世 已 經 人尚存,著述 例於末。 玉 次 ; 義 凡在 也。 列 一, 書 小 既 學,意 此 著 鈞 嘉 例,不欲濫 雖 録 承命繕録 之意 慶辛未良月 存 不 僅 其 而 純 附 大 名 未及見者 乎 見 登 而 漢 Л 10, 因 於 實 儒 有 前 古 既 未 古 几 不 X 非 望 不, 成 訓 揣 傳 以 男 著 意 檮 後

「鈞承命繕録」,原作「承命鈞繕録」,今據粤雅堂本等改

0

跋

法。 字, 也。 裁 宵 代 儒 盡 經 松平 漢 居 得 師 淳 詩 林 經 師 經學 鄭堂久 學 首 傳 學 其 阮 懿 諸 學 經 珠 右 也 傳 ,脩明, 稿 行 明以 文達《定香亭筆談》稱,元 先 義 湖 恪 冠天下,鄭堂於惠氏弟子余君仲 或 IIII 生 》,第一 出 亦可 草堂筆記 守 朝 是 在 來所未有。 洪北 處,著撰緒論, 崛 録 定 漢 師 書 阮 起 見 學 次顧 法,承先啟後, 鼎之初, 以 文達 其 江 遠紹 卷 師 兩 體例之嚴 三則 詩話 承 亭林 先 慕 或 鄭堂特著 兩 記 生 府 稱 顧 朝 漢諸 ~ 編 居首 \(\bar{y}\), 亦 搜 歐亭 江 八 文達撰 於 括 書 卷, 林 藩 5,第二 卷末 私 儒 靡 稱 然如 極 和惠徵 淑 胡 之 附 遺 此 其 有 墜緒 書 有 朏 〉學 次 或 史 洵盛 Ŧ. 黄 史 家 有 君定 國 藁 惟 或 師 純 棃 體 業 泉 朝 實 篤 閻 昭 朝

> 書,臚 詩》日 選詩, 學者 之不 人,而 進 其實也。 美,俾成 亦隱然自具身分,惜其爲 侍 所 至 雕生傳 北江詩話》則 太丘 甲 也。 作古 加 郎 决 醇 鄭堂 寅 傳 『公本愛才勤 不能 道 夏 不 文,指摘 本傳, 佳傳 》,不 則宛然報復之 以 記 廣 然究 Ŧī. 可 此 所云 各 聲 及 少之 朔 等 言 隨 調 其以 也 爲 無 事 H 事 稱鄭堂《 也! 人之所長,亦 ; 其 其 格律 Ŀ 論 縱 0 用 南 又於《子 説 下二 有 IE 洪 五七言詩 説 海 讀 又北 事 高 爲 乖 鑿 項 北江《 者 伍 師矣。 訛 祖 準,其病 空,亦 史例, 我 百 過畢 崇 1略其 舛, 饑 封六國後,完人 江 年 房 曜 大 傳,記 昔 寒所 詩 章 龂 頗 傳》見之者, 謹 弇 當記之説部 小 亦 自 大著作 話 V. 齗 有 跋 適徴 在 疵 Ш 司 好 迫 門 微 强 馬子 及其 宫 口 未 於 稱 户 詞 耳 其 學 依 保 以 侍 : , 所 長 不 劉 墓 出 己 譏 郎 亦 漢 能 紀 道 律 何 所 其

⁰ 跋 原 粤雅

國朝宋學淵源記

[清]

漆永祥 江

藩

撰

校點

九

Ŧī.

五.

四

Д

六

跋(伍崇曜) [程在仁	彭尺木居士	汪愛廬師	羅有高	薛香聞師	王朝式	史孝咸	沈國模	附記	鄧元昌	任德成	黄商衡	向璿	
四二	四〇	三七	三六	三四	Ξ	Ξ	=	Ξ	\equiv	二九	二	二七	六	

校 點 説 明

記

登

瓏(附 法, 人,共四十七人。 下卷二十一人,附 鳳、羅有高、汪縉、彭 元 澤 朱 學人物 王心敬)、李因篤、孫若羣、 上 霖(附 昌 澐、向璿(附黄艮輔、 用 述北 仍仿《漢學師 純 彭 或 如劉汋(附惲仲升)、韓孔當、邵曾可、張履祥、 方宋學人物,分别爲孫奇逢、 沈 智 定求)、高 朝宋學 附 昀、 循 記 觀、 謝 淵源記》二卷《附 則 文游、 韓 承 記 愈、顧培、錢 爲 記》例,爲清代宋學人物立傳。 夢周)、孫 紹升、 沈 應揭 程登泰)、黄商衡、 或 模、 程在仁等。 張沐、寶克勤、 總正記三十九人,又記八 謙、吴 景烈等, 史孝咸、王朝式、 民、勞史(附汪鑒)、朱 記》一卷,其 慎、 刁包、李中孚(附 卷下述 施 凡上卷十人, 璜、張 任德成、鄧 劉原禄、姜 南 編纂方 夏、彭 薛 方宋 起 卷 師 兼 紹 態

是書收録的 標 準 凡 湯 斌、 魏 裔介、李光地 等,或

爲

不輕 表揚 重之之故 多肯定,南 武、 書來看,記述簡 故特表而出之」。 人,多非其 録者、「或處下位、或 之典,國 升、 度 承 通 録; 幸 張 記》, 者。 許 有加,而尊 輔,或居卿 程 即 爾 又若 可。 在 伍 岐 史必自有傳,故亦不録; 也 則 全書記 仁等, 方學 所 崇 等,已 不 陸 曜 N'S 可同 隴 記 略多寥寥數 從陽明 者 跋 貳,以大儒 折 載,偏頗失實 其等 則 入《漢學師 就江藩本人而言,對 》所録,若薛起鳳、羅 則多在 者,固 文所 E 多爲 伏 而語,究其原因, 位 者,則多在所略,即 田 謂 不 秩 江 所譏之列。 間 爲名臣,具有史宬,故 是 雖 氏 無 恐歷年 承記》,兹不復出。 語 卑, 師 蹈 書 ,亦自不 而已。 友, 瑕 記 然 另如 抵 宋 乾 久遠 而 於崇 學 隙之意」。 隆 則 少 其 有高、汪 對北方學 宋學持 黄 淵 • 較 學 初 因江氏不 宗羲、 有 尚 源, 特 則 所録,亦 程 爲 激 批 臚 縉 就 朱 漢 者 其 儒 就 列 判 顧 從 彭 者 甚 所 佛 尚 的 全 諸 炎 祀 煩

底 本 此次校點,以《 校以《粤 雅 節 堂 甫 叢 老 書》本(校 人雜 著》本《宋 記 簡 稱 粤 源 雅 堂

者之責,故因仍不改焉。 皆作適當之統一,個别改動有礙於書中原意者,則仍皆作適當之統一,個别改動有礙於書中原意者,則仍皆能之統一,個別改動有礙於書中原意者,則仍以以及,不

校點者 漆永祥

嘗

觀

元

代之尊

孔

子

日

:

先

孔

子

而

聖者,

作 昏 但 理 之靈 之精 及,即 自 賦 非 法。」至哉 明 之 天 無 開 則 孔 强 道 師 闢 理 確 子 宋儒 弱之不 所 不 息之 以 無 有 者 存 能 至 斯 以 言 也 極 謂 而 今日 無 間 世 明 乎 力 修道之教 司 人秉天地之中 寒暑晝 則 斷 蓋天之生 推 ! , 反其同 後 ·; 此 有斯 自 不 崇,連篇 孔 義、農 性 唯 夜之遞 子 人,有 也。 亦 有 而 物, 而變其異,作之君 無 以 累 聖 明 粤稽 嬗 斯 至 以 氣 講 牘 者 人之不具 生 今世之人,此 人 具 · 非 ,人性不能 學者 亦 則有 堯、舜、禹、 故爲 則 未 孔 命 所 有若 子 斯 立 弗 萬 無 也。 性。 性 無 物 是 能 以

> 父父、子子,各全其 臣 湯、文、武 其 所謂 之爲 繼 天 君,皋 立 天性 極 者, 陶、 而 亦不 稷、 른 契、 過 君 伊 君 周 臣 之爲

子則各具一體。 門牆,身通六藝,其 托之空言已也。 《禮》、《 能大行 唐、虞之盛 身,則可悟 後之人果 性之外别有神奇也。 來。 舜之君,使民爲堯、舜之民,原 示之,非厚於 世 然使當日 周衰,孔子生於東魯,出類 樂》,序《易象》,修《 而 於天下,不得 能 大 軌 前 經 於 聖之心傳 得 六經身體 大 顔、 内聖外王 至於七十二子 其問答之間,皆因 八法, 奥 行其 曾 中 無 惟 (道,亦 而 己 ; 義 如 薄 顔 體 以 訂《 而 、曾獨 天 於諸 微 春 之治 力行 不 用 言, 厭 詩 秋 不能 ·之徒 過 兼 周 拔萃,繼往 》, 以 子 **≫**, 之, 世, 具 得 德,其 致 盡 其品 也 於各 載 心 皆親 原 書》, 君 以 垂教 則 傳, 六經 爲 之 聖人 詣 非 可 道 全 修 天 炙 爲 返 於 正 未 開 而

萬

指

序

也 也 曲. 而 深 籍 然當 活造之, 蕩 孔 廣 然 子 大 時 没 然 其 精 已 斯 要 微 有 楊 人斯 歸 好 因 墨 亦 辩 人設 興, 性未 未 之譏 有不 孟 教, 嘗 子 滅 一合於 使諸 辭 暴 絶 秦 而 巾 子各 闢 焚 貫之旨 之, 書 尊 坑 廓 所 儒 加 者 聞

之中 於 黎 經 LI īF Ŧ 師 貫 U 道 崛 學 之」者 修 聖 Á 起 Щ 淵 漢 揚 理 身, 功 相 數 興 各 源 則 相 牴 守 百 扣 理 尊 日 終 車 大 牾 年 無 崇 之以 門 哉 説, 大 本 後, 二致 經 稽 純 心 齊家 術 不 推 古 性 ПП 蓋 崇 相 ; 諸 以 小 故《大學》始言格 道 治 聖 攻 或 大 爲 疵 在 或 道 擊 殫 儒 事 修己, 平. 心 於 功, 亦 力 意 竭 天下,節 灰 排 何 至 即 功 慮 燼 嘗 佛、老, 厚 所 之餘 在 於 皓 世 謂 安 次 首 致 儒 民 不 誠 紨 昌 或 窮 而

攻

陽

明

矣

從此 自 宋 心性、事 儒 道 統 之説 功 分爲二道,儒 起, 謂 程 心傳 林、 道 直 學 接 圳 鄒

> 學 依 若 糟 爲 本 或 氏 悟 ×, 尊 之 ? 良 草 非 粕 兩 不 知 德 學 漢 途 附 視之矣。 且 乎 性 遵 以 木 詳言 唐 而漢 建 者 朱 或 諸 功 互. 註 講 誠 儒 儒之傳經, 南 殊 業,稍 相 , 授 事 正 渡 於 不 攻 功 是 後 許 略 受 思 徵 黨 洛 議 視 相 江. 實學, 同 沿 治 唐 論 傳 西 閩 伐 儒 至 平, 與 陸 宋 心 之衛 異 而 朱子 有 氏, 其 學 儒 者 推 明 何 亦 永 源 尊 · 姚 不合 道 又 以 何 古 嘉 本六 羣 均 江 詆 由 |本《大 陳 門下 起 不 \pm 排 而 經 氏 氏 啻 心 而

矣。 特 重 私 或 民 熙 議 守 重 成 累 蓬 漢 物 今世之人,幸值休明之運,果 之 本 洽 士: 茅 儒 之 朝 名賢 政、《 ; 列 躬 文武 聖 渞 行 四 相 輩 司 實 歸 子 承 出 風 踐 書 科 0 本 直 第 或 府 建 仍 邁 登 無 縣 中 導 廊 懷 置 代 朱 立 廟 才 學 子 極 而 黼 官 之 不 媲 能 黻 + 學 美 售 下 無 皇 之 唐 · 學 上 爲 聚 猷 經 虞 徒 化

之田 何暇 高 達,服古入官,言行一以孔聖爲依歸,則將 鑽 堅,瞻 乎 分 ! 唐 分漢, 前忽後, 矻矻 闢 陸闢 王,舍己之田 孜 孜,寸陰是惜 而芸人 又 仰

於予。 傳,驗諸心得,爲弁數 諸公,以 源,請還質諸 下問之意。若夫 至矣,其用 本朝潛心 書,無分門別户之見,無好名争勝之心,唯 宫保爲跋於前,繼又纂《宋學淵 術 一年嘉平月,長白達三書於粵東権署。 湛 深,淵 甘泉江 予才疎學淺,曷能妄測高深。 有 理學而未經表見於世者,其餘 源 或 力 子鄭堂,博學多識,有志 世之善 有 史 勤 自、既 矣! 可考,不敢僭 精一 法 編《 語於簡端,以 孔 執 大 忘其 中,至 漢學 子 者。 議 師 譾 誠 時 源 也 承 陋 答其 皇 無 記 記 斯文, 詳 清 息 本 其 ×, 》,芸台 之 虚 道 諸 用 閱 問 廟 淵 光 衷 心 堂 録 其 序 師 經

經於既絶之後, 矣。 行,薄湯、武,非周、孔,聖人之道幾乎息矣。 秦燔 漢興,儒 春 秋 棄 戰 國之際,楊、墨之説起,短長之策 仁義,峻 生 厥 攟 功偉 摭 羣 刑法,七十子之大義乖 哉 籍於火燼之餘,傳遺 京

之義 苟 力 何 能 非 高 漢 疏 爰及趙宋,周、程、張、朱所讀之書,先儒 非 談 儒 也 數 性 傳 典 讀義 經 命 而 耶 忘其祖歟? 則 ? 疏之書,始 聖 後 經 人 賢 攻 傳 惟朱 擊 能 久 康 墜 闡 成,不 性 子則不 於 命 地 之理 遺餘 宋 然, 儒

卷

E

言 君 如 再 E 則日 此 鄭 而 康 康成 成 小 是 生 畢竟是大儒」。 好人」,又曰 豎 一儒,妄 肆 詆 朱子 康 訶, 成 服 是 何 膺 大

謂

哉

鄭

儒

其

陸子、 矣。 於禪 定論》 湖楊 遂 其本則同,要皆聖人之徒也。 陸子一 知 朱,天下士翕然從 子之學者攻 無涯涘,斯乃 且. ·, 集 同室操戈矣。爲朱子之學者攻 耶 主静、《大學》「定 竊謂朱子主敬、《大易》「敬以直 矢 氏,其言頗 孟子》「良知」、「良能」也。 然 一篇,爲調人之説,亦自悔 於象 ! 而 爲宋學者,不第攻漢儒 蓋 、朱子。 山,詎 析 「賢者過之」之病,「中庸」之所 雜 理 禪理,於是學者乘隙攻之, 至 知 風。 至明 微,其言必 朱 而 姚 子之言,又 姚 後 江 能 江 又著 之學 静」也; 其 至 其黨 末 陸 興 而 涉 何 朱子 子,爲 等, 已也 傳 節 内 於 姚 嘗 同 雖 虚 不近 伐 晚 陸 江 也 異, 異 而 良 陸 卑 抑

言,而

IE.

心

誠

意之學自明矣;

以禮樂爲

教化

而修

齊治平之道

自成矣。

集其大成,肄故訓,究禮樂,以故

訓

通

聖人之

東

高

密鄭君,

家 舌 以 消 異 争 在 爲 同 哉 於 難 修 能 其 身 也 無 有 謂 明 無 儒 力 他 儒 牛 生 身 讀 體 龂 聖 力 龂 人 行 辩 書 而 論 期 己 朱、 於 貴 陸、 明 徒 渞 \pm 以 \equiv 明 П

徴,甚 矣。 願 是 Ħ 帖 者 知 笑 泗 斥 論 學 記 「, 始 之遺 半 以 以 浮 云「六經 壯 至 者 實 爲 爲 僞 解 我 懼 於元 游 法, 於 風 求 者, 迂。 朝 本 斯 四 勉 孰 聖 其. 爲 尊 方 道 師 實 和 無 異 近 放 言兑 漢 服 行, 惠 孰 不 好 藩 首 今 心 學者背 鄭 將 氏 同 痛 搜 少 漢 於 H 嗟 反 隊 百 輯 長 詆 學 是 庶 概 紅 平. 躬 吴 行 遺 宋 莒 恥 樸 物, 置之弗 $\overline{\Box}$ 其. 律 門,習 决 罪 學。 躬 111 明 棫 師 以 己 耆英 程 逸 行 房 之士 承, 文 徧 朱」, 事 然 議 半 庶 之 聞 道 於 彫 何 弗 農 本 不 继 詞 碩 寰 彬 化 謝 不 哉 論 朝 人 口 逮 德 章 宇 成 以 彬 焉 手 爲 與 文 家 耆 力 爲 有 天 爲 獻 書 漢 藩 有 彦 往 非 洙、 下 善 惟 楹 學 談 無 往 爲

> 定、 於《 也。 敏 記 特 下 祀 術 孫 或 漢 李 附 若 之施 表 位 之 或 録 文定、 登 學 文 月. 陸 書 典 朝 而 或 臺 貞、 師 於 清 於 出 儒 恐草茅 伏 或 輔 承記 朝 之。 此 獻 蔡 林 熊 \mathbb{H} 史 廷 公, 或 文 文 間 É 代 \approx 黄 居 勤、 端、 達 下 位 必 不 兹 南 恐 於 卿 士: 秩 有 雷 乏 張 不 雷 歷 貮 倫 傳 雖 見 復 副 人 清 年 物 顧 卑, 矣。 以 聞 憲、 出 恪 者 如 亭 大 失 遠 然 陳 朱 湯 林 藩 實 儒 具. 此 乾 姓 文 文 文 爲 所 載 記 張 隆 貽 恭 端 IE. 氏 録 名 史 之 蒿 初 譏 者 就 宬 臣 大 菴 特 當 \pm 楊 魏 湮 Л. 見 立 其 文 激 世 無 文 果

政

端

煩

孫 奇 逢

也

故

處

從

七 中 孫 萬 奇 曆 逢 庚 子 字 科 啓 舉 泰 號 鍾 與 元 定 興 容 鹿 城 忠 節 公 年 子

誣

贓

以

萬

計

許

顯

純

嚴

刑

追

比

奇

逢

與

善

乃

馳

詔

止

然

高

陽

亦

不

能

申

救

也

時

 \equiv

君

賢

大

懼

謂

高

陽

興

晋

陽

之

甲

夜

繞

御

床

而

守

奇

逢

門

下

第

人

世

乎

高

陽

覽

書

即

具.

疏

請

朝

面

陳

軍

事

! 茂

慚

秦

閣

下

名

位

比

肩

文

襄

贵

至

出

德

涵

次

楩

所

敢

望。

奇

逢一

介

書生,

無

由

哭訴

至

自

愛

其

名。

左、

魏

之品

可

方

獻

吉

獄

何

仲

默

致

書

楊

文

地

乃

從

千

載

下

哀

湘

孰

不

扼

腕

昔盧

次

!

以

布

衣

爲行

哭於

燕

市

君

善類

之宗,直

臣

軍

事

奇

逢

遣

弟

彦

逢

與

善

繼

奇

逢

友

善,

竊

朝

柄

左

光

斗

魏

大

墓

按

御

史

以

聞

下

繼

友

以

聖

賢

相

期

勉

之首 時 楩 F. 襄 베 日 詔 善 中 書 弔 居 : 旌 繼 求 高 諸 横 周 賈 莽 喪 表 在 陽 乎 被 盡 男 順 君 榆 援 ? 奇 子 禮 天 今不 鍋 手 冤 耳 被 啓 李 偕 贊 左、 逮 時 康 孫 獻 爲 謝 有 兄 德 吉 盧 茂 心 魏 承 \equiv 弟 魏 宗 在 生 秦 者 諸 涵 君 奄 廬 暇 堅 相 Ш 成 敢 於 經 鷹 繼 之父 戒 中 守 朝 則 己 以 紀 至 陷秦、 勿 ,依之者數百 講 他 其 巡 犯 奇 繳 論 途 喪 鹿 撫 孫 逢 納 身 進 太 晉 歸 1 先 未 知 心 公 其 葬 賊 生 竟 性 崇 時 正 故 事 氛 禎 不 命之學,遠 及 家。 而 里 甚 口 有 丙 張 迫, 旨 爲, 子 果 奇 君 高 褒 中 逢 乃 已 容 自 陽 美 定 移 斃 近 城 陳 知 倡 條 家 而 於 慕 被 願 其 義 之易 E, 約 詔 德, 賢 韋 老 捐 獄 将將 修 公 助 率 土 州 時 矣 車 武 薦 賊 李 Ŧi. 輸 ·, 不 備 亦 公 自 乃 者

泣 忠 下 尚 非 始從 薦, 几 於 蘇 方 朝 學,謹 負 門 順 命敦促 之百 笈 治 而 中 來 泉 師 巡 者 山 古 説 按 辭 H 築 御 衆 堂 弗 史 名 應 柳 睢 兼 詔 寅 州 山 東、 湯 遂 讀《 斌 率 陳 畫 成 易 子 進 弟 交 其 章 士: 躬 後 耕 論

喜怒哀 其 學 樂 於憂 中 視 患 聽 中 言 默 動 識 必合於禮,子 心 性 原 本 臣 嘗 弟 \exists 友

四

熙壬 矣。 者又 之辩 繩 傳 行 盡 1,惟 墨 子 分, 爲 戌 |者次之,横 康 次 以 朱、 膗 此 進 熙 之。 周 IE. 終 П 陸 宗, 1: + 程、張、 説 身 異 Ŧi. 其 漢 行 年 言 口 徒 董 浦、慈湖 不 者, 卒 增 平. 子 邵 盡 藩 以下 實 朱、 年 不 者 籬 切 九 等議 知 陸、 迄 理 + 於 世 反 明 之學 薛、 道 門 論 本 季 何 有 户 諸 \pm 著《 · 者, 孫之詮, 補 之見 出 羅 儒 入儒 理 不 中 泯 學 病 謹 雇百 務 宗 康 然 佛 守 + # 躬 歸 Ш 賊

コ 包

書

事 再 H 無 試 妄爲 省 刁 不 - 第, 遂 吾 包,字蒙吉, 乎 身: ? 謝 心 居 公車 無 鄉 妄 祁 黨 念 州 力 恂 人。 平 志 ? 恂 於 明天 如 學 言 也 無 啓 嘗 然 妄 中 Н 見 發 舉 : 義 平 ? 吾 必

爲

, 勇過

孟

賁

變,服 感泣 人,守且 于 勢張 拒 厲 東 給 氣 之, 聲 崇禎 婦 索 以 其 斬 盡 甚, 食, 而 \Box 女 戰 其 衰 行 歸 止 : 末, 被 人將 賊 璫 諸 有 朝 敦 難 必欲 怒, 其 流 傷 夕 賊 屬 卻 者 行 家, 哭。 痍者予 去, 賊 六 走。 謂 戕 不 殺 人保 至 無 害 卒 能 流 此 祁 忽 時 誑 民 卒 歸, 會 護 有 有二 人 以 語 滿 請 散 闖 僞 藥, 遣 失 惑 八 野 家 一璫督 敗 官趣之起, 先 健 一,爲 所 拜 軍 存活 得 財 殺 僕 也 心 而 免 兵,探 茅 7 六人 結 送。 數 屋 欲 包 甲 聚 白 處 斬 護 卒 Ŧ 申 六 之 發 報 聞 餘

Ħ.

璫

句

升,以 喪,慟 作 酒 高 食 氏 木 遺 肉, 主奉之, 初,聞 毁 哭 書、大喜曰 卒。 無 能 已 白 盡 時 泉 將 或 古 卒時, 講 喪 鬚 有 學,總慕 禮 髮 過 「不讀 盡 肅 即 及 白 衣冠 跪 此 13: 其言 書, 主 殁, 起 年 前 虚 行 坐,命 大哭, 不 自 過 人 訟 後 内 子 吅 讀 生 濂 不 矣。 血 居 梁 告 數 飲 父 谿

李 中 孚●

等 汪 末, Ħ. 喬 曲 應募從 千 年 先生。 李中孚,盩厔 餘 討 人 闖 軍 父可從,字信吾,烈 同 賊 日 隸 , 喬 死 監 人,家 年 難 紀 戰 孫 死 在 兆 襄 禄 城, 軍 曲之間 兆 從 士: 也 禄 陝 八人稱 與 西 崇 口 總 從 禎 督 爲

骨 乃 過 數 顔 貧,常借 子 能 自 + 將 不 知 新 中孚 以 渦 遠復之功 爲 合葬,不得 人書, 一,知過 年十 始 及長,盡 基 一,静 遂 六 乃能 也。 博 而 坐 棄 覽 孤, 觀 悔 之, 己 襄 經 過 心 母彭 而 城 爲 史,考其誤謬, 爲 悔 母 知 入手。 窮理之學。 過 殁 氏 縣 乃能 張 教之讀。 往 允 謂 襄 改過, 中 城 必 感 著 求 静 以 其 此 悔 家 父 坐 書

> 孝,爲 炎 中 於江 聞 祠 賊氛甚熾,此行恐不能 武 乎 事 在 陰、靖 襄 作《襄城紀異 以 可 初,可從從軍,以 城 落 從 监 迎 江、宜 立 與 至 祠 母合葬, 道 〈詩》以 興, 南 常 書 興 州 院 知 褒美之。 起 名 生還,見齒 落 主 府 甚 日 监 齿 衆。 東 一枚 鍾 林 冢 麟 還 與 講 如 師 襄 見 其 席 事 城 我 妻 中 以 繼 Ш 也 日 竣 講 顧

病,乃 不 大 其 古 闘 吏 家 與 辭 中 駭 人 敦 以 康 大 就 通 去, 疾。 熙十二年,陝 迫 儒 其 之,中 得 __ 家 十七年, 後 取所 以 聖 大 疾 · 爭絶 吏 祖 辭 著 使 西 禮 西 粒 作 几 巡 遂 部 總 六日 表 書 居 召 以 督 謝 反 土 鄂 赴 真 身録》, 室,反 至 善 詞 行 儒 甚 拔 薦 在 以 大大吏 拙 隱 扃 刀 賜 資辛 其 自 逸 大 額 以 刺 至 吏 老 曰

0 而 中孚」, 稱 顒 字。 江 藩 因 避 清 仁 宗 顒 琰 諱 故 不 稱

Ŧi.

卷

F

笑置之。

晚

遷

富

平,

卒,弟

子

Ŧ.

4

敬

傳

其

學

李 因 篤

府 浩 問 行 笑,終日 學 1 H 已矣。」心 《豐川 較較 章 廬 者 法、 使 岢贵 薦 請 遇 4 《井利 敬見 集》 之空談 之不 敬 於朝 益 默 可 $\widetilde{+}$ 字 焉 敬 其 坐。 同 説 爾 學 以 所 論 日 性 兩 陝 *, « 緝 爲 問 禮 選 語 有 命 徵 西 鄠 驕 井 舉 淹 人問 平 脱 不 總 置 一、餉 縱不 1 利 通 縣 起。 督 帽 天下 補 學, 人。 額 朱 兵、 有 而 法, 説 羹 沈 高 -蒼生 曰:「反 康 出 影諸篇 馬 少 安督 避 倫 堯 濟 政、 爲諸 而 以 年 於 之 居 皆 不 學 品 禮 求 度 志 平 羹 生 見 , 闘 田 示 招 外 堯 諸 口 歲 中 法、 . 苟 致 先 所 亦 起 己 而 試 不 幕 後 數 著 不 圃 तां 而

知 不 相 若 知 或 爲 問 乾 鄉 何 豐 降 有 豐 許 111 初 III 人,茫 安不 有 亦 蒲 成 無 城 豐 進 LI 新 JII 1: 料 進 耶 心 士 ! 相 敬 應 或 之號 廷 笑 試 E : 也 鄂 若 進 西 不 林 + 而

往

謝

世

宗

聞

गां

重

之。

攢 間 崑 閉 1: 季 官 户 Ш 庠 招 與 顧 生 讀 李 集亡 炎 因 炎 經 武 武 時 篤 史, 命, 冒 天下 字天生,一 至 爲 鋒 殲 錯 刃, 有 大 賊 中 亂 用 以 間 主 之學, 報 大 觸 其 或 字 篤 至 家 子德, 與 無 走 燕 塞 有 李 中 甲 應 上 申 中 富 兩 者 訪 平人, 孚 謁 Z 求 友 愍 酉 歸 勇 帝 之 敢 明 而

之, 院 以 欲 檢 死 致 因篤 討 拒, 之, 康 熙 以 其 大 以 己未, 母 13: 吏 母: 老 勸 承 老 且 之行,始 風旨 辭 詔 病, 舉 「, 縣 E 是 博 疏 時 涕 學 官 辭 泣 鴻 秉 加 職 就 詞, 意 鈞 歸養。 道 者 泊 朝 促 聞 臣 試 其 疏 交 大 授 \Box 篤 章 翰 必 薦 林 將

乞養者,人子之苦心。 竊 惟 幼 學 而 壯 行 者 人臣 故求 之盛 賢 雖 節 有 或 辭 之 榮

六

t

增

端

臣

П

聲,先 若 内 離 傷 旨 無 家 年 景 諸 經 分 劇 貪 雖 襄、 逾 臣 母 吏 而 人,其 承 極 竊 隨 七 子 奉 部 痛 夜 後 李 保 教 况 恩 經 旬 思 愚 止 思 榮 小宗之祀。 呻 遵 孝 天 舉 以 衰 詔 己 具 不 中 臣 屬 吟, 馥 實 行 學 龄 臣 哀 弟 肖 病 背 母 歲 陝 人 七十 行 大 稱 大 辭 相 或 因 久 母: 遲 多 西 倫 詎 兼 篤 親 理 依 遠 成 莫 可 材 之 病 督 次 忍 優 援 姓 寺 爲 廢 久 之年 行 僞 本 撫 第 臣 藉 之 病 從 又緣 少 名 木 疾 命 言 促 移 年 必 口 幼 卿 扶 恐 伏 臣 聯 所 咨 躬 四 木 至 不 親 调 避 張 牀 比 蒙 有 應 丰 塵 親 生 + 倚 幸 頓 雲翼 寇 老 繼 推 有 詔 皇 部 薦 扶 有 辇 門 身 牀 墜 於 贵 指 内 諉 赴 1 牘 嬰 路 侍 九 褥 馬 等, 倚 臣 容 吏 爲 閣 京 勅 殘 三千 閭 諉 假 部 兒 叔 跬 轉 左 獲 旁 學 諭 疾 夙 借 曾 卸 概 謂 女 股 奉 步 側 臣 内 採 +難 病 臣 之 駁 咨 難 並 撞 祖 需 1 諭 虚 項 外 顔 獵 大 也 指 頓 閈 之 蓋 母 矜 皇 罪 之 檄 期 通 以 臣 0 名 臣 支 非 有 畧 子 容 人, 悲 上 嗞 不 對 違 離 老 方敬 H. \equiv 遠 飲 臣 何 萬 指 其 自 虧 逮 皇 母: 臣 人 至 母: 去 泣 及 於 知 能 子 其 於 事 雖 也 向 而 臣 有 則 臣 親 君 宏 職 絣 此 譾 兩 言 最 隅 人 日 錫 其 而 有 ; 親 而 罍 臣 奪 極 宫 炳 遠 子 温 禱 循 始 老 類 負 出 之 非 雲 也 陔 嶠 母 之仁, 所 進 聿 朝 北 處 故 其 恥 而 謂 翼 之 負 不 已 隆 廷 辰 之義 鳥 口 以 奚 臣 即 跙 而 絶 疚 乖 孝 忍 而 時 虚 鳥 償 必 部 臣 推 非 不 裾 治 言 E 薦 譽 躁 不 皆 私 之 臣 臣 知 舍 聞 自 者 遠 臣 進 惟 秦 採 情 其 士: 愚 其 細 之 推 即 忘 者 貽 瀆 既 臣 之 人 庶 如 熟 親 則 置 回 諉 臣 其 譏 斁 草 所 病 悉 矣。 而 毛 之 永 西 雖 而 寧 1: 天 之 Ħ. 木 敢 皆 則 不 義 仕 爲 景 忍 所 不 倫 衰 出 於 如 朝 知 知 咸 名 之 以 居 路 孑 風 也 薦 臣 狂 顧 概 委 臣 然 無 教 里 被 木 捧 無

眊 下 京 悚 臣 初 具. 臣 读 至 裂 低 呼 繹 雖 臣 知 呈 惶 聖 其 翰 如 邁 夫 请 i白 諸 頭 垂 哀 布 H 至 林 具. 此 前 轉 莫 於 X 臣 至 痛 重 天 忝 不 院 瞬 應 疏 朝 戴 安 + 恩 失 扶 可 彌 竊 亦 檢 星 明 月 深 病 瀆 所 輒 侵 非 以 號 九 爲 討 而 重 考 用 官 堯、 見 分。 重 泣 長 有 數 īfīi 書 臣 與 之! .常 試,蒙皇上拔之前 臣 行 臣 嚴 就 靦 接 何 問 夜 Ħ 舜 臣 逐,情 而 母 仰 臣 途 家 忍 寢 急 面 思 違 之 同 干 在 圖 衡 信 言 Ħ 之私 乃 若 臣 離 道 志 · 禄 官 前 報 茅 歸 臣 風 老 雍 治 緒 云 纂 寢 位 君 下 流 倍 去 自 火。 1 親 天 荒 臣 修 也 ±; 涕 歲 俯 食 抵 下, 聞 明矣。 迷, 13: 旧 懸 致 無 台 明 都 俱忘 迫 臣 受 自 臣 於 E 列, 傷 敦 如 念 史 以 趨 司 皇 隋 於 臣 愛日 倫 墮 郡 母: 來 風 朝 况 雙 E. 奉 於 遠 夫 肝 厚 雲 化 之 邑 旨 欲 秋 特 聞 Ħ 離 屢 皇 腸 限 俗 霧 留 授 F 然 昏 膝 人 達 命 月 次 有 絡 拼 其 表 文

長 母 無 下 由 IF. Ŧi. 不 策 情,惟哀 再 符 以 月 可 叨 造, = + -疏 次 名 伏 沐 欲 上, 人丁 有 聖 願 臣 去 澤 皇 有 祈 未 H 母 日 旨 上 君 能 聽 子 益 以 具. 父 特 放 其 銜 圖 終 呈 瞻 歸 查見行 沛 終養 環 天年。 力 吏 望 恩慈 鏤 栖 部 闕 吴 骨 知 庭 江. 未 事 遇 臣 許 臣 竭 鈕 例 蒙 進 身 母: 臣 務 畢 琇 代 退 爲 殘 湍 展 生 謂 凡 題 維 獨 病 歸 涓 而 本 在 谷 子 餘 埃 報 朝 扶 京 臣 生 矣 或 養 與 官 兩 孺 乃 大 方 統 其 例 員 於 切

節 説 移 中 家 人 急人之難 君 富 1: 其 子 平. 皆從 學 不 以 時 朱子 之遊 黨 相 過 亭 其 爲宗。 從 林 在 子 各 曲 Ш 之 尊 時 龃 左 謂 所 大 被 平. 聞 篤 曲 誣 交 提 不 陷 最 唱 平. 爲 密 良 大 牛 百 知 篤 異 出 晚 走 之 年 歸 氣

孝

焉

业。

後

奉

母

家

居

晨

夕

不

離

左

右

鄉

稱

章

葉

方

伯

映

榴

絶

命

疏

與

大

篤

陳

辩 直 三千 大 面 里 篤 斥 至 人 氣 日 過 憤 下, 填 與 膺 毛 泣 不不 奇 訴 龄 能答 當 論 事 古 而 遂 韻 脱 拔 不 其 劍 -合,奇 難 斫 龄 性 奇 强 炕

龄

走

當

時

相

傳

爲

快

事

作 子之言過 無 欲 或 則 有《壽 \Box 剛 矣。」 祺 人之所難,故 大 因篤 堂集》行於 篤 性 詩 剛 文, 非 世 出 聖 君 唐 人 子 入宋,乃一代 有 也。」 未 見之歎 子 日 :

某

州

知

州

卒於官

孫 若 羣

將 其 任 鄉 豆 二子 , 雖盛 爲 少 里 司 之 稱 孫 寇克 應 若 地 爲 暑 羣 童 小 亦 而 溥 聖 子 淄 不 延之課 衣 試 Ш 知 冠 時 危 早 子 Щ 坐 子。 歲 學 左 名, 成 贍 如見大賓。 學 坐不易床 進 品 屢 使 士 端 欲 與 問 謁 司 言 之,憚 食 選 寇 動 司 交 京 有 寇 不 善 師 則 其 兼 知

> 竟 作 窮 嚴 交 指 (*)終不 無 城 制 通 書 故 藝 知 壽 談 嘆 自 縣 妖 議 敢 縊 滔 皆 發 遣 死。 : 滔 能 其 若 不 吾子其 子 以 治 絶 羣 文 歸 交 寡 決之。 多 淄 評 言 不 就 異 騭 反矣 語 昏 政。 康 然 文, 熙 去 秩 有 後 滿 癸 務 問 歸 Η. 家 愜 難 遷 見 數 其 者 出 其 四 Ш 近 爲 則

張沐

資 敷言 道 也 土 縣 除 治資 朔 在 \approx 張 直 官 望 沐 反 隸 Ŧī. 集 覆 如 字 内 年 諸 礕 内 黄 仲 生 喻 黄, 縣 誠 坐 講 事 雖 敦 E 學 載 免 婦 教 一蔡 明 告 孺 化 倫 復 歸 聞 堂 重 以 之, 順 農 薦 勉 亦 治 事 起 以 憬 + 注 聖 知 然 五 賢 改 年 川 III 之 渦 諭 進

從百泉游。初,湯文正道出内黄,與語

九

卷

Ŀ

學 也。 及人 大悦 以 京, 後 寄 主 ÷ 敬 文 書 游 爲 īF. 百 梁 功, 與 泉 書 人 治《易 院 稱 書 其 又 晚 任 云 闢 > 道 有 : 白 甚 心 龜 仲 勇 得 誠 庯 求 以 脚 當 教 道 踏 代 學 實 甚 直 切 地 儒

竇 克 勤

時

人

咸

稱

爲

H.

一蔡夫子」云

事 之學,從 恒 石名介,登封 , 百泉之高弟子 至. 夜 竇 半。 克 之游。 勤 字字 比 人。 長, 敏 居 也 修, 順 嵩 治 治 陽 Ŧī. 柘 八 六 經 城 年 年 人。 聞 進 耿 遂 ±; 少 介 契 勤 官 心 石 學 至 宗。 傳 ル 讀 百 詹 介 泉 書

京 請 勤 業 就 克 文 勤 教 應 職 IE. 京 謂 選 師 兆 泌 道 試 陽 不 獲 教 立 雋 諭 謁 由 泌 教 湯 陽 官 文 之 地 正 失 公, 小 職 IIII H 僻 勸 勺

> 學,授 暇 灌力 人 鮮 則 善 讀 簿 知 以《 學 書 月 `, 克 雖 孝 朔 經 饘 勤 稽 \approx 粥 善 立 ^ 不 過 Ŧi. 小 繼 社 而 學 晏 學, 勸 ×, 懲 如 置 次 之。 也 之 及 師 几 又 書、 立 各 童 設 Ŧi. 子 規 社 调

其 作 歸 尋 服 言 以 要 楷 除 切 父 在 書 于 康 人 老 於 京 柘 庭巴 慎 克 内 乞歸。 + 城 獨 勤 授 行。 東 七 書 檢 + 年 門 討 卒 「學宗 四 著 外 成 午 六 字 有 建 進 以 孔、 朱 土,選 孝 日 + 進 陽 应 經 孟 聖 書 聖 闡 庶吉 祖 院 治 祖 義 命 法 覽 倡 1: 堯 諸 而 導 事 翰 T 器 舜 IF. 親 []: 林 之。 學 庸 院 憂 而

劉原渌

起, 原渌 劉 原 與 渌 仲 兄 字 某, 崑 石 率 鄉 安 人 邱 壨 土 爲 明 堡 末 以 盜 賊 蜂

或

聞

已,何 死,三 論 理, 乃舉 儉 窮 朱子書作《 遂 書,求長生久視之術 以 麾之去, 賊 長兄立後,兼贍亡姊家。 歲 常常 |帝』,居敬之功也,『不識不知,順帝之則』, 棄 理之功也。」每 力 至 **煑粥** 去。 刀 ,守堡者多 耕致富 者皆法文王而已矣。『小 畛域之有 日 至 戰 斬 内 原 夜 以 後讀宋 續 渌 水 分。 原 食饑 渠 漿 近 大 渌 既 帥 焉 思 從 仲 呼 不 被創 儒 而 五更起,謁 !」卒年八十二。 獲馬 録 之, 人 兄 日 書, 推 * * : \Box 疾,籲天 嘗 死, 仲 膏腴於 發數 乃篤 寢食俱 六匹 嘗 日 離 於是謝 又 :「人與 兄 \Box + 信 兄 爲 祠 仲兄 : 賊 祈 矢, 矢 朱 廢,得咯血 出鬬,身 鄉 後, 「學者居 步 心翼翼,昭 遁 以 子之學。 人事, 人置義 去。 非 與 我 身 盡 死 代。 弟子 其餘 亂定 仲 所 天而 敬 閲 中 倉 疾, 兄 講 事 集 道 爲 窮 九

姜 或 霖

客

樂,死 求於人。 予年四十 笑,自是不復怒。 身殉,又有老 泣告族黨曰:「父死不能斂,又不能葬,欲 殁。 士宏, 嘗與雲 小兒嬉戲狀,長跪 孝,爲捐 於官 霖 燕 喜 無錢 中 姜國霖, 而 ·感病 讀 而 葬焉。 金以 值歉: ,始能 何 周之粟,亦 市 書,日 棺, 母 或 葬。 字雲一,維縣 至莒, 歲,三旬 不 或 在 以 霖 以貧富攖其心; 五 時年五十矣。 長 霖 : 膝 母 衣 往 $\overline{ }$ 弗 築 裹尸 善怒,一 省、跣 前,持母手 者何 論 卻 樂其 九 室 語 也。 食, 莒人恐其 墓 負之行,乞食歸 以 人。 走千 一側,安貧 Ш 教我 日怒: 終身味之不 昌樂閻循觀 Ш 披其 生有 里,至則父已 師事 甚,國 ?」人憐 遂 十,始能 守素,不 面, 至 移 昌 餓 性 樂周 家 霖 母 死, 問 昌 大 其 以

初喜讀 孫 景

烈

不以死生動其心。」其自述如此。

學 力 日 矯 懷 不 三十 西 完未 强 四 方 餅 附 四 食 少 書,後覽《朱子 也 循 忝 年,成 幾 之。 孤 E 觀 居 及 官 字 引 此 口 同 人長,春 疾 懷 職 進士,授考功 僚 衙 歸 年 庭 中 哂 不敢受,且 友爲 ,卒於家 秋家 其 大全集 會 年 儉, 食, 外 十八舉 祭、哀慕泣 官, 日 必 》,乃 司 : 四 主 不 遺 於 專 五. 事。 之金金 性 可 鄉 簋 能 志 以貧 下。 一,循 持大體, 洛 粗 一,不受, 初 糲 累 觀 乾 閩 喜 君 隆 非 之 讀 猫 旨 舉

知三 縣 乾 隆 一者爲 三 十 循 政 觀 之友 年 德之資 長 有 進 洲 韓 士; 彭 夢 進 躬 周 其 士: 行 者,字公 學 紹 士 以 升 也。 存 稱 其治萊 養、 復 後 省 濰 爲 察、 縣 萊 如 安 致 元

魯

山

冬不 聲 又 韓 生 術 二年,己 錢。 旨 薦,授六品 舉 氣之交,爲關中學者宗,有自來矣。 E 城 徒 於 放 膚 鄉 爐,夏不 經明行 王 以 淺 歸 雍 孫 八爲商 景烈, 文端公爲 克 古 先 正 未, 己 景 辭 年間 生 銜 修之儒,將 烈 成 復 歸 扇, 字 州 主 深 進 禮 籍 教官 乾 巡 人室弟子 如 講 + É 三十年, 隆 撫 邵 一,明 鬍 韜 庚午, 號 居 康節 蒲 勤 中 晦 平. 以 年 坂 于 西 書 景烈名入告。 雖 嘗 学行 乃 授 雖 陳 課 峰 崔 院、 盛 檢 以 不 武 士,不 文恭公撫 公 語 暑 蘭 討 廢 賦 以 人 如 功 必 講學 山 性 日 賢 ·受諸 薛 以言· 人。 肅 書 拘 良 文 衣 院 墟 陝, 清。 先 獨 先 事 方 生 早 冠 歲 是 絶 牛 教 學 忤 奉 IF.

_

非篤信志道之士哉! 宗,其議論不主一家,期於自得,無一 刁、王諸子,亦皆敬守洛、閩之教者,豈 於心學,所以不爲禪言, 墮入禪窟。 説,變本加厲矣。北學以百泉、二曲爲 於釋、老,甚至援儒入佛,較之陸、王之 行,南人習尚浮誇,好騰口説。 方之學者也。 記者曰:自孫奇逢以下諸君,皆北 即二曲雖提唱良知,然不專 北人質直好義,身體力 不爲禪行也。 其蔽 語 流

卷 \mathbf{F}

劉 汋

問於汋 以 伻 以 介聞 之子也。 É 示 官。 Ė Ė 或 劉 1,答問 絶 汋 三百 辭曰:「敢 變 幸爲 絶 1',字伯 忠介家居 人 食死,唐、魯 兩,請 我 事 如 辭。 流 繩 因父死以爲利 副 刊 無 出 講 Ш 使 忠 滯 處殊途,毋 學,弟子 陰 介 Ŧ 義,共 縣 爾 遺 王皆遣 禄,故 書,不受。 相 中有未 忠介公宗周 苦相 敬 忠介 使 服 既 致 强 **葬**,杜 達者, 門 祭, 語 及 生, 蔭 忠 來 謂 酒 婚 可 而

處

小

忠

介欲著《禮

經考次》一

書,

屬

汋撰

成,

玉

藻》、《文王世子

》、《學記》七篇,謂之《曲

之《禮經

别

分《曲》

禮

》、《少

儀

*\ \!\

内

則

樓中,日

夕編纂。

以《夏小正》爲首篇

而

禮》。

垂老未卒業,其子茂林始克成之。

著

喪》,終之以 記 次《燕 於 典,次以《祭法》、《祭義》、《祭統 於 附 行 IIII 《樂記》 義 喪 於事 姻 不 喪 是原禮之所 附 《月令》,帝 禮 講 葬, 所 申 居 影焉。 \pm 也 無遺矣; 有 以《曾子 射 而 次 制 「則次以《深衣》、《投壺》; 事 義 次《禮器》焉; **%間** 則 以 然後 閒 ×, 王 正 由 居 喪 次以《冠義》、《昏 傳》、《三年 君子常服深衣, 所 己 燕 起 問》、《檀 》、《坊記》、《表記 述孔子之言,次《哀 大記 以 以 義 治 丽 īF. 》、《聘義 次《 曆 》、《喪 朝 驗樂之所 明 弓》、 問 禮 廷、 時 ***** 運 百 服 也 ^ 》、《大傳 雅歌投壺,不 義 官 喪 奔 焉 ; 小 合三十篇 *****; 以成,而 影而 男女冠 次《 服 喪》、 記 萬 公公 設 推 四 *<u>`</u> 丹 民 問 鄉 爲 禮 制 ^ 書 也 飲 笄 間 雜 施 祀 次 之

氏 記 或 書 者 勸 憶大父遺言 之 ', 强 之舉 忠介所著 暇 起易之,曰 談 講 論 會 書也。 不 惟 ,守《人 史 應。 孝 病 譜》以終身,足矣。』《人 咸 戒 豈 時 其 惲 可 所卧榻,乃假 子 仲 終於 日 升 數 「若等當 假 人 人之榻 而 之祁 릲 常常

隱 仲 寺 并 \pm 監 爲 惲 蕺 仲 久之,攜子歸毘陵,反初 或 升,號 Ш 時 門下 授 遜 職 第一人,其事蹟莫詳。 爲 庵,壽平之父。黄宗羲 監 司 兵 敗 服 後 云 薙 髮 於 或 靈 以 H

韓 孔 當

家 以 制 稱 名 用 貸 教 韓 一,每言 經 孔 當, 世: 編 一,嚴 立 示 字仁父,沈 身 學徒。 於 須 儒 自 佛之辨。 與 節 求 人講 用 如 始 之弟子。 學,反 家貧,未 出 陸 復 梭 開 Ш 嘗 其 层居 導 學 白

用。 過 人 於文成宗旨,覺有),聞者· 有 小子識之! 過 内愧 於 講 沾 學 汗 時 味其 新 也 以 得,然 危 言 疾 言 亟, , 則 動之, 檢 點 謂 知 於 弟 其 而 心,終 (學不 子 不 日 明 ·尊文 言 無 吾 其

邵 曾 可

成,而尊朱子矣。

耶

門弟子私謚

曰「貞孝先生」。

照; 敬」爲宗,自見孝咸之後,專守良 主講者爲 《孟子》「伯夷聖之清者也」句,忽有 人也。 之,曾可曰:「不如 去,壹志於學。 於今乃知 不爾, 邵 爲人以孝弟爲 曾 史孝咸,曾 可 知之不可 日 ',字子 用 跬 時初 唯 步 是 以已,日月有 可 立姚江書院, 本。 與 鮮 虚 師 韓 度 不 事 少愛 貿 此 孔 之。 生。 當 貿者矣。」孝 書 口 知。 其 明, 遂 畫 時 里人 悟, 初 往 容 皆 嘗 以 聽 八多笑 光 悉 餘 日 \vdash 主 講 咸 必 讀 姚

是 病 月 晨 餘 走 亦 + 病 餘 里 司 叩 儕 牀 共推 下 省疾, 爲篤 行之士 不 食 而 反。 如

張履祥

口

以

復

古

矣

之。 愆 世 以 及長 幼 云:「天之恒 5分,由 一之本,父子 而 孤 、從劉 明亡,教 Ŧi. 貧 張 氣 履 古道 不 祥 順 忠介 能 布、 道, 今, 君 授 字 就 公游 臣 几 民 里 考 外 百 之 實 中 塾 時 父, # -, 著 道 序 秉之,存 嘗 無 其 桐 得 行 書 25 ~ 13: 鄉 也 而 經 所 也 授 人。 或 Ļ 得 IF. 以 邪 治 呈質 故 顯 録 ^ 明 慝 緇 晦 ×, 猶 四 季 生 常 \wedge 忠 子 怕 自 而 於 諸 者 星 書 治 介 心, 敘 生 不 窗. 可 ***** 經 朱

用

純

之死 生、大兵 朱 取 用 Ė 下 純 裒 江 攀 南 字 柏 致 城 事 破 自 不 崑 號 屈 Ш 死 人。 柏 廬 用 父 純 集 其 痛 璜 學 其 以 親 貢

陽

無

往

不

復

介有

開

心

先

非

學

ネ

爲

功

竊

取

則

禍

蜀

中

於

世

殆

非

朝

夕

之

故

矣。

極

陰

牛

反

經

一之義

輯

舊

聞

舉

其

要

以

端

其

本

二云云。

居

鄉

躬

耕

習於農

事,著《補

農

書》,

以

爲

取 求 學 於 於 者 人 人 舍 而 ПП 稼 廉 禮 穡 恥 讓 别 立 興。 無 治 知 廉 生之 稼 弧 穡 立 之 道 禮 艱 0 讓 能 難 興 稼 則 穡 不 而 世 敢 則 道 妄 無

宗, 頭 道 深 於 譜 處 疾 巾 H > 以 蓋 之。 其 氣 用 又 蕺 正 所 著 云 Ш 其 有 履 爲 是 見 失。 祥 時 0 姚 楊 頗 不 主 江 袁 履 能 敢 講 末 備 祥 詩 抗 者多 學 傳 忘 秀水朱 顔 流 其 録 爲 不務 於 學, **%** 師,來學 禪言 其 ·彝尊稱 记,徒 故 學 所 禪 者 著 行 以 聘 作《 其 之 鹿 口 詩 以 書 洞 辩 友 切 無 爲

七

主 敬 長 洲 徐 枋 屢 以 書 問 學,答 E

也 於 狎 能 彼 見 所 以 分 修 物 其 夫 以 不 侮 可 體 節 與 而 彼 故 德 之心 之 忽, 爲 此 自 知 爲 又 無 竊 不 要 温 舜 修 孤 能 與 立 便 修 觀 何 口 狎 非 之 恭 子之己, 我, 畢 是 Ē 爲 可 及 侮 吾 君 德 克 孔 未 竟起 自 而 兄 忽 其 吾 此 子 也 讓 子 見 己 人 身 們 平. 至 所 心 所 所 日 自 於忽人,忽人 安 修 狎 應 哉 忽 也 同, 官 : 分 以 修 亦 百 侮 人 者 _ 爲 雖 爲 之 學 此 非 修 姓 倫 其 堯 夫 聖 至 己 力 安 外 理 夫婦 何 微 之 職 又 人 矣 人 以 未 同 喜 者 德 而 何 不 亦 物 到 敬 之愚 之心, 諧 修 猶 吾 有 _ 可 若 而 温 謔 恐 ; 無 忽 ^ 所 蓋 爲 己 視 不 恭 書 心 忽 不 可 畢 乎 聖 偏 非 雖 他 肖, 允 狎 人 驕 竟 哉 知 賢 寂 外 人 無 云 塞, 侮 者 起 不 實 之 於 人 損 可 舞, 敬 敬 難 以

而

天

下

之

理

得

天

下

之

能

事

畢

變

通

鼓

盡

利

盡

神

7,希聖

希

天之學,

俱

在

於

是

枋 又言 先 須 發 悟 而 後 可 以 言 學。 用 純

> 物 之 慎 道 道 物 理 簡 ; 思 : 而 而 而 敬 便 若 故 易存 後 道 聖賢 覺 猶 明 一之矣。 言 舍 在 辯、 長 煩 應天下 事 心,便入 學, 之 隄 難 即 篤 物 道 不 巨 事 則 朱 行, 而 不,不 之事 防 事 離 勝 子 求 異 然後 物 事 離 滴 分 \vdash 簡 端。」 物 與 接 乎 水 錯 : 易 可 而 物 -事 不 天下 惟 人 學 到 聖 則 而 漏 事 即 須 在 易 賢 雖 之物 物 事 是 簡 (之學, 之, 應 敬 物, 苟 物 博 地 之至 學、 亦 不 欲 即 而 位 事 無 覺 達 析 先 事 也 審 若 接 過 其 簡 學 得 事 問 煩 先 與 平 物

先授 之。 八 義 年 \mathbb{H} 詔 以《 ,贍宗族,友愛諸 有 用 純 司 近 舉 舉 居平, 晨 博 思録 鄉 學鴻 飲 \approx 大 儒 起 次以 賓 謁 有 弟 家 几 亦 將 白 祠 子 弗 以 首 書 應 用 誦 無 純 間 其 孝 每 薦 歲 教 者 經 康 孟 生 力 熙 春 卻 置

輟 U 率 誠 講 生 徒 意 語 啟 行 反 釋 沃 躬 奠 人 自 先 心 責 師 禮 又恐學者空言 言 多 將 深 事 切。 後 講 鄉 無 書 里 實 重 章 其 作

的

徐

餓

學

行

子導 先 爲 命 大學》《中 人位 文公所作。 事 誠 世 業 嗣 傳《家訓 拜於 在 庸 .忠 中堂。 講 孝。 卒年 》,乃用純之文,世 義 》,行 勉 七十二。卒之前三日 起 之! 顧 於世。 弟 子曰 著 有 無 : 子, 人不 愧 「學問 以 訥 . 知 弟之 集 在 ··, 設 誤 性 誠 也

敬

而

己。

徐 枋 字 昭 法, 明 文史》有 傳。

沈 旳

授 里 中 前 沈 的 ,當絕糧,采 明 諸 初 生 名 劉 蘭 忠 先 階 介之弟子 更名 前馬 昀 藍 草 字 也 - 爲 朗 食。 明 思 客 有 教 和

寅。 耳 道 0 起 饑 米 在 忠 者, 疾 以 Н. 一躬行, 笑 一億,遂 亟,人 喪 介卒 不 日 禮 受,客 : 久 徒 後 問 仆 廢 以 其 日 于 傳 古 П 輯 意 地, 其 舌 請 可 此 士 學 客 争 感, 昀 時 喪 者 乃 非 古 禮 何 互 然 駭 先 辭 説 似?」曰 相 走 滴 所 *****, 推 争 以 望 授 既 辩 讓 木 弟 於 良 而 老 吾 子 日 蘇 Y 陸 曹 知

受賻 乃斂 喪 \Box 子之篤 爲 而 没 以 如 之涕 葬 後 辱 敬 行 焉 先 泣 恒 貧 乃 生。 不 者 無 沈 食。 以 先 可 撝 斂 生 以 或 謙 所 斂 問 友 之 許 之, 沈 人 徒 也 先 姚 應 \Box 生 敬 撝 口 乎 矣。」 謙 恒 吾 <u>'</u>? 趨 經 不 敬 紀 \vdash 而 敢 恒 車型 其 前

八

滌

無

犯

帝

天之怒。

Ι.

夫

既

久,人

欲

净

盡

謝 文 洊 0

矣。 惟 天 明 己 Ш 又 明 講 命」,曰「上 餘 屠 天 讀 此 命之心法。 録 學 於 姚 氏 下 及爾 與 È, 龍 稍 聖人一 羅 之學,好 大亂 新 謝 之 整菴《 以 文 城 有一 出 辩 溪 顔 洊 爲 之 王, 帝臨 書 其 論 慨 生,戰兢 念之私, 爲 神 讀 字 堂 累 大 木 然 學者注 昊天 學之要,「畏 之,大 童 秋 日,不 慧 日 汝, 知 有 峰。 水, 記》,遂 和 出 尊洛 無 惕 尚 急 世 悔 目 南 日 能 貮 有 書, 須 厲, 志 而 前 豐 _ 勝, 及 爾 \pm 專 痛 視 此 學佛 人, 聖 爾 日 天 心 著《大 退 之非 力 悔 惟 廣 瑞 明 游 命 程 刻 此 而 顧 益 昌 愆 季 日 者 朱。 爲 ·', 遂 責 諟 學 傾 力。 香 諸 之心 言 昊 天 中 力 偕 速 耳 Ш 無 生 天 之 盡 闢 攻 自 非 庸 友 後 爲 而 動 洗 聽 畏 日 明 之 切 程 陽 生. 得 浮 時 0 疾

咸 學 以 下 行 推 文 同 章 文 醇 時 流 洊 粹 氣 寧 樂天 節 都 篤 遂 名 恭 境 易 約 行、 堂 地 易 髻山 識 堂 九 可 子」,星 道 魏 宋 得 本。 禧 之盛 而 臻 彭 康 子「髻山 也 過 任 煕 訪 會 文洊 + 講 七 年 程 子,

見

其

Щ

得

應 撝 謙

自

爲

墓志卒。

藝 社 尚 講 氣 號 學。 節 應 招 撝 與 南 因 謙,字 虞 北 東 畯 知 林之後、幾、復 嗣 民、張 名 寅, 之士, 伏 和 生、 非 人。 顧 蔣 社 與 早 高 恒 歲 以 諸 能 君 詩 子, 文 文 制 結

是,今據改。 游 諸 本皆 下文同,不再出 作「游」,中華 書 局 鍾 哲 點 校 本 改 作 一游

卷

下

社 世 一,於 . 爲 環 是 絶 社 聲 氣 之交, 獨 究 性 命 之旨 故 名 其

故 蹠 撝 贈 木 解 必 客 君 大 大 \Box 知 含喜 棉 謙 拒 來,去 學 す 物 維 氣 縣 在 企促之, 道 日 筬 也 衫 金 耳 疾 許 康 是 之則 ·。」令默 某, 力 去。 熙十八 何 非 弗 圖 但 受。 先 撝 南 益其 急也?」笑曰:「令君好 君 請 從 連 口 歸 子 謙 生 主 事 床 然然。 年, 里 之道 遺 其 書 卻 愠 于 詣 姜 之日 日 許 院,兩 以 ,受之則 愛 既 有 以 圖 遇 也 博學鴻儒徵 我耶?」 葛 人 司 出 南 諸 一。」乃棹 足 三端 即 驗 造 吾 涂 爲 行,弟 矣。 疾 其 非 ·; 且 洲 逡 昨 方 廬 Ë, 小 乃 偶 鹺 彼 盛 巡 Ы 子 所 不,稱 舟 不 得 中 暑 御 事 滕 對 : Ħ 安 往 見 免。 -寒,絺 史, 山此 必必 **媽** П 疾 日 : 也。」 謁]:「令 説 不 **\$** 歸 非 謙 有 既 海 行。 者 衣 盜 君 贈 遂 所 盛 衣 令 而 辩

其治經以實踐爲主,坐卧小樓中,一几

苦,遂· 所 不 此!」少年俯 地 洶 使 言 著 能 也 洶 酒 澽 榻 色。 書 好鬭 撝 勸 莫 去, 書 其 謙 解 能 籍 紿 多 以 遠 使 沮 忽求 之 好 近 酒 首謝 之 以 外 語 忽 從 如 _日 聽講 朱 學者 撫 見 故 别 子 過 之曰:「 撝 爲宗, 無 去, 許之。 應先 謙 甚 長 自後 衆。 來 日 物 生來矣 陽 遽 與 持 終 明之説, 聽 朝之忿 里 失 人争,傍 刀 講 中 日 色, 欲 端 \equiv 何 殺 即 日 惡 坐 亦 刀 少年 遁 不 觀 墮 甚 至 無 致 者 於 拘 於 勢 疾

吴 慎

彙旃 菴 致 力 於宋 吴慎 游 忠憲公之從 梁 字字 谿 Ŧī. 時 子 徽 書 仲 主 子 東 歙 以 也 林 縣 誠 書 諸 敬 恪 院 生。 爲 守 者 宗 家 爲 篤 法 高 行 故 世 好 自 春 學, 泰 秋 號 釋 字 敬 尤

甚 後 斂 奠 畢 衆 歸 容 ·, 升 歙 欽 會 老 聽 堂 於家。 講 即 慎 紫陽 席, 與 著 以 施 還 有 璜 次 古 開 周 無 兩 講 易 錫 書 粹言 威 張 院 夏 儀 几 百 肅 》、《大學中 方 受業 然,莫不 來 學者 焉

施璜

庸

章

句

翼

》,行於世。

然宗 以 至 紫陽、還古 是 應 \mathbf{E} 月 H 九 開 矣 試 千 之。 容 講 來 施 入紫陽 養外,九 日 璜 赴 里 遂 在 講 之 字 兩 棄 肅 東林)期,能 會。 處 舉 書 虹 衣 思 業 院 玉 會 冠 時, 及 發 休 休 養 講 聽 升 必信 期), 首 講 將 内 座 憤 寧 歸 人。 世 以 推 志 瞿 乎?」曰 以 與 造 璜 泰 於 然 誠 世 於 道 初 設 日 感 泰 璜 爲 自 : 榻 人。 : 約 得 先 自 舉業, 詣 學者 以 某年 施 期齋戒 梁谿 教學者 學者 待。 生 當當 歸 篤 某 翕 或 如 府

> 行 天下士 思 君 誠 子 録 矣。」言 也 * « 必 小學》近 如 未 約 終 而 如 思 璜 失信不 録 挈 發 其子至矣。 明 (》等書。 至,吾不 著 復 有 相

張夏

瀹注 書院 先經 年八十餘。 初 殁後,主 孝經》、《 受業於馬文肅 後 **%** 與 張 史, 夏, 夏 東 又考先儒 (小學》, 講 博覽 字 林 學, 講 秋 席。 强 退 韙 紹 之門,後 書,著《洛 記, 其 而 隱 湯 説 著 而 於 文 歸 人 菰 邀 Œ. 孝 本 東 至 JII 閩 經 爲 修 林 蘇 源 解 江 齊。 書 孝 州 流 義 蘇 院 學 友 録 巡 高 尒小 宫, **%** 撫 力 世 其 行 學 學 卒 講 至 泰

彭瓏

十,貢 陷 以 以 都 書 Щ 州 几 實 已,後遠 補 之小 年, | 楹 酷 穎 廉 長 長 庠 遂罷 寧。 柱 民 寧 弟 直 彭 生. 入成 順 一,有文 息 굸 忤 縣 ·兄三人及 瓏 近 官 其 天 數 ,字雲客 知 风均,廷 歸 苦。 鄉 聞 自我 7月後 府, 縣 厥 へ名。 試 風,入社 城 鬼 田 瓏至,去苛政, 居居居 又與前假令有 訟 試 在 尤 下下 人。 順 號 以 ,侗、汪 Ш 簡 治 庶幾飲 知縣 者不可 中,僅五 十六年, 初, 民安, 訟 惟 庵 琬、 願 結 用 蘇 減 不 慎 冰 勝紀。 吴敬生 州 與民 里,前 隙,乃合謀 成 庭 茹 賦 交社 就 衛 進 稀 輕 蘖 籍 休 徭 鞭 ± 假 偕 順 年 七 始 息, 汔 扑 令貪 選 近 治 人 百 削 早 ,聲。 誣 É 姓 <u>Ti.</u> 歲 惠 + 四 而 宋

初,瓏好佛,又喜道家言。至六十餘,得

人。 之無聞. 課 尋繹 齋。 乎 敬 年七十又七。 立文 不 神 好 梁 正卒,瓏 八 ! 達 語 律 谿 口 正 或曰: 股 端坐 化,而 點 」于是悉 須 渾 身 高、 祠 也。」湯文正知瓏學,嘗稱之聖祖 文,引而 注 臾 同 爲之出 顧 一夜以 歲 懈 所謂 其 嘗 終歸 「公何自苦?」曰:「吾不忍使 、中,陳四子書、五經及宋儒諸 謂 也。 時伏 家書 弟子 屏 其子定求 進 涕 繼 騎牆 於一 生 尚 之於道,弟子著録 臘 曰 : 日,自稱 私 平 讀 何 矩,故 必 耳, 之, 謚 所 敢 「不復見正人矣。」吴民 至 \Box 玩 Ė 寧有 曠 始 其祠,瞻 仁簡 信 物, 逸 潛 知 好 之耽 居 當 吾始 署 心 先生。 老人。 乎? 敬 儒 所 拜 窮 泛 紨 居 馳 者 盡 理之功 濫 集諸 \Box 騖 學至窮 壹 禮 百 前 涉 之役 後 志 有 卒 文 牛 矩 È 餘 牛

定求 Ŧi. 年 會試、 孫 子定求,字勤 啟 豐 廷 字 對 翰 皆第 ıŀ. 文。 康 雍正 熙十二年 官 至 四 或 年 子 舉 舉 + 明

年,會試、殿試亦皆第一,官至吏部右侍郎。

弟恪守 南 仕 鼎 禄 彭 貴,爲 之家 氏 庭 訓 在 三吴望 鮮 明 不 時 克 踰 由 仕 族 規 禮 不 矩 過 當以 瓏 有萬 七 治 品 家 彭 石之遺 氏 整 自 爲 一肅,至· 瓏 矜式 以 風 後 一今子 焉 江 0

高愈

高

愈

字

紫

芝,

無

錫

人,

忠

憲

公之兄

孫

肉。 人飲 有 扶 事 取 補 也 掖 親 舍 弟 \mathbb{H} 了; 必 孝 歸 數 有 子 + 嘗曰 · 員, ·, 父 晉 兩 + 歲 遺僮 先後 兄 頃 不 讀 : 皆 士 事 往 侯 忠 性 居 殁 候,己 嗜 帖 憲 好 父母 求自 撫 酒 括 遺 施 其 子 書 子 喪,不内寢,不 立 文 日 每 , 須 道 食 誦 即 所 女,爲之昏 左,俟父出 必 經 有 入錢 Á 向 具 史,謹言行,嚴 不 學之志。 酒 忘溝壑 穀 肉 隨 飲 嫁 手 趨 酒 始 出 輒 家 食 就 後 IIII

> 城 盡 遠 眺 晚 年 可 坐 謂 是 貧 大 而 木 樂 矣 嘗 啜 粥 七 日 尚 子

> > 登

乾 以 官,使諸 中 里人有 不 近 君子人也 隆 講 人,以 欠伸,當暑 瘍 中 學者,好 疾 張 忿争者, 辭 清 督 巽 生習之。 恪]! | 著 語 學 有 撫 道 以 不 尹 司 吴 子 至 裸 道 會 饋 有 日 學 弟 跣 愈 以 周 檄 相 前 以 不 根皮,不受。 與 禮 有 ^ 攻 加 輒 人 小 **×**, ≪ 擊 司 八食,不 訶 慚 學 延 斥。 朱 注 獨 愧 主 子 於 而 越 東 終 頒 平 小 去。 愈 林講 簋 日 行 學 居 皆 下 静 於 時 注 和 \Box 坐 席 學 易 縣

顧培

效。 之, 命 後從宜興 顧 棄 培 舉 ·; 字 子 畇 業, 湯之錡問 滋 事 無 胎 錫 息 學, 人。 導 幡 引 少 然改 之 多 術 病 E 行 其 之 道 13: 有 在 憂

Д

甚衆。 釋 詣 請 於 Ш 也 人 奠先 東 益 默 居 倫 一之錡 ,往復千言,清 者 林 識 以 庶 「,教 春、秋 延 講 師 未 物 習 敞,晨夕講 歾,有 學 發 而 以 之中,悟 大會 른 默 疑 禮 弟子 識 歌 静 於 甚 大原,實體 恪不 詩 坐 矣 Ш 貫,守高忠憲静坐之説 金敞傳其學。 歲歲 非 性 居, 哉 能難 善之旨,四 入德之方, 以 1 復行 爲 也。 協倫物。 吾 常。 忠憲七規,有 白 者之 培暢 張 方來學者 培築 七日後 清 恪 自 忠 共 憲 公 學 私

錢民

侮,慨 乎 聖人之徒。 棄 書學賈。 錢 聞 然日 农民,字子仁,嘉定人。 青 "「世多妄人,求其不妄者,惟 浦 其夕 性拘 有 孔 ラ,夢 謹,言 子 一偉丈夫告之曰:「道之 衣冠 .動以 墓 齊 禮,數 早孤,年十 戒往 爲 祭, 鄉 聖人 願 里 $\stackrel{\cdot}{=}$ 所 爲

> 與友人書曰: 所 往 獻 題 漢 不 由 公知 平. 所 明 以 湖 居 後 由 ,曰:「公從朱子入,民從孔子入耳。」嘗 見之。 嘉 日 書 後 定,從之講 存養,反觀克己,日有 儒 其 可 之説 清 矣。」 獻 亂 與之語,多 學。 既歸,始取 之也。 又 Ŧi. 子 年 不合, 欲 四 放發。 ·, 清 爲 子 學 獻 怪問 ', 屏]讀之, 在 其 去

是所 乎 之知不徧物。』《中庸》曰:『 無 理」,其 朱子以爲學者不可 也,本也; 者,作聖之功 大學》所謂『知本』者,作聖之 1 末。 謂 此未合乎《大學》也 先聖之學,貴 其 病 論 本亂 在 道道 語》 於 也。《中 矣; 無 問 曰:『君子務本,本立 學」, 本; 本 厭末求本,教人但學其末 平 六 亂 後 庸 本 而 也, 末 經 雖聖人亦有 《孟子》曰 求末之治,豈可 兼 注 謂 末 我」, 盡 基 也。 『尊 , 始 也 德 其 而 終 即 誤 性 所不 『堯、舜 道 誠 有 二,先 生。 物 在 正 序 得 知 於 窮

安可 誠, 焉 知 事 。』朱子 得 事 又云『格物者 物 而 物之 誠 教 乎 初 理 ? 學者, 一。如 且. 窮 堯、舜 事 即 此 責 事 則 物 之知 以 意之惑 物 知 之理 不 盡 能 亂 而 徧 滋 致 後 物, 甚 知 意 者, 况 又 可

初

學乎

!

此未合乎《孟子》也。

論 六 經,頗得經旨。 人之田」,終亦必亡而 而 經 紛 注 辯 紛 又言:今之學者,不 朱、 我 焉 其誤 争朱、陸之異同,是謂 陸之異同 即 在 于 物 者 無 已矣。 窮理,其病在 ,何嘗見及此 末」二語 知追求 培之説,以 「舍己 孔、 可 謂 於 哉 孟之實, 田 破 無 的 經 本 而 之 芸 注 ;

勞 史

塾 讀 朱 讀 子《大學》《 書 勞 文史,字 而 力 麟 中 耕 書 庸 以 餘 序》,慨然以 養 姚 父 母 人。 夜 世 則 道自 爲 披 農。 卷 任 莊 少 誦 又 就

山 死 後三 焉。 服其 教,與少 其 直,史巽語 父之 行 不 也 爲,務實 傭 無 在 讀《近思録 之前 遺書》, 逝 送之日 是矣 ! 所 Ι. (教,不 弟子 下隸 年九月, 乎 詔 歸 聞 物。 子 者言 者 作 可 夕, 調 桑 :「我壽 , 遂 ,皆引之向 \$>數過 解 事 史以 莫 去,終身 不 元所刻 調元,自 有 徧 趣 語 戲 紛,無不 不憬 慎 廢 所 争鬭 詣 具 弟 弄 爲天之命我者 哉 職 ~,起立 以 不過 湯沐 親 子 然 學, 也 即 者, 不 汪 錢 友 膺嚴 帖服。 道。 三年, 懈 引 鑒 塘來 鄉之中 設香案稽首 家 令家 其 多 至 接後 飯, 曰:「今月某日,吾 攜 德 即 期 日 譴 謁 人治 恐 : 酒 化 是 而 與老 即 學, 不 ,若君之詔 賢 登 於 殁 論 有 芻 盡 墜家 復相見矣。」 木 宣,求 委 鄉 學 兒 者言 洙 汝 H 飭 著 牧豎 里, 曲 數 : 分 勿 業 泗 喪 有 日 盡 所 之 辩 商 自 所 吾師 即 事 誠 臨 風 當 亦 賈 曲 棄

六

融 殉 氣 至 化之。」史之殁 節 漢 忽風 Ш 鹽 中 戒 П 餘 遇 之曰: 大 姚 得 風 人。 泊 也,鑒實左右 沙 舟 「英氣,客氣 父 渚 Ħ. 死 覆 衆 於 呼 雲 抱 爲 棺 南 孝子。 也。 大 鹽 哭 其 護 誓 以 爲 喪 間 人 以 歸 尚 學 身

朱 澤 澐

從 舍德 物, 學者,其 志 覩」「不聞 更 程 沙 氏《分年日 來 於道,讀《朱子 而 性 獵 道 朱 所 問 而 天文、輿 湘 爲 居 言 學 陶 者, 敬 問 無 莫 程 名 也, 學, 方」、「 離 如 地 澤 矣; 語 徒 朱子 以 諸 即 澐, 矜 録》有得,嘗言世之名朱 爲 無 次 書,窮竟原 其 寶 `, 尊 持 體 讀之, 朱 應人。 窮 於言 學 者 德 理 固 性 也, 閲 1貌,而 昧 如 委。 亦 早 數 是者。 矣。 徒 莫 年 年 汎 如 所 久之,始 而 力 於 濫 爲「不 朱子 學, 略 不知 是 於 徧 名 有 得

> 心, 故 觀 朱 知 存即 子 居 中 存 敬 和 其 窮 之説, 所窮之理 理 二只 其 是 八於《中 初 事 非 窮 庸 有二 即 **>** 之旨 窮 也 其 所 深 存 平

年, 江 疾 于 之 甚 湖 劉 朝 得 吟吟 路不迷。」命家人治後 師 雍 脾 作 Œ 恕 康節 疾 書 六 爲 與 然 年, 直 詩 其 猶 隸 日 詔 弟, Ŧi. : 總 公卿 更起 督, 使 任 先 各 知 經 觀 事 爲 澤澐 舉 生 書, 道 所 死 别 意 知 至 之學行, 心 親 弗 夜 無 友卒。 澤 異, 分 澐 應 不 雖 欲 可 倦 晚 隔 薦 邑

向璿

者數 日 : 「 年二 子》「人之 +月。 向 吾其 璿 餘 時 八遂爲 字 居 有 所 荆 母: \pm 禽 以 喪 山 行 獣 異 九 平 始 Ш 於 者, 陰 閱 禽 人。 文 性 切 潤 成之裔 理 己 者 少 書 悔 幾 攻 過, 希 八 也 心 股 日 開 瞿 不 講 然 寧 讀

書 良 問 知 之學。 難 往 復 璿往 者再,遂致 請 業,聆其言,心有所得 力於王 氏之學。 爲 以

輔 止 美 一,咸 會 中 文以 赴 規 會十 矩。 游 戲 有餘 里 出之,非 人 人, Ħ 每 以 居 月 爲 敬之道,兹不 朔 凝, 一舉,威 璿 作 癡 儀 録 人 進

璿

爲

 \pm

學

有年,後讀程、朱書,心竊

疑

爲 尤。 之。 不 辩 盡 雜 棄 夜必告天 刻 析 故 以 偶 異 其 不 其 畏 異 同 于 學 説。 平. 天,便是罪 書 而 著《志學録》,明其學一本程 肆 日 學 嘗言:「事事 中 焉。 雖 得《高忠憲公年譜》 小 謹 過 過 守 亦自 雒 事 反躬, 閩 責甚嚴, 不反 諸 刻刻畏天。 書,與其 躬 演之, 日 便 之所 涉怨 一、 朱, 徒 遂

子。 字魯望, 言, 亦始宗 疾劇 其弟子有黄 侍 尚讀 父 王 學,後 病 書不輟,人止之,曰:「死,命 勞瘁, 艮 歸 輔 程、 得 程 咯 朱, 登 血 泰。 能 疾, 文 艮 章 稱 輔 爲 字 登 孝 泰 序

宋

知

人也 也 以 學 死 不不 愈于徒 死乎?」二人皆

Ш

陰

黄 商 衡

不 孝子 名,日讀先儒性理書,尤好蕺 爲 香 益 富 貧,或勸之使商衡學賈,曰:「命當 常 刻苦 獲 蘇 文 耶? <u>Fi.</u> 盡 至 詞 農之 州 雋, 子 錘 黄 雞 府 于學。 書者,不 深 商 墮 鳴, 吾不 年 試 理奥,因 擊 遺 衡,字景 時 四 孤 閱 忍墮先人志也。」商 盤 + 夜寢, 流 也。 其 能 鏗 餘 涕 文,曰:「深入顯 此 作 然 淑, 述 節 始 刻 此 久困 作 先 改 13: 文。」拔 補 香 聲 名 人 金 童子 繫 弟 志 即 商 氏 鐵 子 Ш 衡,長 驚覺 行 試 置 錘 員, 《人 課 下 以 第 衡 Щ, 商 貧,改業能 遂 陳 極 起 勖 承 洲 承 衡 無 啚 恪 非 讀 之。 人,黄 銅 13: 夜 説 意 院 勤 熟 盤 功 所 家

481

渠、朱子之緒, 推 衍 爲「又次學人」。 其義,貫 以 輯 論 爲 語 》、《大學》、《 書 題 日 ~ 木 中 學 庸》 録 及 横 自

命

拜 建 激 潛 正 年 二年, 孝節 爲諸 送,尋卒。 旌 詔 典. 先是,孝子卒于 訪 坊 生 五. 窮簷苦節 至 擇 與 + 乾 其 H . 餘 隆 奉 友 年 六 主 數 節 矣, 年, 人 康 人 母 例合請 清 忠孝祠, 煕 其 年十七 於大 二 十 父 復 旌 吏, 以 遽 而 年。 孝 得 具 寡 時 子 疾 以 沈 殁 雍 旌 聞 公德 强 于 IF. 起 謀 得 雍 元 嘗

任 德 成

格言與《 行 大義》, 奉朱 任 德 以 洞 子 明 成 規 先 É 字 相 後 鹿 象 發 洞 元 明 揆之旨。 規 者,合爲 吴 大 江 集 府 居 Á 學 生。 鄉 書 漢 名《 及 勤 篤 明 施 洞 先 於 規 正 儒

> 頗 負 恐 水 置 給之,曰 餓 垣 語 聞 者, 患。 米 1 F 社 去, 人 于 倉 得 見 鄉 也 人, 有 二、此 乃 無 德 人德之。 創 司 鄉 患 于 徧 成, 以 塾,濬 是 告 危 餒 驚 聞 乎? 百 其 道 欲 里 黨 也 賜 萬 竄 夕, 真慎 津 八 頃 吾 相 走, 津 品 步于 江 勿 與 戒 傳 徐 服。 達 更 子 勿 述 之太 「爲!」其 語 庭 米。」 竊 焉 年 之 任 有 饑, 日 湖 手 而 氏 偷 德 量 人 煑 兒 里 其 子 成 吅 粥 方 中 未 頭 斛 毋 踰 食 無

下 天 爲 年 政 使、欲 遺 地 善 「, 守 一十九 間 書,其家以 雍 īE. 浩 此 薦 初, 然 + 兩言 德 無 月 成 詔 所著書上 得 所 口 舉 古 矣。」 疾 愧 賢 辭 良 誡 乃 遂吟 吟 方正 其 릲 之四 罷 子 康 而 鄂 日 乾 庫 節 浙 : 隆 館 詩 文端 三十 勤 云 後 讀 公爲 詔 七 書 俯 採 年 布 天 仰 勉

元 昌

:

不入内 釋乃 之**,** 互 行。 館昌 家子 文名 子,後皆成 他 死 遂 爲 適, 棄 人之 有 己。 後母 子 舉 往 圖 鄧 願苦 相考核。 · 婦 道 處, 謁 子 後得宋五子書讀之, 曰 于 元 後母 性 與與 業, 矣。 昌 家,是 立 守 泣 攜 字慕 暴 撫 請 之講 其子 致力 弟 而 出 於 孤 有 夕 及弟 刻,每怒,元 人禽 兒 元昌,日 濂, 寢 兄 於 論,大喜曰:「吾 論 元元: 於 瞽 學。 學,爲 婦,元昌待之甚厚。 門 贛 中 侕 人 而 昌 雩都 堂 頑,大小 也。 不 亦泣 「感伯之德,誓 日 昌長 知 : 課 程,言 宋昌 「今而後始 省。 少爲諸 其 拜 に配請 子 之。 事 小 啚 哀 與 必 動 友 罪,必 哉 生, 弟 告 Ħ 必 也。 以 記 之 是 弟 不 通 知 有 而

元昌 有 Ш 在 城 南 秋 成 視 穫, 見 貧 人 子

卷

F

矣。 也,不敢慢。」市 學,以爲常。 生。」見有 踴 以 讀 拾 去,始就坐。 能 躍 識 秉 受教。 字,既 奈何! 穗 背 者 誦 衣 使諷 者 招 卒穫. 冠 其至 至 城 之 我 問 井 有 章 南 曰 時, 與 誠 元 人 句 泣 人 女 昌 感人也 見元 羣兒 無 者 又以 穀。 者, 來 少 ! || 昌來,必 嗣 則 長 號 俚 羣 如 後 女 日 皆 日 語 兒 此 先先 視 譬 曉 無 \Box 争 起立, : 穫, 然 趨 我 之, 之, 先 我 羣 生 我 俟 生 鄧 兒 將 羣 始 教 其 客 先 來 歸 兒 女

初,其 南 南 繼 龜 也。 尤 而 Ш 東林 甚。 夫道 記 起 闢 講 者 書 以 學皆切 學 院 日 逮 至 還 始 及 以 : 本 劉 講 於 但 明 朝 于 學,於 汋 濂 辩 時 身 其 溪, 以 論 心 講 下,皆 風 朱、陸、王之異 性 是 而 席 衰 命之旨 白 盛 徧 矣。 南 鹿 於 天 洛、 方之學 下 鵝 爰 閩,自 湖 Á 考 而 百 道 厥 東 相

之,甚 異端。 嘆服 哉! 邵,邵 視朱子爲仇讎; 陸子之言 晦。」觀二子之言,可 惟 及論 小人喻於義利」章,聽者泣下,朱子深 置,此乃教 聞,各行其志而已,初未嘗相争相競也 云 Щ 而 毫私意存乎中矣。 太極、 己 論 尊德性、道問學之互異,亦各尊所 青田 謂 昔朱、陸會於白鹿,象山 亦不 至謂 是 口 而 切 時 爲 無 而 攻 单 非 明之亡不亡於朋黨,不 亦 詞 學相長之義, 豈務 康 極之説,遺書往 發 擊者,並文成 學者隱 無 程 節 費,是爲近名。 明 也。 陸 朱學之徒,又斥陸、王 别 之。 立 子 朱、陸之主敬主 微深痼之病。 見 静,建安亦 其 後 陽明之學,不過 其廓然至公, 幟,然二 之事 爲王學者 來, 以 即 講 功 無 辯 程 詞 以 Ċ 亦 朱 象 難 洛 君 勝 不 静 於 毁 爲 遂 大 元 Ш 爲 無 子 者 不 非 學

> 過矣! 寇盗, 家之異同者 而 藩 Ļ 詮 于 .; 次 陽 無 諸 明之學術。 取 君 焉。 子,於 嘵 吁 曉辯 ! 論三 其言

附

記

沈 或 模

江 成 書院,與管宗聖、史孝咸 之學,當與劉忠 沈 或 模, 字 求如,明 介公證人講 季餘姚諸生。 、史復 會, 講 歸 明 良 而 闢 爲 知 之 姚 文

子曰 東, 説。 殺 人事。 與 日杖殺大憞數人,適國模至,欣 如 山 得 國模瞠目字祁 陰祁忠敏公友善、忠敏 其 情, 則哀 矜 日 而 :「世培亦曾聞 勿喜』乎?」 以 御 然 史 後 述杖 按 曾 忠 江

怒過 敏嘗 明 聞 語 差,負 人曰 忠介死節, 此 : 「吾慮囚 良友也。」崇禎 爲 位 必 「痛哭。 念求 如言, 末, 順治十三年, 屏處 恐倉卒喜 石 浪。

孝

+

四

年卒。

死

於

石

浪。

管宗聖,字霞標,餘

姚

人。

崇禎

史 咸

史孝咸,字子 虚 餘 姚 人。 或 模 殁後, 繼

主

姚

江

書院。

嘗

日

:

良

知

不

真。」

又

人忠,精察力行之,其庶乎!」家貧,日 粥,泊如 曰:「空談易,對 也。 其學以覺 境 難; 悟 居處恭,執事 爲宗,崑山 非 致 葛 敬。 瑞 食 Ŧī. 與

竿頭進 事,足下既 參學有得,通 步,否則 於 書孝咸。 此 藕 有 絲 省 良 復之曰:「人生 縷, 可 慶幸。 亦能絆 人 深 也。」卒 望 惟 百 此 尺

於順治十六年

王 朝 式

禪 會 嘗 學不從 學。 者 與 往 證 Ŧ 忠 朝 往 人 良知人, 社 介嘗致 式 持 , 忠介主 異 字金 同 書 必 如 從 朝 有誠 誠 忠 式 Ш 意朝 介學者多以 其 陰 非 略 人, 所 式 Ë 誠 守 或 之蔽。」 致 模 知 之弟 沈、 史 由 티 : 子 爲 是

之以 之明 儒 儒 也 得 淑 子言禪言,行 龃 龃 諸 快,皆 禪 不 禪 其 每 人,於吾鄉 僕 他 與 忧 ıĿ. 也 生 講 若 也 成 僕 席 然 求 至足下 晚 就 自 如 而 不 禪 得 積 IE. 忖 之斬 世 .; 行 陶 痼 以 未 及 ·志願 先 頓 爲不 可 律 事 悠 截, 生 開 `量,亦 禪 前 悠 之大,骨力之堅 可及者,不問 霞 律, 退 學 輩 (標之) 不 有 老 而 不暇 何 能 淵 師 惘 以 篤 無 源,充 大儒, 然 遽 道 實 疑 是學爲 問 失 其 \vdash 其 子 所 養 幸 諸 爲 至 爲 虚 懷 白 私

> 之傳, 往 若 盡 諸 之過 諸 止 君 於 君 而 世之人納 子自信 不 就 子 也 流 則 口 誠 俗 心迹, 《傳》有 乎 身衡 畏 不, 天 愈 ! 得 命,憫 去就 堅 之大道 量, 然僕 之: 世 聞 諸 之際, 中 有 人 人疑之愈甚 君 二,闖 聖人之道, 窮, 以 子 道而 知 宜 陽明之室, 既 有 足下之必 必 己 溥 Ì, 有 自 濟 是 能 以 信 亦 者從 今將 自 矣 接 世 爲 諸 處 孔、孟 之 之。 彼 亦 君 永 矣。 願 子 安 而 拒

行。 書, 考,大約在 走 朝 四 式 亦不 尋 忠 方 人 卒, 嵊 介所 求 辩 奇 賑 順治 年 傑 粟 稱 亦 三十八。 之士, · 全 不 陶 初也 愠 先 活 生, 謀 甚 崇禎 衆。 治 朝 陶 安 式 奭 + 戰 時 卒 龄之 年 守 天 之 也。 之 浙 下 年 策 大 中 月 朝 亂 大 式 無 不 果 將 口 得

不

爲

此

也

原,儒 公,即 性 世法 氏 嚴 出 居吴下,隱 入儒 爲宗,誠能見 子 Ш 福 宗, 孫 公。 先生 吴 輒 欲占 佛 佛 人 解 住 所 公本 諱 互争,子 所 悟 於卜。 揚 起 爲 H 稱 州 乃大喜日 己 滕 九性,何 鳳,字家三。 來 不二 法 産 縣 矣。 雲寺。 欲 得錢,資 諸生 和 見 倚 儒 尚 儒 勢 佛 : 也 者身 末 鳴官。 寺 厭 之有 先 少 棄 有 生從 法 間 説 孤 謝 世 衆 與 法, 福 太 法 依 先 師 生 公見 傅 生 要 舅 不 生 讀 出 祠 一之學 以 氏 識 論 家 逐, 見 1 福 # 謝 傳 廣

以 タ 讀 廉 先 生名聞 書 元 先 亮 生 損 百 少 於大 爲 學,爲 目。 長 吏, 洲 高宗 古文詩歌 縣 强先 學 南 生 生 幸 應 紫 與 見稱 召 陽 余古 試 書 於 院 農 呈 時 獻 師 Ш 詩 長 日 汪

附

記

染汙 \Box 則 心 衆。 中 不 取 本 有 可 之 不 無 嘗 范 精氣爲物,游 左 得 所 誨 庚 寧 能 染, 人 右 辰 中 日 逢 識 意 年 舉 原 子 不 眼 於 作聖 矣。」 在 誠 暗侵」之句, 鄉, 魂 111 則有 之基 爲變』,二語 文名 上 或 有 舜居深 一,當 汙矣。 益 問 從 輪 著, Ш 誠 П 長令改之, 盡 Ш 來學者 須 意 之 之矣。 時 知 始 説 氣 此 者, 此 其

人 姊 尋 饑 能讀 曰 : 起 養工 沂 家 以 卒。 妄 州 寒耳,方哀矜之不暇,忍加 書乎? 爲 負 書 夫。 心 藩從 讀書以 院, 尤 人 先 勿 生 責 難 先 得疾歸,筮之不吉, 生 白 天 也 日,藩 生受句讀,方十二齡,即 變 况 妄 性 金 化 彼 見,修 純 未 亦 氣 怒叱 厚 卒 人子 質爲先, 雏 德 前 僕 也,爲 懺 數 居 人, 先生 悔 H 貧 女 訶 書 常 時 女 如 出 責 紙 役 金 周 哉 耶 此 尾 婉 ?」後 者, 代償之, 人之急。 時 氣 Ы 言 諭 質, 哉 逼 開 以 勿 È 于 尚 導 涵

羅有高

張 全 貌、言、 否? 順 也 語 有 動 宋 兵 讀 年 是 敘 子 子: 高 ,遂往見之,自述其 道原爲宋五 書 所 ÷ 授 理 而 乎 臽 藏 羅 即 以 思 家 昔 氣 書 有 便 而 補 同 齊。 張 争 高, 後 物 中 如 諸 舍 辯 子 心 天 能 也 張 庸 生 生 字 子之學,君子也。 慕 達 見范文正 道 生 子,亦 有 **%** 蔑 臺 而 明、聰、 烝 古 甘. 明 原 如 足下 Ш 行之,若有 民 昔豪傑之士,習技 身; 年 曰 : 也。 非 所 瑞 有 學。 寓 能 恭、從、睿 儒 · 兵 公,言 子 久之,人有 金 物 有 者 雩 (法, 自 有 其 所 小 道 都 原 兵 身, 則 尚 安 原 蕭 有 之水 「, 則 况 法, 生 # 問 不 氏 丽 高 而 别 躁 以 公 如 未 道 後 視 聞 也 奇 爲 勇 業 有 閨 張 勿 雩 心 而 聽、 徧 然 偉。 根 門 能 加 子 善 吾 心 都 讀

《主一》二銘,示之曰:「力 門下 潑 書 學 歸 地 下 免 之木, 而 也 了,身亨 旁 乎 地,吾懼 而 自 刑 言 而 ·, 每 容。 戮,不 讀 ! 疾 學 推 滂 焉。 先 有 有 曲 神 沛 而 久之,請 儒書,有 其 陳 證 高 累 明 條 道 尤喜 一,頗多 流 説 聞言 父 擾 泰 暢 雷 也 13: 攘 致 無 明 \Box 餘 公曰: 兄弟幸矣,尚 心 常若 汗 足 湮 道、 : 師 得 流 樂 寒 何 象 有營 浹背,舌 也 夭 子 爲 又 以 後 Щ 扎 教 出 太 謁 之!!于 今察足 之 陽 我 以 所 雷 聰 求 患 明、 作《 寧 縮 此 明 有 了; 如 化 肢 \exists 念 是 濟 持 下 及 # **孿** 受 於 菴 棄 水 敬 氣 其 子 銀 所 天 得 無 成

乘。 三十 口 與 彭 修 嘗言 净業 公子尺木 年, 乾 隆 應 東 <u>二</u>十 閉 順 西 蝎 居 天 七 聖 七 ± 鄉 年, 人, 旬 友 試 (善) 屢 舉 權 讀 出 優 實 彭 首 貢 互 至吴 芝 楞 生 用 庭 嚴 門, 門 先 遂 \forall 生 人 主 庭 參究上 其 之 京 迥 門。 别 師

雅 喜 有 其 又 出 見 ! 歸 遊 宿 戴 篇、文煩 説 惟 名 東 文 自 常 相 原 解 證 之 字 太 者 廣 離 診諸 史 知 録 東, 言 之,非 於 思 書 客恩 京 絶 爲 師 可 平. 訓 以 始 縣 且 詁 \Box 檢 李 不 之 舌 注 文 立 學 争 疏 藻 也 及 官 有 復 舍 釋 爾 性 何

不

落 塘,又之寧波 居 對 月 又 太 頭 念 子 門 門 湖 半 學 佛 伽 安者,館之石 寧 洞 年 三昧 Ш 乃 得 三十七 風 波 庭 禮 發 積 甚峻,屢呈見 何 大士 憤 樂 疑 蝎 年, 有 尋 "; 主 石 頓 本 高 禪 至 公之勝 跫 釋 會 E 百 分?」詰 自 室, 揚 Ш 試 而 年 謂 遂 州 僧 隨 報 解,不許。 至 友 辭 解 高 · 賃 舍 罷 旲 邵 衆 脱 去。 旻寺, 以 下 僧 海 H 起 古 然 後 舍 誦 啚 倒 偕 與 名 德 居 家。 游 主 尺 百 \exists 華 心不 畫 機 之。 宜 二、此 僧 參僧 木 嚴 鋒 夜 黄 度 居 貞 經 死 參 未 海 度 不 1: 是 公 有 上 上 究 幾 又 錢 游 能 照 余 修 \Box

> 下。 與 海 疾 啚 大 人 劇 京 踉 應 試 蹌 歸 不 甫 獲 雋 抵 家 而 得 死 末 疾 復 至 吴

震 代 融,奏刀砉 日 之英, 動 : "。」尺木 汪 上 愛 一帝 可 廬 然 臨 謂 居 師 壇 豪 傾 讀 士: 倒 傑 謂 其《 萬 至 之 有 靈 與 矣。 士 高 拱 法 奮 肅 鏡 乎 又 野 世 百 稱 論 世 尊 其 春 之下, 下 文 秋 降 華 書 希 梵 諸 交 評

公車 之時 道 閉 土。 知 照 \vdash 爲 户 路 月 : 也 宋 求 參究 _0 子 爲 昔 羅 尚 儒之學,不及道 肄 又 日 先 不 訓詁 \Box 與 進 生 知 亦 П : 友 人 士: 光 反 口 可 之學,不 之 人 而 謂 反 其 謂 幾 程 所 不 疲 照 學 天 死 君 可 於 以 佛 下 即 道 原 得,名 津 學 如 在 猛 第 ; 可 路 梁 佛 戴 勇 歸 以了 矣。 者 太 挑 精 學 利 西 危 ·; 爲 史; 燈 之心 矣, 進 哉 方之教,不 當 道 T 文則 必 鐘 何 故 甚 生 往 事 子 1 鳴 死 屢 僕 吾 程 漏 生 耳。 僕 而 不 如 君

勇,愈 者 設 岢 狠 解 縣 於縣 笑 姓 縣 \Box 尋 旭 岢 能 自 名 毁 H 尚 海 亦 Á 役 峰 容 1 何 不爲 圖 將 :「此妄人之所 令、釋之。 詣 疑 寺 此 不答。 不 我 傷 疑 述 必 不 施 其 縣 事 凡 染 顛 羅 父 Ħ. 用 知 令升 夫 老 爲 之心 云 末, 而 母 爲 舉 武 縣 趺 拳 盗 : 學佛 人,非 羈 盜 遺 耶 Ħ 坐其 一日、出 於 耶 令横 能禦强 之告成寺, ·體,不孝莫 堂 捕之,手 ? 所 口 縣 ? 者爲之乎? 見之, 叱 援 盜 王 ? 以 爲 令耶 其 虐,竟肆 清 邵 也 叱之詰之,何以 也。 压暴, 豈 在 净 0 海 ? 一縣堂 仆三人,餘皆 白 在 111 啚 即 當縣 邵 使 大 金易泉,金 仁. 幸 界 桁 以 不 非 海 跪 馬 時, 又 有 信 中 楊 爲 役 豪 啚 不應; 述 海 證 聞 捕 1: 縣 少 大 同 莊 圖 朵 哉?」予 其 時 有 令 其 好 不 縣 在 逃去 事 甚 在 蓮 詰 聞 知 答? 奉化 勇 事 役 曉 耳, 夥 花 鬭 識 其 即 詣 之 É 其

汪愛廬師

尺木居 暢之,人 作,則言 字 Ħ 之,人所不敢言者能言之,人 句摹字擬 空 爲 白 年 太 家 ÷ 孺 111 句 衣 則]1] 大 之 六,試 無 句 所 人 先 \pm 有 間 皆 不 生 人 不 撫 所 思 許之曰:「 至於 也。 根器 二水水 諱 從 及 以 不 爲 離 師 也。 紹 性 成 合, 能 文,數百言立 流 尤工古文,人所 見其《虎邱 海 立。 曲 發 字 花 喜 水 後見 流 者 大紳 開 揮 嘘 月 爲 幼 出 能 之妙 經 氣 於是 員 詩 人 寒山 曲 旨, 成雲 吴 塾 通 之。 題 境 以 就。 縣 壁 涵 讀 陳 有 拾得 (!)王 以 所 詩 諸 非 書, 其 不 泳 不 詩 子 其文在 》, 詫 生 不 若 出 能 道 昂、 口 作 詩,喜其 性 言者 能 \pm 德 光 儒 思 佛 不 少 H 暢者 禄 安 杜 議 事 唐 荆 善 孤 能 少 西 佛 石 Ш 陵 之 能 字 莊 之 此 有 方

萬 而 云 : 先 「讀大紳文、十洲三 涕 生 之志 淋 浪」,先生之志,蓋 不在 此 也 有 島 詩 悉 在 日 在 向上 「消沈 藩 溷 間 一義矣。 文字 矣。」然 海,

權 《二録》、《三録》,當通 争,轇 私 隔 不可通者。」尺木 佛書,有一字一句,悟之十 始 用 三録 量 閡, 此,忽予忽奪 悟 於 於其 》,以 其 世 壯 葛 仿 歲 非 以 明 紛 間 讀 通 既 紜 趙 明 耶 出 謂 而 經 大洲《二通》之作,著《二 莫能 陳 世 趙 讀 似似 居 世 之法。 龍 宋 宋 一之道。 未 +: 是 川文集》,慕其爲人,思見 以 Ŧi. 深 正。 謂 其 子 來 知先 嘗 先 可 書, 儒 又著《 謂 生 乃 通者,不 餘 又 生者 與 之 統 藩 年 論 佛 讀 日 : 「 其 . 始 讀 先生 争, 佛 可 西 可强 書 通 異, 儒 來 儒 者。 吾 四 、梵筴, 贵 録 通 於 + 通 與 無 彼 儒 偈 其 儒 其 讀

人 而 先 生落 曾主· 落 寡 來安 合, 往 建 來 陽 最 書院 密 者, 以 尺 Œ 學教 木 居 諸 士

窟。 事 得 述 眼 不 科 生 不 不王,先生著書,不 校 教官。 其 唐; 舉。 索苕盡 看 方。 試 一,緣 先生於 文,非 孤 明 歲 先生爲 月。 復 往 作《無名先生 饑 卒年 作 巾 兩 所 事 先生有 歌 輟 如 甌 人,不 好 六十 無 \exists 講 此 -也 日 不 歸 好好 八。 身神 有,人欲説 以 先 獧 孟 一傳》 歸 又 好」而 食 生 不 不 Ē 卧 嘗 仙 而 廪 有 狂 莊 閉 人,先 ; 疾 應 耳 ; 歲 先 逝 户 數 先 浙 聽 先 滿 之 習 日 生 生 生講 清 江)壁挂 生 貢太學 實學 静 風 處 吟詩,不 有 П 不 世,不 學,不 失 先 不及 家 П 使 復 Ш 牛 聘 家 未 É 宋 水 有 員 朱 應

彭尺木居士

閾 初,大司 損 尺 木居 目。 馬 芝庭公之四 士,又 早歲 舉於鄉,乾隆 號 知 子 歸 也。 子, 名 己 龄 紹 Η. 躓 升, 成 進士 字允 于户

信 故 碑 收 净業 之,歸 1 世 口 游 儒 建 不 例 外所 洗]。」治古文,言 密 版 गां 弆 人 行, É 選 自 禪 此《 後,一 爲 施 意 有 金 知 著《名 撰 閲《大 心 樹 繩 尤 徴, 菛 紀 石 衣 計 縣 净 功 尺 喜 度 文字。 語 論 施 切屏 訓 土 律 卓 名。 量」, 陸、 不 藏 録 語 棺 臣 森 然 初 惡 就 贵 持 經 事 有物 Ŧ. 去, 然 後 慕 所 口 嘗謂 恤 習。 知 本 戒 狀 一之學。 讀 傳 謂 嫠 洛 之《 此 惟 甚 生 究 談禪之作, 而 於 先 陽 放 哉? 其解《大學》 讀 嚴 出 性 子 ^ 游 文有則。 倉 後 良 生,鄉 儒 賈 古 111 純 日 於 及 頡 世 吏 書 生. 德 好 法 厚 藝」, 其《讀 與薛、 「, 遂 一 篇 述 一之爲 作 書 朱 絶 *\ \!\ 論 有爲 亦 多 熟 非 子 欲 擇 學 家 古本大學》 間 人, 少化之。 汪 宋 格 志 儒 於 玩 亦 素 之文,精 教 功德 言 作 二先 U 物 行 本 物 愛 於 思 食 阚 漢 後 儒 述 喪 有 讀 朝 金 雅 隸 修 訓 掌 鳩 牛 儒 志 石 久 言 U 儒

己

復

禮

天

下

歸

仁.

馬。」仁

非

在

外

也

亦

還

吾

首 有 裨 於 巡 傳 文 \Box :

覆。 憂樂。 民」, 之云者 際 之學,『明 德 是 而 中 大 謂 如 民 自 日 還 學》 視 然之 明 明 明 吾 民 明 鏡 明 明 聽 德。一 用, 德 書, 德 體 物 即 於 於天下』。 非 無 IIII 古 天下」。 吾 言 不 己 在 聖人 視聽 矣。 鑒 盡 外 之矣。 也。 ; 傳 故 如 故 心 民 心 太 下 民 量 憂 \vdash 之 吾 虚 文 民 所 親 學 樂 不 口 周 物 民 也 體 日 無 即 蕩 克 親 親 傳 吾 伙 不

無

明

心

先於 物 無 以 所 知 知知 體 無 此 謂 止 其 知 洗 而 是 外 天 物 已矣。 止 心 無 謂 則 矣。 二知 止。 退 物 也。 藏 無其 至 知 止外 至善』 於 者, 見龍 密 物 無 明 知 者, 所 無 是 知 德 至 是 謂 謂 首 之 明 云 所 謂 乃 德 至 物 者 格 著察,止 見 中 知 也 天 外 自 本 則 然 觀 故 内 之 其 觀 外 道 聖 知 矩 物 其 無 莫

之所

貫

浹

也

淇

澳

也。

無

作

則

無

 \exists

而

好

惡而

己

矣。

獨

而

以

誠

反

身脩』、『家齊』、『國治』、『天下 》、《烈文》,德之所 已矣。 本,家國 莫精 覆於本末之辨, 之至 之 以 所 如 心, 乎 意 形 ; 意 於獨 家還 於 謂 ? 惡惡臭,如 矣。『心 慎之於 焉,是不可 不動於意, 心 無 誠 也」。 天下以身 誠 雖 如 其 意。 家 而 然, 於 其 意 已矣。 獨 廣體 知本 以國 被, 中 心 蓋 是 本 好 無 亂 是 不殺 謂 形 民 得 丽 末 爲 胖 則 還 好 有 吾 謂 反 而 易 終之日 於 不 此 本 平。 或 知 意 色』,言 知者, 作 之於獨,不 能 遽泯 外 止,知 知 於 ,以天下 正 誠 好 而 世也 忘,一 其徵 物, 也, 心 __ 無 身 而 也,慎 二此 意也, 是 無 有 知 止 以 其 進 也。 誠 還 作 作 謂 何 本 則 謂 知 機 由 觀 其意」、「心本無所」, 惡 即本 所,有 『自天子以至於庶人,壹是皆以修身爲 之實也。 於 也。 善 逐末』,卒爲天下僇,本其 也者,所 説 下之志 極 昧 敬孝慈信』,一止也,極 『拂人之性』者 事 也。 本 其 矩 居士蓋 以 自身而 心 知 所不 斯 者,納 也。 知末、『止於至善』、『明 然 謂 而 在 謂 君子 則 「極」 是矣。 可 之『自 無 本 家,自家 意既 學 之於 也 不 陽 先 者 也,『至善』 ; 脩 ·, 豈 慎 明 誠 明 本 宜. 且. 乎德,反 之説 緝 矣, 語 其 無 知 而 矩 齊 熙 也; 性 近 或, 不 所 焉 知 而 敬 而 可 於禪 用 異 在 以 斯至矣,『知本』之 也。 自 已矣。 『大畏民 治 止 推 勿務乎? 其 人 本 事 或 有 廣 哉 極 且 而 明 心 不 而 其 之,如 已矣。 然其言爲 絜 平. 矣,心 德於天下』 天下, 者 在 功 所 焉。 矩』云者 志」,通 不 也 謂 舍 自 本。」 故 可 彼 -意 本 納之

矣,而

其

功

知

至

不

其

然

知

本

此

謂

知

意之動

而

好惡

爲本。

故

反

莫切

於知

其

心

如

其

心

意

意

無

其

意

明

天下,不役其

身還身,

學

無

矩

Œ

也

無

家 還 大司 疑 篇。 之次 É 馬 居 天 云 明 馬 第 居 句 亦各尊 尋卒。 知; 卒後,往 1: 疑 當沉 作《 深 所 於陸 舟 蓼 中 本 其 破 深 · 矣。 庸 語 所 釜 Ш 章 밥 Ŧ 習 又 句 示 血 之學,故 而 有《 静, 疑 른 諸 戰 **≫**, 兄子。 參究 論 番 乾 孟 語 於朱 隆 集註 向 埽 子 久之,又復 F. 几 集註 盡 子不 + 羣 第 疑 **∀**, 魔 **一**義 九 疑 能 年, U 大 無 四

程 在

世 有 艮 嘗 無 ※定名 崩 庭 謂 從 我 江 在 仁,常 昊 以以 者 先 魏 一, 可 門 生 收 字 呕 老 以 有 行。 熟 稱 儒 史才, 人。 立 之。 陸 致 深 於 佩 太 木 喜 陳 童 平,豪氣 史學,尤精二《 鳴 談 壽 子 爲 沈沈 王 試, 師 濟 約皆 之學, 勃 每 勃 試 日 不 不不 必更 謂 以 漢 及 在 書》。 可 爲 世 名, _ 0 仁. 如

喻 티 : 又授 之。 李 是 九食,不妄受人惠。 未 ? 氣浮 千里,而子之心 心 先 廬 日 益 瞿 0 卓吾、紫柏書 庭鹿 : 也 生 困矣。 然下 不 + 在仁 以 之人能 \exists 我不 心不在腔子裏。」 日後 : 僧 陸 : 能體 拜 昔 聞 足 假 王之書。 問 俗,皆 省 \Box 之, 讀 朱子謂 認 爲 僧 書 之日 讀之,感其 己廳 經 子 即 舍讀 日 乎 書。 願受教。」乃 師 從 執 : ? : 吕子伯恭 性 悲 贄 爲子 書, 從此 久之,又問 「省否?」日 孤 氣亦浮矣。 子之學 憤 前 而 門 冷,不 徧 海 此 能 下, 擇 遇, 砥 閲《大 中 何 成 師, 厲 喜 取《 盛 爲之泣 去吕子十 來。 樂見 以 功 讀 廉 莫 之日 稱 藏 業 隅 不 近 史 <u></u> 蓋 其 如 雖 思録 熱 省 「不省。」 乎 書 有 引 下 學 汪 客, 也 又得 以 心 萬 君 所 省

後 下 榻 子 家, 樂 與 先君 子 談 論 自 悲 身

自

嘗

华

旬

授

在

廳

以

汪

愛

頂 道 佛 世 富貴 何 + 矣!」未幾,歸海 不偶 爲 有 在 多憤 餘 天。 年 退 激之言。 胸 而 雖 告 中 衿, 藩 尚 虞 \exists 不 以以]: | 聞 亦 先 能 貧病 有 君 消 定 子 大言, 『秀才』二字 死。 數。 日 : 醍 子學儒 傳 有之: 醐 灌 ",學 學 我

學者 之學 若 言 象 人 也 亦 儒 有 ? Ш 暗 彼 用 相 語 闢 一之學 繼 貴 中 法 委 記 似 録:禪門 蓋宋儒 之尤力 易 矣。 巷 者曰 起 自 分 興,慈湖之言,近於禪矣, Ŧi. 語 得 折而 於渾 色、飲 至儒 之, 言 儒 語 夫既 心 贵 入於佛者,不 同 然 生 録 佛 性 水 禪 闢 可 用 儒者 闢 之分,在 一,禪門 辨 佛,其 門 委巷 以 之, 淄 有 \Box 亦 澠, ൬ 舌 語 語 亦 來 不 毫釐 宋儒 争 其 言 又效之, 録 久 可 自 乎 理 心 矣, 更 知 宋 之間 性 至 僕 姚 語 儒 而 至 微 其 數 É 江. 流 何 録 亦 宋

> 諒 少 佛 禪 學 爲 儒 洲 也 也, 矣。 君子學佛 先生是已。 佛言 讀儒 略 _0 佛 佛,始於楊 儒 人 始 非 本, 如沈、 佛 然尚 :禪言 以儒 其 佛 前 亦 書,不 不 跡 自 後 視 有年 亦高 Á 史諸 始 證 也 而 爲 際 間當考之,後人皆 其 諱 敢 佛,以 慈湖。」然程 於慈 存 斷 佛 - ,明於 性 明之蔽 其 闢 吾之行 君 其 之 純 學 何 子 佛 湖, 真, 所 佛 必 \exists 亦 是 去 亦不 也。 證 斯 近 比 始 不 틴。 來 儒 儒 而 己 口 而 嘗 於 伯 吾之言, 敢 藩 行 릲 矣。 同 伯 是 子 至 如 佞佛,識 謹 也 \Box 之。 \Box 子 也 明 有 香 一: 「儒 守 儒 必 矣。 之 非 聞 言 庭 者 學 是 趙 儒 援 師 禪 \exists 訓 者 儒 談 儒 自 先 儒 援 大 行

:

儒佛 粤雅堂本作「佛儒

0

跋

右

或

朝

宋

學

淵

源

記

一卷、

~

附

記

>

其性 和,冥 湯 堂 學 大 原 欲 卷 文 適 以 復 不 蔽 相 或 情 IE. 撰 口 也 是别異 尚 無 行 朝 一、魏 之所近,詣 偏 此 庸 擿 許、 江 蓋 廢 書, 果 悦 埴 藩 **,** 矯枉過 漢 鄭 敏 甘 撰 厞 儒 之説 捫 學者各尊 諸 而 騎 專 籥 鉅 力之所 忌辛, 百 牆 言 揣 尊 直 公, 餘 之見,亦 訓 燭 集 年 於 以 。 皆 所 詁 是 專, 來, 史宬 矢於 周 聞 丹 宋 殊 自 孔 學 而 持 各 儒 宋儒 當 塗 以 者 非 平. 口 行 專 爲 雋 有 以 素 之 言 影 傳 歸 所 漢 材 訓 也 學, 秀民, 論 知 義 響 故 與 詁 耳 理, 未 鄭 道 隨 亦 附 小

及

₹;

若陸

清

獻

從

祀

孔

庭,史臣

亦

必

有

傳

故

歟

咸

豐

單

寅

夏

Ŧi.

望

後

南

海

伍

崇

曜

謹

跋

?

亦

未

載

亦

見

矜

慎。

至

孫

百

泉,

道

光

間

從

祀

傳 並 則 之意 必。 酉 西 矣 膚 列 孔 閻 諸 先 間 其 ! 卷,《 庭 河 潛 無 其 生 冒 鄭堂專 他 檢 鄭堂 邱 則 此 附記 詩 鋒 至《 討 可 年 多 鄭 語, 苟 文 刃 知 譜 之 非 堂 故 羅 無 宗 **>** 集未之 或 間 褊 書 留 臺 其 讀 、漢學 可 稱 石 卷, 35 粤 也 成 所 者 Ш 取 州 至 是 時 心 久 分 孝 多 見 所 燕 書 鄭 矣。 於 折 而 亦 廉 别 援 也 見 中 載 阮 堂 者 是 觀 何 傳 儒 書記 云云。 文達 學 李 ×, 南 爲 兩 之可 必 人 古 術 天 墨 北 謁 爲 鄭 痛 不 宋 生 人 之論 學 亦 愍 堂 之 耳 詆 無 學 今《 品 者 帝 於 頗 未 之 Ì. 蹈 攢宫, 淵 甲 有 定 李 張 頗 幾 傳 瑕 殊 分 申 違 源 之 天 石 無 近 抵 F. 可 言 本 生 是 Z 州 毛 其 完 隙 臚 不 下

四

鳴

謝

《儒藏》精華編惠蒙善助,共襄斯文,謹列如左,用伸謝忱。

本焕法師

智海企業集團董事長 馮 建

NE·TIGER 時裝有限公司董事長 新先 生 張志峰先生

張貞書女士

壹佰萬元

壹佰萬元

壹佰萬元 壹佰萬元

北京大學《儒藏》編纂與研究中心

本册責任編委 本 册 審 稿 人

甘 孝 劍 雄

趙

新

